

ሉቃስ ፃኣፔ ጎዳ ዩሱስ ኪሪስቶስ ዛሎ ኮዥ ሃይሶ ዓይያ ካር

ሉቃስ ፃኣፔ ኮዥ ሃይሳ፡- ዩሱስ ዛሎ ኬኤዛህ ሙካንዳኔ ጌይንቴ፣ ዩሱስ ዒሰራዔኤሌ ዓሰና ሃሃ ዓሲ ቢያ ዳቁሻያኬ ጌይኬ፤ ያኦሲ ዓያና ዩሱስ ዔኤሌህ «ማንቆ ዓሶም ኮዥ ሃይሶ ኬኤዛንዳጉዲ» ማዔህና ዩይ ኮዥ ሃይሳ ዓሶኮ ዲማ ዲማ ማቶ ሹለዒሳያ ማዔህ ሉቃስ ኬኤዛኔ፤ ሉቃስ ፃኣፔ ኮዥ ሃይሶይዳ ባሺ ዩሱሴኮ ሙኪያ ዛሎ ኬኤዛ ቤርታዲ ዓይያንህና ለሚ ሃሃ ዩሱሴኮ ለካ ጫሪንጮ ዔውቲያ ኬኤዛ ጋፒንያ ዓይያንህዳ ኬኤዛንቴህ ዋዛ ዛላኬ፤ ዩሱስ ለካ ጫሪንጮ ዔውቲህኮ ጊንፃ ኪሪስቶስ ጉሙርቁህ ካኦሺ ዋይቲ ዲጪ ዳልጌቶዋ ዔርዛ ሃይሴ ዳኪንቴዛንህ ማድ ማፃኣፖይዳ ሃኖ ማፃኣፖ ፃኣፔ ዓህ ዛሎና ኬኤዛንቴ።

ኪኢታንቻ ያኦሲ ቦንቾም ማዔ ዓይኑም ዓይናዳህ፣ ዩሱስ ሸይንቴ ዋድና ቆለም ሄንቃ ናኣታ ዒዛ ዛጌህ ኬኤዛ ሃይሴ፣ ዩሱስ ናይ ዓኣዖ ጌኤዥ ማኣሪ ዓኣዳህ፣ ሚጪንታ ሳማራ ዓጮ ዓህና ባይቁ ጴዳና ዓህ ዛሎ ኬኤዛ ሃይሶንህ ሉቃስ ፃኣፔ ኮዥ ሃይሶይዳ ሌሊ ዓኣያኬ፤ ሃኖ ኮዥ ሃይሴሎይዳ ካራፓ ካር ሄላንዳኣና ኮሺ ዳኤፒና ዛጊንቴህ፡- ሺኢዲህ ዛላ፣ ዓያና ጌኤሺ ዛላ፣ ሃሃ ላኣላ ዩሱሴም ማዳ ባኮና ያኦሲ ዓሲኮ ጎሜ ዓቶም ጌይያ ዛሎኬ።

ማፃኣፔላ ዲማ ዲማ ዓርቄ ባኮ

- ዓይያ ካር (1:1-4)
- ማሰካ ዮሃኒሴና ዩሱሴናኮ ሸይንቶና ናኣቱም ዋድ (1:5—2:52)
- ማሰካ ዮሃኒሴኮ ማድ (3:1-20)
- ዩሱሴኮ ዋኣያና ማሰቲያና ፃላሄ ዒዛ ጌሺ ዛጌህ (3:21—4:13)
- ዩሱሴኮ ጌለላይዳ ማድና ዓሶ ቤርታ ፔጋዲያ (4:14—9:50)
- ጌለላይዳፓ ዩሩሳሌሜ ሄላንዳኣና ማዲንቴ ባኮ (9:51 — 19:28)
- ጋፒንያ ቃልሾ ኬላ ዩሩሳሌሜይዳ ሃሃ ኮይሎ ዓጫ ማዲንቴ ባኮ (19:29—23:56)
- ሃይባፓ ዔቄ፣ ጎዳኮ ጴዲያና ለካ ጫሪንጮ ዔውቲያ (24:1-53)

1 ቦንቸንታ ቱዋፒሎስ!
ኑ ባአካ ማዲንቴ ባኮ ዔርዛ ሃይሴ ሃያኮ ቤርታ ሚርጌ ዓሳ ፃኣፔኔ።

2 ዬያ ኮዥ ሃይሶ ኑም ሄሊሴዞንሢ፡- ቤርታፓ ዓርቃዖ ዔያታ ፔ ዓኣፒና ዛጌ ማርኮንሢና ኮዥ ሃይሶ ቃኣሎ ማዶ ማዶዞንሢከ።

3 ዬያጉዲ ሃሣ ታኣኒ ዔቦኮ ዓይፃፓ ዓርቂ ቢያ ባኮ ኮሺ ዛጌሢኮ ጊንፃ ሃይሶ ዋሊ ሄሊሲ ኔኤም ፃኣፓንዳጉዲ ኮሺ ማዒ ታኣም ጴዳኔ።

4 ዬያ ታ ማዶሢ፡- ኔኤኒ ዔሬ ዔራቶኮ ጎኑም ኮሺ ኔ ዔራንዳጉዲ ጌሢከ።

ማሰካ ዮሃንሴኮ ሾይንቶ ዛሎ ከኤዚንቴሢ

5 ሄሮዲሴ ጎዖሢ ዪሁዳ ዓጮይዳ ካኣታዳ ዎዶና ቁኤሳሢ ዓቢያ ዓሳፓ ማዔ፣ ዛካሪያሴ ጌይንታ ቁኤሴ ዓኣኔ፤ ዒዛኮ ማቻ ዓኣሮኔ ዜርፃፓ ሾይንቴያ ዔልሳቤፃ ጎዖሰኬኖከ።

6 ዔያታ ለምዓሢ ፆኦሲ ዎዛሳ ናንጊ ናንጋ ዓሲከ፤ ጎዳኮዎ ዓይሢያና ዎጎና ቦሃሳ ባኣዚ ባኣያና ካፓያከ።

7 ዔልሳቤፃ ዞኦኮታሢሮ ናይ ዔያቶኮ ባኣሴ፤ ሃሣ ለምዖንሢያ ሚርጌና ጋርቹያከ።

8 ፔቴ ከሊ ዛካሪያሴ ጌኤዥ ማኣሮይዳ ማዶ ማዶኒ ዒዛ ከሎ ማዓዛ፣ ዒዚ ፆኦሲም ቁኤሴ ማዒ ማዶ ማዶኔ።

9 ቁኤሶ ማዶ ዎጎ ጎይፆና ፆኦሲኮ ጌኤዥ ማኣሮ ጌሊ ዑንጆ ጨቢሲ ካኣሽኮ ካኣዥ ካኣሽካንዳጉዲ ዒፃሢ ዒዛ ሄሊኔ።

10 ዒዚ ጌኤዥ ማኣሮ ጋርይዳ ዑንጆ ጨቢሳኣና ዳራ ቢያ ዙላ ዔቂ ሺኢቃኔ።

11 ዒማና ፆኦሲኮ ከኢታንቻሢ ዑንጆ ጨቢሶ ቤዞኮ ሚዛቆ ዛላ ዔቂ ዛካሪያሴም ጴዳኔ።

12 ዛካሪያሴያ ከኢታንቻሢ ዳንቃዖ ዲቃቲ ሚርጌና ዒጊጨኔ።

13 ከኢታንቻሢ ጋዓንቴ፡- «ዛካሪያሴ! ዒጊጨፖ፣ ኔኤኮ ሺኢጲፃ ዎይዚንቴኔ፣ ኔኤኮ ማቻ ዔልሳቤፃ ዓቲንቁ ናይ ኔኤም ሾዓንዳኔ፤ ሱንፆዎ ዒዛኮ ኔ ዮሃንሴ ጌሳ ጌሣንዳኔ።

14 ዒዛኮ ሾይንታ ኔኤም ኮሹሞና ዎዛና ማዓንዳኔ፤ ሚርጌሢያ ዒዛኮ ሾይንቶና ዬያጉዲ ዎዛዳንዳኔ።

15 ዒዚ ፆኦሲ ቤርታ ዳኤፒ ማዓንዳኔ፤ ሃሣ ዳጋሢና ማሌ ማሣ ዑሺያ ዑሽካዓከ፤ ሃጊ ዒዚ ዒንዶ ጎጳ ዓኣዖ ዓያና ጌኤዥ ዎልቆ ጋር ጌላንዳኔ።

16 ዲዚያ ዲስራዔኤሌ ዳርይዳፓ ሚርጌህ ጾኦሲ፡ ዔያቶኮ ጎዳህ ባንህ ማሃንዳኔ፤

17 ዲዚ ጎዳኮ ቤርታ ሙኪ ዓያና ዎልቄና ጾኦሲ ማሊያ ኬኤዛ ዔኤሊያሴጉዲ ማዒ ዳር ጎዳም ገእጊሻንዳኔ፤ ዲዚ ዓደንሂና ናኣቶናኮ ዒኖ ፔቲ ማሃንዳኔ፤ ዓይሂንቱዎ ዓሶኮዎ ዒኖ ጾኦሲ ዎዛሳ ናንጊ ናንጋ ዓሶ ባንህ ማሃንዳኔ» ጌዔኔ።

18 ዛካሪያሴ ጋዓንቲ ኪኢታንቻህ ኮራ፡- «ዬይ ባካ ጎኔ ማዓንዳህ ዓይጎና ታ ዔራንዳይ? ታኣኒ ጋርቼኔ፤ ሃህ ታ ማቸኮዎ ለዓ ኮሺ ዓኣዲያኬ» ጌዔኔ።

19 ኪኢታንቻህ ማሃንዳ፡- «ታኣኒ ጾኦሲም ማዳ፣ ጌብሬኤሌኬ፤ ሃያ ኮዥ ሃይሶ ታ ኔኤም ኬኤዛንዳጉዲ ጾኦሲ ታና ዳኬም ታ ሙኬኔ።

20 ኔኤኒ ጋዓንቲ ዎዳ ሂላዛ ኩማንዳ ታኣኮ ጌኤዛ ጉሙርቁባኣሂር ሃይ ታ ኔኤም ኬኤዜ ባካ ቢያ ኩማንዳ ዎዳ ሂላንዳኣና ዳንጋ ባይቁ፣ ጌሰቱዎያ ኔ ማዓንዳኔ» ጌዔኔ።

21 ዬማና ዓሳ ዛካሪያሴ ካፓንቲ፣ ዲዚ ጌኤዥ ማኣራ ኔጌሂር ዓሳ፡- «ዎይቲ ዲዚ ሂኤዶ ሂሊ ኔጌይ?» ጌዒ ማሌኔ።

22 ዛካሪያሴ ጌኤዥ ማኣራፓ ኬሰካያ ዓሶና ጌሰታኒ ዳንዳዒባኣሴ፤ ዬያር ዔያታ ዲዛም ጌኤዥ ማኣራ ጋርይዳ ፔቲ ባኣዚ ጳዴያታህ ዔሬኔ፤ ዲዚያ ዔያቶም ኩቻ ዳዊ ዳዊ ኬኤዛኔ። ዬያይዲ ዲዚ ጌሰቱዎያ ማዒ ዳዔኔ።

23 ዲዚ ማዳ ዎዳ ጋፓዛ ፔ ማኣራ ዳንዳኔ።

24 ዳካ ዎዴኮ ገንፃፓ ዲዛኮ ማቻ ዔልሳቤፃ ጎዳዳያ ደንጎ ዓገኒ ፔ ኬኤፃፓ ኬሰኩዎያ ዳዔኔ።

25 ዲዛ፡- «ጾኦሲ ፔኤኮ ሚጨንቶና ዛገ ሃያ ኮዥ ባኮ ታኣም ማዳኔ፤ ዓሶ ባኣካ ታኣኮ ዓኣ ዳውሲንቶዎ ባይዜኔ» ጌዔኔ።

ዩሱሴኮ ሾይንቶ ዛሎ ኬኤዚንቲህ

26 ዔልሳቤፃ ጎዳዳንቲ ላሃሳ ዓገኖና ኪኢታንቻህ ጌብሬኤሌ ጾኦሲ ኮራፓ ናዚሬቲ ካታዎ ዳኪንቲኔ። ናዚሬቲያ ጌሊላ ዓጮይዳ ዓኣ ካታማኬ።

27 ኪኢታንቻህ ዳኪንቲህ ማይራዎ ጌይንታ ፔቲ ኩሙህ ዉዲር ናይሰኬና ኮራኬ። ዲዛ ዳውቲ ዜርፃፓ ማዔ፣ ዮሴፔ ጎያ ፔቲ ዓሲሰኬያና ጾኦሲንታያኬ።

28 ኪኢታንቻህያ ዲዛ ኮራ ሙካያ፡- «ኔኤኒ ጾኦሲ ኔና ሚርጌና ቦንቼዜሌ! ኔ ኮሺዳ? ጾኦሲ ኔኤና ዎላኬ፤ [ኔኤኒ ላኣሎ ባኣካፓ ዓንጂንቲያኬ]» ጌዔኔ።

1:17 ማሊ. 4:5-6። 1:19 ዳኣኔ. 8:16፤ 9:21። 1:27 ማቲ. 1:18።

29 ዲዛክ ከኢታንቻህ ሃይሶና ሚርጌ ዲቃታዎ፡- «ሃይ ዋዚጉዳ ዔኤሊህዳይ?» ጌይ ማሌኔ።

30 ከኢታንቻህ ዲዛም፡- «ማይራሜ! ያኦሲ ኔና ሚርጌና ቦንቹህሮ ዲጊጨፖ፤

31 ኔ ጎጳዲ ዓተንቁ ናይ ሾዓንዳኔ፤ ሱንጾዋ ኔ ዲዛኮ «ዩሱሴ» ጌይ ጌህንዳኔ።

32 ዲዚያ ጳኤፒ ማዓንዳኔ፤ ፑኡፖ ያኦዛህ ናይያ ጌይንታንዳኔ፤ ጎዳ ማዔ ያኦዛህ ዲዛኮ ዓዶ ዳውቴ ካኣቱሞ ጎይቶ ዲዛም ዲንጋንዳኔ።

33 ዲሰራዔኤሌ ማኣሮይዳ ናንጊና ዲ ካኣታዳንዳኔ፤ ዲዛ ካኣቱሞኮዋ ጋፒንህ ባኣያ ማዓንዳኔ» ጌዔኔ።

34 ማይራሜ ከኢታንቻህ ኮራ፡- «ታኣኒ ኩሙህ ሙዲሮ ናይከ፤ ዓካሪ ዬይ ባካ ዎይቲ ማዓኒ ዳንዳዓይ?» ጌዔኔ።

35 ከኢታንቻህያ ማሃዎ፡- «ዓያና ጌኤሽ ኔ ዑጾይዳ ሙኬም፡ ፑኡፖ ያኦዛህኮዋ ዎልቃ ኔጊዳ ማዒ ኔ ጎጳዳንዳጉዲ ማሃንዳኔ፤ ዬያሮ ኔጊዳፓ ሾይንታንዳ ናዓህ ዲማዴያከ፤ ያኦሲ ናይያ ጌይንታንዳኔ።

36 ኔኤኮ ዲጊኔላ ዔልሳቤፃ፡ ዘኦኤሎ ጌይ ናንጎዛ ሃህ ጋርቹዎ ዓተንቁ ናይ ጎጳዴኔ፤ ዲዛ ጎጳዴንቴ ሃና ዲዛኮ ላሃላ ዓጊናከ።

37 ያኦሲ ባሻ ባኣዚ ፔቴታዎ ባኣሴ» ጌዔኔ።

38 ዩካፓ ማይራሜ ማሃዎ፡- «ያዲታቴ ሃይሾ ታኣኒ ያኦሲም ማዳኤሎከ፤ ኔኤኒ ጌዔህጉዲ ታኣም ማዎንጎ» ጋዓዛ፡ ከኢታንቻህ ዲዘይዳፓ ዲማዲ ዳንዳኔ።

ማይራሞኮ ዔልሳቤፃ ያኦጨዎ

39 ዲማና ማይራሜ ዔልሳቤፃ ያኦጨኒ ዩሁዳ ዓጨ ዲኮይዳ ዓኣ ካታሜሎ ሩኡሪ ዔቁ ዓኣዳኔ።

40 ዘካሪያሴ ማኣሪያ ጌሊ ዔልሳቤፃ፡- «ኮሺዳ?» ጌዒ ዔኤሌኔ።

41 ዔልሳቤፃ ማይራሞኮ ዔኤሊዎ ዋይዜ ዎዶና ዲዛኮ ጎጳይዳ ዓኣ ናዓ ዓጊፂ ዓማሌኔ። ዬማና ዔልሳቤፃ ዓያና ጌኤሽኮ ዎልቆ ጋር ጌሌኔ።

42 ዲዛ ዑኡዘ ፔኤኮ ጳጊዲ፡- «ኔኤኒ ላኣሎ ቢያፓ ዓንጂንቴያከ፤ ኔጊዳፓ ሾይንታንዳ ናዓ ዓንጂንቴያከ፤

43 ታ ጎዳኮ ዲንዳ ታና ያኦጨኒ ሙካህ ሃይ ኮሽካንዳ!

1:31 ማቲ. 1:21። 1:32 2ኛሙ. 7:12-13፤ 16፤ ዒሲ. 9:7። 1:37 ማገሩ. ማፃ 18:14።

44 ከሹዳጎ፣ ጋዓ ኔኤኮ ዔኤሊያ ታዋቂደዛኣና ታኣኮ ጎጶይዳ ዓኣና ዓዋዛና ዓገፂ ዓመጥኤ።

45 ኔኤኒ ያኦሲ ኬኤዜ ባካ ቢያ ኩማያ ማዔሣ ጉሙርቂያና ኔዋዚጉዳ ባሊቲና ዓኣያዳይ!» ጌዔኔ።

ማይራሞኮ ጋላቶ ዓይኑሞ

46 ማይራማ ጋዓያ፡-

«ታኣኮ ሸምፓሣ ጎዳ ቦንቻኔ፤

47 ታኣኮ ዓያና ዳቂሻ ያኣዛሣና ዋዛዳኔ፤

48 ያኦሲ ታና ላኣፖ ማዳዜሎ ዛጌሣሮ

ሃናፓ ዓርቃያ ሸይጎታ ቢያ፡- «ኔ ጋላቲንቴያኮ» ታና ጋዓንዳኔ፤

49 ዓይጎሮ ጌዔቶ ፑኤፖ ያኣዛሣ፣ ዳኤፒ ባኣዚ ታኣሞ ማዳሣሮኬ፤ ሱንፃኣ ዒዛኮ ዲማዳያኬ።

50 ያኦሲ ዒዛ ቦንቻ ዓሶ ቢያ

ሸይጎታፓ ሸይጎቲ ሄላንዳኣና ሚጨንታያኬ።

51 ዒዛኮ ዶዶ ኩጮና ዋልቆ ፔኤሲ ዒ ዳዌኔ፤

ያቶርቃ ዓሶ ዔያቶኮ ማሊያና ዋላ ዳኪ ባይዜኔ።

52 ዳኤፖ ዋይሣ ዓሶዋ ካኣቱሞ ያይታፓ ኬይሴኔ፤

ሂርኬዞንሣ ጋዓንቴ ቦንቹሲ ዳገዴኔ፤

53 ናይዳዞንሣ ኮሺ ባኣዚ ሙኡዚ ሚሾኔ፤

ያርጎጮ ዓሶ ጋዓንቴ ኩቺ ጉሪ ዳኬኔ።

54-55 ዓብራሃሚና ዒዛኮ ዜርያዋ ናንገና ዒ ሚጨንቴ ሚጨንቶ ጳቂሲ፣

ዒዛሞ ማዳ ዒሰራዔኤሌ ያኦሲ ማኣዴኔ።

ሃሣ ዬያ ዒዚ ማዳሣ ኑኡኮ ቤርታኣ ዓዶንሣሞ ዒንጌ ዋዘ ቃኣሎ ኩንሣኒኬ»

ጌዔኔ።

56 ማይራማ ዔልሳቤያና ዋላ ሃይሣ ዓገኒ ማዓያ ዳዔሣኮ ገንፃ ማኣሪ ማዒ ዳንዴኔ።

ማሰካ ዮሃኒሴኮ ሸይጎቶ

57 ዔልሳቤያኮ ሸይያ ዓገና ሄሌሞ ዓቲንቄ ናይ ዒዛ ሸዔኔ።

58 ዒዛኮ ዓሺኖና ዒገኖና ቢያ ጎዳ ዒዛሞ ማዳ ኮዢ ባኮ ዋይዚ ዒዛና ዋላ ዋዛዴኔ።

1:48 1ሳሙ. 1:11። 1:52 ዒኖ. 5:11፤ 12:19። 1:54-55 ማዢ. ማፃ 17:7።

59 ናዓሢ ሸይንቴሰካፓ ሳላሳ ከሎና ናዖኮ ዓቲንቶ ቤርቶ ቲቁያ ዋጎ ኩንሦ ከሎይዳ ዒዛኮ ዓሺኖና ዒጊኖና ሙካዖ ናዓሢኮ ሱንፃ «ዛካሪያሴ» ጌዒ ዓዶ ሱንፃና ጌሣኒ ኮዔኔ፤

60 ዒንዳ ጋዓንቴ፡- «ያዲ ማዓዓኬ፤ ሱንፃ ዒዛኮ «የሃኒሴኬ» ጌዔኔ።

61 ዔያታ ማሃዖ፡- «ኔ ፃጳይዳ ዬያ ሱንፃና ዔኤሊንቴ ዓሲ ዖኦኒያ ባኣንቴሞ?» ዒዛ ኮራ ጌዔኔ።

62 ዬካፓ ዔያታ ዓዶ ኮራ፡- «ናዓሢኮ ሱንፃ ዖና ጌይንታንዳጉዲ ኔ ኮዓይ?» ጌዒ ማላታና ዖኦጮኔ።

63 ዛካሪያሴ ፃኣፖ ባኣዚ ዒዛሞ ዒንጋንዳጉዲ ዖኦጪ ዔከ፡- «ሱንፃ ዒዛኮ የሃኒሴኬ» ጌዒ ፃኣፓዛ ቢያሢ ዬኖ ዛሎና ዲቃቴ ሄርሼኔ።

64 ዬማና ዛካሪያሴኮ ዳንጋ ቡሊንቴ ጌሰታኒ ዳንዳዔሞ ዖኦሲ ጋላቲሢያ ዓርቄኔ።

65 ዬያፓ ዔቁያና ዔያቶኮ ዓሺና ቢያ ዒጊጮኔ፤ ዬይ ሃይሳኣ ዪሁዳይዳ ዓኣ ዲኮ ዓጫ ቢያ ዋይዚንቴኔ።

66 ዬያ ባኮ ዋይዜ ዓሳ ቢያ፡- «ሃይ ናዓሢ ሃጊ ዓይጎ ማዓንዳኣ ናንዳይ?» ሂዚ ጌዒ ጌዒ ዋሊ ዖኦጮኔ። ዬይ ያዲ ማዔሢ ጎዳ ጎኔና ዒዛና ዋላ ዓኣሢሮኬ።

ዛካሪያሴ ከኤዜ ባኮ

67 ናዓሢኮ ዓዶ፡ ዛካሪያሴ ዓያና ጌኤሺኮ ዋልቆ ጋሮ ጌሊ፡-

68 «ዴሮ ፔኤኮ ዓውሳኒ ሙኬሢሮ ዒሰራዔኤሌኮ ጎዳ ማዔ ዖኦከሢ ጋላቲንቶሞ፤

69 ዒዛሞ ማዳ፡ ዳውቴ ዜርፃፓ ዴኤፒ ዳቁሻያ ዒ ከሴኔ፤

70 ቤርታዲ ዖኦሲ ፔ ማሊዖ ከኤዛ፡ ጌኤኮ ዓሶ ዛሎና ከኤዜኔ፤

71 ዬይያ ኦና ዒፃ ዓሶና ሞርኮና ኩጫፓ ኦና ዳቁሻኒ

72 ሃሣ ኦ ዓዶንሢ ማኣ ሚጪንታኒና ዒ ጫኣቄ ጌኤኮ ጫኣቁሞኮ ኩንሣኒኬ።

73 ዬያ ጫኣቁሞ ዒ ጫኣቁሢ ኦ ዓዳሢ ዓብራሃማሞኬ፤

74 ዒዚ ጫኣቄ ዋዘ ቃኣላ ኦኡኒ ሞርኮ ኩጫፓ ከሰከ ዒጊቹሞ ባኣያ ኦ ዒዛሞ ማዳንዳጉዲኬ፤

75 ዬይ ያዲ ማዔሢ፡- ኦኡኮ ናንጎ ዋዶና ቢያ ዖኦሲ ቤርቶይዳ ጌኤሹሞና ፃሉሞና ኦ ናንጋንዳጉዲኬ።»

76 «ሃይ ኔ፡ ናዓሢ፡ ፑኡፖ ዖኦከሢ ማሊዖ ከኤዛሢ ኔ ጌይንታንዳኔ።

1:59 ሉቁ. ዓክ 12:3።

- ጎዳኩ ኔ ጎይታ ገሊሊሻኒ፤ ጎዳኩ ቤርታ ኔ ዓኣዳንዳኔ።
- 77 ጎዳኩ ዳራ ጎዳ ዓይነቱን ጎሞ ዓቶም ገዕዞም
ዓይነቱን ዳቃንዳ ጎይታ ኔ ከኤዛንዳኔ።
- 78 ዓቢ ያርቂ ኦም ፖላሚጉዲ
ጾኦሲኩ ሚጨንቶና ናሹሞና ኦም ሙካኒኩ።
- 79 ዒዚያ ዲሞና ባይሰንቶናም ገሊሊ ዓኣዛንሚም ቢያ ፖላንዳኔ፤
ኦኡኩ ሄዖዋ ኮሺ ጎይሚ ባንሚ ዓከ ዓኣዳንዳኔ።»
- ሂዚ ገዒ ጾኦሲ ማለሚ ከኤዛኔ።
- 80 ናዓሚያ ዲጨ ዒናዳኔ፤ ዒሰራዔኤሌ ዳርሞ ፔጋዲ ጴዳንዳያ
ሄላንዳኣና ዓሲ ናንጉዋ ዳውሎይዳ ዳንዲ ናንጌኔ።

2

ዩሱሴኮ ሸይንቶ (ማቴ. 1:18-25)

- 1 ዩኖ ዋደና ሮሜ ዓጮይዳ ዓኣ ዳሮ ቢያ ፓይዳኒ፤ ሱንፃ ዳሮኩ
ፃኣፒንታንዳጉዲ ሮሜ ካኣቲ ዓውጊሰፃሴ ዓይሂኔ።
- 2 ቤርታዲ ዳሮ ፓይዳኒ ሱንፃ ፃኣፖና ዋደና ቁርኔዎሴ ጎይሚ
ሶኦሪያ ዓጮ ዋይሂያኩ።
- 3 ዩያሮ ፔቴ ፔቴ ዓሳ ሱንፃ ፃኣፒሳኒ ፔኤኮ ዓጮ ካታሞ ካታሞ
ዳንዳኔ።
- 4 ዮሴፔ ጌለላይዳ ዓኣ ናዚሬቴ ካታማፓ ዓቂ ዩሁዳ ዓጮይዳ
ዓኣ ዳውቴ ካታሞ ጌይንታ ቤኤቴሌሂሜ ዳንዳኔ፤ ዓይጎር ጌዔቶ
ዒዛኮ ዜርፃ ዳውቴ ፃጳፓ ማዔሚርኩ።
- 5 ዒዚ ፃኣፒንታኒ ዓኣዳሚያ ጎጳዲ ዓኣ፤ ዒዛኮ ጾኦዘ፤
ማይራሞና ዋላኩ።
- 6 ዓይነታ ላምፖንሚ ቤኤቴሌሂሜ ካታሞይዳ ዓኣንቴ ማይራሞኮ
ሸይታ ከላ ሄሌም።
- 7 ዒኣካ ዒዛኮ ኮይሮ ናዓሚ ሸዓፖ ናይ ዓርቆ ቱርጫና ካንቄኔ፤
ሸኦጫ ዋርቃ ቤዛ ቤሲ ዓይነታ ዳንቄባኣሚር ባይ ሞሰካ፤ ባኣታ ሙፖ
ሙዓ ጎንጋላ ናዓሚ ላይሂኔ።

ቆልሞ ሄንቃ ናኣቶና ኪኢታንቸንሚና

- 8 ዩኖ ዓጮይዳ ካታሞኮ ዙላ፤ ቦኦሎይዳ ቆልሞ ሄንቄ ሞኦሚዳ
ዋርቃ ናይ ዓኣኔ።
- 9 ዒማና ዓይነቱን ጾኦሲ ኪኢታንቸሚ ጴዳም፤ ጾኦሲኮ ቦንቸ ፖላ
ዓይነቱን 0-ፖላሚር ሚርጌና ዓይነታ ዒጊጨ ዲቃቴኔ፤

10 ከኢታንቻሢ ጋሳንቴ፡- «ሃይ ዒንሢ ምይታይ? ዒጊጩፖቴ፤ ዴሬም ቢያ ዴኤፒ ምዛ ማዓ ኮሺ ሃይሴ ታ ዒንሢም ኬኤዛንዳኔ፤

11 ምይዙዋቴ! ሃኖ ደውቴ ካታሞይዳ ዴኤሻ ዒንሢም ሸይንቴኔ፤ ዒዚያ ጎዳ ከሪሰቶሴኬ።

12 ዴያኮ ማላታ ያዲ ማዓንዳኔ፡- ናይ ዓርቆ ቱርጫና ካንቂንቴ ናይ፣ ባይ ባርታይዳ ባኣታ ሙዖ ሙዓ ጎንጋላ ላሂ ዓኣንቴ ዒንሢ ዴንቃንዳኔ» ጌዔኔ።

13 ዴማና ዒያታ ዒሩዋንቴ ሚርጌ ጫሪንቺ ከኢታንቻ ከኢታንቻሢና ምላ ጴዳዖ ያኣሲ ጋላቲሢና፡-

14 «ጫሪንጮይዳ ያኣሲም ቦንቾ ማዖም፤

ሳዖይዳኣ ዒዚ ናሽካ ዓሶም ቢያ ኮሹሞ ማዖም» ጌዔኔ።

15 ከኢታንቻንሢ ዒያቶይዳፓ ዲማዲ ሌካ ጫሪንጮ ዴንዴ ምዶና ቆልሞ ሄንቃ ናኣታ ምሊ ኮይላ፡- «ዓካሪ ቤኤቴሌሄሜ ኑ ዴንዲ፣ ሃሢ ማዔ ባኮና ጎዳ ኑም ፔጋሲ ዳዌ ባኮ ኑ ዛጎም» ጌዔኔ።

16 ዒያታ ዒማና ዑኩና ዴንዳዖ ማይራሞና ዮሴፔና ዴንቄኔ፤ ሃሃ ናዖዋ ባኣቶ ባርታ ባኣታ ሙዖ ሙዓ ጎንጋላ ላሂ ዓኣንቴ ዴንቄኔ።

17 ናዓሢ ዒያታ ዛጌሢኮ ጊንፃ ከኢታንቻሢ ዒዛ ዛሎ ዒያቶም ኬኤዛሢ ዒያታ ማይራሞና ዮሴፔናም ኬኤዜኔ።

18 ቆልሞ ናኣታ ኬኤዜ ባኮ ሞይዜ ዓሳ ቢያ ዲቃቲ ሄርሼኔ።

19 ማይራማ ጋሳንቴ ዴያ ቢያ ባኮ ፔ ዒና ዓርቂ ማላኔ።

20 ቆልሞ ናኣታ ቢያ ባካ ከኢታንቻሢ ዒያቶም ኬኤዛሢ ጉዲ ማዔም ዒያታ ዛጌሢና ሞይዜሢናሮ ያኣሲ ቦንቺ ቦንቺ ሃሃ ጋላቲ ጋላቲ ዒያታ ሙኬ ቤዞ ማዒ ዴንዳኔ።

21 ናዓ ሸይንቴሰካፓ ሳሊ ኬሊኮ ጊንፃ ናዖኮ ዓቲንቶ ቤርቶ ቲቂዖ ምጎ ኬሎና ሱንፃ ዒዛኮ «ዩሱሴ» ጌይንቴኔ። ዩይያ፡- ሃጊ ዒንዳ ዒዛ ጎጳዲዋንቴ ቤርታ ከኢታንቻሢ ዒዛም ጌሄ ሱንፃኬ።

ዩሱሴ ጌኤዡ ማኣሪ ዔኪ ዓኣደናሢ

22 ሙሴ ዔርዜ ምጎ ጎይዖና ዑዖ ጌኤሺዖ ምጋ ጋፓ ኬላ ሄሌሢር ናዓሢ ጎዳም ዒያታ ሺኢሻኒ ዔኪ ዩሩሳላሜ ዴንዳኔ።

23 ዴያ ዒያታ ዓይጎር ማዴይ ጌዔቶ ጎዳኮ ምጎይዳ፡- «ዓቲንቄ ማዔ ቶይዲ ናይ ቢያ ጎዳም ዒንጊንቴ ዲማዴያ ማዖንጎ» ጌይንቴ ፃኣፒንቴሢርኬ።

24 ዴያጉዲ ሃሃ ጎዳኮ ምጎይዳ፡- «ላምዖ ከሬ፤ ማዒባኣቲ ላምዖ ደኣሌ ናይ ሚቺ ዒንጎ ካኣዡም ዒንጋንዳያ ኮይሳኔ» ጋዓሢርኬ።

2:21 ሉዊ. ዓኬ 12:3፤ ሉቃ. 1:31። 2:22 ሉዊ. ዓኬ 12:6-8። 2:23 ኬሲ. ማፃ 13:2፤ 12።

40 ናባሢያ ዑጊ ዶዲ ዶዲ ባኣዳኔ፤ ባናዲያ ዶዳኔ፤ ሃሣ ያኦሲ ባዛ ባንጃኔ።

ዩሱስ ጌኤዠ ማኣርይዳ

41 ዮሴፔና ማይራሞና ሌባ ሌባ ዑሣ ባኣዲያ ቦንቾ ኬሎሮ ዩሩሳላሜ ባኣዲያኩ።

42 ዩሱሴኮ ሌባ ታጳ ላምዖ ማዔም ቤርታ ዔርቲ ጎይዖጉዴያ ዩሩ ቦንቾ ቦንቻኒ ዔያታ ባኣዳኔ።

43 ቦንቾ ኬላ ገፔም ዔያታ ማኣሪ ማዓዛ ዩሱሴ ዩሩሳላሜይዳ ባቴኔ፤ ዮሴፔና ማይራሞና ጋባንቴ ባዚ ባኣኣካ ባቴሢ ዔሪባኣሴ።

44 ጎይዖ ባኣዳ ሳሶና ባዚያ ዎላ ባኣያ ዔያቶም ማሌሢሮ ፔቴ ኬሊ ጎይሢ ጉቤ ዔያታ ባኣዲያ ዔያቶኮ ባጊናና ፔ ላጎና ኮይላ ኮሚ ባዛ ባርቄኔ።

45 ጋባንቴ ዔያታ ባዛ ዴንቃኒ ዳንዳባኣሢሮ ባዛ ኮባ ኮባ ጊንሣ ዩሩሳላሜ ማዔኔ።

46 ሃይሣ ኬሊኮ ጊንፃፓ ጌኤዠ ማኣራ ዔያታ ባዛ ዴንቄኔ፤ ባዚያ ባኣኣካ ዎጎ ዔራ ባሶ ባኣኣካ ዴባ ዔያቶሲ ዎይዚ ሃሣ ያኦጪሢያ ያኦጪኔ።

47 ባዚሰሲ ዎይዛ ባሳ ቢያ ባዚ ማሊ ጳቂሣ ጳቂሢያና ሃሣ ባዚ ማሃ ማሃያና ዛሎሮ ዲቃቲ ሄርቫኔ።

48 ዮሴፔና ማይራሞና ጌኤዠ ማኣርይዳ ባዛ ዴንቄ ዲቃቲ ሄርቫዖ ባንዴላ ባዛ ኮራ፡- «ታ ናባሢያ፡ ባይጎሮ ኔ ኑና ሃያይዴይ? ኔኤኮ ባዶና ታኣና ሜታዲ ኔና ኑ ኮባንቴቱዎይ!» ጌዔኔ።

49 ዩሱሴ ማሃያ፡- «ባይጎሮ ባንሢ ታና ኮዔይ? ታኣኒ ታ ባዶ ማኣራ ማዓንዲያ ኮይሳሢ ባንሢ ዎንዴ ዔሩዎያዳ?» ጌዔኔ።

50 ዔያቶም ጋባንቴ ባዚ ዩይ ጌዔ ባካ ዔርቲባኣሴ።

51 ዩካፓ ዩሱሴ ዔያቶና ዎላ ናዚሬቴ ዴንዴኔ፤ ባኣኣካ ዔያቶም ባዚ ባይሢንታኔ፤ ያዲ ማዓዛ ባንዳ ዩያ ባኮ ቢያ ፔ ባና ባርቃኔ።

52 ዩሱሴ ያኦሲንታ ባሲንታ ዎዛሳያ ማዔኔ፤ ሃሣ ባናዲ ዔጳናኣ ዲጪ ዲጪ ባኣዳኔ።

3

ማሰካ ዮሃኒሴ ኬኤዜ ባኮ (ማቲ. 3:1-12፤ ማር. 1:1-8፤ ዮሃ. 1:19-28)

2:41 ኬሲ. ማፃ 12:1-27፤ ላሚ. ዎማ 16:1-8። 2:52 1ሳሙ. 2:26፤ ኮኣኪ. 3:4።

1 ርምድ ዓጮ ካኣቲ ዲባርዮስ ካኣታዳንቴ ታጳ ደንጋሳ ሌዖና ጳጳጵ ጲላዖስ ጎዖሢ ዪሁዳ ዓጮ፣ ሄሮዲስ ጌሊላ ዓጮ፣ ዬያጉዲ ሃሣ ጌርሲ ፒልጶስ ዲጱሪያሴና ዲራክንዶስ ዓጮ፣ ሊሳኒዮስ ጎዖሢ ዓቢላኒስ ዓጮ ወይሃያኩ።

2 ዲማና ሃናና ቃያፓና ቄኤሶ ቢያሢኮ ሱኡጎንሢኩ፤ ዬማና ዛካሪያሴ ናኣዚ፣ ዮሃንሴ ዓቢ ናንጉዋ ዳውሎይዳ ዓኣንቴ ያኦሲ ዲዛሞ ኬኤዜኔ።

3 ዬያሮ ዮሃንሴ ዮርዳኖስ ወሮ ኮይሎይዳ ዓኣ ዓጮ ቢያ ሃንቲ ሃንቲ፡- «ያኦሲ ዲንሢሞ ዓቶም ጋዓንዳጉዲ ጎሞ ቡኡዲ ቡኡዲ ዋኣያና ማሰቱዋቱ» ጌዒ ጌዒ ዔርዛኔ።

4 ዬይ ያዲ ማዔሢ ያኦሲ ማሊያ ኬኤዛ ዲሲያሴ ዮሃንሴ ዛሎ ቤርታዲ፡-

«ሃይ ዓቢ ናንጉዋ ዳውሎይዳ ሃዚ ጌዒ ጌዒ ዲላታ ዓቢኮ ዑኡሲኩ፤

ጎዳኮ ጎይያ ጌኢጊሹዋቱ፤

ሉኡጎ ጎይያዋ ፒዚሱዋቱ፤

5 ደኦጫዳ ቤዛ ቢያ ኩሞንጎ፤ ዲኮና ጌሜሮና ቢያ ሂርኪ ጎዖንጎ፤ ዋሶ ጎይያኣ ፒኮንጎ፤

ጌኢጊ ኮሺንቲባኣ ጎይያኣ ጌኢጎንጎ፤

6 ዓቢ ቢያ ያኦሲኮ ዳቂሻ ዋልቆ ዛጎንጎ! » ሃዚ ጌዒ ፃኣፒንቴ ጎይያናኩ።

7 ዋኣያና ማሰቶሮ ዲዛ ኮይላ ሙካ ዓሶም ዮሃንሴ፡- «ዲንሢ ሃይ ሸኦዛ! ሙካንዳ ያኣዛሢኮ ጎሪንቶይዳፓ ቶላኒ ዲንሢ ዳንዳዓንዳጉዲ ያኦኒ ዲንሢሞ ኬኤዜይ?

8 ዓካሪ ሃሢ ጎሞ ዲንሢኮ ቡኡዲያ ዔርዛ ማዶ ማዶንዳኣፓ ዓቲም ኑኡኒ ዓብራሃሜ ናኣቶኬ ጌዒ ዲንሢ ዲኖና ሄርሺንቲፖ፡፡ ያኦሲ ሃያ ሸጫፓ ዓብራሃሜ ናይ ማሂ ዔቂሳኒ ዳንዳዓና ማዔሢ ታ ዲንሢሞ ኬኤዛኔ።

9 ሃሢ ሚያ ፃጳፓ ቲቂ ኬኤራኒ ሄርጋ ጌኢጊንቴሢሮ ቃራ ዓኣፒ ዓኣፑዋ ሚሢ ቢያ ቲቂንቲ ታሚዳ ኬኤሪንታንዳኔ» ጌዔኔ።

10 ዴራ ማሃዖ፡- «ሂዳቶ ኑ ዓይጎ ማዶንደይ?» ጌይ ዮሃንሴ ኮራ ያኦጮኩ።

11 ዲዚያ፡- «ላምዖ ማኣዓ ዓኣሢ ፔቲማ ባኣሢሞ ዲንጎንጎ፤ ሙኡዚ ዓኣሢያ ባኣሢሞ ጌሸኮንጎ» ጌዔኔ።

3:6 ዓ.ሲ. 40:3-5። 3:7 ማቴ. 12:34፤ 23:33። 3:8 ዮሃ. 8:33። 3:9 ማቴ. 7:19።

12 ኮርሞ ኮርማ ዓሶይዳፓ ሚኢሾ ቡኩሲ ማዳዘንሢያ ማሰቲያሮ ዒዛ ኮይላ ሙካዖ፡- «ዔርዛሢያ! ኑኡኒሾ፣ ዓይጎ ማድንዶይ?» ጌይ ዒዛ ዖኑጨኑ።

13 ዒዚያ፡- «ዎጎና ዓይሢንቴሢፓ ዑሣ ዓኣሢ ዔካኒ ዖኑጨፖቴ» ጌዔኑ።

14 ሃሣ ፖኦሊሳ ሙካዖ፡- «ኑኡኒሾ፣ ዓይጎ ማድንዶይ?» ጌዔኑ።

ዒዚ፡- «ዓሲ ሚኢሾ ጌኔና ቡሪ ዔኪፖቴ፤ ዖና ማዔቶዎ ሉኡቂ ዎጌና ዓይሢሲፖቴ፤ ዒንሢ ማዳሢ ዛሎ ዒንጎ ሚኢሾ ዒንሢሞ ጊደንጎ» ጌዔኑ።

15 ዓማና ዴራ ቢያ ሚሲሃኮ ሙኪዖ ዎዛና ካፓያታሢሮ ዮሃኒሴ፡- «ሃይ ዓሢ ጎዖንቴ ሚሲሃ ማዓንዳሞ?» ጌዒ ጌዒ ዒኖና ማሌኑ።

16 ዮሃኒሴ ጋዓንቴ ዔያቶሞ፡- «ታኣኒ ዒንሢ ዎኣሢና ማሰካኔ፤ ጋዓንቴ ማሌ ታጊዳፓ ባሼ ሙካንዳኔ፤ ታኣኒ ዒዛኮ ዲርዘ ቱኮ ሱዘታዖ ቡላኒ ኮይሳያቱዎሴ፤ ዩይ ዒንሢ ዓያና ጌኤሺና ሃሣ ታሚና ማሰካንዳኔ።

17 ዒዚ ቆይዳይዳ ዓኣ ሃኣኮ ሶኦራኒ ሶኦር ዓንዶ ኩጫ ዓርቁሢሮ ሶኦሪ ጌኤሺሢኮ ጊንፃ ኮዥ ዓኣፖ ኮናይዳ ዎሃ፣ ዲኢሮ ጋዓንቴ ባይቁዎ ታሚና ሚቻንዳኔ» ጌዔኑ።

18 ዩያጉዲ ሃሣ ዮሃኒሴ ዲማ ዲማ ጎይሢና ዴሮ ዘሪ ኮዥ ሃይሶ ዔያቶሞ ኬኤዜኑ።

19 ጌሊላ ዓጮ ዎይሣ ሄርዲሴ ጋዓንቴ ጌርሲ ፒልጶሴኮ ማቾ ሄርዲያዳ ዔኬሢሮና ማሌ ሚርጌ ፑርታ ባኣዚ ማዳሢሮ ዒዛ ዒ ጎሬኑ።

20 ሄርዲሴም ዩይ ፑርቱሞ ማዳ ቢያ ጊዶ ዒፃም ፑርቱሞይዳ ፑርቱሞ ቃሲሢና ዮሃኒሴ ቱኡዘ ማኣራ ቱኬኑ።

ዩሱሴኮ ዎኣያና ማሰቲያ
(ማቲ. 3:13-17፤ ማር. 1:9-11)

21 ዓሳ ቢያ ማሰቲሢኮ ጊንፃ ዩሱሴያ ማሰቲኔ፤ ዒዚ ዒማና ሺኢቃ ጎይሣ ዓኣንቴ ጫሪንጫ ቡሊንቴሞ፡

22 ዓያና ጌኤሺያ ዶኦሌ ማሎና ማዒ ዒዛ ዑፃ ኬዳኔ፤ ዒማና «ኔኤኒ ታ ኔና ናሽካ ታኣኮ ናዓሢኬ፤ ኔኤና ታ ዎዛዳኔ» ጋዓ ዑኡሲ ጫሪንጫፓ ዎይዚንቴኑ።

ዩሱሴኮ ሸይንቶ ዜርዖ
(ማቲ. 1:1-17)

3:12 ሉቃ. 7:29። 3:20 ማቲ. 6:17-18። 3:22 ማዢ. ማፃ 22:2፤ ዓይኑ. 2:7፤ ዒሲ. 42:1፤ ማቲ. 3:17፤ ማር. 1:11፤ ሉቃ. 9:35።

23 ዩሱሴ ዔርዚያ ማዶ ዓርቃኦና ሌዓ ዒዛኮ ሃይሣታሚ ጉዴያኬ፤ ዒዚ ዓሶም ዮሴፔ ናይ ማላኔ። ዩይያ ዮሴፔ ዔኤሊ ናኣዚ።

24 ዔኤሊ ማቲ ናኣዚ። ማቲ ሃሣ ለዊ ናኣዚ። ለዊ ሚልኪ ናኣዚ። ሚልኪ ዮና ናኣዚ። ዮና ዮሴፔ ናኣዚ።

25 ዮሴፔ ማታቲዮ ናኣዚ። ማታቲዮ ዓሞፄ ናኣዚ። ዓሞፄ ናሆሜ ናኣዚ። ናሆሜ ዔሰሊሜ ናኣዚ። ዔሰሊሜ ናጌ ናኣዚ።

26 ናጌ ማዖቴ ናኣዚ። ማዖቴ ማታቲዮ ናኣዚ። ማታቲዮ ሴኤሜዬ ናኣዚ። ሴኤሜዬ ዮሴፔ ናኣዚ ዮሴፔ ዮዳ ናኣዚ።

27 ዮዳ ዮና ናኣዚ። ዮና ናኣዚ። ሬሴ ናኣዚ። ሬሴ ዜሬባቡሌ ናኣዚ። ዜሬባቡሌ ሳላቲያሌ ናኣዚ። ሳላቲያሌ ኔሪ ናኣዚ።

28 ኔሪ ሚልኪ ናኣዚ። ሚልኪ ሃዲ ናኣዚ። ሃዲ ቆሳሜ ናኣዚ። ቆሳሜ ዔልሞዳሚ ናኣዚ። ዔልሞዳሚ ዔሪ ናኣዚ።

29 ዔሪ ዮሴዔ ናኣዚ። ዮሴዔ ዔኤሊዔዛሬ ናኣዚ። ዔኤሊዔዛሬ ዮራሜ ናኣዚ። ዮራሜ ማፃቴ ናኣዚ። ማፃቴ ለዊ ናኣዚ።

30 ለዊ ሲሞኦኔ ናኣዚ። ሲሞኦኔ ዪሁዳ ናኣዚ። ዪሁዳ ዮሴፔ ናኣዚ። ዮሴፔ ዮና ናኣዚ። ዮና ዔሊያቂሜ ናኣዚ።

31 ዔሊያቂሜ ሜሊያ ናኣዚ። ሜሊያ ማይኔኔ ናኣዚ። ማይኔኔ ማፃቴ ናኣዚ። ማፃቴ ናኣታኔ ናኣዚ። ናኣታኔ ዳውቴ ናኣዚ።

32 ዳውቴ ዒሴዬ ናኣዚ። ዒሴዬ ዒዮሴዴ ናኣዚ። ዒዮሴዴ ቦዔዜ ናኣዚ። ቦዔዜ ሴልሞኔ ናኣዚ። ሴልሞኔ ናዖሶኔ ናኣዚ።

33 ናዖሶኔ ዓሞናኣዳኣቤ ናኣዚ። ዓሞናኣዳኣቤ ራሜ ናኣዚ። ራሜ ዓርኔ ናኣዚ። ዓርኔ ሄፂሮኔ ናኣዚ። ሄፂሮኔ ፔርሴ ናኣዚ። ፔርሴ ዪሁዳ ናኣዚ። ዪሁዳ ያይቆኦኔ ናኣዚ።

34 ያይቆኦኔ ዪሳኣቂ ናኣዚ። ዪሳኣቂ ዓብራሃሜ ናኣዚ። ዓብራሃሜ ታራ ናኣዚ። ታራ ናኮሬ ናኣዚ።

35 ናኮሬ ሴሩጌ ናኣዚ። ሴሩጌ ሬዑ ናኣዚ። ሬዑ ፔሌጌ ናኣዚ። ፔሌጌ ዔቤሬ ናኣዚ። ዔቤሬ ሹላሄ ናኣዚ።

36 ሹላሄ ቃይኒሚ ናኣዚ። ቃይኒሚ ዓርፓክሳዳ ናኣዚ። ዓርፓክሳዳ ሴኤሚ ናኣዚ። ሴኤሚ ኖሂ ናኣዚ። ኖሂ ሳሚሄ ናኣዚ።

37 ሳሚሄ ማቶሳላ ናኣዚ። ማቶሳላ ሄኖኬ ናኣዚ። ሄኖኬ ያሬዴ ናኣዚ። ያሬዴ ሚላሊዔኤሌ ናኣዚ። ሚላሊዔኤሌ ቃይናኔ ናኣዚ።

38 ቃይናኔ ሄኖሴ ናኣዚ። ሄኖሴ ሴቴ ናኣዚ። ሴቴ ዓዳኣሜ ናኣዚ። ዓዳኣሜ ዖኦሲ ናኣዚከ ዔያታ ጋዓኔ።

4

ፃላሂ ዩሱሴ ጌሺ ዛጌሣ
(ማቲ. 4:1-11፤ ማር. 1:12-13)

1 ዩሱሴ ዓያና ጌኤሺ ቢታገቶ ዳሞ ጌሊ ዮርዳኖስ ወራጋ ማዓዛ፣ ዓያና ጌኤሺ ዓሲ ናገጉዋ ዳውሎ ዒዛ ዔኪ ዓኣዳ።

2 ዒኣካ ያይዲታሚ ከሊ ፃላሄ ዒዛ ዛጋኒ ጌሼኔ፤ ዩንሢ ከሎንሢዳ ዓይጎዋ ዒዚ ሙዒባኣሢሮ ጋገገፃ ዒዛ ናይዳ።

3 ፃላሄ ዩሱሴ ኮራ፡- «የኦሲ ናይ ኔ ማዔያታቲ ሂንዳ ሃያ ሹጮ ካሣ ማዓንዳጉዲ ዓይሢ» ጌዔ።

4 ዩሱሴ ዒዛም ማሃዎ፡- «ዓሲ ካሣ ሌሊ ሙዒ ናገጉዋሴ ጌይንቲ ፃኣፒንቲ» ጌዔ።

5 ዩካፓ ፃላሄ ዩሱሴ ፔቲ ዳጌ ቤሲ ከሲ ካኣቶ ዓጮ ቢያ ዓኣፒ ጊኢዳማ ጉዳያና ዳዋዎ ሂዚ ጌዔ።

6 «ሃያ ቢያ ቢታገቶና ቦንቸና ኔኤም ታ ዒንጋንዳ፤ ሃይ ቢያ ታኣም ዒንገንቲያ ማዔሢሮ ታኣኒ ኮዔሢም ዒንጋኒ ዳንዳዓ፤

7 ዩያር ኔኤኒ ታና ዚገ ካኣሽኬቲ ሃይ ቢያ ኔኤም ማዓንዳ።»

8 ዩሱሴ ዒዛም ማሃዎ፡- «የኦሲ፣ ኔ ጎዳ ሌሊ ዚገ ካኣሽኬ፤ ሃሣ ዒዛም ሌሊ ማዳ፣ ጌይንቲ ፃኣፒንቲ» ጌዔ።

9 ዩካፓ ፃላሄ ሃሣ ዩሱሴ ዔኪ ዩሩሳላሚ ዳንዳዎ ጌኤዦ ማኣርኮ ሙሰኩላ ዔቂሲ፡- «ኔኤኒ ያኦሲ ናይ ማዔቶ ሂንዳ ሃይካፓ ለካ ኮኣሚ ከዳ፤

10 ዓይጎር ጌዔቶ ሕና ዔያታ ካፓንዳጉዲ ያኦሲ ከኢታንቸ ዓይሣንዳ፤

11 ቶካ ኔኤኮ ሹጮይዳ ዱቁንቲዋጉዲ ዔያታ ፔ ኩጮና ኔና ዓርቃንዳ፤ ጌይንቲ ፃኣፒንቲ» ጌዔ።

12 ዩሱሴ ማሃዎ፡- « የኦሲ፣ ኔ ጎዳሢ ወይታቲያ ዛጋኒ ጌሺሺሬጉ» ጌይንቲ ፃኣፒንቲ» ጌዔ።

13 ፃላሄ ዩሱሴ ሚርጌ ጎይሢና ዛጋኒ ጌሹሢኮ ገንፃፓ ዳካ ዋዳር ሃሺ ዒዛ ዳንዳ።

ዩሱሴ ዔርዚያ ማዳ ጌሊላይዳ ዓርቁሢ
(ማቲ. 4:12-17፤ ማር. 1:14-15)

14 ዩሱሴ ዓያና ጌኤሺ ዋልቁ ዔኪ ጌሊላ ባንሢ ማዔ፤ ዒዛኮ ሱንፃኣ ዓጮ ቢያይዳ ዋይዚንቲ።

15 ዓይሁዶ ዓሳ ቡካ ቤዘይዳ ቤዘይዳ ዔርዛኣና ቢያሢ ዒዛኮ ዔርዚያር ዒዛ ጋላቲ።

ዩሱሴ ናዚሬቲ ካታሞይዳ ዒዲንቲሢ
(ማቲ. 13:53-58፤ ማር. 6:1-6)

4:4 ላሚ. ዋማ 8:3። 4:8 ላሚ. ዋማ 6:13። 4:10 ዓይኑ. 91:11። 4:11 ዓይኑ. 91:12። 4:12 ላሚ. ዋማ 6:16።

16 ይካገ ይሱሴ ዲ ዲጩ ዓጮ፥ ናዚሬቲ ዳንዳ፣ ዲዚ ቤርታ ማዳ ጎይያ ዓይሁድ ዓሶኮ ሃውሾ ኬሎና ዔያቶኮ ቡኪንቶ ቤዞ ጌሊ ናባባኒ ዔቃዛ።

17 ያኦሲ ማሊያ ኬኤዛ ዲሲያሴ ማፃኣገ ዲዛም ዲንጊንቴም፡ ማፃኣገ ዲ ቡሌ ዎዶና ሂዚ ጌዒ ፃኣፒንቴ ቤሲ ዳንቄኔ፡-

18 «ያኦሲኮ ዓያና ታኣም ዲንጊንቴኔ፤

ይይ ያዲ ማዔሢ ማንቆ ዓሶም ኮሺ ሃይሴ

ቱኡቴዘንሢም ቡሊንቴሢ ሃይሴ

ዓኣገ ባይቄዘንሢም ዛገሢ ሃይሴ ታ ኬኤዛንዳጉዲና

ሄርቄንቴ ዳማ ዎርቃዘንሢ ዓይላታገ ታ ኬሳንዳጉዲ፤

ቢታንቶ ታኣም ዲንጋኒኬ።

19 ይያጉዲ ሃሃ ጎዳ ፔ ዳር ዳቂሻንዳ ዎዳ ሃማታሢ

ታ ኬኤዛንዳጉዲ ታና ዳኬኔ።»

20 ይሱሴ ማፃኣፔሎ ጳንጪ ቤርታ ዔቄ ዓሢም ዲንጋያ ዳዓዛ ዓይሁድ ዓሶኮ ቡኪንቶ ቤዛ ዓኣ ዓሳ ጊዥ ጌይ ዲዛ ዛገሢ ዓርቄኔ፤

21 ዲዚያ፡- «ሃይ ሃሢ ናባቢንታንቴ ዲንሢ ዎይዜ ማፃኣገ ቃኣላ ሃኖ ኩሜኔ!» ዔያቶም ጌዔኔ።

22 ቢያሢ ዲዛ ኮሺ ማሃ ጌሰታኔ፤ ዲ ኬኤዛ ኮዥ ቃኣሎናኣ ዲቃቲ ሄርሻዎ፡- «ሃይ ዮሴፔ ናዓሢቴዎዳ?» ጌዔኔ።

23 ይሱሴ ዔያቶም ማሃዎ፡- « ሃይ ኔ ዳኤሾ ዔራሢ ሂንዳ ኔና ዳቂሾ» ጌይንታ ኮኣኪንሃ ታጊዳ ዲንሢ ኬኤዛንዳሢ ታ ዔራኔ፤ ይያጉዲ «ቁፐርናሆሜይዳ ኔ ማዳኔ ዓሳ ጋዓንቴ ኑ ዎይዜሢ ቢያ ሃይካ ኔ ዓጮይዳኣ ማዳ» ዲንሢ ታና ጋዓንዳኔ» ጌዔኔ።

24 ጎኔ ታ ዲንሢም ጋዓኔ፡- «ያኦሲ ማሊሢ ኬኤዛ ዓሲ ፔ ዓጮ ዓሶ ኮይላ ቦንቺንቴዎሴ፤

25 «ዎይዙዎቲ! ጎኔ ታ ዲንሢም ኬኤዛም፤ ያኦሲ ማሊያ ኬኤዛ ዔኤሊያሴ ዎዶና ሃይሃ ለዔና ላሆ ዓጊኒና ዲርዚ ዎርቁባኣሢር ዓጮ ቢያይዳ ዳኤፒ ናይዚ ኬሰኬኔ፤ ዬኖ ዎዶና ዲሰራዔኤሌ ዓጮይዳ ዜኤሪንዶ ማዔ ሚርጌ ላኣሊ ዓኣንቴ።

26 ዔኤሊያሴ ሲዶና ጌይንታ ዓጮይዳ ሲራጲታ ጌይንታ ጉርዳሎይዳ ዓኣ ፔቲ ዜኤሪንዳሰኬኖ ኮይላ ሌሊ ዳኪንቴያገዳቴም ማሌ ዎ ኮይላኣ ዳኪንቴባኣሴ።

27 ይያጉዲ ሃሃ ያኦሲ ማሊያ ኬኤዛ ዔልሳዒ ዎዶና ዑሢዳ ኬሰካ ዶርዎና ዓርቄንቴ ዓሲ ዲሰራዔኤሌ ዓጮይዳ ሚርጌ ዓኣንቴ

ሶራሪያ ዓጮ ዓሢ ኒዒማኔፓ ዓታዛ ዔያቶይዳፓ ፔቴታዎ ደቁባአሴ»
ጌዔኔ።

28 ዓይሁዶ ዓሶኮ ቡኪንቶ ቤዛ ዓአ ዓሳ ቢያ ዬያ ዋይዛዎ ደጋዲ፥

29 ዬሱሴ ጎቹ ዔኪ ካታማፓ ዙሎ ኬሴኔ፤ ዬና ካታማላ ማዠንቴሢ ዲኬ ዑሰካታሢሮ ዒዛ ዔያታ ጎኦሶ ሃዒ ዳካኒ ኮዒ ዔኪ ዓአዴኔ።

30 ዒዚ ጋዓንቴ ዔያቶኮ ባአኪና ቶሊ ዴንዴኔ።

ፑርታ ዓያና ዓርቁ ዓሲ

(ማር. 1:21-28)

31 ዬካፓ ዬሱሴ ጌለላ ዓጮይዳ ዓአ፥ ቁፐርናሆማ ካታማሎ ዴንዲ ዒአካ ዴር ዓይሁዶ ዓሶኮ ሃውሾ ኬሎና ዔርዛኔ።

32 ዒዚ ቢታንቶና ኬኤዛሢሮ ቢያሢ ዒዛኮ ዔርዚያና ዲቃቴ ሄርሻኔ።

33 ዒአካ ዓይሁዶ ዓሶኮ ቡኪንቶ ቤዛ ፑርታ ዓያና ዓርቁ ዓሲ ዓአኔ፤ ዒዚ ዴኤፐ ዑኡሲና ሃዚ ጌዒ ዒላቴኔ፡-

34 «ናዚሬቶ ዬሱሴ! ኑኡኮ ኔኤና ዋላ ዓይጎ ካአሚሢ ዓአይ? ኑና ኔ ባይዛኒ ሙኪያ? ኔ ዎና ማዔቴያ ታ ኔና ዔራኔ፤ ኔኤኒ ዴማዴያ ዎኡሲ ናይኬ!»

35 ዬሱሴያ ማሃዎ ፑርቶ ዓያናሢ፡- «ዚቴ ጌዒ፥ ሃያ ዓሢፓ ኬሰኬ!» ጌዒ ጎራዛ፥ ፑርቶ ዓያናሢ ዓሢ ዴርኮ ቤርታ ሎንሄሰካፓ ፔቴታዎ ዔኤቢ ዎኑቱዋዎ ኬሰኬኔ።

36 ቢያሢ ዲቃቴ ሄርሻዎ ዋሊ ኮይላ፡- «ሃይ ዎዚጉዴ ባአዚዳይ? ቢታንቶና ሃሢ ዋልቁና ፑርቶ ዓያኖ ዒዚ ዓይሣኔ፤ ዔያታኣ ዒዛሞ ዓይሢንቴ ኬሰካኔ» ጌዔኔ።

37 ዬሱሴኮ ሱንፃ ዬኖ ዓጩሎ ኮይሎይዳ ቢያ ዋይዚንቴኔ።

ዬሱሴ ሚርጌ ሃርጊንቴ ዓሶ ፓሢሢ

(ማቴ. 8:14-17፤ ማር. 1:29-34)

38 ዬሱሴ ዓይሁዶ ዓሳ ቡኪንታ ቤዛፓ ዔቁ ሲሞኦኔ ማአሪ ዓአዴኔ፤ ዒአካ ሲሞኦኔኮ ባይሳ ሚርጌና ቆፂንጎቴ ላሂ ዓአኔ፤ ዬያር ዒዛ ዒ ፓሢንዳጉዲ ዬሱሴ ዔያታ ሺኢቁኔ።

39 ዬሱሴያ ዒዛ ባንሢ ዑካዎ ዓጫ ዒዛኮ ዔቁ ቆሢ ሸማንዳጉዲ ዓይሣዛ ቆሢ ዒዛኮ ሸሚሞ ቤዘማና ዔቁ ዒዛ ዔያቶ ሸኦቹንሥሢ ዓርቁኔ።

40 ዓባ ጌላኣና ዓሳ ዴማ ዴማ ሃርጌና ዓአ ዓሲ ቢያ ዬሱሴ ባንሢ ዔኪ ሙካዛ፥ ዒዚ ፔቴ ፔቴሢኮ ዑፃ ኩጮ ጌሢ ፓሢኔ።

41 ፑርቶ ዓያናኣ፡- «ኔኤኒ ሆኑሲ ናኣዚቲ!» ጌሲ ጌሲ ዒላቲና ዓሰይዲፓ ሃሺ ኬሰካኔ።

ዒዚ ማሰህ ማዕሚያ ዔያታ ዔሬኔ፤ ዩሱሴ ጋዓንቴ ዒዛ ዛሎ ፔቲታፆ ኬኤዙዋጉዲ ዔያቶ ጎሪ ላኣጌኔ።

ዩሱሴኮ ጌሊላይዳ ዔርዚያ
(ማቴ. 4:23-25፤ ማር. 1:35-39)

42 ሳዓ ካራዛ ዩሱሴ ዒኢካፓ ኬሰኪ ዓሰባኣ፡ ዔዌ ቤሲ ዴንዳዛ ዓሳ ዒዛ ዒማና ኮዓኔ፤ ዔያታ ዒዛ ዴንቃፆ፡- «ኑ ኮራፓ ዴንዲፖ» ጌሲ ሺኢቄኔ።

43 ዒዚ ጋዓንቴ፡- «ሚሌ ካታሞ ታ ዴንዲ ሆኑሲ ካኣቱሞ ኮዦ ሃይሶ ኬኤዛንዳያ ታኣሞ ኮይሳኔ፤ ታ ዳኪንቴህ ዩያርኬ» ጌዔኔ።

44 ዩያር ዪሁዳይዳ ዓይሁዳ ቡካ ቤዞ ሃንቴ ሃንቴ ዒ ዔርዜኔ።

5

ዩሱሴ ቤርታሳ ዒዛኮ ጊንፆ ሃንታዘንህ ዔኤሌህ
(ማቴ. 4:18-22፤ ማር. 1:16-20)

1 ፔቲ ኬሊ ዩሱሴ ጌንሴሬፆ ጌይንታ ዴኤፖ ፄኤር ዓጩ ዔቂ ዓኣንቴ ሚርጌ ዓሳ ዒዛ ባንህ ሙኪ ሆኑሲኮ ቃኣሎ ዋይዛኒ ቱቸንታኔ።

2 ዒዚያ ባዞ ዓጩይዳ፣ ሳፆኮ ዑኬ ዔቄ፣ ላምፆ ዋኣሂና ፒንቆ ጎንጊ ዴንቄኔ፤ ሞላህ ዓርቃዘንህ ጋዓንቴ ዋኣፆና ፒንቆ ጎንጋፓ ኬዲ ዔያቶኮ ሞላህ ዓርቆ ሮኦጮ ማላ ሱዞ ማሰካኔ።

3 ዩሱሴ ዋኣፆና ፒንቆ ጎንጎንህዲፓ ፔቲዞ፡ ሲሞኦኔሬሎይዳ ጌላፆ ሲሞኦኔ ኮራ፡- «ሃና ዋኣፆና ፒንቆ ጎንጌሎ ሳፆ ኮራፓ ባዞ ሳዞ ባንህ ታኣሞ ዶጪሴ» ጌዔኔ። ዩካፓ ዋኣፆና ፒንቆ ጎንጌሎይዳ ዴዒ ዴር ዔርዚህ ዓርቄኔ።

4 ዒ ኬኤዛ ባኮ ፓፒሴህኮ ጊንፆ ሲሞኦኔ ኮራ፡- «ዋኣፆና ፒንቆ ጎንጌሎ ሴካ ባዞ ሳዞ ጌልዚ ኔኤኒ ኔኤኮ ላጎንህና ዋላ ሞላህ ዓርቃኒ ሮኦጮ ማላ ሱዞ ዋኣፆይዳ ዓጉዋቲ» ጌዔኔ።

5 ሲሞኦኔ ማሃፆ፡- «ዔርዛህዮ! ዋንቴ ሳዓ ካራንዳያ ሄላንዳኣና ዓርቃኒ ኮዒ ሚርጌ ኑ ላቤፆ ፔቲታፆ ዓርቁባኣሴ፤ ኔ ጌዔቶ ጋዓንቴ ሃይሾ ሱዞ ኑ ዓጋንዳኔ» ጌዔኔ።

6 ሮኦጮ ማላ ሱዞ ዔያታ ዓጋፆ ሱዞ ማኣማንዳያ ሄላንዳኣና ሚርጌ ሞሎ ዓርቄኔ።

5:3 ማቴ. 13:1-2፤ ማር. 3:9-10፤ 4:1። 5:5 ዮሃ. 21:3። 5:6 ዮሃ. 21:6።

7 ይያር መጫ ዋኦኛና ፒንቆ ጎንጎይዳ ዓኣ ዔያቶኮ ላጎንሢ ሙኪ ዔያቶ ማኣዳንዳጉዲ ኩቻ ወቲ ዔኤላዛ፣ ዔያታ ሙኪ ላምዖ ዋኦኛና ፒንቆ ጎንጋ ዔኤዲንታኒ ዑካንዳያ ሄላንዳኣና ሞላሢ ዓርቂ ጎንጎ ኩንሣኔ።

8 ሲሞኦኔ ጎዖ ጳጳርሴ ይያ ዛጌ ዎደና ዩሱሴኮ ቤርታ ጉምዓቲ፡- «ታ ጎዳሢዮ! ታ ጎሜ ዓሲ ማዔሢሮ ታ ባንሢ ኔ ዑኪፖ» ጌዔኔ።

9 ይያ ዒ ጌዔሢ ዒዛንታ ዒዛና ዎላ ዓኣ ላጎንሢ ቢያ ዓርቂ ሞላሢ ሚርጉሞይዳፓ ዔቁያና ሚርጌና ዲቃቲ ሄርሼሢሮኬ።

10 ይያጉዲ ሃሣ ሲሞኦኔኮ ላጎንሢ ማዔ ዜብዲዮሴ ናኣቶንሢ፣ ያይቆኦቤና ዮሃኒሴናኣ ዲቃቲ ሄርሼኔ። ዩሱሴ ሲሞኦኔ ኮራ፡- «ሃይ ኔ ዎይታይ! ዒጊጨፒ፣ ሃካፓ ሴካ ኔ ዓሲ ፒሪ ዓርቃያ ማዓንዳኔ» ጌዔኔ።

11 ዔያታ ዋኦኛና ፒንቆ ጎንጎንሢ ሳዖ ባንሢ ዑኪሲ ዔቁሴሰካፓ ቢያ ባኮ ሃሺ ዩሱሴ ጊንፆ ሃንታያ ማዔኔ።

ዑፃ ኬሰካ ደርዓሢና ዓርቂንቴ ዓሲ ዩሱሴ ፓሣሢ
(ማቲ. 8:1-4፤ ማር. 1:40-45)

12 ፔቴ ኬሊ ዩሱሴ ካታሞይዳ ዓኣንቴ ፔቴ ዑሢዳ ኬሰካ ደርዓ ዑፆ ባይዜ ዓሲ ዒዛ ኮራ ሙኬኔ፤ ዒዚ ዩሱሴ ዴንቃያ፡- ባሊቲና ሳዓ ሎኦሚ፡- «ኔ ኮዔቴ፣ ታና ጌኤሻኒ ዳንዳዓኔ» ጌዒ ሺኢቁኔ።

13 ዩሱሴያ ስጦጦና ዒዛኮ ዑፆ ፒፃዖ፡- «ጌኤሽኬ! ኔ ጌኤሽካንዳጉዲ ታ ኮዔኔ» ዒዛም ጋዓዛ፣ ቤዞማና ዓሢ ዑፆ ኬሰኔ ደርዓሰካፓ ጌኤሽኬኔ።

14 ሄሊሳዖ ዩሱሴ ዒዛም ሂዚ ጌዒ ዓይሣኔ፡- «ሃያ ባኮ ዖኦማኣ ኬኤዚፖ፤ ጋዓንቴ ዴንዲ ኔና ቁኤሳሢም ዳዊ፤ ዴሮም ማርካ ማዓንዳጉዲ ኔኤኮ ጌኤሽኪዖ ዛሎ ሙሴ ዓይሣ ዖኦሲም ዒንጎ ባኮ ዒንጌ።»

15 ይማፓ ዩሱሴኮ ሱንፃ ቤርታኣሰካፓ ባሺና ዎይዚንቴሢሮ ሚርጌ ዓሳ ዒዛሲ ዎይዚና ፔኤኮ ደርዓሰካፓ ዳቃኒ ኮዒ ዒዛ ኮራ ቡካኔ።

16 ዒዚ ጋዓንቴ ቢያ ዎዴ ፔኤሮ ሌሊ ዔዌ ቤሲ ዴንዲ ዴንዲ ሺኢቃኔ።

ዩሱሴ ዎቦ ዓሲሰኬያ ፒሼሢ
(ማቲ. 9:1-8፤ ማር. 2:1-12)

17 ፔቴ ኬሊ ዩሱሴ ዔርዚያይዳ ዓኣንቴ ፔርሴ ዓሰና ሙሴ ዔርዚ ዎጎ ዔርዛ ዓሳ ዒዛ ኮይላ ዴዒ ዓኣኔ፤ ዔያታ ጌሊላና ዪሁዳ

5:14 ሉዊ. ዓኬ 14:1-32።

ጉርድናይዳ፡፡ ይያጉዲ ሃሣ ይሩሳላሜ ካታማፓ ሙኬያከ፤ ዩሱሴ ሃርጊንቲ ዓሶ ፓሣንዳጉዲ ያኦሲ ዒንጌ ዋልቄ ዒዛና ዓኣኔ።

18 ዒማና ፔቲ ዋሶ ዓሲ ሃሎና ኬዳ ዓሲ ዩሱሴ ኮራ ዒዚ ዓኣ ቤዘ ሙከ፤ ዩሱሴ ዓኣ ኬኤፆ ጌልዚ ዒዛኮ ቤርታ ጌሃኒ ኮዔኔ፤

19 ጋዓንቲ ዴርኮ ሚርጉማፓ ዔቁያና ዋሶ ዓሣ ጋሮ ዔኪ ጌላኒ ዔያቶ ባሼሣሮ ማኣሮኮ ዑቆ ዔኪ ጊዓፆ ማኣሮኮ ሄላሣዳ ከሰከኔ፤ ዩካፓ ሳኮ ሻሂ * ዋሶ ዓሣ ሃላሣና ዋላ ዩሱሴኮ ቤርታ ኬይሴኔ።

20 ዩሱሴ ዔያቶኮ ጉሙርቁፆ ዛጌ ዋዶና ዋባሣሞ፡- «ዔኤዛይ! ኔኤኮ ጎማ ዓቶሞ ጌይንቲኔ» ጌዔኔ።

21 ሙሴ ዔርዜ ዋጎ ዔርዛ ዓሶና ፔርሴ ዓሶና፡- «ያኦሲ ጫሽካሣ ሃይ ያናዳይ? ጎማ ዓቶሞ ጋዓሣ ያኦሲዳፓዓቲሞ ማሌ ያናዳይ?» ጌዒ ጌዒ ማሌኔ።

22 ዩሱሴ ዩያ ማሊፆ ዔያቶኮ ዔራፆ፡- «ዒንሣ ዒኖና ዓይጎሮ ዩያ ጌይ ማላይ?»

23 ማዓዛ ሳማ ኔኤኮ ዓቶሞ ጌይንቲኔ» ጌይሣና ሳቁ ዴንዴ ጌይሣናይዳፓ ዋና ሹሌዓይ?

24 ጋዓንቲ ዓሲኮና ዓሣ ሳፆይዳ ጎሜ ዓቶሞ ጋዓኒ ቢታንቶ ዓኣያ ማዔሣ ዒንሣ ዔራንዳያ ኮይሳኔ» ጌዒ ዋሶ ዓሣሞ፡- «ዔኤዛይ! ኔኤኮ ሃላሣ ኬዲ ዔኪ ኔ ማኣሪ ዓኣዴ!» ጌዔኔ።

25 ዋሶ ዓሣያ ዓሶ ቤርቶይዳ ዔቃፆ ሃላሣ ፔኤኮ ኬዲ ያኦሲ ጋላቲ ጋላቲ ፔ ማኣሪ ዴንዴኔ።

26 ዒኢካ ዓኣ ዓሳ ቢያ ሚርጌና ዲቃቲ ሄርሺ ሃሣ ዒጊጫፆ፡- «ሃኖ ኑ ዓኪ ባኣዚ ዛጌኔ» ጌዒ ያኦሲ ጋላቲኔ።

ዩሱሴ ማቲዋሴ ጌይንታ ሌዊ ዔኤሌሣ
(ማቲ. 9:9-13፤ ማር. 2:13-17)

27 ዩሱሴ ዩካፓ ከሰኪ ዓኣዳንቲ ሌዊ ጎፆ፡ ኮርሞ ኮርማ ዓሶይዳፓ ሚኢሾ ቡኩሳሣ ሚኢሾ ቡኩሳ ቤዛ ዴዒ ዓኣንቲ ዛጋፆ፡- «ሃኒ ታ ጊንፆ ሙከ» ጋዓዛ፤

28 ሌዊ ላዓ ጌዒ ዔቁ፤ ቢያ ባኮዋ ሃሺ ዩሱሴ ጊንፆ ዴንዴኔ።

29 ዩካፓ ሌዊ ፔ ማኣሮይዳ ዩሱሴ ቦንቺ ዴኤፒ ሙኡዚ ጊኢጊሻዛ ዩኖ ሙፆይዳ ሚርጌ ኮርሞ ኮርማ ዓሶፓ ሚኢሾ ቡኩሳ ዓሶና ማሌ ሚርጌ ዓሲያ ዒኢካ ሙከኔ።

30 ፔርሴ ዓሶና ዔያቶ ፆጶፓ ማዔ፤ ሙሴ ዔርዜ ዋጎ ዔርዛ ዓሳ፡- «ኮርሞ ኮርማ ዓሶይዳፓ ሚኢሾ ቡኩሳ ዓሶና ጎሞ ዓሶና ዋላ ዒንሣ

* 5:19 ሳኮ ሻሂ፡- ጋዓዛ ዩኖ ዋዶና ማኣሮ ማኡሣ ሳኪናቱዋንቲ ዓጪ ዲንቁ ዋላ ካንሣ ቆርቆሪንቲኖ ዳልጊሺ ማኣሮኮ ዑቆ ጌሣ ማኡያከ፤ ዩያሮ ማኣሮኮ ዑቆ ከሰኪ ዔቁንታኒ ዳንዳዓኔ ጌይሣከ።

ሙይ ዑሽካሢ ዓይገንዳሮዳይ?» ጌዒ ዩሱሴኮ ጊንፆ ሃንታዞንሢ
ዑፃ ጉንዲሜኔ።

31 ዩሱሴ ዒማና ሂዚ ጌዒ ዔያቶም ማሄኔ፡- «ሃርጊንቲ ዓሲም
ማዓንዳኣፓዓቲም ዋሊ ዓሲም ደኤሻ ዔራ ዓሲ ኮይሱዋሴ፤

32 ታኣኒ ሙኬሢ ጎሞ ዓሳ ጎሞ ፔኤኮ ቡኡዒ ፆኦሲ ባንሢ ማፆም
ዔኤላኒ ማዓንዳኣፓዓቲም ዒሎ ዓሶ ዔኤላኒቱዋሴ።»

ሙያ ሃሺፆ ዳምቦ ዛሎ ፆኦጠንቲ ፆኦጠሢ
(ማቲ. 9:14-17፤ ማር. 2:18-22)

33 ዩካፓ ዔያታ ዩሱሴ ኮራ፡- «ማሰካ ዮሃኒሴና ፔርሴ ዓሶናኮ
ጊንፆ ሃንታዞንሢ ሙያ ሃሺፆ ዳምቦ ካፓኔ ሃሢ ሺኢጲሢያ ዋደማ
ካፒ ካፒ ሺኢቃኔ፤ ኔ ጊንፆ ሃንታዞንሢ ጋዓንቲ ቢያ ዋደና ሙዒ
ዑሽካሢ ዓይገንዳሮዳይ?» ጌይ ዒዛ ፆኦጠኔ።

34 ዩሱሴ ዔያቶም ማሃፆ፡- «ዑኡታሢ ዔያቶና ዋላ ዓኣንቲ ዔፖ
ዓሶም ሙኡዚ ሃሺሢ ኮይሳኔ ጌይ ዒንሢ ማላ?

35 ጋዓንቲ ዑኡታሢ ዔያቶይዳፓ ዲማዳንዳ ዋደ ሙካንዳኔ፤
ዩናና ዔያታ ሙኡዚ ሃሻንዳኔ» ጌዔኔ።

36 ሄሊሳፆ ዩሱሴ ሂዚ ጌዒ ፔቲ ኮኣከንሢ ዔያቶም ኬኤዜኔ፡-
«ዓኪ ዓፒላይዳፓ ዳርዚ ዔኪ ጨሚ ዓፒላይዳ ዓጊ ሰካይ ፆኦኒያ
ባኣሴ፤ ዩያይዳ ዓሲ ዓኣቶ ጋዓንቲ ዓኮ ዓፒሎ ጉሪ ዳዳርዜያ ማዓኔ፤
ዓኮ ዓፒላኣ ጨሞ ዓፒሎም ጊኢጉዋሴ፤

37 ዩያጉዲ ሃሢ ሶልኪ ዑሺ ዋሆ ጨንቁ ፆቲዳ ሺሜ ዑሺ ዋሃይ
ፆኦኒያ ባኣሴ፤ ዩያይዳ ዓሲ ዓኣቲ ጋዓንቲ ሺሜ ዑዣ ፆቶ ዲኡሴም፡
ዑዣኣ ላኣሊንታንዳኔ፤ ሃሢ ፆታኣ ሃይቂ ጉሪ ዓታንዳኔ።

38 ዩያሮ ሺሜ ዑዣ ዓኪ ፆቲዳ ዋሃንዳያ ኮይሳኔ፤

39 ሚርጌ ዋደ ዴዒ ሶልኬ ዑሺ ዑሽካሢ ሺሜ ዑዣ ዑሽካኒ
ኮዑዋሴ፤ ዓይጎሮ ጌዔቶ «ዴዒ ካዒ፡ ሶልኬ ዑሺ ኮሺኬ» ጋዓኔ።»

6

ዓይሁዳ ዓሶኮ ሃውሻ ኬሎ ዛሎ ፆኦጠንቲ ፆኦጠሢ
(ማቲ. 12:1-8፤ ማር. 2:23-28)

1 ዓይሁዳ ዓሶኮ ሃውሻ ኬሎና ዩሱሴ ዛርጌ ጎሺ ጊዴና ዓኣዳንቲ
ዒዛኮ ጊንፆ ሃንታ ናኣታ ዛርጎ ቲሻሢ ዲኡዚ ዔኪ ዔኪ ኩቻ ሺርኪ
ዳይሢ ዓርቄኔ፤

5:30 ሉቃ. 15:1-2። 6:1 ላሚ. ዋማ 23:25።

2 ፔርሴ ዓሰይዳፓ ፔቴ ፔቴዞንሢ ዩሱሴኮ ጊንያ ሃንታ ናኦቶ ኮራ፡- «ዓይሁዶ ዓሰኮ ሃውሾ ኬሎና ማዲንታኒ ኮይሱዋ ባኣዚ ዒንሢ ዓይጎር ማዳይ?» ጌዔኔ።

3 ዩሱሴ ዔያቶም ሂዚ ጌዒ ማሄኔ፡- «ዒዛንታ ዒዛና ዋላ ዓኣ ዓሳ ናይዲንቴ ዋዶና ዳውቴ ማዳ ባኮ ዒንሢ ናባቢባኣዓዳ?»

4 ዒዚ ያኣሲ ማኣሪ ጌሊ ቄኤሶይዳፓ ዓታዛ ማሌ ሙዓንዳጉዲ ዓይሢንቴባኣ፣ ዲማሶና ካያ ዔኪ ሙዒ ዒዛና ዋላ ዓኣ ዓሰማኣ ዒንጌኔ።»

5 ሄሊሳዎ ዩሱሴ፡- «ዓሲኮ ናዓሢ ሃውሾ ኬሎኮዋ ጎዳኬ» ዔያቶም ጌዔኔ።

ዩሱሴ ኩቺ ዋቦ ዓሲ ፓሢሢ
(ማቴ. 12:9-14፤ ማር. 3:1-6)

6 ሃሣ ማሌ ዓይሁዶኮ ሃውሾ ጌሊ ዓቢና ዩሱሴ ዓይሁዳ ዓሰኮ ቡኪንቶ ቤዘ ጌሊ ዔርዚሢ ዓርቄኔ፤ ዒኢካ ሚዛቆ ኩጫ ዋቤ ፔቴ ዓሲ ዓኣኔ።

7 ሙሴ ዔርዜ ዋጎ ዔርዛ ዓሰንታ ፔርሴ ዓሰንታ ዩሱሴ ዋጎና ዓይሢሰንዳ ዳቢንቴ ዴንቃኒ ኮዓዎ፡- «ሂንዳ ዒ ሃያ ሃውሾ ኬሎና ዓሢኮ ኩጫ ፒሻቶ ኑ ዛጎም» ጌዒ ዒዛ ካፔኔ።

8 ዩሱሴ ጋዓንቴ ዔያቶኮ ማሊያ ዔራዎ ኩጫ ዋባሢም፡- «ሃካ ሙኪ ባኣካ ዔቄ!» ጋዓዛ፣ ኩጫ ዋቦ ዓሢያ ባኣካ ሙኪ ዔቄ።

9 ዩማና ዩሱሴ፡- «ሂንዳ ታ ዒንሢ ያኣጭም፤ ዓይሁዶ ዓሰኮ ሃውሾ ኬሎና ዓይሢንቴሢ ኮሺ ማዳ ማዳሢም ፔርታ ማዳሢዳይ? ሃሣ ሸምፖ ዳዳቂሺሢም ባባይዚሢዳይ?» ጌዔኔ።

10 ዩሱሴ ኮይሎይዳ ዓኣ ዓሰ ባንሢ ቢያ ዛጌሢኮ ጊንፃ ኩጫ ዋቦ ዓሢም፡- «ኩጫ ኔኤኮ ፒሺ!» ጋዓዛ፣ ዒዚ ኩጫ ፒሻዛ ኩጫ ፔኪ [ባጎ ኩጫ ጉዲ] ኮሺ ማዔኔ።

11 ሙሴ ዔርዜ ዋጎ ዔርዛ ዓሰና ፔርሴ ዓሰና ጋዓንቴ ሚርጌና ዳጋዳዎ፡- «ዓካሪ ሃያ ዩሱሴ ኑ ዋዎደንደይ?» ጌይ ዋላ ጌሰቴኔ።

ዩሱሴ ታጳ ላምዎ ዳኪንቴዞንሢ ዶኦሪሢ
(ማቴ. 10:1-4፤ ማር. 3:13-19)

12 ዩካፓ ፔቴ ጌሊ ዩሱሴ ሺኢቃኒ ዴኬ ኬሰኪ ዒኢካ ዩዮ ዋንቴሎ ጉቤ ያኣሲ ሺኢቄ ጎይሣ ዋርቄኔ።

6:3 1ሳሙ. 21:1-6። 6:4 ለዊ. ዓኬ 24:9።

13 ዚሮ ጉቴሎ ዒዛኮ ጊንፆ ሃንታዞንሢ ዒዛ ባንሢ ዒ ዔኤላፆ ዒፆቶ ባኣካፓ ታጾ ላሞፆንሢ ዶኦሪ «ዳኪንቴዞንሢ» ጌይ ሱንሢ ጊሢኔ።

14 ዩያታ ሃይፓ ዳማ ፓይዲንታዞንሢ፡- ጲደርሴ ጌይንቲ ሱንፆ ጊሢንቴ ሲሞኦኔና ጌርሲ ዒንዲራሴ፣ ያይቆኦቤ፣ ዮሃኒሴ፣ ፒልጶሴ፣ ቤርቴሌሞሴ፣

15 ማቲዎሴ፣ ቶኦማኦሴ፣ ዒልፒዮሴ ናኣዚ ያይቆኦቤ፣ «ፔ ዓጮ ሚጨንታያ» ጌይንታ ሲሞኦኔ፣

16 ያይቆኦቤ ናኣዚ ዪሁዳንታ ዬሱሴ ዓኣሢ ዒንጌ ዓሰቆርንቶ ዓጮ ዓሢ ዪሁዳንታኦ።

ዬሱሴ ሚርጌ ዓሶ ዔርዜሢሢንታ ዶርዒሢፓኣ ፓሢሢ
(ማቲ. 4:23-25)

17-18 ዬሱሴ ዳኪንቴዞንሢና ዎላ ዲካፓ ኬዲ ቦኦላ ዔቄኔ፤ ዒማና ዒዛ ዓሲ ማዔ ዓሶፓ ሚርጌ ዓሲ ዒኢካ ዓኣኔ፤ ዬያጉዲ ሃሢ ዒዛሲ ዎይዛኒና ሃርጎይዳፓኣ ፖዓኒ ኮዒ ሙኬ ሚርጌ ዓሲ ዓኣኔ፤ ዔፆታ ሙኬሢ ዪሁዳ ዓጮፓ፣ ዬሩሳላሜ ካታማፓ፣ ባዘ ዓጮይዳ ዓኣ ጂርሴና ሲዶና ካታሞናይዳፓኦ፤ ፑርቶ ዓያናና ዓርቂንቲ ማታዳ ዓሳኣ ዒዛ ኮራ ሙኪ ፖዓኔ።

19 ዓሲ ዳቂሻ ዎልቄ ዒዛይዳፓ ኬሰኪ ኬሰኪ ሃርጌ ዓሶ ቢያሢ ፖዒሳያ ማዔሢሮ ዓሳ ቢያ ዬሱሴኮ ዑፆ ካኣማኒ ኮዓኔ፤ ካኣሜ ዓሳኣ ቢያ ዳቄኔ።

ዎዛና ፆዪሢና ዛላ
(ማቲ. 5:1-12)

20 ዬሱሴ ሺሪ ፔኤኮ ጊንፆ ሃንታዞንሢ ባንሢ ዛጋፆ ሂዚ ጌዔ፡- «ፆኦሲ ካኣቱማ ዒንሢሞታሢሮ

ዒንሢ ማንቆ ዓሳ ዓንጂንቴያኦ!

21 ዒንሢ ሃሢ ናይዲንታዞንሢ

ጊንፆፓ ሚሽካንዳሢሮ ዒንሢ ዓንጂንቴያኦ!

ዒንሢ ሃሢ ዬኤካዞንሢ

ጊንፆፓ ሚኢጮንዳሢሮ ዒንሢ ዓንጂንቴያኦ!»

22 «ዒንሢ ዓሲ ናዒሢ ጊንፆ ሃንታሢሮ ዓሳ ዒንሢ ዒፆኣና ሃሢ ሐኡና ፔቴ ማዒፖቴ» ጌዒ ዒንሢ ዲማሳና ጮሽኪ ዒንሢኮ ሱንፆ ፑርቲሶናቴያ ዒንሢ ዓንጂንቴያኦ!»

23 «ጫሪንጮይዳ ዲንሢም ዲንሳንዶ ባካ ዴኤፒ ማዔሢሮ ዩይ ቢያ ዲንሢዳ ሄላኣና ዎዛዲ ኮኣሙዎቲ፤ ዔያቶኮ ዓዶንሢያ ቤርታ ያኦሲ ማሊያ ኬኤዛ ዓሶ 0-፱ ዩያጉዲ ፑርታ ባኣዚ ማዴያኬ።»

24 «ዲንሢ ሦርጎጫ ጋዓንቲ ዲንሢ ኮዔ ባኮ ቢያ ሃሢ ዴንቄያ ማዔሢሮ ዲንሢና ባዴዔ!»

25 «ዲንሢ ሃሢ ሚሽኬ ዓሳ ሃጊ ዲንሢ ናይዳንዳሢሮ ዲንሢና ባዴዔ!

ዲንሢ ሃሢ ሚኢጫ ዓሳ ሃጊ ዲንሢ ያዩ ዩኤካንዳሢሮ ዲንሢና ባዴዔ!»

26 «ዓሳ ጉቤ ዲንሢ ጋላቲ ዲንሢ ዛሎ ኮሺ ባኣዚ ኬኤዛቶ ዲንሢና ባዴዔ! ዔያቶኮ ዓዶንሢያ ሉኡቂ ያኦሲ ማሊያ ኬኤዛኔ ጋዓ ዓሶ ዩያይዲናኣኮኬ።»

ሞርኬ ናሽኪሢ ዛሳ
(ማቲ. 5:38-48፤ 7:12)

27 ዲንሢ ዎይዛዘንሢሢም ጋዓንቲ ታ ሂዚ ጋዓኔ፡- ዲንሢኮ ሞርኮ ናሽኩዎቲ፤ ዲንሢ ዲ፱ ዓሶም ኮሺ ማዲዎቲ፤

28 ዲንሢም ጋዶንቃዘንሢሢ ዓንጂዎቲ፤ ዲንሢም ፑርቲሲ ዳባዘንሢሢም ሺኣቆዎቲ፤

29 ፔቲ ጋንጋሮ ባዓሢም ባጎ ጋንጋሮ ሺርሹዎቲ፤ 0-፱ ኔ ማኣዔ ማኣዓሢ ኔኤኮ ዔካኒ ኮዓሢም ዴማ ኔ ማኣዔሢያ ቃሲ ዲንጌ፤

30 ኔና ሺኢቃሢም ቢያ ዲንጌ፣ ኔ ባኣዚ ማዔያ ዔካሢ ኔኤም ማሃንዳጉዲ ያኦጪፖ፤

31 ዓሳ ዲንሢም ማዳንዳጉዲ ዲንሢ ኮዓ ባኮ ዲንሢ ዩያጉዲ ዔያቶም ማዲዎቲ።

32 ዲንሢ ናሽካዘንሢሢ ዲንሢ ናሽኬቲ ዓይጎ ባሺ ባኣዚ ዲንሢ ዴንቃንዳይ? ጎሞ ዓሳ ፔና ናሽካዘንሢሢ ናናሽካኣዎይ!

33 ዲንሢም ኮሺ ባኣዚ ማዴዘንሢሢም ሌሊ ኮሺ ባኣዚ ዲንሢ ማዴቶ ዓይጎ ባሺ ባኣዚ ዲንሢ ዴንቃንዳይ? ጎሞ ዓሳ ዩያጉዲ ማማዳኣዎይ!

34 ኦም ማሃንዳኔ ጌዒ ጉሙርቃ ዓሶንሢም ሌሊ ዲንሢ ታልዔቶ ዓይጎ ባሺ ባኣዚ ዲንሢ ዴንቃንዳይ? ዩያጉዲ ዔያታ ታልዔዘንሢ ማሂ ዔካኒ ጎሞ ዓሳ ጎሞ ዓሶም ታልዒያኬ።

6:23 2ያኦሲ. ዓሃኬ 36:16፤ ዳኪ. ማዶ 7:52። 6:31 ማቲ. 7:12።

35 ዲንሢ ጋዓንቴ ዲንሢኮ ሞርኮ ናሽኩዋቴ፤ ኮሺ ባአዚያ ዔያቶም ማዲዋቴ፤ «ታልፆ ኦኩኮ ማሃንዳኔ» ጌይ ዋዛ ጌሠዋፆ ታልዑዋቴ፤ ዬያ ዲንሢ ማዲቶ ዲንሢም ዲንጎንድ ባካ ዴኤፒ ማዓንዳኔ፤ ፑኡፖ ያኦዛሢ ናይያ ዲንሢ ማዓንዳኔ፤ ዲዚ ማዲንቴ ባኮሮ ጋላቱዋዞንሢና ፑርቶንሢማኦ ኮሺኬ።

36 ዲንሢኮ ጫሪንጮ ዓዳሢ ሚጩንታያ ማዔሢሮ ዲንሢያ ዓሲ ሚጩንታያ ማዑዋቴ።

ሜሌ ዓሲ ዑስካ ዋጊሢ ኮይሱዋአሢ
(ማቴ. 7:1-5)

37 «ዓሲኮ ዳቢንቴ ኮይ ሺሪፖቴ፤ ያኦሲያ ዲንሢ ዳቢንቶሮ ሜቶ ዲንሢም ዲንጋዓኬ፤ ያጊዳኦ፡- <ዲ ፑርታኬ> ጌዒ ዋጊፖቴ፤ ዲንሢ ዑፃኦ ያኦሲ ዋጋዓኬ፤ ዲንሢም ዳባሢም ዓቶም ጎዑዋቴ፤ ዲንሢማኦ ያኦሲ ዓቶም ጋዓንዳኔ፤

38 ዓሲም ዔኤቢ ዲንጉዋቴ፤ ዲንሢማኦ ያኦሲ ዲንጋንዳኔ፤ ዲንሢ ማካ ባኮና ዬያጉዲ ያኦሲ ዲንሢም ማካንዳኔ፤ ዬያይዳፓ ዑሣ ቃራ ማኮ ባአዚና ቱቺ፤ ጫርጊ ላኦሊንታንዳያ ሄላንዳኦና ማኪ ዲንሢም ዲዚ ዲንጋንዳኔ።»

39 ሄሊሳፆ ዬሱሴ ሂዚ ጌይ ማላታና ዔያቶም ኬኤዜኔ፡- «ዓኦፒ ባይቁያ ሜሌ ዓኦፒ ባይቁ ዓሲ ጎቺ ሃንታኒ ዳንዳዓ? ዬያጉዲ ማዲቶ ላምፆንሢ ዋሊ ዔኪ ዔቴይዳ ሎኦማንዳኔ።

40 ሃጊ ዔራ ናዓሢ ዔርዛሢዳፓ ባሹዋሴ፤ ጋዓንቴ ሃጊ ዔራ ናዓሢ ዔርዛ ባኮ ጋፒሲ ዔራያ ማዔቶ ፔኤኮ ዔርዛሢጉዲ ማዓንዳኔ።

41 «ኔኤኮ ዓኦፓይዳ ዓኦ ዴኤፖ ቡኡሮ ኔ ዛጉዋፆ ዓይጎሮ ዓሶ ዓኦፓይዳ ዓኦ ዳኮ ቡኡሮ ኔ ዛጋይ?

42 ሃሣ ኔ ዓኦፓይዳ ዓኦ ዴኤፖ ቡኡሮ ዛጉዋፆ ማሌሢ ኮራ ታ ዲሻሢዮ፡ ሂንዳ ታ ኔኤኮ ዓኦፓ ዓኦ ቡኡሮማ ኬሶም ዋይቲ ኔ ጋዓይ? ኔ ጎኦኮ ማላሢ ቤርታዲ ኔ ዓኦፓይዳ ዓኦ ዴኤፖ ቡኡሮ ኬሴ፤ ዬካፓ ማሌሢ ዓኦፓ ዓኦ ዳኮ ቡኡሮ ኔ ዳንቂ ኬሳኒ ዳንዳዓኔ።

ሚያኮ ዓኦፓፓ ዔርቲያ
(ማቴ. 7:16-20፤ 12:33-35)

43 «ኮሺ ሚሢ ፑርታ ዓኦፒ ዓኦፑዋሴ፤ ዬያጉዲ ፑርታ ሚሢ ኮሺ ዓኦፒ ዓኦፑዋሴ።

6:39 ማቴ. 15:14። 6:40 ማቴ. 10:24-25፤ ዮሀ. 13:16፤ 15:20።

44 ሚህ ሲያ ዓሳፓፓ ዔርታኔ፤ ጋአጎሣይዳፓ ሻአቢ ዓሳፒ ማጎፂጎቱቆሴ፤ ዬያጉዲ ሃሣ ጋውዲዳፓ ኩጎቱፈሽ ማጎፂጎቱቆሴ።

45 ዬያር ኮሺ ዓሲ ፔኤኮ ኮፍ ዒኖይዳፓ ኮሺ ባአዚ ኬሳኔ፤ ፑርታ ዓሲያ ፑርቶ ዒኖይዳፓ ፑርታ ባአዚ ኬሳኔ። ዓሲ ፔ ደጎጎና ኬኤዛህ ዒኖ ኩሚ ኬሰኬህኔ።

ለምዎ ዲማ ዲማ ማአሪ ማዜ ዓሲ
(ማቲ. 7:24-27)

46 «ታኣኒ ዒጎህም ኬኤዛህ ዒጎህ ኩጎሡቆሴ፤ ሂዳዎ ዓይጎር ዒጎህ ታ ጎዳሂኖ! ታ ጎዳሂኖ!» ጌዒ ታና ዔኤላይ?

47 ሃጎጋ ታ ባጎህ ሙካህኒና ታ ጋዒህያ ቆይዚ ኩጎሣህ ዎና ማላቴያ ታ ዒጎህም ኬኤዛም፤

48 ዬይ ዔቶ ኮሺ ጌልዚ ቦኦኪ ደቁ፣ ማአር ደዶ ላሎይዳ ቦኦኩቆ ዓህ ማላኔ፤ ዲጲ ሙኪ ዬኖ ማአሬሎ ሂዔኔ፤ ጋዒጎቱ ኮሺ ቦኦኪጎቱ ደዲ ቤሰካ ማዠጎቱሂር ዓገሣኒ ዳጎዳዒባአሴ።

49 ታ ጋዒ ባኮ ቆይዚ ኩጎሡቆአህ ጋዒጎቱ ደዲ ቦኦኩላ ባአያ፣ ማአር ሺኢቸ ጎዳይዳ ካኣሺ ደቁ ማዜ ዓሲ ማላኔ፤ ዲጲ ሙኪ ዬኖ ማአሬሎ ሂዔ ዎደና ቤዞና ጋፒ ደዔኔ።»

7

ጄኤቶ ፖኦሊሶ ዓይሣሰኬያኮ ጉሙርቂህ
(ማቲ. 8:5-13)

1 ዬሱሴ ዬያ ሲያ ዳርም ኬኤዚ ጋፒሴሰካፓ ቂፒርናሆሜ ካታም ዓኣዳኔ።

2 ዒኢካ ፔቲ ሮሜ ዓጨ ዓሲ ማዔያ፣ ጄኤታ ፖኦሊሴ ዓይሣሰኬይ ዓኣኔ። ዒዚ ሚርጌ ናሽካ፣ ዒዛም ዓይህጎቱ ማዳሰኬይ ኮሺ ሃርጊጎቱ ሃይቃኒ ዑኬኔ።

3 ጄኤቶ ፖኦሊሶ ዓይሣህ ዬሱሴ ዛሎ ቆይዜ ዎደና ዓይሁዶ ዓሶኮ ጨም ኮራ፡- «ሃዳራቱ፣ ዬሱሴ ሙኪ ታኣኮ ማዳህ ፖዒሳጎዳጉዲ ዒዛ ታኣም ሺኢቆዎቱ» ጌዒ ዔያቶ ዳኬኔ።

4 ዔያታ ዬሱሴ ባጎህ ዓኣዳዎ፡- «ዬያ ዒዛም ኔ ማዳኒ ኮይሳ ዓሲኬ፤

5 ዒዚ ኦኡኮ ዳር ናሽካያኬ፤ ዬያር ኦኡኮ ቡኪጎቶ ቤሲያ ዒ ኦም ማዠኔ» ጌይ ደዲሺ ዒዛ ሺኢቆኔ።

6:44 ማቲ. 12:33። 6:45 ማቲ. 12:34።

6 ዬሮሮ ዩሱሴ ዩንሢ ዓሰንሢና ዋላ ዓኣዲ፥ ያኤቶ ፖኦሊሶ ዓይሣሢኮ ማኣር ሄላኒ ዑካዛ ለሚ ሃሣ ያኤቶ ፖኦሊሶ ዓይሣሢ ዒዛኮ ላጌሰከንሢ ዩሱሴ ኮራ፡- «ጎዳሢዮ! ታኣኒ ኔ ታ ማኣሪ ጌላንዳ ዓሰቱዋኣሢ ር ታ ኮይላ ሙኪ ላቢ።

7 ታኣኒያ ኔ ኮይላ ሙካኒ ዳንዳዓ ዓሰቱዋሴ፤ ዩሮሮ ኔኤኒ ዩካ ዓኣዮ ዳንጋና ሌሊ ዓይሣቲ ታኣኮ ማዳሢ ፖፖላንዳኔ።

8 ታኣኒ ታ ቶኦኪና ዋይሣ ዓሰም ዓይሢንታያታዮ ታኣኮ ዳማ ታ ዓይሣ ፖኦሊሴ ዓኣኔ። ዩሮሮ ዔያቶይዳፓ ፔቲሢ ለዳንዳ፥ ታ ጋዓዛ ዳዳንዳኔ፤ ባጋሢ ሃሣ ላሂ ሙኬ፥ ታ ጋዓዛ ሙሙካኔ፤ ታኣም ማዳሢማኣ ላሃ ማዳ፥ ታ ጋዓዛ ማማዳኔ» ሂዚ ጌሊ ከኤተዋቲ ጌይ ዳከኔ።

9 ዩሱሴ ዩያ ዋይዛዮ ዲቃቲ ሄርሺ ዒዛ ጊንዮ ሙካ ዳር ባንሢ ሺሪ፡- «ዒሰራዔኤሌይዳታዮ ሃያጉዳ ጉሙርቁሢ ፔቲታዮ ታ ገንቁባኣሴ፤ ታ ዒንሢም ጋዓኔ» ጌዔኔ።

10 ዒዛ ኮይላ ዳከንቲ ዓሰንሢ ያኤቶ ፖኦሊሶ ዓይሣሢ ማኣር ባንሢ ማዔ ዋደና ዒዛኮ ማዳሢ ፖሊ ዓኣንቲ ዔያታ ዳንቄኔ።

ዩሱሴ ፔቲ ዓኒ ሃይቄ ላኣሌሎኮ ሃይቄ ናዮ ዳቂሽሢ

11 ዩማፓ ኔጉዋዮ ዩሱሴ ናይኔ ጌይንታ ፔቲ ካታማሰከኖ ዒዛኮ ጊንዮ ሃንታዞንሢና ማሌ ሃሣ ሚርጌ ዳሬና ዋላ ዓኣዳኔ፤

12 ዩሱሴ ካታሜሎ ጌላ ካር ዑካዛ ዓሳ ሌሲ ከዲ ካታማፓ ከሰካኔ። ዩይ ሃይቄ ናዓሢ ዒንደኮ ፔቲከ። ዒንዳላኣ ዓኒ ሃይቄያ ዜኤሪንደከ፤ ሃሣ ዩኖ ካታሜሎይዳፓ ሚርጌ ዓሲ ዒዛና ዋላ ዓኣኔ።

13 ጎዳሢ ዒዛ ዛጋዮ ዒዛ ሚጪንቲ፡- «ዔናኣሬ፥ ዩኤኪፖ» ጌዔኔ።

14 ዩካፓ ዩሱሴ ቤርቲም ዳንዳዮ ከንቺሎ ኩቻ ሄላዛ ከዳ ዓሳ ዔቄኔ፤ ዩሱሴ ዒማና፡- «ሃይ ኔ ዳጌሢ ዔቄ ታ ኔና ጋዓኔ!» ጌዔኔ።

15 ሃይቄሢያ ዩማና ዔቄ ዳዒ ጌሰቲሢ ሳርቄኔ፤ ዩካፓ ዩሱሴ ዒንዳሎም፡- «ሃይሾ ኔኤኮ ናዓሢ» ጌሊ ዒንጌኔ፤

16 ዩሮሮ ቢያሢ ዒጊቺም ሳርቄም፡- «ኑ ባኣካ ፑኤፒ ያኦሲ ማለሢ ከኤዛያ ዔቄኔ፤ ያኦሲያ ፔ ዳር ዳቂሻኒ ሙኬኔ» ጌሊ ጌሊ ያኦሲ ጋላቲኔ።

17 ዩሱሴኮ ሱንፃ ዪሁዳ ዓጫ ሃሣ ኮይሎ ዓጫ ቢያይዳ ዋይዚንቲኔ።

**ማሰካ ዮሃኒሴ ዳከ ከኢቶ ዓሰንሢ
(ማቲ. 11:2-19)**

18 የሃሊሴኮ ጊንያ ሃንታዞንሢ ዬሱሴ ማዴ ባኮ ቢያ የሃሊሴም ኬኤዜኔ፤ ዲዚያ ዲዛኮ ጊንያ ሃንታዞንሢ ዲፓ ለምዶንሢ ዔኤሊ፡-

19 « <ሙካንዳኔ> ጌይንቲ ማሲሃ ኔናሞ ማሌ ኑ ካፖንዶይ? ጌዲ ዒዛ ያኦጩዋቱ» ጌይ ዬሱሴ ባንሢ ዳኬኔ፡፡

20 ዔያታ ዬሱሴ ኮራ ዓኣዳዎ፡- « <ሙካንዳኔ> ጌይንቲ ማሲሃ ኔናሞ ማሌ ኑ ካፖንዶይ? ጌይ ዲዛ ያኦጩዋቱ ጌዲ ማሰካ የሃሊሴ ኔ ኮራ ኑና ዳኬኔ» ጌዔኔ፡፡

21 ዬሱሴ ዬማና ዓሶ ዲማ ዲማ ደርዶና ፑርታ ሃርጌናይዳፓ ፓሣኔ፤ ፑርቶ ዓያናዋ ኬሴኔ፤ ሃሣ ሚርጌ ዓኣፖ ባይቄ ዓሶኮዋ ዓኣፖ ቡሌኔ፡፡

22 ዬሱሴ ሙኬ ኪኢቶ ዓሶንሢም፡- «ማዲ ዴንዲጋፓ የሃሊሴም ዒንሢ ዛጌ ባኮና ዋይዜ ባኮዋ ሂዚ ጌይ ኬኤዙዋቱ፡- ዓኣፖ ባይቄ ዓሳ ዛጋኔ፤ ዋቦ ዓሳ ፒኪ ሃንታኔ፤ ዑፃ ኬሰካ ደርዳሢና ዓኣ ዓሳ ዳቃኔ፤ ዋዮ ባይቄ ዓሳ ዋይዛኔ፤ ሃሣ ሃይቄ ዓሳ ዔቃኔ፤ ማንቆ ዓሶማኣ ኮኩ ሃይሳ ኬኤዚንታኔ፡፡

23 <ጎኔሞ ሉኡዚዳይ?> ጌዲ ታ ዛሎና ዲቂንቱዋሢ ዓንጃንቲያኬ» ጌዔኔ፡፡

24 የሃሊሴ ኮራፓ ሙኬ ኪኢቶ ዓሶንሢ ማዲ ዴንዴሢኮ ጊንፃፓ ዬሱሴ የሃሊሴ ዛሎ ዴርም ሂዚ ጌዲ ኬኤዚሢ ሳርቄኔ፡- «ዒንሢ ሃካ ዓሲ ናንጉዋ ዳውሎ ዓይኅ ዛጋኒ ሙኬይ? ዠባራ ዓገሣ ዲር ፒሎ ዛጋኒዳ?

25 ሃሣ ዒንሢ ዓይኅ ዛጋኒ ኬሰኬይ? ጉኡዲሲ ሱኪ ዲይሶና ዓፒሎ ማኣዔ ዓሲ ዛጋኒዳ? ዬያጉዴ ዓፒሎ ማኣዔ፡ ፔና ኮሺ ናንጋ ዓሳ ካኣቶ ማኣራ ዓኣኔ!

26 ሂዴቶ ዓይኅ ዒንሢ ዛጋኒ ኬሰኬይ? ያኦሲ ማሊሢ ኬኤዛ ዓሲ ዛጋኒዳ? ሂዮ ጎኔኬ፥ ፔቶ ዬያ ያኦሲ ማሊያ ኬኤዛሢ ዓፓ ባሽሢ ዛጋኒኬ፡፡

27 ዲዚያ ቤርታ ቤርታ ዴንዲ ጎይያ ኔኤም ጊኢጊሻ ታኣኮ ኪኢቶ ናሣሢ ታ ዳካንዳኔ» ጌይንቲ ዲዛ ዛሎ ፃኣፒንቲሢኬ፡፡

28 ሳይይዳ ሾይንቲ ዓሶይዳፓ ቢያ የሃሊሴፓ ባሻይ ያኦኒያ ባኣሴ፤ ያኦሲ ካኣቱሞ ጋራ ዓኣ ዓሶ ባኣካ ዓሲኬ ጌይንቲዋኣሢ ጋዓንቲ ዲዛፓ ባሽኬ» ጌዔኔ፡፡

29 ዬያ ዔያታ ዋይዜ ዋዶና ዴራ ቢያ፤ ኮርሞ ዓሶፓ ማኢሾ ቡኩሳ ዓሳኣ ዓቲዋዎ የሃሊሴ ኮራ ቤርታ ዋኣፃ ማሰቲሢር ያኦሲ ማዳ ፒዜ ማዔሢ ዔሬኔ፡፡

7:22 ዒ.ሲ. 35:5-6፤ 61:1፡፡ 7:27 ሚል. 3:1፡፡ 7:29 ማቲ. 21:32፤ ሉቃ. 3:12፡፡

30 ፔርሴ ዓሰና ሙሴ ዔርዘ ዋጎ ዔርዘ ዓሳ ጋዓንቴ፡- «የሃኒሴ ኮራ ኑ ማሰታዓ» ጌራ ያኦሲ ማሊያ ዒዔኔ።

31 ሄሊሳያ ዩሱሴ፡- «ዓካሪ ሃያ ዎዶ ዓሶ ዓይጎና ታ ማላታንዳይ? ዓይጎ ዔይታ ማላይ? ጌዔቶ፡-

32 ዓሳ ቡካ ጳኦካ ዴዒ ዓማላ ናኦቶ ማላኔ፤ ዔይታ ዎሊ ዔኤሊ ዔኤሊ ለዎዛ ዓይኑዎ ኑ ዒንሢ ዎይዚሴኔ፤ ዒንሢ ጋዓንቴ ኮርገባኦ፤ ቃዮ ኑ ቃዩኔ፤ ዒንሢ ጋዓንቴ ዩኤኪባኦ፤ ጋዓዞንሢ።

33 ዩያጉዲ ማሰካ የሃኒሴ ሙዎ ሃሾ ዳዎቦ ካገዛ ሃሃ ማሃ ዎይኖ ዑዠዎ ዑሽኩዎዎ ሙካዛ ለርታ ዓያና ዒዛይዳ ዓኦኔ» ዒንሢ ጌዔኔ።

34 ዓሲኮ ናዓሢ ሙዒ ሙዒ ሃሃ ዑሽኪ ዑሽኪ ሙካዛ ላይ ሃሃ ሙኡዚና ማሃ ዑሽና ናሽካያ፡ ኮርዎ ዓሶገ ሚኢሾ ቡኩሳዞንሢና ጎዎ ዓሶናኮ ላጌኬ» ዒንሢ ጌዔኔ።

35 ጋዓንቴ ያኦሲ ዔራቶኮ ፒዙማ ያኦሲም ዓይሢንታ ዓሶ ዛሎና ፔጋዲ ዔርታኔ» ጌዔኔ።

ዩሱሴኮ ቶኮ ሳውቃ ቲዠና ቲሽኬ ላኦሊሰኬኖ

36 ፔቴ ፔርሴ ዓሲሰኬይ ዩሱሴ ሙኡዚ ሙዓንዳጉዲ ዔኤላዛ ዩሱሴ ዩያ ዓሢ ማኦሪ ጌሊ ሙዓኒ ዴዔኔ።

37 ዩኖ ካታሚሎይዳ ፔቴ ጎሚና ዓኦ፡ ላኦሊሰኬና ዓኦኔ፤ ዩሱሴ ፔርሴ ዓሢ፡ ሲሞኦኔ ማኦሪይዳ ሙዎም ዔኤሊንቴሢ ዒዛ ዎይዛዎ ሳውቃ ቲሺ ሹቺ ቢልቃዔና ኩንሢ ዔኪ ሙኪ፡

38 ዩሱሴኮ ጊንዎ ዛሎና * ቶኮ ዓጫ ዔቂ፡ ዩኤኪ ዩኤኪ ዒዛኮ ቶኮዎ ፔ ዓቢያና ማሰኪ ፔኤኮ ቶኦኮ ጋሞና ዑጫኔ፤ ሃሃ ቶኮ ዒዛኮ ሄርቂያ ሄርቂ ሳውቃ ቲዠናኦ ቲሽካኔ።

39 ሙዎ ዒዚ ሙዎም ዔኤሌ ፔርሴ ዓሢ ዩያ ዛጌ ዎዶና፡- «ሃይ ዓሢ ያኦሲ ማሊሢ ኬኤዛ ዓሲ ማዔቴ፡ ሃና ዒዛኮ ዑዎ ፒፃ ላኦሊሳ ያና ማዔቶ ሃሃ ዎዘጉዴ ጎሚና ዓኦያ ማዔቴያ ዔሬያናንዳኔ» ጌይ ፔ ዒኖና ማላኔ።

40 ዩሱሴያ ፔርሴ ዓሢ ኮይላ፡- «ሲሞኦኔ! ፔቴ ታ ኔኤም ኬኤዛ ባኦዚ ዓኦኔ» ጌዔኔ።

ዒዚ፡- «ዔርዘሢያ! ሂንዳ ታኦም ኬኤዜ» ጌዔኔ።

41 ዩሱሴያ ሂዚ ጌራ ሃይሶ ኬኤዚሢ ዓርቂኔ፡- «ፔቴ ዓሲዳገ ሚኢሾ ታልዔ ላምዎ ዓሲ ዓኦኔ፤ ፔቴሢ ዶንጎ ዔኤታ ኬሊ ማዶ

* 7:38 ጊንዎ ዛሎና፡ ጋዓዛ ዩኖ ዎዶና ዓይሁዶ ዓሳ ፔቴ ፔቴና ሙዎ ዴዒ ሙዓ ጎይዎ ዩሱሴ ዔንዴይዳ ኬሬ ጌሢ፡ ዛላዲ ዓኦንቴኬ። 7:38 ማቴ. 26:7፤ ማር. 14:3፤ ዮሃ. 12:3።

ማዳም ዲንጊንታ ቢራ፤ ባጋሢ ሃሣ ደንጊታሚ ከሌ ማዳ ማዳም ዲንጊንታንዳ ቢራ ታልዒ ዔኬኔ።

42 ለምድንሢ ዔያታ ታልዒ ዔኬ ሚኢሾ ጨጎ ባሸንቴም ታልዒሢ ዔያቶኮ ጋሎ ማሂሱዋዎ ሃሽኔ፤ ዓካሪ ጋሎ ዓሶ ለምድንሢዳፓ ዋይ ባሽ ታልዒ ዓሢ ናሽካንዳያ ማላይ?» ጌዔኔ።

43 ሲሞኦኔያ፡- «ሚርጌ ጋላ ዓቴ ዓሢ ባሽ ዒዛ ናሽካንዳያ ማላኔ» ጌይ ማሄኔ።

ዩሱሴ፡- «ኔ ጌዔሢ ጎኔኬ» ጌዔኔ።

44 ዩካፓ ዩሱሴ ላኣሌሎ ባንሢ ሺራዎ፡- «ሃኖ ላኣሌሎ ኔ ዛጋ? ታ ኔ ማኣሪ ጌላዛ ኔኤኒ ታ ቶኮም ዋኣሢታዎ ዲንጊባኣሴ፤ ዒዛ ጋዓንቴ ቶኮ ታኣኮ ፔኤኮ ዓቢያና ማሰኪ ፔ ቶኣኮ ጋሞና ዑጨኔ።

45 ታ ኔ ኮይላ ጌላኣና ኔ ታና ሄርቁባኣሴ፤ ዒዛ ጋዓንቴ ታ ኔ ማኣሪ ጌሌሢዳፓ ዓርቃዎ ታኣኮ ቶኮ ሄርቁዎ ሃሽባኣሴ፤

46 ኔኤኒ ታኣኮ ቶኣኮ ዛይቶ ቲዠናታዎ ቲሽኪባኣሴ፤ ዒዛ ጋዓንቴ ታኣኮ ቶኮ ሳውቃ ቲዠና ቲሽኬኔ፤ †

47 ሚርጌ ጎማ ዒዛኮ ዓቶም ጌይንቴሢሮኬ ሚርጌና ዒዛ ናሽኬሢ፤ ታ ኔኤም ጋዓኔ። ጎማ ዳካ ዓቶም ጌይንቴሢ ጋዓንቴ ናሽካሢያ ዳካኬ» ጌዔኔ።

48 ዩካፓ ዩሱሴ ላኣሌሎ ኮራ፡- «ኔኤኮ ጎማ ዓቶም ጌይንቴኔ» ጌዔኔ።

49 ዒዛና ዋላ ሙዓ ዓሳ፡- «ጎሜ ዓቶም ጋዓሢ ሃይ ዋዚ ዓሲዳይ!» ጌዒ ጌዒ ፔ ዒኖና ማለሢ ዓርቄኔ።

50 ዩሱሴ ጋዓንቴ ላኣሌሎ ኮራ፡- «ኔኤኮ ጉሙርቁዓ ኔና ዳቁሽኔ፤ ኮሺ ዓኣዴ!» ጌዔኔ።

8

ዩሱሴኮ ጊንዖ ሃንቲ ዒዛም ማዳ ላኣሎንሢ

1 ዩካፓ ዩሱሴ ካታሞና ጉርዶናይዳ ዖኦሲ ካኣቱም ኮዠ ሃይሶ ከኤዚ ከኤዚ ዓኣዳኣና ታጾ ለምዎ ዒዛኮ ጊንዖ ሃንታዞንሢያ ዒዛና ዋላ ዓኣኔ።

2 ዩያጉዲ ሃሣ ፑርቶ ዓያና ከሰኬም ፖዔዞንሢያና ሜሌ ደርዓሢዳፓኣ ፖዔ ላኣላ ዩሱሴ ጊንዖ ዓኣዳኔ፤ ዔያታ፡- ላንካይ ፑርታ ዓያና ከሰኬ ማይራማ፤

3 ሄርዲሴ ማኣራ ዓኣ ዓሶ ዓይሢ ዋይሣ ኮዛ ጎዎሢ ማቻ ዮሃናንታ ሶሲና ጎዎዞንታ ሜሌ ሚርጌ ላኣሊያ ዓኣኔ፤ ዩንሢ

† 7:46 ዩይ ማዳ ዓይሁዶ ዓሳ ሾኦቺ ቦንቻዎ ማዳ ማዳኬ።

ላኦሎንሢ ዩሱሴና ዒዛኮ ጊንፆ ሃንታዞንሢና ፔኤኮ ሚኢሾ ዒንጊ ማኣዳኔ።

ዜርሢ ዜርቃ ዓሲ ኮኦኪንሢ
(ማቴ. 13:1-9፤ ማር. 4:1-9)

4 ሚርጌ ዴሬ ካታማፓ ካታማፓ ሙኪ ዩሱሴ ኮራ ቡኪንታዛ ዩሱሴ ኮኦኪንሢና ሂዚ ጌይ ኬኤዜኔ፤

5 «ፔቴ ጎሺ ጎሽካ ዓሲ ዜርሢ ዜርቃኒ ኬሰኬኔ፤ ዒዚ ዜርቃኣና ፔቴ ፔቴ ዜርፃ ጎይፆ ዓጫ ኬዲ ሄርቂንቴኔ፤ ካፒያ ሙዔኔ።

6 ዛሎ ዜርፃ ሃኣሻ ሳዓይዳ ኬዲ፣ ባቃሌ ዎዶና ሳፆኮ ሚርጌ ዎዑሞ ባኣሢረ ባቃላ ሃይቄኔ።

7 ዓቴ ዜርፃ ሃሃ ዓንጊሢ ቶሻ ባኣካ ኬዳዛ ዓንጊፆ ቶሻ ዎላ ዑጊ ባይዜኔ።

8 ሜሌ ዜርፃ ጋዓንቴ ኮሺ ሳዓይዳ ኬዲ ባቃሌኔ፤ ባቃላኣ ዑጊ ፔቴ ፔቴሢ ሚርጌ ዲቢ ዓኣፒ ዓኣፔኔ።»

ዩካፓ ዩሱሴ፡- «ዎይዛሢ ኮሺ ዎይዞንጎ!» ጌዔኔ።

ዩሱሴ ኮኦኪንሢና ኬኤዚሴ ባኮ
(ማቴ. 13:10-17፤ ማር. 4:1-12)

9 ዒዛኮ ጊንፆ ሃንታዞንሢ ዩሱሴ ኮራ፡- «ዩኖ ኮኦኪንሢሎኮ ቡሊፃ ዓይጌንዴዳይ?» ጌይ ፆኦጩኔ።

10 ዩሱሴ ዔያቶሞ ማሃፆ፡- «ዒንሢሞ ፆኦሲ ካኣቱሞ ዛሎኮ ዓኣሺንቴ ባኮ ዔሪሢ ዒንጊንቴኔ፤ ሚሌዞንሢሞ ጋዓንቴ ቢያ ባኣዚ ኮኦኪንሢና ኬኤዚንታኔ፤ ዓይጎር ጌዔቶ ዔያታ ዛጋያታፆ ዒና ዔኩዎጉዲ፣ ዎይዛያታፆ ጳቂሡዎጉዲኬ» ጌዔኔ።

ዩሱሴ ዜርፆ ኮኦኪንሢ ቡሊ ኬኤዜሢ
(ማቴ. 13:18-23፤ ማር. 4:13-20)

11 ኮኦኪንሢኮ ቡሊፃ ያዲኬ፡- «ዜርፃ ፆኦሲ ቃኣሎኬ፤

12 ጎይፆ ዓጫ ኬዴ ዜርፃ ዳዎሢ ቃኣሎ ዎይዛ ዓሶኬ፤ ጋዓንቴ ዔያታ ጉሙርቂ ጎናሲ ዳቁዎጉዲ ፃላሂ ሙኪ ቃኣሎ ዔያቶኮ ዒናፓ ዔካኔ።

13 ሃኣቾ ዓጮይዳ ኬዴ ዜርፃ ዳዎሢ ቃኣሎ ዎይዚ ዎዛና ዔካዞንሢኬ፤ ጋዓንቴ ዔያታ ጉሙርቂ ጎናሲ ዔካሢ ዳካ ዎዴሞኬ፤ ፃጲ ዔያቶኮ ባኣሢረ ሜታ ሄሌ ዎዶና ቤዞና ዔያታ ሃሻኔ።

8:3 ማቴ. 27:55-56፤ ማር. 15:40-44፤ ሉቃ. 23:49። 8:10 ዒሲ. 6:9-10።

14 ዓንገረዎ ቶሾ ባኣካ ኬዳ ዜርፃ ደዋሢ ቃኣሎ ሃሃ ዋይዛ ዓሰንሢኬ፤ ጋዓንቴ ሃያ ዓጮ ማሊያና ቆሎና ሃሃ ሳዖ ናንጎ ኮሹማ ዒኖ ዓርቁ ዓኣፒ ባኣያ ይያቶ ማሃኔ።

15 ኮዥ ሳዖይዳ ኬዳ ዜርፃ ደዋሢ ጋዓንቴ ኮሺ ሃሃ ፒዜ ዒናና ቃኣሎ ዋይዚ ካፓዘንሢኬ፤ ዬንሢ ቃኣሎና ዶዶ፣ ዓኣፖ ዓኣፓዘንሢኬ» ጌዔኔ።

ዓኣሺንቴ ፖዒ
(ማር. 4:21-25)

16 ይካፓ ሃሃ ዬሱሴ፦ «ፖዒ ፖዒሲ ጉኡፒ ዓኣቻያና ሃሃ ሻኣላ ዴንካ ጌሃ ዓሲ ባኣሴ። ዬያይዲያፓ ማኣሪ ጌላ ዓሳፖ ዛጋንዳጉዲ ዴጌ ሻርናይዳ ጌሃኔ።

17 «ዬያጉዲ ፔጋዲዋዖ ሃሃ ዔርቴዋዖ ዓኣሺንቴ ዓታንዳ ባኣዚ ባኣሴ።

18 «ዬያር ዒንሢ ዋመይዲ ዋይዛንዳቴያ ዒንሢና ዔሩዋቴ፤ ዓይጎር ጌዔቶ ዔኤቢ ዓኣ ዓሲም ቃሲ ዒንገንታኔ፤ ባኣሢዳፓ ጋዓንቴ ታኣኮ ዓኣኔ» ጌዒ ዒ ማላ ዳኮማኣ ዓይሱዋዖ ዒዛይዳፓ ዔከንታንዳኔ» ጌዔኔ።

ዬሱሴኮ ዒንዶና ጌርሲንሢና
(ማቴ. 12:46-50፤ ማር. 3:31-35)

19 ዬሱሴኮ ዒንዶና ጌርሲንሢና ዒዚ ዓኣ ቤዘ ሙኬኔ፤ ጋዓንቴ ዴር ሚርጉዋፓ ዔቁያና ዔያታ ዒዛ ዴንቃኒ ዳንዳዒባኣሴ።

20 ዬያር፦ «ኔኤኮ ዒንዶና ጌርሲንሢና ዙላ ዔቁኔና ዛጋኒ ኮዓኔ» ጌዒ ዓሳ ዒዛም ኬኤዜኔ።

21 ዬሱሴ ማሃዖ፦ «ያኣሲ ቃኣሎ ዋይዚ ከንሣዘንሢ ሲያ፣ ዬንሢ ታኣኮ ዒንዶና ጌርሲንሢናኬ» ጌዔኔ።

ዬሱሴ ባዘ ጉዳሢ ዚቴዳሢ
(ማቴ. 8:23-27፤ ማር. 4:35-41)

22 ፔቴ ኬሊና ዬሱሴ ፔኤኮ ገንዖ ሃንታዘንሢና ዋላ ዋኣያና ፒንቆ ጎንጎ ቶጋዖ፦ «ባዘኮ ሶ ሱኮ ኑ ፒንቆም» ጋዓዛ፣ ዔያታ ዴንዳኒ ዔቁኔ።

23 ዔያታ ባዘ ዑዖይዳ ዓኣዳኣና ዬሱሴ ገንዔኔ፤ ዬማና ዋልቁና ዓኣ ባዚ ጉዳ ባዘይዳ ዔቁኔ። ዋኣፃ ጎንጎ ጋር ኩሚሢ ዓርቁሢር ቢያሢ ካራ ባይዚ ማታዳኔ።

8:16 ማቴ. 5:15፤ ሉቃ. 11:33። **8:17** ማቴ. 10:26፤ ሉቃ. 12:2። **8:18** ማቴ. 25:29፤ ሉቃ. 19:26።

24 ይኛ ዓዲሁ ገንጾ ሃንታዞንህ ለሚ ለሚ፡- «ዔርዛሂኖ! ኑ ኩዴኔ!» ጌራ ዩሱሴ ጴጥኤ።

ዒዚ ጴጥኤ ዠባሮና ጉዳሂና ጎራዛ ዠባሮንታ ጉዳሂንታ ቤዘና ዚቲኖ ጌዔም ፔቲታፖ ዓገግ ባኣዚ ባኣያ ማዔኔ።

25 ዩካፓ ዩሱሴ ዓዲሁ ገንጾ ሃንታዞንህ ኮራ፡- «ዒንሂኮ ጉሙርቁፃ ዋኣዳፖ?» ጌዔኔ።

ዔያታ ጋዓንቴ ሚርጌና ዒጊጩሰካፓ ሄርሺ ዲቃታፖ ዋሊ ኮይለ፡- «ዠባሮና ጉዳሂና ዓይህኔ፤ ዔያታኣ ዒዛም ዓዓይሂንታኔ፤ ካኣ! ሃይ ዓይጎ ዓሲዳይ?» ጌዔኔ።

ዩሱሴ ፑርታ ዓያና ዓርቁ ዓሲ ዳቂሺህ
(ማቴ. 8:28-34፤ ማር. 5:1-20)

26 ዩካፓ ዔያታ ባዘና ፒንቁ ጌሊላ ሱኮይዳ ዓኣ ጌርሴኖኔ ዓጮ ሄሌኔ፤

27 ዩሱሴ ዋኣፆና ፒንቆ ጎንጋፓ ሳዓ ኬዳዛ ፑርታ ዓያና ዓኣ ፔቲ ዓሲ ካታማፓ ኬሰኪ ዒዛና ካኣሜኔ፤ ዩይ ዓህ ፔኤኮ ማኣዓህ ኬኤሪ፡ ጉሪ ሃንታንቴ ሚርጌ ዋዴ ማዔያኩ፤ ዒዚ ናንጋህ ዲኡፒ ካይዚዳኩ፡ ማኣሪዳቱዋሱ።

28 ዒዚ ዩሱሴ ዴንቁ ዒላቲ ዩሱሴ ቤርታ ሎኦማፖ ዑኡዘ ዴገዲ፡- «ኔኤኒ ፑኡፖ ፆኡዛህ ናዓሃ፡ ዩሱሴ! ታኣና ዋላ ኔኤኮ ዓይጎ ዒጊንቶ ዓኣይፖ ሃዳራ ታና ሜታሲፖ!» ጌዔኔ።

29 ዩያ ዒ ጌዔህ ዩሱሴ ፑርቶ ዓያናህ ዓህዳፓ ኬሰካንዳጉዲ ዓይህሂርኩ። ዩያኮ ቤርታ ፑርቶ ዓያናህ ዓህ ዑፆይዳ ሚርጌ ዋዴ ዔቃያኩ፤ ዩያሮ ዓዲሁ ቶኮና ኩጮና ካኒ ቢራታና ዓንጊ ዲፆና ቱኡቲ ቱኡቲ ካፒንታያ ማዔቶዋ ካኖ ቢራቶዋ ዲኡዚ ዓንጎ ዲፆዋ ሜንህሲ ዓሲ ናንጉዋ ዳውሎ ዒዛ ዔኪ ዔኪ ዴንዳኔ።

30 ዩሱሴ፡- «ሱንፃ ኔኤኮ ፆናዳይ?» ጌራ ፆኦጩዛ፡ ዒዚ ሚርጌ ፑርታ ዓያና ዒዛይዳ ቡኪ ዓኣሂር፡- «ሱንፃ ታኣኮ ዴሬኬ» ጌራ ዒዛም ማህኔ።

31 ፑርቶ ዓያና ዩሱሴ ኮራ፡- «ሃዳራ ጋፒንፃ ዴዲዋ ዔቶ ዴኤፖ * ኑና ዳኪፖ» ጌራ ዒዛ ሺኢቄኔ።

32 ዩኖ ቤዘይዳ ዓኣ ዴኮ ጎኦባ ዓሲኮ ቆሎ ሚርጌ ጉዲንህ ሄንቃንቴ ፑርቶ ዓያና፡- «ሴኬ ጉዲንፆይዳ ኑ ጌላንዳጉዲ ኑና ዓይህ» ጌራ ዩሱሴ ሺኢቃዛ፡ ዔያታ ጌላንዳጉዲ ዒ ዓይህኔ።

33 ዩያሮ ፑርቶ ዓያና ዓህዳፓ ኬሰኪ ጉዲንፆይዳ ጌላዛ ጉዲንፃ ዋሊ ዑፃ ዲርጊ ማጎ ዓኣዳፖ ባዘይዳ ጌሊ ሙሮንጉቴ።

* 8:31 ጋፒንፃ ዴዲዋ ዔቶ ዴኤፖ፡- ዩይ ዔታ ፑርቶ ዓያና ጋፒንፃ ዋጎ ኬሎ ሄላንዳኣና ሳፆኮ ዴማ ቱኡታ ቤሲኬ ጌይንታኔ።

34 ጉዳንያ ሄንቃ ናኣታ ዬያ ባኮ ዛጋያ ጳሽኪ ዴንዲ ካታሞና ዙሎናይዳ ሚርጌና ሃይሶ ኬኤዜኔ።

35 ዓሳ ዬያ ባኮ ዛጋጊ ፔ ማኣራፓ ኬሰኪ ዬሱሴ ባንሢ ሙካንቴ፥ ፑርቶ ዓያና ኬሰኪ ዓሢ ዒና ዒዛኮ ማዔም ዓፒሎ ፔኤኮ ማኣዒ ዬሱሴኮ ቶኮ ዴማ ዴዒ ዓኣንቴ ዔያታ ዴንቁ ዒጊጩኔ፤

36 ዓኣፖና ዛጌ ማርኮ ማዔ ዓሳንሢ ፑርቶ ዓያና ዓኣ ዓሢ ዎማይዲ ዳቁቶዎ ዔያቶም ኬኤዜኔ።

37 ዬካፓ ጌርሴኖኔ ዓጮ ዓሳ ቢያ ዬሱሴ ዔያቶኮ ዓጩፓ ዴንዳንዳጉዲ ዒዛ ሺኢቄኔ። ዬያ ዔያታ ጌዔሢ ሚርጌና ዒጊጩሢ። ዬያር ዬሱሴ ዎኣዖና ፒንቆ ጎንጎ ቶጊ፥ ዎንዴ ሙኬ ቤዞ ባንሢ ዴንዳኒ ዔቃዛ፥

38 ፑርቶ ዓያና ኬሰኪ ዓሢ ዬሱሴ ኮራ፡- «ሃዳራ፥ ታ ኔ ጊንያ ሙኮም» ጌዒ ሺኢቄኔ።

39 ዬሱሴ ጋዓንቴ፡- «ኔ ማኣሪ ዓኣዲፓፓ ዖኣሲ ኔኤም ማዴ ባኮ ቢያ ኬኤዜ» ጌዒ ዒዛ ዳካዛ፥ ዓሢ ዬሱሴ ዒዛም ማዴ ፑኤፖ ባኮ ካታሞይዳ ቢያ ኬኤዚ ኬኤዚ ዴንዴኔ።

ዒያዒርሴ ጎዖሰኤያ ናይሰኬኖና ዬሱሴኮ ዓፒሎ ካኣሜ ላኣሊሰኬኖ ዛላ (ማቲ. 9:18-26፤ ማር. 5:21-43)

40 ዴራ ዒዛ ቢያ ካፒ ዓኣሢር ዬሱሴ ማዒ ሙካኣና ቢያሢ ዒዛ ዎዛና ዔኬኔ።

41 ዒማና ፔቲ ዓይሁዳ ዓሳ ቡኪንታ ቤዞኮ ሱኡጌ ማዔ፥ ዒያዒርሴ ጌይንታ ዓሲ ሙኪ ዬሱሴኮ ቶኮ ዴማ ሎኦሚ፡- «ሃዳራ፥ ታ ማኣሪ ሙኬ» ጌዒ ዒዛ ሺኢቄኔ።

42 ዓይጎር ጌዔቶ ዒዛኮ ታጳ ላምዖ ሌዔ ማዔ ናይሰኬና ሃርጊንቴ ሃይቃኒ ዑኪ ዓኣሢርኬ።

ዬያር ዬሱሴ ዒዛና ዎላ ዴንዳንቴ፥ ዒዛና ዎላ ዓኣዳ ሚርጌ ዓሳ ቱቺ ዒዛ ሚታሳኔ።

43 ዒማና ታጳ ላምዖ ሌዔ ጉቤ ሱጉሢ ሾኦቲ ሜታሳ ፔቲ ላኣሊሰኬና ዓኣኔ፤ ዒዛ ፔኤኮ ዓኣ ሚኢሾ ጉቤ ዴኢሾ ዔራ ዓሶም ዒንጊ ጋፒሴቶዎ ዖኣኒያ ዒዛ ዳቁሻኒ ዳንዳዒባኣሴ።

44 ዬና ላኣሌላ ዬሱሴ ባንሢ ሙኪ ጊንያ ዛሎና ዑኪ ዒዛኮ ዓፒሎ ዓጮ ሄላዛ ቤዞማና ዒዛኮ ሾኦታ ሱጉፃ ዔቄኔ።

45 ዬሱሴ ዒማና፡- «ዖ ታና ካኣሜይ?» ጌዒ ዖኣጩኔ።

ቢያሢ፡- «ኑ ኔና ሄሊባኣሴ» ጋዓዛ፥ ጳዒርሴ ማሃዖ፡- «ዔርዛሢዮ! ዴራ ቱቺንቴ ኔ ጊንያ ዓኣዳሢ ኔ ዛጉዎዓዳ?» ጌዔኔ።

46 ዩሱስ ጋዓንቴ፡- «ታጊዳፓ ዋልቄ ከስኬህ ታ ዔራህረ ጎኔ፤ ፔቴ ዓሲ ታና ካአሜኔ» ጌዔኔ።

47 ለአሌላ ዓኣሺንታኒ ዳንዳዒባአህ ዔራዖ ጎጋይቄ ጎጋይቄ ዒዛኮ ቶኮ ዴማ ሎአሜኔ፤ ዩካፓ ዒዛ ዓይጎሮ ካአሜቶዋ ሃሃዎ ምያይዲ ዒዛ ቤዘና ፖዔቶዋ ዴሮ ቢያ ቤርታ ፔጋሲ ኬኤዜኔ።

48 ዩሱሴያ፡- «ታ ናዔሌ! ኔ ጉሙርቂፃ ኔና ፖዒሴኔ፤ ኮሺ ዴንዴ» ዒዛም ጌዔኔ።

49 ዩሱሴ ዩያ ሃጊ ኬኤዛ ጎይህ ዓኣንቴ ፔቴ ዓሲ ዓይሁደኮ ቡኪንቶ ቤዘ ሱኡጋህ፤ ዒያዒሮሴ ማኣራፓ ሙኪ ዒያዒሮሴ ኮራ፡- «ናዔላ ኔኤኮ ሃይቄኔ፤ ማይ ዔርዛህ ጉሪ ላቢሲፖ» ጌዔኔ።

50 ዩሱሴ ጋዓንቴ ዩያ ዋይዛዖ ዒያዒሮሴ ኮራ፡- «ኔኤሮ ዒጊጨፖ፣ ጉጉሙርቄ፤ ናዔላ ኔኤኮ ዳቃንዳኔ» ጌዔኔ።

51 ዩሱሴ ዩማና ዒያዒሮሴ ማኣሪ ሄላዖ ጳዒሮሴና ዮሃንሴና ያይቆኦቤና ሃሃ ናዔሎኮ ዓደና ዒንደናፓ ዓታዛ ሜሌ ያኣኒያ ዒዛና ዋላ ጋሮ ጌላንዳጉዲ ኮዒባኣሴ።

52 ዒኢካ ዓኣ ዓሳ ቢያ ናዔሎ ዛሎ ያዩ ዩኤፒዳ ዓኣንቴ ዩሱሴ ዒያቶም፡- «ዩኤኪፖቴ፤ ናዔላ ጊጊንዓንዳፓዓቴም ሃሃይቂባኣሴ» ጌዔኔ።

53 ዔያታ ጋዓንቴ ናዔላ ሃይቄህ ዔሬህረ ቢያህ ዒዛ ቦሃ፡ ሚኢጨፎኔ።

54 ዩሱሴ ናዔሎኮ ኩጮ ዓርቃዖ፡- «ዓንቆ፣ ዔቁ!» ጌዔኔ።

55 ዒዛ ሸምፓህ ዒዛኮ ማዔህረ ቤዘማና ላዓ ጌዒ ዔቃዛ፡ ዩሱሴ፡- «ዒዛ ሙዓንዳ ባኣዚ ዒዛም ዒንጉዋቴ» ጌዒ ዔያቶ ዓይህኔ።

56 ናዔሎኮ ዓደና ዒንደና ዲቃቴ ሄርሼኔ፤ ዒዚ ጋዓንቴ፡- «ሃያ ባኮ ያኦማኣ ኬኤዚፖቴ» ጌዔኔ።

9

ዩሱሴ ታጳ ላምዖ ዳኪንቴዘንህ ኮዮ ሃይሶ ማደም ዳኬህ (ማቴ. 10:5-15፤ ማር. 6:7-13)

1 ዩሱሴ ታጳ ላምዖ ዳኪንቴዘንህ ዒዛ ባንህ ዔኤላዖ ፑርቶ ዓያኖ ቢያ ኬሳንዳያ ሃሃ ዲማ ዲማ ደርዖዋ ፖዒሳንዳ ዋልቄና ቢታንቶና ዔያቶም ዒንጌኔ።

2 ያኣሲ ካኣቱዋ ዛሎ ዓሶም ቢያ ኬኤዛንዳጉዲ፣ ሃርጊንቴ ዓሶዋ ፖዒሳንዳጉዲ ዔያቶ ዳካዖ፡-

3 «ሲንሢኮ ጎይቻም ማዓ ባኣዚ ዓይጎታዎ ዔኪፖ፡ ኮኣሎ ማዔቶቶ፡ ጋላታቶቶ፡ ጋላ ዓርቆ ሉካታቶቶ፡ ማኢሼታቶቶ፡ ሲንሢ ማኣዔ ዓፒላፓ ማሌ ማኣፖታዎ ዔኪፖ፡፡

4 ሸኦቹሞና ሲንሢ ጌላ ማኣሮይዳ ዬኖ ጉርዴሎይዳፓ ኬሰኪ ዓኣዲንዳፓ ሄላንዳኣና ዒኣካ ዳዑታ፡፡

5 ዓሳ ሲንሢ ሸኦቹንሢ ዔኩሞና ማዔቶ ጋዓንቴ ዬኖ ጉርዴሎ ሃሺ ኬሰካ፡፡ ቶካፓ ሲንሢኮ ሲላሎ ፒዒ * ዓኣዲታ፡፡ ዬይ ዔይቶም «ሲንሢና ዔሩታ፡፡ ጋዓ ማርካቶ ማዓንዳ፤» ጌዔ፡፡

6 ዬያሮ ዳኪንቴዘንሢ ኮካፓ ኬሰኪ ኮዥ ሃይሶ ዔርዚ ዔርዚ፡ ሃርጊንቴ ዓሶታ ፖሲሲ ፖሲሲ ጉርዶ ቢያይዳና ዓኣዲ፡፡

ሄሮዲሴ ዬሱሴ ዛሎ ዋይዜሢ
(ማቴ. 14:1-12፤ ማር. 6:14-29)

7 ጌሊላ ዓጮ ዋይሢ፡ ሄሮዲሴ ዬሱሴ ማዳ ባኮ ቢያ ዋይዜሢሮ ጎፖንዶ ጎይሢ ባይዜ፤ ዓይጎሮ ጌዔቶ ፔቴ ፔቴ ዓሳ፡- «ማሰካ ዮሃንሴ ሃይሶይዳፓ ዔቄ፤» ጌዒ ጌዒ ጌሰታሢሮኬ፡፡

8 ዬያጉዲ ሃሃ ፔቴ ፔቴ ዓሳ፡- «ፆኦሲ ማሊፆ ኬኤዛ ዔኤሊያሴ ማዒ ሙኬ፤» ጋዓዛ፡ ዓቴ ዓሳ ሃሃ፡- «ሚና ፆኦሲ ማሊፆ ኬኤዛዘንሢዳፓ ፔቴ ሃይባፓ ዔቄ፤» ጋዓ፡፡

9 ሄሮዲሴ ፔ ዛሎና፡- «ታኣኒ ዮሃንሴኮ ቶኦኮ ተቀሴንቴ፡ ሂዳፖ ሃያ ቢያ ባኮ ማዳ፤ ጌይንቴ ኬኤዚንታሢ ዒ ያናዳይ?» ጌዒ ዛጋኒ ኮዓ፡፡

ዬሱሴኮ ደንጎ ሺዮ ዓሶ ሙኤዚፆ
(ማቴ. 14:13-21፤ ማር. 6:30-44፤ ዮሃ. 6:1-14)

10 ዳኪንቴዘንሢ ዳኪንቴ ቤዛፓ ማዒ ሙካፆ ማዳ ባኮ ቢያ ዬሱሴም ኬኤዜ፡፡ ዒማና ዒዚ ዔይቶ ዳማሲ ዔኪ ቤቴሳይዳ ጌይንታ ካታሞ ዓኣዲ፡፡

11 ዓሳ ዬሱሴ ዓንካ ዓኣቶታ ዔራፖ ዒዛ ጊንፆ ሙካዛ፡ ዒዚ ዔይቶ ዔኪ ፆኦሲ ካኣቱሞ ዛሎ ዔርዜ፡፡ ደርዓሢዳፓ ፖሲኒ ኮዔ ሃርጊንቴ ዓሶታ ፖሲሴ፡፡

12 ሳዓ ዓማኒ ጋዓኣና ታጾ ላምፖንሢ ዬሱሴ ኮራ ሙካፆ፡- «ኦኡኒ ዓኣ ቤዛ ዓሲ ናንጉታ ዳውሎይዳኬ፤ ዬያሮ ዓሳ ሃካ ኮይሎይዳ ዓኣ ካታሞና ካታሞ ዙላ ዓኣ ጉርዶ ዴንዲ ሙፖ ባኣዚና ሞርቆ ቤሲና ኮይ ዴንቃንዳጉዲ ዓሶ ዳኬ» ጌዔ፡፡

9:3 ሉቃ. 10:4-11፤ ዳኪ. ማዳ 13:51፡፡ * 9:5 ቶካፓ ሲላሎ ፒዒ፡- ጋዓዛ ዓይሁዶ ዓሶኮ ማኣሌ ዳምቤና «ሲንሢ ዴኤፆም» ጎፖሢ ጎይፆ ማዳያኬ፡፡ 9:8 ማቴ. 16:14፤ ማር. 8:28፤ ሉቃ. 9:19፡፡ 9:9 ማቴ. 14:1-2፤ ማር. 6:14-15፤ ሉቃ. 9:7-8፡፡

13 ዩሱስ ጋዳገቴ፡- «ዲንሢ፣ ዔያታ ሙዓንዳ ባኣዚ ዲንጉዋቴ» ጋዳዛ፣ ዔያታ ማሃዎ፡- «ኦኡኮ ዓኣዘንሢ ደንጎ ካሣና ላምዎ ሞሎና ሌሊኬ፤ ዩያር ኦ ዓኣዲ ካሣ ሻንቁባኣያታቶ ሃያ ደርሞ ቢያ ጊዳዓኬ» ዲዛም ጌዔኔ።

14 ዲማና ዓቲንቆኮ ማርጉማ ደንጎ ሺያ ማዓያኬ።

ዩካፓ ዩሱስ ጊንዖ ሃንታዘንሢ፡- «ዓሶ ደንጊታሚ ደንጊታሚ ማሂፓቁ ዳይሠቀቴ» ጌዔኔ።

15 ጊንዖ ሃንታ ናኣታ ዲዚ ዔያቶ ዓይሢሢጉዲ ዓሶ ዳይሢኔ።

16 ዩካፓ ዩሱስ ደንጎ ካሃንሢና ላምዎ ሞሎንሢና ዔኪ ሌካ ጫሪንጮ ዳጊ ጌዒ ዛጋዎ ያኦሲ ጋላቲ፣ ቡንጃሰካፓ ዓሶም ዔያታ ዲንጋንዳጉዲ ዲዛኮ ጊንዖ ሃንታዘንሢም ዲንጌኔ፤

17 ቢያሢ ሙይ ሚሸካዛ፣ ዲዛኮ ጊንዖ ሃንታዘንሢ ዓቲ ደንቦ ታጾ ላምዎ ዳልጊ ሌማቴ ኩሙሢ ዔኬኔ።

ዩሱስ ያናታቴያ ጳዲሮስ ማርካዳ ማርካቶ
(ማቴ. 16:13-19፤ ማር. 8:27-29)

18 ፔቴ ኬሊ ዩሱስ ፔኤሮ ሌሊ ሸኢቁቤቃ ዲዛኮ ጊንዖ ሃንታዘንሢ ዲዛ ኮራ ዓኣሢሮ፡- «ዓሳ ታና ያናኬ ጋዓይ?» ጌይ ዔያቶ ኮራ ያኦጮኔ።

19 ዔያታ ማሃዎ፡- «ፔቴ ፔቴ ዓሳ፣ <ማሰካ ዮሃንሴኬ> ዛላ ሃሣ <ዔኤሊያሰኬ> ኔና ጋዓኔ፤ ዓቲ ዓሳ ሃሣ <ሚና ቤርታ ያኦሲ ማሊያ ኬኤዛዘንሢዳፓ ፔቴ ሃይባፓ ዔቄኔ> ጋዓሢያ ዓኣኔ» ጌዔኔ።

20 ዲንሢ፡- «ታና ያናኬ ጋዓይ?» ጌይ ዔያቶ ያኦጮዛ፣ ጳዲሮስ ማሃዎ፡- «ኔኤኒ ያኦሲ ኔና ዳኬ፣ ሚሲሂኬ» ጌዔኔ።

21 ዩሱሴያ ዩያ ዔያታ ያኦማኣ ኬኤዘዋጉዲ ላቲ ዔያቶም ኬኤዘኔ።

ዩሱስ ጊንሢ ሃንቲሢ ዛላ
(ማቴ. 10:38-39፤ 16:24-28፤ ማር. 8:34-38፤ ሉቃ. 14:26-27)

22 ዩካፓ ሃሣ ዩሱስ ፔኤኮ ጊንዖ ሃንታ ናኣቶም፡- «ዓሲኮ ናዓሢ ማርጌ ሜቶ ዔካንዳያ ኮይሳኔ፤ ጨሞና ቄኤሶኮ ሱኡጎና ሃሣ ሙሴ ዔርዜ ዎጎ ዔርዛ ዓሳኣ ዲዛ ቦሂ ሃሻንዳኔ፤ ሃሣ ዎዲያ ዎዲንዳኔ፤ ማዔቶዎ ሃይሣሳ ኬሎና ሃይባፓ ዔቃንዳኔ» ጌዔኔ።

23 ቢያሢም ሃሣ፡- «ታ ጊንዖ ሙካኒ ናሸካያ ዓኣቶ ፔና ሃሸንጎ፤ ቢያ ኬሊ ሃይቢ ሄላንዳኣና ጊኢጌያ ማዒ ታ ጊንዖ ሃንቶንጎ፤

9:20 ዮሃ. 6:68-69። 9:23 ማቴ. 10:38፤ ሉቃ. 14:27።

24 ፔናንሳ ዓይሳኒ ኮሳሢ ሲያገኝ ፔናንሳ ባይዘንዳኔ፤ ታይቲ ጌራ ፔናንሳ ዓሳሢ ሲገኝ ጋሳንቴ ፔናንሳ ዓይሳንዳኔ።

25 ዓሲ ዓጮይዳ ዓሳ ቆሎ ሲያዳንቃ? ናንሳ ፔኤኮ ባይዘ ሃሃ ጉሪ ዓታያ ማዕቶ ዓይሳ ፓሣንዳይ?

26 ታኦና ታ ቃኦሎና ዛሎ ኬኤዛኒ ቦርሲንታሢዳ ሲያ ዓሲኮ ናሳሢ ፔ ቦንቾና ሃሃ ፔ ዓዶ ቦንቾና ዬያጉዲ ጌኤኮ ኪኢታንቾ ቦንቾና ሙካ ወደና ዒዛይዳ ቦርሲንታንዳኔ።

27 ጎኔ ታ ዒንሢም ጋሳኔ፤ ሃሢ ሃይካ ዒንሢ ባኣካፓ ያኦሲ ካኣቱሞ ዛጋንዳያ ሄላንዳኦና ሃይቁንዲሞ ፔቴ ፔቴ ዓሲ ዓኣኔ» ጌዔኔ።

ዬሱሴኮ ዓውካሮ ለኣሚንቶ
(ማቴ. 17:1-8፤ ማር. 9:2-8)

28 ዬሱሴ ዬያ ባኮ ኬኤዘሢኮ ሳሊ ኬሊኮ ጊንፃ ጳዒሮሴና ዮሃንሴና ያይቆኦሴና ዔኪ ሺኢቃኒ ፔቴ ዲካ ኬሰኬ።

29 ዒዚ ሺኢቃንቴ ዓውካራ ዒዛኮ ለኣሚንቲ ዓፒላኣ ዒዛኮ ቦኦሪ፡ ዓኣፓ ዲካያ ማዕኔ፤

30 ዬማና ዔርቲባኣንቴ ላምዎ ዓሲ ሙኪ ዒዛና ዎላ ጌሰታኔ። ዬንሢያ ሙሴና ዔኤሊያሴናኬ።

31 ቦንቾና ጳዒ ዒዛና ዔያታ ጌሰታሢ ዬሱሴ ዬሩሳላሜይዳ ሃይቁ ያኦሲ ማሊያ ኩንሣንዳሢ ዛሎኬ።

32 ዬማና ጳዒሮሴና ዒዛኮ ላጎንሢና ጊንዓ ባሺም ላሢ ዓኣኔ። ጋሳንቴ ዔያታ ጳጢ ዬሱሴ ፔ ቦንቾና ፖዒ ዓኣንቴ ዴንቄኔ፤ ሃሃ ዬያጉዲ ዒዛና ዎላ ዓኣ ላምዎ ዓሳንሢያ ዴንቄኔ።

33 ላምዎ ዓሳንሢ ዬሱሴ ኮራፓ ዲማዲ ዓኣዳዛ ጳዒሮሴ ዬሱሴ ኮራ፡- «ዔርዛሢዮ! ኑም ሃይካ ዴዒፃ ኮሺኬ፤ ዬያሮ ፔቴ ኔኤም፤ ፔቴ ሙሴም፤ ፔቴ ሃሃ ዔኤሊያሴም ማዓያ ሃይሃ ዉዲ ኑኡኒ ማኮም» ጌዔኔ። ጳዒሮሴ ዬያ ጋሳና ዒ ጋሳ ባኮ ዔሩዎያኬ።

34 ጳዒሮሴ ዬያ ኬኤዘ ጎይሃ ዓኣንቴ ሻኣሬ ሙኪ ዔያቶ ባይዘኔ፤ ዬይ ሻኣራ ዔያቶ ባይዛዛ ዔያታ ዒጊጮኔ።

35 ሻኣሮ ባኣኮይዳፓ፡- «ታኣኒ ዶኦሬ፡ ታ ናሳሢ ሃያኬ፤ ዒዚ ጋሳሢ ዎይዙዎቴ» ጋሳ ዑኡሲ ዎይዘንቴኔ።

36 ዑኡዛ ዎይዘንቴሢኮ ጊንፃ ዬሱሴ ፔኤሮ ሌሊ ዓቲ ጳዒኔ፤ ዬንሢ ዒዛና ዓኣ ጊንፃ ሃንታዘንሢ ዔያታ ዛጌ ባኮ ሲያ ዒማና ያኦማኣ ኬኤዙዎዎ ዚቲዮ ጌዔኔ።

9:24 ማቴ. 10:39፤ ሉቃ. 17:33፤ ዮሃ. 12:25። 9:35 ዒሲ. 42:1፤ ማቴ. 3:17፤ 12:18፤ ማር. 1:11፤ ሉቃ. 3:22።

ዩሱስ ፑርታ ዓያና ዓርቁ ናይሰኬያ ጳቂሽሢ
(ማቴ. 17:14-18፤ ማር. 9:14-27)

37 ዚሮ ጉቴሎ ዩሱስና ሃይሢ ዒዛኮ ጊንዖ ሃንታዘንሢና ዎላ ጳቂካፓ ኩዳዛ ሚርጌ ዓሲ ዩሱስና ካኣሜኔ።

38 ዓሶ ባኣኮይዳፓ ፔቴ ዓሲሰኬይ፡- «ዔርዛሢዮ! ሃይ ናዓሢ ታኣኮ ፔቴ ሌሊኹ፤ ሃዳራ ታኣሞ ዛጌ፤

39 ሃኣዛጌ፡ ዒዛ ፑርታ ዓያና ዓርቁ ዔሩዎንቴ ዒላሢ፤ ሳይይዳኣ ሎንሢ ጳንጎና ዱባሲ ዱባሲ ባርዲሳኔ፤ ዑዖዎ ዒዛኮ ኪፃሲ ኮሺ ሚታሴሰካፓ ሃሻኔ።

40 ዩያ ፑርቶ ዓያናሢ ኬሳንዳጉዲ ኔኤኮ ጊንዖ ሃንታዘንሢ ታ ዖኦጩንቴ ዔያታ ኬሳኒ ዳንዳዒባኣሴ» ጌዒ ዒላቴኔ።

41 ዩሱስ ማሃዖ፡- «ዒንሢ ጉሙርቁዎ፡ ሃይ ዎቦ ሾይንታ! ታ ዒንሢና ዎላ ዓይዲ ሄላንዳኣና ናንጋንዳይ? ሃሢ ዓይዲ ሄላንዳኣና ታ ዒንሢ ጊቢ ዳንዳዓንዳይ? ሂንዳ ኔኤኮ ናዓሢ ሃኒ ዔኪ ባዔ» ጌዔኔ።

42 ናዓሢ ዩሱስ ባንሢ ዑኬ ዎዶና ፑርቶ ዓያናሢ ናይ ሳዓ ሎንሢ ባርዲሳኣና ዩሱስ ፑርቶ ዓያናሢ ጎሪ፡ ናዓሢያ ጳቂሽ ዳዳሢሞ ዒንጌኔ።

43 ዳራ ቢያ ዖኦሲኮ ዳኤፖ ዎልቆ ዛጌሢር ዲቃቴ ሄርሽኔ፤

ዩሱስ ፔኤኮ ሃይቦ ዛሎ ላሚ ኬኤዘሢ
(ማቴ. 17:22-23፤ ማር. 9:30-32)

ዓሳ ቢያ ማዲንቴ ባኮና ዲቃቴ ሄርሽያይዳ ዓኣንቴ ዩሱስ ዒዛኮ ጊንዖ ሃንታ ናኣቶም፡-

44 «ሃያ ታ ዒንሢሞ ኬኤዛ ቃኣሎ ዒና ዔኪ ማሉዎቴ፤ ሃይሾ ዓካሪ ዓሲኮ ናዓሢ ዓሶ ኩጫ ዓኣሢ ዒንጊንታንዳኔ» ጌዔኔ።

45 ዔያታ ጋዓንቴ ዩያ ዒ ጌዔ ባኮ ዔሪባኣሴ፤ ዖኦሲ ዔያቶም ዒ ጌዔ ባካ ዎዚ ጌይሢታቴያ ዓኣቕሢር ዒ ጌዔ ባካ ዔያቶም ጌሊባኣሴ፤ ጋዓንቴ ዒዛ ዖኦኤኒ ዔያታ ዒጊጩኔ።

ቢያፓ ባሽ ማዓ ዓሲ ዛላ ዩሱስ ኬኤዘሢ
(ማቴ. 18:1-5፤ ማር. 9:33-37)

46 ዒዛኮ ጊንዖ ሃንታ ናኣታ፡- «ኑጊዳፓ ቢያ ባሽሢ ዖናዳይ?» ጌዒ ዎላ ማርሜኔ።

47 ዩሱስ ጋዓንቴ ዔያቶኮ ዒሮ ማሊያ ዔራዖ ፔቴ ናይ ዔኪ ሙኪ ፔ ኮይላ ዔቂሲ፡-

9:46 ሉቃ. 22:24።

48 «ሃያ ናቸው ታ ሱንገያና ቦንቸ ዔካሢ ቢያ ታና ዔካኔ፤ ታና ቦንቸ ዔካሢ ቢያ ታና ዳኬሢያ ዔካኔ። ዒንሢ ባአካፓ ቢያ ባሽ ሂርኬ ማዓ ዓሢ ዒዚ ቢያይዳፓ ባሽ ማዓንዳኔ» ዔያቶም ጌዔኔ።

ዩሱስ ዒፁዋ ዓሲ ዒዛ ዓሶ ዛላ ዓአያ ማዒያ
(ማር. 9:38-40)

49 ዩካፓ ዮሃንሴ ዩሱስ ኮራ፡- «ዔርዛሢያ! ፔቴ ዓሲ ኔ ሱንገያና ፑርታ ዓያና ኬሳንቴ ኑ ዛጌኔ፤ ጋዓንቴ ዒ ኑኡና ዋላ ኔ ዓሲ ማዒባአሢር ዒዚ ኬሱዋጉዲ ኑ ላአጌኔ» ጌዔኔ።

50 ዩሱስ ማሃያ፡- «ዒንሢ ማኪ፣ ዒፁዋኣሢ ቢያ ዒንሢና ዋላታሢር ሃሹዋቴ፣ ላአጌፖቴ» ጌዔኔ።

ሳማሪያ ዓጮ ዓሶኮ ዩሱስ ዒፂያ

51 ዩሱስ ሌካ ጫሪንጮ ዔውታ ኬላ ዑኬ ዋደና ዩሩሳላሜ ባንሢ ዓአዳኒ ማሊ ዔቄኔ።

52 ዒዛኮ ቤርታ ቢሪ ዓአዳንዳ ኪኢታ ዓሲያ ዳኬኔ፤ ዔያታ ቢያ ባአዚ ገአጊሻኒ ሳማሪያይዳ ዓአ ፔቴ ጉርዳ ዓአዳኔ።

53 ጋዓንቴ ዩኖ ጉርዴሎ ዓሳ ዒዛ ሸኦቸንሢ ዔካኒ ኮዒባአሴ፤ ዓይጎር ጌዔቶ ዒዚ ዩኖ ዓጮና ጌዒ ዩሩሳላሜ ዓአዳንዳሢ ዔያታ ዔሬሢርኬ።

54 ዒዛኮ ገንጾ ሃንታ፣ ያይቆኦቤና ዮሃንሴና ዩያ ዛጌ ዋደና፡- «ጎዳሢያ!፣ ጫሪንቸዳፓ ታሚ ኬዲ ሃንሢ ዓሶንሢ ሙዓንዳጉዲ ኑ ዓይሃም?» ጌዔኔ።

55 ዩሱስ ጋዓንቴ ዔያቶ ባንሢ ሸሪጋፓ፡- [«ዒንሢም ዋዚጉዴ ዓያና ዒንገንቴቶዋ ዒንሢ ዔሩዋሴ፤ ዓሲኮ ናዓሢ ሙኬሢ ዓሲ ዓዓይሳኒ ማዓንዳኦፓዓቴም ባይዛኒቱዋሴ»] ጌይ ጎሬኔ።

56 ዩካፓ ዔያታ ዔቂ ሜሌ ጉርዳ ዓአዳኔ።

ዩሱስ ገንጾ ሃንታዘንሢ ሄላንዳ ሜታሢ
(ማቴ. 8:19-22)

57 ዩሱስና ዒዛኮ ገንጾ ሃንታዘንሢና ጎይያ ዓአዲያይዳ ዓአንቴ ፔቴ ዓሲ ዩሱስ ኮራ፡- «ታኣኒ ኔ ዓአዳ ቤዘ ቢያ ኔኔና ዋላ ዓአዳኒ ኮዓኔ» ጌዔኔ።

58 ዩሱስ ዒዛም ማሃያ፡- «ዉኡካሢኮ ዔቴ ዓአኔ፤ ካፖኮ ሃሢ ዋርቆ ማአሪ ዓአኔ፤ ዓሲ ናዓሢ ጋዓንቴ ላሂ ሃውሻንዳ ቤሲታያ ባአሴ» ጌዔኔ።

9:48 ማቴ. 10:40፤ ሉቃ. 10:16፤ ዮሃ. 13:20። † 9:54 ፔቴ ፔቴ ሚናኣ ማፃኣፓ «ዔኤሊያሴ ማዲሢጉዲ» ጋዓ ቃኣላ ቃሳኔ። 9:54 2ካኣቶ. ማ 1:9-16።

59 ባጋሚም ሃሣ፡- «ታ ጊንፆ ሙኩ» ጋባዛ፡ ዓሢ ጋባንቴ «ጎዳሢያ! ቤርታዲ ታ ዳንዲ ዓዶ ዳኡኪ ሙኮም» ጌዔኔ።

60 ዬሱሴ ማሃዎ፡- «ሃይቄ ዓሳ ሃይቄ ዓሶ ዳኡኪ ካንዳጉዲ ሃሼ፤ ኔኤኒ ጋባንቴ ዓኣዲጋፓ ፆኦሲ ካኦቱም ዛሎ ዔርዘ» ጌዔኔ።

61 ሃሣ ፔቴ ሜሌ ዓሲሰኬይ፡- «ታ ጎዳሢያ! ታ ኔ ጊንፆ ሙካኒ ኮሳኔ፤ ጋባንቴ ቤርታዲ ታ ማኦር ዓሶ ሳራሢ ታ ዬዓንዳኔ» ጌዔኔ።

62 ዬሱሴ፡- «ጌማይ ጎሽካእና ዙርጎ ዓርቃፆ ጊንሢም ዛጋ ዓሲ ፆኦሲ ካኦቱም ማዓ ዓሲቱዋሴ» ጌይ ዒዛም ማሄኔ።

10

ዬሱሴ ኮዥ ሃይሶ ኬኤዛንዳጉዲ ለንካይታም ለምዖንሢ ዳኬሢ

1 ጎዳ ዬካፓ ሜሌ ለንካይታሚ ለምዖ * ዓሲ ዶኦሪ፡ ዒዚ ዳንዳኒ ማላ ካታሞና ቤዘና ቢያ ዔያታ ቤርታዲ ዓኣዳንዳጉዲ ለምዖ ለምዖ ማሢ ዳኬኔ።

2 ሂዚያ ዔያቶም ጌዔኔ፡- «ቡኩሶንዶ ሃኣካ ሚርጌኬ፡ ሃኣኮ ቡኩሳ ዓሳ ጋባንቴ ዳካኬ፤ ዬያሮ ሃኣኮኮ ዓዴ ሃኣኮ ቡኩሶ ማዶም ቃሲ ሜሌ ማዳ ዓሲ ዳካንዳጉዲ ሺኦቁዋቴ።

3 ዓካሪ ዓኣዳቀቴ፡ ታ ዒንሢ ማራይጉዲ ያኣያሢ ባኣኮ ዳካኔ፤

4 ዒንሢ ጎይፆኮ ዓይጎ ባኣዚያ ዓርቂፖቴ፤ ሚኢሼ ዓጎ ቡራሻ፡ ጋላ ዓርቆ ሉካ ማዔቶ ሃሣ ዱርሲ ማዔቶም ዔኪፖቴ፤ ዓሲና ዋላ ጎይፆ ካኣማዖ ዔኤሊሢና ናጊፖቴ።

5 ዒንሢ ጌላ ማኦራ ቢያ ቤርታዲ ለማኦሪ ዓሲዮ፡ ኮሹም ሃኖ ማኦሮም ማዖም ጎዑዋቴ፤

6 ኮሹም ናሽካ ዓሲ ዬኖ ማኦራ ዓኣቴ ዒንሢ ጌዔ ኮሹማ ዔያቶም ማዓንዳኔ፤ ያዲ ማዒባኣያታቶ ዒንሢ ጌዔ ኮሹማ ጊንሣ ዒንሢም ማዓንዳኔ።

7 ማዶ ማዳ ዓሲም ማዳ ዛሎ ዒንጎ ባኣዚ ኮይሳኔ፤ ዬያሮ ዒንሢ ጌሌ ማኦሮይዳ ዒንሢም ሺኢሹና ባኮ ሙዒ ሙዒ ሃሣ ዑሽኪ ዑሽኪ ዒኢካ ዴዑዋቴ፤ ዬኖ ማኦራፓ ሜሌ ማኦሪ ሃንቴ ሃንቴ ሺሪፖቴ።

9:61 1ካኣቶ. ማ 19:20። * 10:1 ለንካይታሚ ለምዖ፡- ጋባዛ ፔቴ ፔቴ ሚናኣ ማፃኣፓ «ለንካይታሚ» ጋባኔ። 10:2 ማቴ. 9:37-38። 10:3 ማቴ. 10:16። 10:4 ማቴ. 10:7-14፤ ማር. 6:8-11፤ ሉቃ. 9:3-5። 10:7 1ቆር. 9:14፤ 1ፂሞ. 5:18።

8 ዋና ካታሞዋ ዲንሢ ጌላኦና ዓሳ ዲንሢ ሾኑጫሲ ዔካዖ ዲንጋ ባኮ ሙዑዋቱ።

9 ዬኖ ካታሚሎይዳ ዓኣ ሃርጊንቴ ዓሶ ፓሠዋቱ፤ ዳሮማኣ ጸኦሲ ካኣቱማ ዲንሢ ባንሢ ዑኩኔ፤ ጌዒ ኬኤዙዋቱ።

10 ጋዓንቴ ዋኖ ካታሞዋ ዲንሢ ጌላኦና ዓሳ ዲንሢ ዔኩዋያ ማዔቶ ካታሚሎኮ ዙሎ ኬሰኪጋፓ፡-

11 ሃይሾ፣ ኦኡኮ ቶካ ዓኣ ሃኖ ካታሚሎ ሲላሎኑ ዲንሢም ፒፃኔ፤ ጋዓንቴ ጸኦሲ ካኣቱማ ዲንሢ ባንሢ ዑኩሢ ዔሩዋቱ፤ ዔያቶም ጎዑዋቱ።

12 ጋፒንያ ዋዶና ጸኦሲ ዬኖ ካታሚሎም ዲንጋንዳ ዋጋ ቤርታ ሶዶሜ ካታሞ ሄሌሰካፓ ባሼ ማዓንዳኔ ታ ዲንሢም ጋዓኔ» ጌዔኔ።

ጉሙርቂ ኅናሲ ዔኩዋያ ሃሺጾር ዞሪ ኅርና ካታሞንሢ
(ማቲ. 11:20-24)

13 ዬካፓ ዬሱሴ፡- «ኮራዚኔ ጎጾዜ ኔና ባዴዔ፤ ቤቴሳይዳ ኔናኣ ባዴዔ፤ ዲንሢዳ ማዲንቴ ጸኦሲ ዋልቄና ማዲንታ ዓኮ ባካ ዋንዴ ፃሮሴና ሲዶናይዳ ማዲንቴያታቶ ዲኢካ ናንጋ ዓሳ ሄኤዶ ሲዬ ፓቲሌ ማይንቴ፣ ቢዲንሢያ ቶኦካ ዋሂ ዬኖ ዋዶና ጎሞ ቡኡፃያ ናንዳኔ።

14 ዬያሮ ጋፒንያ ዋጎ ኬሎና ቤርታ ፃሮሴና ሲዶናናም ዲንጎናሰካፓ ዲንሢ ማታሢ ባሼ ማዓንዳኔ።

15 ሃና ኔኤኒ ቂፒርናሆሜ ካታሚሎ፣ ሌካ ጫሪንጮ ሄላንዳኣና ዴጊ ጋዒ ኔ ኮዒያ? ማዔቶዋ ኔ ሊካ ሄሊንቴዋ ዴኤፖ ዔቶ ኬዳንዳኔ» ጌዔኔ።

16 ላሚ ሃሢ ዬሱሴ ዲዛኮ ጊንያ ሃንታዞንሢ ኮራ፡- «ዲንሢም ዋይዛሢ ታኣም ዋይዛኔ፤ ዲንሢ ቦንቺ ዔኩዋኣሢ ታና ዔኩዋሴ፤ ታና ዔኩዋኣሢ ታና ዳኬሢያ ቦንቺ ዔኩዋሴ» ጌዔኔ።

ላንካይታሚ ላምዖ ጊንያ ሃንታዞንሢኮ ዳኪንቴ ቤዛፓ ማዒ ሙኪያ

17 ላንካይታሚ ላምዖ ጊንያ ሃንታዞንሢ ዳኪንቴ ቤዛፓ ሚርጌ ዋዛና ዬሱሴ ባንሢ ማዒ ሙካያ፡- «ጎዳሢዮ! ኔ ሱንጾና ፑርቶ ዓያና ኑም ዓይሢንቴናኣኮቲ» ጌዔኔ።

10:11 ዳኪ. ማዳ 13:51። 10:12 ማኪ. ማፃ 19:24-28፤ ማቲ. 11:24፤ 10:15።
10:13 ዲሲ. 23:1-8፤ ሂዚ. 26:1—28:26፤ 26፤ ዓ.ዲ. 3:4-8፤ ዓሞ. 1:9-10፤ ዛካ. 9:2-4። 10:15 ዲሲ. 14:13-15። 10:16 ማቲ. 10:40፤ ማር. 9:37፤ ሉቃ. 9:48፤ ዮሃ. 13:20።

18 ዩሱሴ ዔያቶም፦ «ፃላሄ ዜኤሊንሢጉዲ ጫሪንጫፓ ኬዳንቴ ታ ዛጌኔ፤

19 ዩያሮ ዒንሢ ሸኦፐና ኮርናሢና ሄርቃንዳጉዲ፣ ዒንሢ ሞርኮ ዒንሢ ባሻንዳጉዲ ቢታንቶ ዒንሢም ታ ዒንጌኔ፤ ዒንሢ ሄላንዳ ባኣዚ ፔቴታ? ባኣሴ።

20 ጋዓንቴ ፑርቶ ዓያና ዒንሢም ዓይሢንቴሢሮ ዒንሢ ሞዛዲሢፓ ባሽ ሱንፃ ዒንሢኮ ጫሪንጫ ማኣራ ፃኣፒንቴም ፆኦሲ ዓሶ ባኣካ ዒንሢ ማዔሢሮ ሞዛዲፑቴ» ጌዔኔ።

ዩሱሴኮ ዓደ ጋላቴያ
(ማቴ. 11:25-27፤ 13:16-17)

21 ዩማና ዩሱሴ ዓያና ጌኤሺ ዒዛ ሞዛሴም፦ «ጫሪንጫና ሳፆናኮ ጎዳ ማዔ፣ ዓደሢሮ! ሃያ ባኮ ኔኤኒ ዔሮና ጳኤፖ ዓሶናይዳፓ ዓኣቶ ናይጉዲ ማዔ ዓሶም ፔጋሲ ዳጭሢሮ ታ ኔና ጋላታኔ፤ ሂሮ! ታ ዓደሢሮ! ዩያይዲኒ ኔ ማላሢ ማዔኔ።

22 «ቢያ ባኣዚ ታ ዓደይዳፓ ታኣም ዒንጊንቴኔ፤ ናኣዚ ፆና ማዔቴ ዓደይዳፓ ዓታዛ ማላ ዔራይ ባኣሴ፤ ዩያጉዲ ሃሃ ዓዴ ፆና ማዔቶ ናኣዚዳፓ ዓታዛ ሃሃ ጊንሣ ናኣዚ ዒዛም ፔጋሲ ኬኤዛኒ ኮዔ ዓሲዳፓ ዓታዛ ማላ ፆኦኒያ ዔራይ ባኣሴ» ጌዔኔ።

23 ዩካፓ ሃሃ ዩሱሴ ፔኤኮ ጊንፆ ሃንታዘንሢ ባንሢ ሺራፆ ዔያቶም ሌሊ፦ «ዒንሢ ሃያ ዛጋሢ ዛጋዘንሢ ኮሺ ባሊቲና ዓኣያኬ።

24 ጎኔና ሚርጌ ፆኦሲ ማላፆ ኬኤዛዘንሢና ካኣቶና ሃሢ ሃያ ዒንሢ ዛጋ ባኮ ዛጋኒ ሱኡካዴያታ? ዔያታ ዛጊባኣሴ፤ ዒንሢ ሞይዛ ባኮም ዔያታ ሞይዛኒ ሱኡካዴኔ፤ ጋዓንቴ ዔያታ ሞይዛባኣሴ» ጌዔኔ።

ዓሲ ሚጫንታ ፔቴ ሳማሪያ ዓጪ ዓሲሰኬያ ዛላ

25 ፔቴ ኬሊ ሙሴ ዔርዜ ሞጎ ዔርዛ ፔቴ ዓሲሰኬይ ዩሱሴ ኮራ ሙካፆ ዒ ሞዚ ጋዓቴያ ዛጋኒ ኮዒ፦ «ዔርዛሢሮ! ናንጊና ናንጊ ዴንቃኒ ዓይጌንዴ ማዳንዳያ ታና ኮይሳይ?» ጌይ ዒዛ ፆኦጫ።

26 ዩሱሴ ማሃፆ፦ «ሙሴ ዔርዜ ሞጎይዳ ዓይጌ ፃኣፒንቴይ? ኔ ናባባዛ ሞዚ ጋዓይ?» ዒዛም ጌዔኔ።

27 ዓሢ ማሃፆ፦ «ዎጋ ፆኦሲ ኔ ጎዳሢ ጉቤ ዒናፓ፣ ጉቤ ሸምፓፓ፣ ጉቤ ሞልቃፓ፣ ጉቤ ማላፃፓ ናሽኬ» ዩያጉዲ ሃሃ ኔ ዓሺኖ ዓዳ ኔና ማሂ ናሽኬ ጋዓኔ» ጌዔኔ።

10:19 ዓይኑ. 91:13። 10:22 ዮሃ. 3:35፤ 10:15። 10:25 ማቴ. 22:35-40፤ ማር. 12:28-34። 10:27 ሌዊ. ዓከ 19:18፤ ላሚ. ሞፃ 6:5።

28 «ዩሱሴያ ፒዜ ኔ ማሄኔ፤ ዓካሪ ኔኤኒ ዬኖ ጎይዖ ማዴ፤ ናንጊና ናንጊያ ኔ ዴንቃንዳኔ» ጌዔኔ።

29 ዋጎ ዔርዛሢ ጋዓንቴ ፔና ጌኤሽ ዓሲ ማሃኒ ኮዓዖ፡- «ያዲ ማዔቶ ታኣኮ ዓሽናሢ ዖናዳይ?» ጌይ ዖኦጭኔ።

30 ዩሱሴ ዒዛሞ ማሃዖ፡- «ፔቴ ዓሲ ዬሩሳላሜፓ ዒያርኮ ኬዳንቴ ጎይዖይዳ ሱላ ዒዛ ዴንቂ ዓፒሎ ዒዛኮ ቡሪ ዔኪ ጳርቁሢኮ ጊንፃ ሃይቃኒ ሳዛ ጋሽካንቴ ሃሺ ዓኣዴኔ።

31 ዒዛ ቶኪጉዲ ፔቴ ቁኤሴሰኬይ ዬኖ ጎይፃሎና ዓኣዲቤቃ ጳዲንቴ ላቤ፡ ላሂ ዓኣ ዓሢ ዴንቁያታዖ ዚቴ ጌዒ ዒዛኮ ኮርሳ ዓኣዴኔ።

32 ዬያጉዲ ሃሃ ቁኤሶ ፃጳፓ ማዔ ለዊ ዜርሢሰኬይ ዬኖ ጎይዖና ዓኣዲቤቃ ዬያ ዓሢ ዴንቁዖ ኮርሳ ዚቴ ጌዒ ዴንዴኔ።

33 ፔቴ ሳማሪያ ዓጪ ዓሲሰኬያ ዬኖ ጎይዖና ዓኣዲቤቃ ጳዲንቴ ዓሢ ዴንቁ ሚጪንታዖ፡

34 ዓሢ ኮይላ ሙኪ ዛይቴ ቲሺና ዎይኔፓ ኮሾና ዑሽና ኪዖይዳ ዓሢኮ ዎሂ ቱርጫና ማሪ ቱኬሢኮ ጊንፃ ፔ ሃር ቶጊሲ ፔቴ ሾኦቹ ዎርቃ ማኣሪ ዔኪ ዓኣዴኔ፤ ዒኣካ ዒዛ ዒ ኮሺ ዛጊ ማይሣኔ፤

35 ዚር ጉቴሎ ፔቴ ዓሲ ላምዖ ኬሊ ማዶ ማዴም ጪጎንዶ ቢራጉዴያ ኬሲ ዬኖ ሾኦጭ ዎይሃ ማኣርኮ ዓደም ዒንጋዖ ሃያ ዓሢ ታኣም ኮሺ ዛጊ ማይሣኔ፤ ጊዳ ቃሲ ኔ ዒዛ ዛሎ ጪጌ ባኣዚ ዓኣቶ ታ ማዒ ሙካዖ ኔኤም ማሂ ጪጋንዳኔ» ጌዔኔ።

36 «ዓካሪ ዬንሢ ሃይሃንሢዳፓ ሱሎና ጳዲንቴ ዓሢም ዓሽኖ ማዔሢ ዎያ ኔኤም ማላይ?» ጌዔኔ።

37 ዋጎ ዔርዛሢ «ዬያ ዒዛ ሚጪንቴ ማኣዴሢሾ!» ጌዒ ማሃዛ፡ ዩሱሴ ማሃዖ፡- «ሂዴቶ ኔኤኒያ ዒማ ጎይዖ ማዴ» ጌዔኔ።

ዩሱሴ ማርታና ማይራሞና ማኣራ

38 ዩሱሴ ዒዛኮ ጊንፃ ሃንታዘንሢና ዎላ ጎይሢ ዓኣዲ ፔቴ ጉርዳሰኬኖ ሄላዛ ዒኣካ ማርታ ፔ ማኣራ ዒዛ ሾኦቹንሢ ዔኬኔ፤

39 ዒዛኮ ማይራሞ ጌይንታ ጌራ ዓኣኔ፤ ዒማና ዬና ማይራማ ዩሱሴኮ ቶኮ ዴማ ዴዒ ዒዛኮ ጌኤዘ ዎይዛኔ።

40 ማርታ ጋዓንቴ ሙዖ ጊኢጊሺዖና ሚርጌ ላባዖ፡ ዩሱሴ ባንሢ ሙኪ፡- «ጎዳሢዮ! ሃና ታ ጌኤዳ ቢያ ማዶ ታኣም ሃሺም ታኣኒ ታኣር ሌሊ ላባሢ ኔ ዛጋዖ ዚቴ ጋዓ? ሃዳራ ታና ዒዛ ማኣዳንዳጉዲ ዒዛም ኬኤዜቴራ» ጌዔኔ።

41 ጎዳ ዩሱሴ ጋዓንቴ ማሃያ፡- «ማርታ! ኔኤኒ ሚርጌ ባአዚና ማታዲ ጳሽኪ ሺራኔ፤

42 ጋዓንቴ ከይሳሢ ፔቴ ባአዚ ሌሊኬ፤ ማይራማ ኮኸ ባኮማ ደኣሬኔ፤ ዩማ ዒዘይዳፓ ዔካንዳያ ባአሴ» ጌዔኔ።

11

ዩሱሴ ዔርዜ ሺኢጲያ
(ማቴ. 6:9-13፤ 7:7-11)

1 ፔቴ ኬሊ ዩሱሴ ፔቴ ቤሲዳ ሺኢቃኔ፤ ዒዚ ሺኢቁ ጋፒሳዛ ዒዛኮ ጊንያ ሃንታዘንሢዳፓ ፔቴይ፡- «ጎዳሢዮ! ዮሃንሴ ፔኤኮ ጊንያ ሃንታዘንሢ ሺኢጲያ ዔርዜሢደ ኔኤኒያ ኑና ሺኢቁሢ ዔርዜቴራ!» ጌዔኔ።

2 ዩሱሴያ፡- «ዒንሢ ሺኢቃያ፡
[ጫሪንጫ ናንጋ] ኑ ዓዳሢዮ!

ሱንፃ ኔኤኮ ቦንቸንቶም፤

ኔ ካአቱማ ሙኮም፤

3 ኬላ ኬላ ኑ ሙዓንዳ ሙኤዚ ዒንጌ፤

4 ኑም ዳቤሢም ኑ ዓቶም ጋዓሢጉዲ

ኑ ዳቢንቶ ኑም ዓቶም ጌዔ፤

ዳቢሻኒ ጌሸያይዳ ኑና ጌልዚፖ» ጎዑዋቴ ጌዔኔ።

5 ዩካፓ ዩሱሴ ፔኤኮ ጊንያ ሃንታዘንሢ ኮራ፡- «ኮኦኪንሢና ዒንሢዳፓ ፔቴሢኮ ላጌ ዓአኔ ኑ ጎያም፤ ዒዚ ሳዓ ጊዲሚሽ ማዓአና ፔ ላጋሢ ማአሪ ዓአዲ <ዔኤዘይ! ሃዳራ ታአም ሃይሃ ካሢ ታልዔ፤

6 ፔቴ ታአኮ ላጌ ማዔ ዓሲ ሃኬ ጎይሢዳፓ ሙኬም ታ ዒዛ ሙኤዘንዳ ካሢ ባይቄኔ» ዒዛ ኮራ ጌዔቶ፤

7 ዓካሪ ዩይ ላጋሢ ጋራ ዓአያ <ሃዳራ ታሚ ዋአሢ ላሄም ሃያ ዋዴ ታና ማታሲፖ፤ * ዩያሮ ታ ዔቁ ኔ ኮዔ ካሃ ዒንጋኒ ዳንዳዑዋሴ ጋዓንዳ?

8 ጋዓንቴ ላጉም ዘሎሮ ጌዔ ዔቁ፤ ዒንጋኒ ኮዒባአቶዋ ዒዛ ሺኢቁ ማታሳሢሮ ኮይሳሢ ቢያ ዒንጋንዳኔ፤ ታ ዒንሢም ጋዓኔ።

9 «ዩያሮ ታ ዒንሢም ሂዚ ጋዓኔ፡- ሺኢቁዋቴ ዒንሢም ዒንጊንታንዳኔ፤ ኮዑዋቴ ዒንሢ ጴንቃንዳኔ፤ ካራ ዔቁ ዔኤሉዋቴ ዒንሢም ቡሊንታንዳኔ፤

10 ሺኢቃሢ ጉቤ ዔካንዳኔ፤ ኮዒሢያ ጴንቃንዳኔ፤ ካራ ዔቁ ዔኤሊንታሢማአ ቡሊንታንዳኔ።

* 11:7 ጊሪኮ ሙኤጮ ማፃአፖይዳ፡- «ካራ ቁልፒንቴኔ፤ ናአታአ ታ ዴማ ላሂ ዓአኔ» ጌይንቴ።

11 ዲንሢዳፓ ዓዶ ማዔ ዓሲ ናዓ [ካሣ ሸኢቃዛ ሹቺ ዲንጋይ ያናዳይ?] ሞሎ ሸኢቁም ሸኦሽ ዲንጋ?

12 ሃሣ ጵኡላ ሸኢቁም ኮርኖ ዲንጋ?

13 ዲንሢ ፑርታታዖ ዲንሢ ናኦቶም ኮሺ ባኣዚ ዲንገ ዔራቶ፥ ጫሪንጫ ናንጋ ዲንሢኮ ዓዳሢ ዲንሢፓ ባሺ ዲዛ ሸኢቃዛንሢም ዓያኖ ጌኤዮ ዲንጋኒ ኮዓያኬ!» ዔያቶም ጌዔኔ።

ዩሱሴና ቢዔልዛቡሌ ጎሚና
(ማቴ. 12:22-30፤ ማር. 3:20-27)

14 ፔቴ ኬሊ ዩሱሴ ዳንጋ ባይቁ ዓሲሰኬያይዳፓ ፑርታ ዓያና፥ ጌሰቲሱዎያ ኬሳንቴ ፑርቶ ዓያና ኬሰካዛ ዳንጎ ባይቁሢ ጌሰቲሢ ሳርቁም ዴራ ዩያ ባኮና ዲቃቲ ሄርሼኔ።

15 ፔቴ ፔቴዘንሢ ጋዓንቴ፡- «ፑርቶ ዓያኖ ዲዚ ኬሳሢ ፑርቶ ዓያኖኮ ሱኡጋሢ ቢዔልዛቡሌናኬ» ጌዔኔ።

16 ዓቴዘንሢ ሃሣ ዩሱሴ ዎዚ ጋዓቴያ ዛጋኒ ኮዓዖ ጫሪንጫይዳፓ ዲዚ ኪሪሰቶሴ ማዒፆ ዔርዛ ፔቴ ማላታ ማዓ ባኣዚ ዳዎንዳጉዲ ዲዛ ያኦጩኔ።

17 ዩሱሴ ጋዓንቴ ዔያቶኮ ማሊፆ ዔራዖ፡- «ፔቴ ካኣታ ዎሊፓ ፓቂንታያና ያልታያና ማዔቶ፥ ዩያ ዓጮ ካኣቲ ባይቃንዳኔ፤ ዩያጉዲ ሃሣ ፔቴ ማኣሪ ዓሲ ዎሊፓ ፓቂንታያና ያልታያ ማዔቶ ዎዲ ደዲ ዔቃኒ ዳንዳዓይ? ዲንሢ ጋዓንቴ ሩዲ ፑርቶ ዓያኖ ኬሳሢ ቢዔልዛቡሌናኬ» ታና ጋዓኔ።

18 ዓካሪ ዓላሄ ካኣታ ዎሊፓ ፓቂንታያና ያልታያ ማዔቶ ዎዲ ደዲ ዔቃኒ ዳንዳዓይ? ዲንሢ ጋዓንቴ ሩዲ ፑርቶ ዓያኖ ኬሳሢ ቢዔልዛቡሌናኬ» ታና ጋዓኔ።

19 ታኣኒ ፑርቶ ዓያኖ ቢዔልዛቡሌ ዎልቆና ኬሳያ ማዔቶ ዲንሢኮ ዓሳ ያኦና ፑርቶ ዓያኖ ኬሳይ? ዩያር ዲንሢ ዓሳ ዲንሢ ዑፆ ዎጋንዳኔ።

20 ዓካሪ ታኣኒ ፑርቶ ዓያኖ ያኦሲ ዎልቆና ኬሳያ ማዔቶ ዩይ ያኦሲ ካኣቲማ ሙኬሢ ዔርዛኔ።»

21 «ፔቴ ዎልቆና ዓኣ ዓሲ ያልዚ ዓንጋሞ ሳርቁ ፔ ማኣር ካፓያ ማዔቶ ዲዛኮ ማኣራ ቡሪንታዓኬ፤

22 ጋዓንቴ ዲዛይዳፓ ባሺ ዎልቆና ዓኣ ዓሲ ሙኪ፥ ዲዛ ባሺቶ ዲ ጉሙርቃ ዓንጋሞ ዲዛይዳፓ ዔኪ ዲዛኮ ዓኣ ባኮ ቢያ ቡሪ ሜሌ ዓሲማኣ ጊሸካንዳኔ።»

23 «ታኣና ዎላ ማዒባኣሢ ቢያ ታና ዲፃኔ፤ ታኣና ዎላ ማዒ ቡኩሲባኣሢ ላኣሊ ባይዛኔ» ጌዔኔ።

ፑርቶ ዓያኖኮ ዓሲዳ ገንሣ ማዒ ጌሊያ
(ማቴ. 12:43-45)

24 «ፑርታ ዓያና ዓሲዳ፣ ከሰከ ዎድና ጌሊ ሃውሾ ቤሲ ኮሲሣና ዎአሣባአ ዓሲ ናንጉዎ ዳውሎ ቢያ ሃንቲ፣ ሃውሺ ዴዓ ቤሲ ዴንቁባአቶ ታ ከሰከ ማኣሮ ታኣኮ ታ ማዒ ዓኣደም፣ ጋዓኔ።

25 ዬያሮ ማዒ ሙካኣና ዬና ቤዜላ ጌኤሽኪ ገኢገንቲ ዓኣንጌ ዴንቃኔ።

26 ዬካፓ ዴንዲ ዒዛይዳ፣ ላሽ ፑርታ ሜሌ ላንካይ ፑርታ ዓያና ዔኪ ሙኪ፣ ቤርታ ዒ ናንጋ ማኣራ ጌሊ ናንጋንዳኔ። ዓካሪ ዬያ ዓሣኮ ጋፒን፣ ሚና ቤርታኣሲዳ፣ ላሽ ፑርታ ማዓንዳኔ» ጌዔኔ።

ጎኔ ዎዛ

27 ዬሱሴ ዬያ ጌይ ከኤዛኣና ፔቴ ላኣሊሰከና ዴሮ ባኣካፓ ዑኡዞ ዴጊዲ፡- «ኔና ሾዒ ዳንሣሣ፣ ዒንዴላ ዎዚ ዓንጂንጌያዳይ!» ጌዔኔ።

28 ዬሱሴ ጋዓንጌ፡- «ዓንጂንጌዞንሣ ያኣሲኮ ቃኣሎ ዎይዚ ማዳይዳ ፔኤሻዞንሣኬ» ጌዔኔ።

ዮናሴኮ ማላቶ ማዒያ
(ማቴ. 12:38-42)

29 ሚርጌ ዓሳ ሙኪ ዒዛ ኮይላ ቡካዛ ዬሱሴ፡- «ሃያ ዎድ ዓሳ ማላታ ዛጋኒ ኮዓ ፑርታ ዓሲኬ፤ ጋዓንጌ ያኣሲ ማሊያ ከኤዛ ዮናሴይዳ ማዳንጌ ማላታ፣ ማላታ ማላታ ማላታ ዔያቶም ዒንገንታዓኬ።

30 ያኣሲ ማሊያ ከኤዛ ዮናሴ ኔኔዌ ካታም ዓሶም ማላታ ማዔሣጉዲ፣ ዓሲኮ ናዓሣ ሃያ ዎድ ዓሶም ማላታ ማዓንዳኔ።

31 ዓባ ከሰኪ ጌላ ካሮኮ ደኣሎ ዛሎ ዓጫፓ ሙኪ ካኣቴላ ጋፒን፣ ዎጎ ከሎና ዔቁ ዔያቶ ዑ፣ ዎጋንዳኔ፤ ዓይጎሮ ጌዔቶ ዒዛ ሴሎምኔኮ ዔራቶ ዎይዚ ዓጮኮ ጋፒን፣ ዎይዳ፣ ሙኪኔ፤ ጋዓንጌ ሃይሾ ሴሎምኔይዳ፣ ላሽ ሃይካ ዓኣኔ!

32 ዬያጉዲ ሃሣ ኔኔዌ ዓሳ ጋፒን፣ ዎጎ ከሎና ዔቁ ዔያቶ ዑ፣ ዎጋንዳኔ፤ ዓይጎሮ ጌዔቶ ኔኔዌ ዓሳ ዮናሴ ከኤዜ ባኮ ዎይዜ ዎድና ፔኤኮ ጎማ ዳቢንጌታሣ ዔሪ ቡኡጻኔ፤ ጋዓንጌ ሃይሾ ዮናሴይዳ፣ ላሻይ ሃይካ ዓኣኔ!» ጌዔኔ።

ዬሱሴ ፖያ ዛሎ ከኤዜሣ
(ማቴ. 5:15፤ 6:22-23)

11:29 ማቴ. 16:4፤ ማር. 8:12። 11:30 ዮና. 3:4። 11:32 ሉዊ. ዓከ. 27:30።

33 ሄሊሳዎ ዩሱሴ፦ «ፖሊ ፖሊሲ ዓኣሽንታ ቤስካ ጌሣያና ሃሣ ጉኡፖ ባኣዚና ጉኡፓ ዓሲ ባኣሴ፤ ዩያፓ ዓሳ ጋሮ ጌላኣና ጴዳንዳጉዲ ዳጊዲ ሻርናይዳ ጌሣኔ።

34 ኔኤኮ ዑፆኮ ፖሊ ዓኣፒኬ፤ ኔኤኮ ዓኣፓ ኮሺ ማዔቶ ዑፆ ኔኤኮ ቢያ ፖሊ ማዓንዳኔ፤ ዓኣፓ ኔኤኮ ጋዓንቴ ሃርጌያ ማዔቶ ዑፆ ኔኤኮ ጉቤ ዲሚያ ማዓንዳኔ።

35 ዩያሮ ኔጊዳ ዓኣ ፖላ ዲሚ ማዑዋጉዲ ኔና ዔሬ።

36 ዓኣሪ ኔኤኮ ዑፆይዳ ዓይጌንዴ ዲሚያ ባኣያ፣ ፖሌ ማዔቶ ፆምፔ ኔ ዑፆ ፖላ ሸኤራሢጉዲ ኔኤኒ ፖላያ ማዓንዳኔ» ጌዔኔ።

ፔርሴ ዓሶና ሙሴ ዔርዜ ዎጎ ዔርዛ ዓሶና ዞሪ ጎርናሢ
(ማቴ. 23:1-36፤ ማር. 12:38-40)

37 ዩሱሴ ዩያ ኬኤዚ ጋፔሰካፓ ፔቴ ፔርሴ ዓሲሰኬይ ሙኡዚ ሙፆም ዔኤላዛ፣ ዒዚ ዓሢ ማኣሪ ጌሊ ሙፆ ሙዓኒ ዴዔኔ።

38 ዩሱሴ ሙፆ ሙዓንዳሢኮ ቤርታ ኩጮ ማሰቲባኣሢር ዩይ ዓሢ ዲቃቲ ሄርሼኔ።

39 ዩያሮ ዩሱሴ ዒዛም፦ «ዒንሢ ፔርሴ ዓሳ፣ ዒንሢኮ ዑሽኮ ዓንጎና ሙፆ ሙዎ ጋባደናኮ ዙሎ ዛሎ ኮሺ ዒንሢ ጌኤሺ ማሰካኔ፤ ዒንሢኮ ጋራ ጋዓንቴ ቡሪሢና ፑርቱሞና ኩሚያኮ።

40 ዒንሢ ሃይ ዔኤኮ ዓሳ፣ ዙሎ ማኤ ፆኣዛሢ ጋሮ ማዢባኣዓዳ?

41 ዒንሢኮ ዑሽኮ ዓንጎና ሙፆ ጋባደናይዳ ዓኣ ባኮ ማንቆ ዓሶም ዒንጉዋቴ፤ ዩካፓ ቢያ ባካ ዒንሢም ጌኤሺ ማዓንዳኔ።

42 «ዒንሢ ፔርሴ ዓሳ ዒንሢና ባዴዔ፤ ዓይጎር ጌዔቶ ፔቴ ዛሎና ዲዮና ፆልቴናይዳ፤ ሃሣ ኮልፖና ዩያጉዴ ባኮይዳፓ ቤርቶ ዒንሢ ፆኣሲም ዒንጋያታፆ ፔቴ ዛሎና ጋዓንቴ ፒዜ ዎጌና ፆኣሲ ናሽኪሢና ዒንሢ ሃሼኔ፤ ዩያ ዒንሢ ማዳንዳያ ኮይሳኔ። ጋዓንቴ ዩያ ዒንጎ ባኮ ዒንሢ ሃሻኒ ኮይሱዋሴ።

43 «ዒንሢ ፔርሴ ዓሳ ዒንሢና ባዴዔ፤ ዓይጎር ጌዔቶ ዓይሁደኮ ዓሳ ቡኪንታ ቤዛ ቦንቺንታ ፆቶይዳ ዴዓኒ ዒንሢ ኮዓኔ፤ ዩያጉዲ ቦኣኮ ቤዘይዳኣ ዓሲ ዒንሢ ቦንቸ ዔኤሊሢ ዔኤሊንዳጉዲ ዒንሢ ኮዓኔ።

44 ዓሳ ዔራዋፆ ጊዴና ዓኣዳ፣ ማላታባኣ ዲኡፒ † ዒንሢ ማላሢር ዒንሢና ባዴዔ፤» ጌዔኔ።

† 11:44 ማላታባኣ ዲኡፒ፦ ጋዓዛ ዓይሁደ ዓሶ ዳምቦና ፔቴ ዓሲ ዔራዋፆ ዲኡፒ ካኣሜቴ ዒኢታያ ማዓሢር ማላታ ማዓንዳጉዲ ዲኡፒዳ ሸቺ ዳኣቢ ቦኣሪ ባኣዚና ቲሽኮኔ።

45 ሙሴ ዔርዘ ዋጎ ዔርዘዘንሢዳፓ ፔቴ ዩሱሴ ኮራ፡- «ዔርዘሢዳፓ! ሃይ ኔ ኑና ጫሽካንቴሞ!» ጌዔኔ።

46 ዩሱሴ ማሃዎ፡- «ዒንሢ ሙሴ ዔርዘ ዋጎ ዔርዘ ዓሳ! ዓሲ ዑሢዳ ዴኤሢ ኬዲ ዒንሢ ጌሣኔ፤ ዒንሢ ጋዓንቴ ዩኖ ኬዶ ኬኤላናታዎ ካእሙሞሴ።

47 ዩያጉዲ ዒንሢኮ ዓደንሢ ዎዴ፣ ያኦሲ ማሊዎ ኬኤዛ ዓሶኮ ዲኡፖ ዒንሢ ፓልሚሲ ኮሻሢሮ ዒንሢና ባዴዔ፤

48 ዓካሪ ዒንሢኮ ዓደንሢ ዎዴ፣ ያኦሲ ማሊዎ ኬኤዛ ዓሶ ዲኡፖ ኮሽሲና ዔያቶኮ ፑርቶ ማዶ ኮሽ ማሂ ዒንሢ ዳሞ።

49 ዩያ ዒንሢኮ ፑርቶ ማዶ ያኦሲ ዔሪሢሮ ፔ ዔራቶና ታ ማሊዎ ኬኤዘዘንሢና ዳኪንቴዘንሢና ታ ዔያቶ ባንሢ ዳካንዳኔ፤ ፔቴ ፔቴዘንሢ ዎዴንዶኔ፣ ዓቴዘንሢ ሃሃ ዳውሶንዶኔ» ጌዔኔ።

50 ዩያሮ ሳዓ ማኸንቴሢዳፓ ዓርቃዎ ላኣለንቴ ያኦሲ ማሊዎ ኬኤዛ ዓሶ ሱጉዎ ዛሎ ሃያ ዎዶ ዓሳ ያኦጪንታንዳኔ።

51 ጎቴ ታ ዒንሢሞ ኬኤዛኔ፤ ዓኣቤኤሌይዳፓ ዓርቃዎ ያኦሲሞ ዒንጎ ባኮ ዒንጎ ካኣሽኮ ቤዘና ጌኤዢ ማኣሮና ባኣኮይዳ ዎዴና ዛካሪያሴ ሱጉዎ ዛሎሮ ሃያ ዎዶ ዓሳ ያኦጪንታንዳኔ» ጌዔኔ።

52 «ዒንሢ ዋጎ ዔርዘ ዓሳ ዒንሢና ባዴዔቴ! ጌኤዢ ማፃኣፖ ዓሳ ዔራሞጉዲ ካሮ ዒንሢ ዎዴኔ፤ ዒንሢሮሞ ዒንሢ ዔሪባኣሴ፤ ሃሃ ዔራኒ ኮዓ ዓሶሞ ዒንሢ ላኣጌኔ።»

53 ዩሱሴ ዩኖ ቤዜሎፓ ዴንዲኒ ዔቃዛ ሙሴ ዔርዘ ዋጎ ዔርዘ ዓሶና ፔርሴ ዓሶና ዒዛ ዒዳ ማኪሢና ሚርጌ ያኦጪሢያ ዓርቄኔ፤

54 ዩያ ዔያታ ማዴሢ ጌኤሲና ዒዛ ቡኡዲኒ ኮዓሢሮኬ።

12

ፔርሴ ዓሶኮ ፔና ጌኤሺ ማሊሲዓ ኮይሱሞያ ማዒዎ (ማቴ. 10:26-27)

1 ዩኖ ዎዶና ኮሺ ሚርጌ ዓሲ ቡኪንቴኔ፤ ዔያቶኮ ዲቡማፓ ዔቄያና ሞሊ ዓሳ ሂዒ ሂርቃኔ፤ ዩሱሴ ዒዛኮ ገንዎ ሃንታ ናኣቶ ኮራ፡- «ፔርሴ ዓሶኮ ሙኡቆ ፃኣዛፓ ካፒንቴሞቴ፤ ዩይ፡- ዔያቶኮ ፔና ጌኤሺ ማሊሲያፓ ሃኩሞቴ ታኣኮ ጌይዎኬ።

2 ካንቄንቴ ባኣዚ ፔጋዲሞዎ፣ ዓኣሺንቴ ባኣዚ ዔርቱሞዎ ዓታዓኬ።

12:1 ማቴ. 16:6፤ ማር. 8:15። 12:2 ማር. 4:22፤ ሉቃ. 8:17።

3 ይህ ደብዳቤ ደንብ ከእኔ ባካ ቢያ ፖሊዳ ዋይዚንታንዳይ፤ ካራ ዋደንቲ ማእሪዳ ካሸካሸ፤ ዋይካ ደንብ ጌሰቲ ባካ ዳጌ ቤሲዳ ፔጌና ከእኔዚንታንዳይ» ጌዔ።

ዎና ዲጊጫንዳያ ኮይሳቲ ከእኔዚንቲህ
(ማቴ. 10:28-32)

4 ሃሣ ዲንህ፤ ታ ዲጊጮንህም፡- «ዳሽኮ ዋዲህዳፓ ዓታዛ ማሌ ዓይሳ ባእዚያ ማዳኒ ዳንዳዑዋዞንህ ዲጊጪፖፖ፤

5 ጋዓንቲ ዎና ዲጊጫንዳያ ዲንህ ኮይሳቲ ታ ዲንህም ከእኔዚንዳይ፤ ዩይያ፡- ዋደህኮ ጊንፃ ባይቁዋ ታዋይዳ ዓጋኒ ቢታንቶ ዓኣ፤ ያኦዛህኬ፤ ሂዮ! ዲዛ ሌሊ ዲጊጪጩዋቲ ታ ጋዓ።

6 «ደንጎ ሱኡታ ፔቲ ሳንቲፔም ሻንቲንታያቱዋይ? ዔያቶይዳፓ ፔቲታ? ያኦሲ ቤርቶይዳ ዋሊንቲዋሴ።

7 ዩያፓዲ ዲንህኮ ቶኦኮ ጋፓና ቢያ ፓይዲንቲያኬ፤ ዩያር ዲጊጪፖፖ፤ ዲንህ ማርጌ ሱኡቶይዳፓ ባሽታንቲዋ!» ጌዔ።

ኪሪሰቶስ ዛሎ ማርካዳንዳያ ኮይሳህ
(ማቴ. 10:32-33፤ 12:32፤ 10:11-20)

8 ዩካፓ ዩሱሴ፡- «ቦርሲንቲዋ? ዓሲ ቤርቲዳ ታ ዛሎ ማርካዳ ከእኔዛህም፤ ታኣኒ ሃሣ ያኦሲ ኪኢታንቶም ዲዛ ዛሎ ማርካዳ ከእኔዛንዳይ፤ ታ ዲንህም ጋዓኣኬ።

9 ዓሲ ቤርቲዳ ታና ዔሩዋሴ ጋዓህ ታኣኒያ ሃሣ ያኦዛህ ኪኢታንቶም ዲዛ ዔሩዋሴ ጋዓንዳይ።

10 «ዓሲ ናዓህ ጫሽካይ ዓኣቶ ዳቢንታ ዲዛም ዓቶም ጌይንታንዳይ፤ ዓያኖ ጌኤዦ ጫሽካይ ዓኣቶ ጋዓንቲ ዳቢንታ ዲዛም ዓቶም ጌይንታዓኬ።

11 «ዓሳ ዓይሁዶ ዓሶኮ ቡኪንቶ ቤዞ ቢያ ዲንህ ዔኪ ዓኣዳኣና፤ ዋይሃ ዓሶንታ ቢታንታ ዓኣ ዓሶ ቤርታ ቢያ ዲንህዳ ዋጊሳኒ ሸኢሻ ዋዶና <ዓይሳ ኑ ማሃንዳይ? ዋዚ ጌይ ኑ ከእኔዛንዳይ?> ጌዒ ማታዲፖ፤

12 ዓይጎር ጌዔቶ ዲንህ ከእኔዚ ኮይሳ ባኮ ዩማና ዓያኖ ጌኤዦ ዲንህም ከእኔዛንዳይ» ጌዔ።

ያርጎጬ ዓህኮ ዔኤያቶ

13 ዳር ባኣኮይዳፓ ፔቲ ዓሲሰኬይ ዩሱሴ ኮራ፡- «ዔርዛህዮ! ኑ ዓዳህ ኑም ዳካልሴ ቤዞ ታኣና ዋላ ጊሽታንዳፓዲ ታ ጌርሲንህም ከእኔ» ጌዔ።

12:10 ማቴ. 12:32፤ ማር. 3:29።

14 ዬሱሴ ጋዓንቴ ማሃዎ፡- «ዔኤዛይ፣ ዒንሢ ባኣኮይዳ ታ ዋጋያ ማዓንዳጉዲና ዓጪ ታ ዒንሢሞ ጊሽካንዳጉዲ ያ ታና ጌሄይ?» ጌዔኔ።

15 ሄሊሳዎ ሃሃ ሲያሢሞ፡- «ዓሲኮ ሹምጋ ጴዳሢ ቆሎ ሚርጉሞጋቱሞኣሢሮ ሲያ ባኣዚ ናሽኪሢና ሲያ ባኣዚም ጎጋይቂሢዳጋ ዒንሢ ካፑሞቴ፤ ሃሃ ዔሩሞቴ» ጌዔኔ።

16 ዬካገ ዬሱሴ ኮኣኪንሢና፡- «ጎዣ ዒዛኮ ሚርጌ ሃኣኮ ካፆ፣ ፔቴ ያርጎቹ ዓሲ ዓኣኔ፤

17 ዒዚያ ፔ ማሊያና ሃያ ሲያ ሃኣኮ ታ ዓርሃንዳ ሴሲ ታኣኮ ባኣሢሮ ታ ሞዳንዳይ?» ጌዒ ማሌኔ።

18 ዬካገ ሃሃ ታ ዓካሪ ሂዳንዳይ፤ ሴርታ ታኣኮ ዓኣ ኮኖ ሲያ ሻሂጋጋ ሜሌ ዴኤፒ ዴኤፒ ኮና ታ ማዢ፣ ዒኣካ ታኣኮ ሃኣኮና ዓኣ ባኮና ሲያ ቡኩሲ ታ ዓርሃንዳይ።

19 ዬካገ ታኣኔ ታኣሞ፡- ሃይሾ! ዓካሪ ኔኤም ሚርጌ ሌዔይዳ ጌዳ ሚርጌ ባኣዚ ኔኤኮ ዓኣኔ፤ ዬያሮ ሜታ ባኣያ ማዒ፣ ሃውሺጋጋ ሙዔ፤ ዐሽኬ፣ ሞዛዴ፣ ታ ጋዓንዳይ» ጌዔኔ።

20 ያኣሲ ጋዓንቴ ዔኤዛይ፣ ኔ ዔኤያሢ! ሃኖ ዒባኒ ኔ ሃይቃንዳይ፤ ዓካሪ ሃይ ኔ ቡኩሴ ባካ ሲያ ያኣም ማዓንዳይ?» ጌዔኔ።

21 «ዬያሮ ፔኤም ሳያይዳ ቆሎ ቡኩሳ ዓሲ፣ ያኣሲ ሴርቶይዳ ጋዓንቴ ማንቆ ማዔ ዓሲ ዬያጉዲ ማዓንዳይ» ዔያቶም ጌዔኔ።

ያኣሲዳ ጉሙርቂሢ ጌሥሢ
(ማቴ. 6:25-34)

22 ዬካገ ዬሱሴ ዒዛኮ ጊንያ ሃንታ ናኣቶም፡- «ዓካሪ ሳይጎ ኑ ሙዒ፣ ዓይጎ ዐሽካንዳይ?» ሂዚ ጌይሢና ዒንሢኮ ናንጎ ዛሎ ሜታዲፖቴ ታ ዒንሢሞ ጋዓኔ።

23 ዓይጎሮ ጌዔቶ ሙኡዚዳጋ ሹምጋ፣ ማኣያይዳጋ ዐሢ ባሽኬ።

24 ሂንዳ ቁራኮ ዛጉሞቴ፡- ዔያታ ጎሽኪ ሃኣኮ ቡኩሱሞሴ፤ ሃሃ ዔያቶኮ ኮናኣ ባኣሴ፤ ማዔቶሞ ያኣሲ ዔያቶ ሙኡዛይ፤ ዒንሢ ዓካሪ ካፖይዳጋ ባሹቱሞዳ?

25 ጎያንቴ ዒንሢዳጋ ማሊ ሜታዲሢና ፔ ናንጎ ሌያይዳ ፔቴ ኬሊ ቃሳኒ ዳንዳዓሢ ያናዳይ?

26 ዓካሪ ዬማ ዳኮ ባኮማታዎ ማዳኒ ዳንዳዐ-ሞያታዎ ዓይጎሮ ሜሌ ባኮሮ ዒንሢ ሜታዳይ?

27 ካዮ ቡና ወይቲ ዑጋቲ ሂንዳ ዛጉዋቲ፡- ዔያታ ማዲ ላቡዋሴ፡ ሱኩዋሴ፡ ማዔቶዋ ካኣቲ ሴሎሞኔታዎ ፔ ቦንቾ ዋደና ቢያ ዔያቶይዳፓ ፔቲማጉዲ ሚዛጳ ማኣዎ ማይንቲባኣሴ።

28 ዓካሪ ያኦሲ ሃኖ ጴዲ ዚሮ ታሞይዳ ዓገንታንዳ ካዮ ማኣቶ ዬያይዲ ፓልሚሲ ማይሳያ ማዔቶ፡ ዒንሢ ጉሙርቁፃ ፓጩ ዓሳ፤ ዒንሢ ዒዚ ወይቲ ዬያይዳፓ ባሼና ማይሲንዲዋይ?

29 «ዬያሮ ላይጎ ኑ ሙዒ ዑሽካንዳይ?» ጌዒ ጌዒ ማሊሢና ማታዲፖቲ።

30 ዬያ ዴንቃኒ ሃያ ዓጩ ዓሳ ማታዲኔ፤ ዒንሢሚ ጋዓንቲ ዬይ ቢያ ኮይሳሢ ዒንሢኮ ጫሪንጩ ዓዳሢ ዔራኔ።

31 ዬያይዳፓ ባሼ ያኦሲ ካኣቲሞ ዛሎሞ ኮይሳ ባኮ ቤርታሱዋቲ፤ ዒንሢሞ ኮይሳ ባካ ቢያ ቃሲንታንዳኔ» ጌዔኔ።

ሳዓይዳ ቆሎ ቡኩሲሢ ኮይሱዋያ ማዒያ
(ማቲ. 6:19-21)

32 ዬሱሴ ሃሣ ኬኤዛዎ፡- «ዒንሢ ሚርጌቲዋ፡ ደኮ ታ ዒገሮንሢዮቲ ዒገጩፖቲ፤ ዓይጎሮ ጌዔቶ ዒንሢኮ ጫሪንጩ ዓዳሢ ዒዛ ካኣቲሞይዳ ዒንሢ ጌልዛኒ ኮዔኔ።

33 ዒንሢኮ ዓኣ ባኮ ቢያ ሻንቸ፡ ሚኢሻ ማንቆ ዓሳሞ ዒንጉዋቲ፤ ሚኢሻ ዓጎ ጩንቁዋ ቡራሾይዳ፡ ዉዛ ሄሉዋ ቤዘይዳ፡ ቁንቁናሢያ ሙዒ ፑርቲሱዋ ቤዘና ፔቲታዎ ጋፑዋ ቤዘ፡ ጫሪንጩ ማኣራ ዒንሢኮ ሚኢሻ ጌሠዋቲ።

34 ዓይጎሮ ጌዔቶ ሚኢሻ ዒንሢኮ ዓኣ ቤዛ ዒናኣ ሃሣ ዒንሢኮ ዒኢካ ማዓንዳኔ» ጌዔኔ።

ማዳ ማዳ ደዲ ዓሲ

35 ሃሣ ዬሱሴ ኬኤዛዎ፡- «ገኢገንቲ ቱኡቲ፡ ቢያ ዋደና ማዳሞ ገኢገንቲዋቲ፤ ፖዓኣ ዒንሢኮ ፖዓያ ማዎንጎ።

36 ዬያይዲ ዔያቶ ጎዳሢኮ ዔፖ ቤዘይዳፓ ማዒ ሙኪያ ካፓ፡ ማዳ ዓሳንሢ ማሉዋቲ፤ ዔያታ ፔኤኮ ጎዳሢ ሙኪ ካራ ዔቂ ዔኤላኣና ዑኬና ሩኡሪ ቡላኒ ገኢገንቲያኬ።

37 ዬንሢ ዔያቶኮ ጎዳሢ ዔሩዋንቲ ሙኪ፡ ጴጪ ዔያታ ካፓንቲ ዔያቶ ዴንቆና ማዳ ማዳዘንሢ ዋዚጉዲ ጋላቲንቲያዳይ! ጎኔ ታ ዒንሢሞ ጋዓኔ፡- ዒዚያ ገኢገንቲ፡ ቱኡቲ ሙዎ ሙዋ ቤዛ ዔያቶ ዴይሣንዳኔ፤ ሙዎ ሙኡዚ፡ ዔያቶ ሸኦቹንሣንዳኔ።

12:27 1ካኣቶ. ማ 10:4-7፤ 2ያኦሲ. ዓሃኬ 9:3-6። 12:35 ማቲ. 25:1-13።
12:36 ማር. 13:34-36።

38 ዔያቶኮ ጎዳሢ፡- ሳዓ ገደሚሺ ሃሃ ገደሚሺፓ ዑሃ ዓኣዳም ሙኪ፡ ጳጪ ገአጊነቱ፡ ካፓነቱ ዴንቄ ማዳዘንሢ ጋላቲንቴያኸ!

39 ኮሺ ዔሩቀቱ፤ ዉሲ ሙካ ዎዴ ዓሲ ዲማሲ ዔራያ ማዔቶ ጊንዑቀዎ ካፒ፡ ዉዘና ማኣሮ ቦኦኪሲንዲቀያታዎ፡ ዔሩቀ ዓቲዎና ዉዘ ማኣሪ ገላሢጉዲ፡

40 ዓሲኮ ናዓሢ ዒንሢ ማሊባኣ ዎዴና ዔሩቀነቱ ሙካንዳ፤ ዬያሮ ዒንሢ ገአጊ ካፑቀቱ» ገዔኔ።

ማዳ ማዳ ኮሺ ዓሲና ፑርታ ዓሲ ዛላ
(ማቲ. 24:45-51)

41 ዬማና ጳደሮሴ፡- «ጎዳሢዮ! ሃያ ኮኦኪንሃ ኔ ከኤዛሢ ኑምቀ? ቢያ ዓሲምዳይ?» ገይ ዬሱሴ ኮራ ያኦጩኔ።

42 ጎዳ፡፡ ዬሱሴ ማሃዎ፡- «ዓካሪ ፔኤኮ ማኣሮ ዓሶ ዎይሃንዳጉዲና ማዳ ዓሶማኣ ሙዓ ኮይሳ ዎዴና ዒንገንዳጉዲ፡ ጎዳ ዶኦሪ ገሃ ጉሙርቁንታያና ጨንጫ ማዔሢ ያናዳይ?

43 ዒዛኮ ጎዳሢ ዓኣዳ ሴዛፓ ማዔ ዎዴና ዒዛም ዓይሢነቱማጉዴያ ማዳ ጳዳ ማዳ ዓሢ ዎዚ ጋላቲንቴያዳይ!

44 ጎኔ ታ ዒንሢም ጋዓኔ፤ ጎዳሢ ዬያ ማዳ ዓሢ ፔኤኮ ማኣሮይዳ ዓኣ ባኮ ቢያኮ ዑፃ ማሃ ዶኦሪ ገሃንዳ፡፡

45 ጋዓንቴ ዬይ ማዳ ዓሢ ታ ጎዳ ዑኬ ሙካዓከ፡ ኔጋንዳ፤ ገይ ማሊሢና ሙዒ ሙዒ ሃሃ ዑሽኪ ዑሽኪ፡ ማሢነቱ ማዳ ማዳ ዓቲንቆና ላኣሎና ጳዳ ዓርቁቶ፡

46 ጎዳሢ ዒዛኮ ዔርቲባኣ ዎዴይዳ ሙኪ፡ ዬያ ማዳሢ ኮሺ ጳርቃንዳ፤ ሃሃ ዒዛ ጉሙርቁንቱዎ ዓሲ ማሃ ፓይዳንዳ፡፡

47 «ዒዛኮ ጎዳሢ ማሊዎ ዔራያታዎ ጎዳሢ ማሊዎጉዲ ማዳባኣሢ ሃሃ ዬያጉዲ ጎዳሢኮ ዓይሢዎ ኩንሠቀ ማዳ ዓሢ ኮሺ ጳርቁንታንዳ፡፡

48 ጋዓንቴ ጎዳኮ ማሊዎ ዔሪባኣዎ ዒዛ ጳርቁሳ ባኣዚ ማዳቶዎ ዒዛ ጳርቆንዶ ጳዳ ሹለዔከ፤ ዓይኅሮ ገዔቶ ሚርጌ ዒንጊነቱ ዓሲዳፓ ሚርጌ ኮይንታ፤ ሚርጌ ባኣዚዳ ቢታንቶ ዒንጊነቱ ዓሲዳፓ ሚርጌ ባኣዚ ካፒንታ፤» ገዔኔ።

ዬሱሴ ዔኪ ሙኬ ዲሙቀ
(ማቲ. 10:34-36)

49 ሄሊሳዎ ዬሱሴ፡- «ሃኣዛጉቀቱ፤ ታኣኔ ሳዎይዳ ታሚ ዔኪ ሙኬኔ፤ ዬይ ታማ ዑኬና ታኣም ዔኤቱቱ ዎዚ ታና ሻንዳይ!

50 ጋዓንቴ ታኣኒ ፑኡፒ ዔካንዳ ሜታ ዓኣሢሮ ዬይ ኩማንዳያ ሄለንዳኣና ሃውሺሢ ታኣኩ ባኣሴ።

51 ታኣኒ ሳዖም ኮሹሞ ዔኪ ሙኩጉዲ ዒንሢሞ ማለ? ታኣኒ ዔኪ ሙኩሢ ፓቂንቲሢ ማዓንዳኣፓዓቲሞ ኮሹሞቱሞሴ።

52 ሃሢፓ ዓርቃ? ፔቴ ማኣሪዳ ዓኣ ደንጎ ዓሲ ሞሊፓ ዲማዳንዳኔ፤ ሃይሆንሢ ላምዖንሢዳ ገንሣ ሃሣ ላምዖንሢ ሃይሆንሢዳ ዔቂ ሞላ ዑራዳንዳኔ።

53 ዓዴ ናዖ ዑዖይዳ፣ ናዓ ዓደ ዑዖይዳ፣ ዒንዳ ናዖ ዑዖይዳ፣ ናኣ ዒንደ ዑዖይዳ፣ ማዔ ናኣዚ ማቕ ዑዖይዳ ናኣዚ ማቕ ሃሣ ማዖ ዑዖይዳ ፑርቱሞና ዔቂ ዲማዳንዳኔ» ጌዔኔ።

ዎደ ዘሎ ዔሪሢ
(ማቴ. 16:2-3)

54 ላሚ ሃሣ ዬሱሴ ዳርሞ፡- «ዓባ ጌላ ዘሎና ሻኣሬ ዒንሢ ዴንቃዖ <ሃይሾ፣ ሃኖ ዒርዚ ሞርቃንዳኔ!> ዒንሢ ጋዓዛ፣ ዔርዚ ሞርቃኔ።

55 ዬያጉዲ ሃሣ ዓባ ኬሰኪ ጌላ ዘሎኮ ደኣሎ ዘሎና ቱር ዠባርሹቶ <ሃኖ ዓቢኬ> ዒንሢ ጋዓዛ፣ ጎኔ ዒማዲ ማዓኔ።

56 ዒንሢ ሃይ ዒንሢና ጌኤሽ ማሊሳ ዓሳ ጫሪንጮና ሳዖና ዓኣ ጎይዖ ዘገ ማዓንዳ ባኮ ዒንሢ ዔሪ ዔሪኔ፤ ዓካሪ ሃሢ ሃያ ዎደና ማዲንታ ባኮ ዓይጎር ዒንሢ ዔራሞይ?» ጌዔኔ።

ሞርኬና ሞላ ገኢገንቲሢ ዘላ
(ማቴ. 5:25-26)

57 ዬካፓ ዬሱሴ፡- «ዓካሪ ዒንሢ ዒንሢ ቶኦኪና ፒዜ ማዔ ባኣዚ ዔሪ ዓይጎር ዎጉሞይ?

58 ኔኤኮ ሞርኬ ኔና ዎጌና ዓይሢሲ ዎጎ ዎጎ ማኣሪ ዔኪ ዓኣዳ ዎደና ጎይዖ ዓኣየ ኔ ሞርካሢና ገኢጋጎ ኮሺ ማሌ፤ ያዲ ማዓባኣያታቶ ዒዚ ኔና ዎጎ ዓሢ ኮይላ ዔኪ ዓኣዳንዳኔ፤ ዎፓሢ ሃሣ ፖኦሊሳሢሞ ዓኣሢ ዒንጋንዳኔ፤ ጋፒንፃ ፖኦሊሳሢ ኔና ቱኡዘ ማኣራ ቱካንዳኔ።

59 ኔ ዳሴ ባኮ ዘሎ ቢያ ጋፒሲ ጨጉሞ ቱኡዘ ማኣራፓ ኬሰካኒ ኔ ዳንደዑሞኣሢ ታ ኔኤም ኬኤዛኔ» ጌዔኔ።

13

ጎሜ ቡኡዲሢ ኮይሳያ ማዔሢ

12:50 ማር. 10:38። 12:53 ሚኪ. 7:6።

1 ዓረፍና ዓሳ ዩሱሴ ባንሢ ሙከ:- «ጌሊላ ዓጮ ዓሳ ያኦሲም ሹኪ ዒንጊ ካኣሽኮ ባኮ ሹኢሻ ዋደና ጸሊላያሴ ዔያቶ ዋደም፡ ሱጉፃኣ ዔያቶሮ ዔያታ ያኦሲም ዒንጊ ካኣሽካ ባኮና ዋላ ሲኢሪንቴኔ» ጌይ ዒዛም ከኤዜኔ።

2 ዩሱሴ ዔያቶም ማሃዎ:- «ዓካሪ ዩንሢ ጌሊሎ ዓሶንሢ፤ ዩይ ሃይሶ ባይሲንታ ሃሌሢ ማሌ ዓቲ ጌሊላ ዓሶይዳፓ ቢያ ባሼ ጎሜ ዓሲ ዔያታ ማዔሢሮ ዒንሢም ማላ?

3 ያዲቱዋሴ! ዒንሢኮ ጎማ ዳቢንቲ ማዔሢ ዔሪ ጎሞ ቡኡዲባኣቲ ዒንሢያ ዔያቶጉዲ ባይቃንዳኔ ታ ዒንሢም ጋዓኣኔ።

4 ሴሌሆሜ ጎዎ ቤዘይዳ ሹጮና ከልቂ ማኸና ዲራ ዶዔም፡ ሃይቄ ታጶ ሳሎ ዓሶ ዛሎ ዒንሢ ዋዚ ጋዓይ? ዔያታ ዩሩሳላሜይዳ ናንጋ ዓሶይዳፓ ቢያ ዑሣ ዓኣዴ ጎሜ ዓሲ ዒንሢ ኮራ ማላ?

5 ያዲቱዋሴ! ዒንሢኮ ጎማ ዳቢንቲ ማዔሢ ዔሪ ጎሞ ቡኡዲባኣቲ ዒንሢያ ዔያቶጉዲ ባይቃንዳኔ ታ ዒንሢም ጋዓኣኔ» ጌዔኔ።

ዓኣፑዋ ቤሌሴ ጌይንታ ሚጃሎ ኮኣኪንሃ

6 ዩካፓ ዩሱሴ ሃያ ኮኣኪንሃ ዔያቶም ከኤዜኔ:- «ፔቲ ዓሲ ፔኤኮ ቱኮ ሚዎ ባኣኮይዳ ቱከ ቤሌሴ ሚሢሰከና ዓኣኔ፤ ዩኖ ሚጃሎይዳ ዓኣፒ ናንዳኔ ጌዒ ዴንዲ፡ ፔቲታዎ ዴንቁባኣሴ።

7 ዩያሮ ዒዛኮ ዩኖ ቤዜሎይዳ ማዳ ዓሢም ሃኣኣዜ፤ ሃኖ ቤሌሶ ሚጃሎይዳፓ ዓኣፒ ታ ዴንቃኒ ጌዒ ሃይሃ ለዔ ኩሙሢ ታ ሃንቴኔ፤ ጋዓንቲ ፔቲታዎ ዓኣፒ ዒዘይዳፓ ታ ዴንቁባኣሴ፤ ዩያሮ ሃሢ ዒዛ ቲቁ፤ ዓይጎሮ ዒዛ ማሌ ቱኪንቲ ባኮኮ ጉሪ ቤዘ ዓርቂ ሳዎ ፑርቲሳይ?» ጌዔኔ።

8 ዩኖ ቤዜሎ ጎሽካሢ ጋዓንቲ ሳዳሢኖ! ሃንዳ ሃኖ ሌዎ ሃሹ፤ ዓጮ ታ ዒዛኮ ቦኣኪ ቡኡራ ዋሃ ዛጋንዳኔ፤

9 ሙካ ሌዎ ዒዛ ዓኣፔቲ ኮሺከ፤ ሃንጎታቲ ጋዓንቲ ዒዛ ቲቁንታንዳኔ» ጌይ ዒዛም ማሃኔ።

ዩሱሴ ፔቲ ዋሶ ላኣኢሰከና ዓይሁደኮ ሃውሾ ከሎና ፓሢሢ

10 ዩሱሴ ዓይሁደ ዓሶኮ ሃውሾ ከሎና ዔያታ ቡካ ቤዘይዳ ዔርዘንቲ፡

11 ዒኢካ ታጶ ሳሊ ለዔ ጉቤ ፑርታ ዓያና ዋቢሴ ላኣኢሰከና ዓኣኔ፤ ዒዛኮ ጌኢራ ዋቤሢሮ ዴግ ጋዓኒ ዒዛ ፔቲታዎ ዴንዳዑዋያከ።

12 ዩሱሴ ዒዛ ዴንቃዎ ዔኤሊ:- «ዔና፡ ኔኤኒ ኔኤኮ ዶርዓሰካፓ ፖዔኔ» ዒዛም ጌዒ፡

13 ፔ ኩጮና ዒዛ ዒ ፒፃዛ ቤዘማና ዴግ ጌይ ዔቁ፡ ያኦሲ ጋላቲኔ።

14 ዩሱስ ዲዛ ዓይሁደኮ ሃውሾ ኬሎና ፓሣሢሮ ዓይሁደ ዓሶኮ ቡኪንቶ ቤዞ ሱኡጋሢ ዳጋዳዖ ዳሮ ኮራ፡- «ቃልሾ ኬሎ ጋራ ማዶ ማዲንታንዳ ላሆ ኬሊ ዓኣኔ፤ ዩንሢ ኬሎንሢዳ ሌሊ ሙኪ ሙኪ ፖዑዋቱ፤ ሃውሾ ኬሎና ጋዓንቴ ማዑዋያኬ» ጌራ ኬኤዜኔ።

15 ዩማና ጎዳ ዩሱስ ዲዛም፡- «ዲንሢ ሃይ ፔና ጌኤሺ ማሊሳ ዓሳ! ዲንሢ ፔቲ ፔቲሢ ሃውሾ ኬሎና ዲንሢኮ ጌማይ ሃሣ ሃሪ ቱኬ ቤዛፓ ቡሊ ዋኣሢ ዑሻኒ ዔኪ ዓኣዲዋዓዳ?

16 ሃሢ ሃና ዓብራሃማ ፃጸፓ ማዔ፡ ላኣሌላ ታጸ ሳሊ ሌዔ ጉቤ ፃላሄ ቱኬም ሜታዲ ናንጌኔ፤ ዓካሪ ዲዛ ቱኡቲ ሜታዳ ደርዓሢዳፓ ሃውሾ ኬሎና ቡሊንታኒ ዲዛም ኮይሱዋዓዳ?» ጌዔኔ።

17 ያዲ ጌራ ዩሱስ ዲዛ ማካ ዓሶ ቢያ ቦርሲሴኔ፤ ዴራ ጋዓንቴ ዩሱስ ማዳ ዲቃሣ ባኮና ቢያ ዋዛዴኔ።

ሴናፒጩ ጌይንታ ዳኮ ዜርፄሎ ኮኦኪንሃ

(ማቲ. 13:31-32፤ ማር. 4:30-32)

18 ዩሱስ፡- «ፆኦሲ ካኣቱማ ዓይጎ ኮኦኪንሢና ኬኤዚንታንዳይ? ሃሣ ገንሣ ዓይጎና ታ ቤኤዛንዳይ?

19 ፔቲ ዓሲ ፔኤኮ ቱኮና ባኮ ባኣካ ዜርቄ ሴናፒጩ ጌይንታ ሚፄሎ ዜርዖ ማላኔ፤ ዲዛ ዑጊ ዴኤፒ ሚሢ ማዓኔ፤ ካፓኣ ዲዘኮ ካኣፖይዳ ማኣሪ ማኣኔ» ጌዔኔ።

ሙኑቆ ፃኣዘ ኮኦኪንሃ

(ማቲ. 13:33)

20 ዩሱስ ሃሣ ላሚ፡- «ፆኦሲ ካኣቱም ዓይጎና ዋላ ታ ቤኤዛንዳይ?

21 ፆኦሲ ካኣቱማ ፔቲ ላኣሊ ሙኑቆ ካፂሳንዳጉዲ ዲቦ ዲኢሎ ዲርካኣና ዋሃ ሙኑቆ ፃኣዘ ማላኔ» ጌዔኔ።

ኩንዔ ካራ ዛላ

(ማቲ. 7:13-14፤21-23)

22 ዩካፓ ዩሱስ ዩሩሳላሚ ባንሢ ዴንዳዖ ካታሞና ካታሞኮ ዙሎናይዳ ቢያ ዔርዚ ዔርዚ ዓኣዳኔ።

23 ዩማና ፔቲ ዓሲ፡- «ጎዳሢዮ! ዳቃንዳዘንሢ ዳካ ዓሲዳ?» ጌይ ያኦጫዛ፤ ዩሱስ ዔያቶም ማሃዖ፡-

24 «ኩንዮ ካራሎና ጌላኒ ኮሺ ደዳዋቱ፤ ዩኖ ካራሎና ጌላኒ ኮዓ ዓሳ ሚርጌኬ፤ ጋዓንቴ ጌላኒ ዔያታ ዳንዳዑዋሴ፤ ታ ዲንሢም ጋዓኣኬ።

13:14 ኬሲ. ማፃ 20:9-10፤ ላሚ. ዋማ 5:13-14።

25 ማእሮ ዓዳ ዔቂ ካሬሎ ዋዳንዳኔ፤ ዒንሢ ዙላ ዔቂ ዔኤሊንጉ ሳዳሢዮ! ሃዳሩ ካሮ ኑም ቡሌ!፤ ጋዓዛ፣ ዒዚያ <ዓንካፓ ዒንሢ ሙኩቶዎ ታ ዒንሢ ዔሩዋሴ፤ ጌይ ዒንሢም ማሃንዳኔ።

26 ዬኖ ዋዳና ዒንሢ <ኔኤና ዋላ ኑ ሙዒ ዑሽኬኔ፤ ኑ ጉርዶይዳ ኔ ዔርዘንጉም!፤ ጋዓንዳኔ።

27 ዒዚ ለሚ ሃሣ <ዓንካፓ ዒንሢ ሙኩቶዎ ታ ዒንሢ ዔሩዋሴ! ዒንሢ ሃይ ፑርቶ ዓሳ ታ ኮራፓ ሺኢኩዋቴ!፤ ዒንሢ ጋዓንዳኔ።

28 ዒንሢ ዓብራሃሜንታ ዩሳኣቄንታ ያይቆኑቤንታ ሃሣ ያኦሲ ማሊያ ኬኤዛዘንሢ ቢያ ያኦሲ ካኣቱሞይዳ ዛጋንዳኔ፤ ዒንሢ ጋዓንጉ ዙላ ኬኤሪንጉ ዓቴ ዋዳና ዬኤፐና ዓቺ ዳይሢና ዒንሢም ማዓንዳኔ።

29 ሚርጌ ዓሳ ዓባ ኬሰካ ካሮና ጌላ ካሮናይዳፓ ሃሣ ሳዖኮ ደኦሎና ኬዳናይዳፓ ሙኪ ያኦሲ ካኣቱሞይዳ ሙዎ ሙዎ ቤዛ ዴዓንዳኔ።

30 ዬያሮ ሚርጌ ላቤያ ሃሣ ጊንፃዴያ ማላ ዓሳ ቤርታ ማዓንዳኔ፤ ጎኦቢ ቤርታዳያ ማላ ዓሳ ጊንሢም ማዓንዳኔ» ጌዔኔ።

ዩሱሴ ዩሩሳላሜ ዙሪ ጎሬሢ
(ማቴ. 23:37-39)

31 ዒማና ፔቴ ፔቴ ፔርሴ ዓሳ ዩሱሴ ኮራ ሙካዖ፡- «ሄሮዲሴ ኔና ዋዳኒ ኮዓሢሮ ሃይፓ ሜሌ ቤሲ ዴንዴ» ዒዛም ጌዔኔ።

32 ዩሱሴ ጋዓንጉ ዔያቶም፡- «ዒንሢ ዴንዲጋፓ ዬያ ዉኡካሢም * ሃኖና ዚሮና ፑርቶ ዓያኖ ታ ኬሲ፡ ሃርጊንጉ ዓሶዎ ፓሣንዳኔ፤ ሃይሣሳ ኬሎና ማዶ ታኣኮ ታ ጋፐሳንዳኔ ጋዓኔ ጎዑዋቴ።

33 ዓካሪ ሃኖ ማዔቶዎ ዚሮ፤ ሃሣ ሂንቶታቴያ ዩሩሳላሜ ታ ዓኣዲዖሮ ዔቃንዳኔ፤ ዓይጎሮ ጌዔቶ ያኦሲ ማሊሢ ኬኤዛሢ ዩሩሳላሜይዳፓ ዓታዛ ሜሌ ቤሰካ ሃይቃንዳያ ኮይሱዋሴ።

34 ዩሩሳላሜ! ዩሩሳላሜ! ኔኤኒ ያኦሲ ማሊያ ኬኤዛዘንሢያ ዋዳኔ፤ ኔ ባንሢ ዳከንታ ከኢቶ ዓሶዎ ሹቻ ኔ ዳዓኔ፤ ኮይዳ ፔኤኮ ጋኣዘ ዴማናኣቶ ቡኩሳሢጉዲ ታኣኒያ ሚርጌና ናኣቶ ኔኤኮ ቡኩሳኒ ኮዔኔ፤ ዒንሢ ጋዓንጉ ዒፄኔ።

13:27 ዓይኑ. 6:8። 13:28 ማቴ. 22:13፤ 25:30። 13:29 ማቴ. 8:11-12።
13:30 ማቴ. 19:30፤ 20:16፤ ማር. 10:31። * 13:32 ዉኡካሢም፡- ዩሱሴ ሄሮዲሴ ዉኡኮ ጌዓሢ ዒዛ ጫጫሽካንጉዋንጉ ዬኖ ዋዳና ፔቴ ዓሲ ዉኡኮ ጌይሢ ዬይ ዓሢ ጨንጫ ሃሣ ማልቴ ዓሲ ማዒያ ዔርዘያ ማዒሢሮኩ።

35 ይያር ማእራ ቢንሢኮ ባዔ ማዒ ባታንዳኔ፤ ቢንሢያ <ያኑሲ ሱንያና ሙካሢ ባንጂንቴያኬ> ጋባንዳ ኬሎ ሄለንዳኣና ፔቴታ? ታና ቢንሢ ዴንቃባኬ» ጌዔ።

14

ዩሱሴ ሃሣ ፔቴ ሃርጌ ዓሲ ሃውሾ ኬሎና ፓሣሢ

1 ዩሱሴ ዓይሁዶ ዓሶኮ ሃውሾ ኬሎና ፔርሴ ዓሶኮ ሱኡጎይዳፓ ፔቴሰኬያ ማእሪ ሙኡዚ ሙዓኒ ጌላዛ፣ ፔርሴ ዓሳ ዒዚ ማዳ ባኮ ዛጋኒ ኮሺ ዒዛ ሙራ፤።

2 ሃርጊንቲ፣ 0-፱ ጉቤ ከፄ ፔቴ ዓሲ ዒማና ዩሱሴኮ ቤርታ ዓኣ።።

3 ዩሱሴ ሙሴ ዔርዜ ዋጎ ዔርዛ ዓሶና ፔርሴ ዓሶና ኮራ፡- «ዓይሁዶ ዓሶኮ ሃውሾ ኬሎና ዓሲ ፓሥሢ ዋጋ ዓይሣሞ ዓይሠቀይ?» ጌይ ያኦጩ።።

4 ዔያታ ጋባንቴ ዚቲዮ ጌዔ፤ ዩሱሴ ዒማና ሃርጊንቲ ዓሢ ፓሢ ዳኬ።።

5 ዩካፓ ሃሣ ዩሱሴ፡- «ቢንሢዳፓ ሃውሾ ኬሎና ናዓ ሃሣ ጌማይ ዔቴይዳ ሎኦማሞ ቤዞማና ኬሱዋኣሢ ያናዳይ?» ጌዒ ዔያቶ ያኦጩ።።

6 ዔያታ ጋባንቴ ማሂ ኬኤዛኒ ዳንዳዒባኣሴ።።

ኮሹሞና ዓሲ ሾኦቺንሢና ዛላ

7 ዩሱሴ ሙያሞ ዔኤለንቴ ዓሳ ቦንቺንቴ ቤዛ ዴዓኒ ኮዓሢ ዛጋፆ ሂዚ ጋባ ኮኦከንሢ ዔያቶም ኬኤዜ።።

8 «ፔቴ ዓሲ ዔፒ ቤሲ ሙኡዚም ኔና ዔኤሌቴ፣ ቦንቺ ቤዛ ሩኡሪ ዴፒ፣ ጎያንቴ ኔ ጊዳፓ ባሼ ቦንቺንቴ ዓሲ ዔኤለንቴያናንዳ፤።

9 ቢንሢ ላሞዓሢ ዔኤሌ ዓሢ ኔ ኮይላ ሙኪፓፓ <ሃኖ ቤዜሎ ሃያ ዓሢም ሃሼ> ኔና ጌዔቴ፣ ዒማና ዴኤፒ ቦርሲንቲና ሂርኬ ቤዛ ኬዲ ኔ ዴዓንዳ፤።።

10 ጋባንቴ ሙኡዚ ቤሲ ኔ ዔኤለንታኣና ዴንዲ ሂርኬ ቤሲዳ ዴዔ፤ ዩካፓ ኔና ዔኤሌ ዓሢ ኔ ኮራ ሙኪ ታ ቢጊናሢዮ! ሃይካ ዴጌ ቤዛ ኬሰኪ ዴዔ» ኔና ጋባዛ፣ ማሌ ኔኤና ዔኤለንቴዞንሢ ቤርታ ቢያ ቦንቺ ኔኤም ማዓንዳ፤።።

11 ዓይጎር ጌዔቶ ፔ ቶኦኮ ዴጊዳሢ ቢያ ሂርኪ ጋባንዳ፤። ፔ ቶኦኮ ሂርኪዳሢ ጋባንቴ ዴግ ጋባንዳ፤። ጌዔ።።

12 ዩሱሴ ሃሣ ሙያ ሙኡዚኒ ዔኤሌ ዓሢም፡- «ካሣ ኔ ሙኡዚኒ ርኡሪያ ማያም ዋንታ ዔኤላ ዋዶና <ዔያታ ሙዔሢ ዛሎ ማሂ ታና

13:35 ዓይኑ. 118:26፤ ዔር. 22:5። 14:5 ማቲ. 12:11። 14:11 ማቲ. 23:12፤ ሉቃ. 18:14።

ዔኤሊ ሙኡዛንዳኔ፤ ጌራ ማሊሢና ኔኤኮ ላጎ፤ ኔኤኮ ጌርሲንሢ፤ ኔኤኮ ሲጊናና ሃሣ ዖርጎጮ ማዔ ኔኤኮ ዓሺኖ ዔኤሊ፤

13 ጋዓንቴ ኔ ካሣ ሙኡዛን ዔኤላ ዎደና ዔኤሊባኣ ዓሶ፤ ኩቸና ቶኪና ደዴ ዓሶ፤ ዎሶ ዓሶ፤ ሃሣ ዓኣፖ ባይቄ ዓሶ ዔኤሊ።

14 ያዲ ኔ ማዴቶ ዔያታ ኔ ማዴሢ ዛሎ ኔኤም ጨጋኒ ዳንዳዑዎኣሢር ኔ ዓንጂንታንዳኔ፤ ጋፒንፃ ጌኤኮ ዓሳ ሃይባፓ ዔቃ ዎደና ያኣሲ ኔኤም ጨጋንዳኔ» ጌዔኔ።

ዴኤፖ ሙዖ ጊኢጊሾና ኮኦኪንሃ
(ማቴ. 22:1-10)

15 ሙዖ ሙዓኒ ዴዔ ዓሶይዳፓ ፔቴሰኬይ ዩሱሴ ኬኤዜሢ ዎይዛዖ፡- «የኣሲ ካኣቱሞይዳ ሙኡዚር ዴዒሢ ዎዚጉዲ ዓንጂንቲሢዳይ!» ጌዔኔ።

16 ዩሱሴ ጋዓንቴ ማሃዖ፡- «ፔቴ ዓሲ ዴኤፒ ሙኡዚ ጊኢጊሾ ሚርጌ ዓሲ ዔኤሌ፤

17 ሙዖ ሙዖንዶ ኬላ ሄላዛ ላይሾ ዓካሪ ቢያ ባካ ጊኢጊንቲሢር ታኣኮ ሙዖ ሙዓኒ ሙኩዎቴ!» ጌራ ዔኤላንዳጉዲ ሙዖ ጊኢጊሾሢ ሲዘኮ ዓይሢንቲ ማዳሢ ዔኤሊንቲ ዓሶ ኮራ ዳኬኔ።

18 ጋዓንቴ ፔቴ ፔቴ ዔኤሊንቲ ዓሳ ሙዖይዳፓ ዓቶንዶ ጎይሢ ኮሲሢ ዓርቃዖ፡ ፔቴሢ ለቤሲ ታ ሻንቄሢር ዴንዲ ታ ዛጋንዳኔ፤ ዩያር ታ ሙካኒ ዳንዳዒባኣሴ፤ ታና ቆፂፖ» ጌዔኔ።

19 ባጋሢ ሃሣ ለንጎ ዎኣፃ ጌማይ ታ ሻንቄሢር ዔያቶ ታ ዓኣሢ ዛጋንዳኔ፤ ታና ሄሊሲንዲዎሴ፤ ቆፂፖ» ጌዔኔ።

20 ዓቲሢ ሃሣ ለኣሊ ታ ዔኪ ዑኡቱሞይዳ ዓኣሢር ሙካኒ ታ ዳንዳዑዎሴ» ጌዔኔ።

21 «ዔኤሊዖ ዳኮና ማዳሢ ማኣሪ ሙካዖ ዩያ ቢያ ባኮ ጎዳሢም ኬኤዜኔ፤ ዩያር ማኣር ዓዳሢ ዳጋዳዖ፡ ዓይሢንቲ ማዳሢም ለቤና ካታሞኮ ዳልጎ ጎይዖና ጊዴና ቲቂ ዓኣዳ ጎይዖና ዴንዲጋፓ ማንቆ ዓሶ፤ ኩቸና ቶኪና ደዴ ዓሶ፤ ዓኣፓ ባይቄ ዓሶና ሃሣ ዎሶ ዓሶዎ ዔኤሊ ሃኒ ዔኪ ሙኩ» ጌዔኔ።

22 ዓይሢንቲ ማዳሢያ ሙካዖ ጎዳሢ ኮራ ታ ጎዳሢዮ! ኔኤኒ ታና ዓይሢ ባኮ ቢያ ታ ማዳንቲ፤ ሃጊ ቤዛ ኩሚባኣሴ» ጌዔኔ።

23 ዩያር ማኣር ዓዴ ማዳሢም ለማኣሪ ታኣኮ ኩማንዳጉዲ ካታሞኮ ዙሎ ዔኪ ዓኣዳ ዳልጎ ጎይዖና ቲቂ ዓኣዳ ጎይዖና ዴንዲ ዓቲያ ሜሌ ዓሲና ሃሣ ሙካንዳጉዲ ዔኤሊ፤

24 ዩንሢ ቤርታ ዔኤሊንቲዘንሢፓ ፔቴ ዓሲታዖ ታኣኮ ሙዖ ሙዓኣኬ» ጌዔኔ፤ ታ ዒንሢም ጋዓኔ።»

ዩሱስ ገንሣ ሃንቲሣ ዔኪሳ ሜቶ
(ማቴ. 10:37-38)

25 ሚርጌ ዓሲ ዩሱሴና ዎላ ዓኣዳንቴ ዒዚ ዔያቶ ባንሣ ሺሪጋፓ፡-

26 «ታ ባንሣ ሙካሣ ቢያ ፔኤኮ ዓደና ዒንደና ማቸና ናኣቶና ጌርሲንሣና ጌርንሣና ሃሣ ፔ ሸምፓሣያ ታ ጌዳፓ ባሼ ናሽካያ ማዔቶ፡ ታ ዓሲ ማዓኒ ዳንዳዑዎሴ።

27 ሃሣ ሃይሴ ሄላንዳኣና ጌኢጌያ ማዒባኣሣ ታኣኮ ገንፆ ሃንታ ናይ ማዓኒ ዳንዳዑዎሴ።

28 «ዒንሣዳፓ ፔቴ ዓሲ ሹቸና ማዡ ማኣሪ ማዡኒ ኮዔቶ ማደ ማደ ጋፒሳኒ ዎኣዲ ሚኢሼ ኮይሳያታቶዎ ቤርታዲ ዴዒ ማላኔ።

29 ጋዓንቴ ሹጮና ማዡ ማኣሪ ማዡፆ ዓርቃፆ ጋፒሳኒ ዳንዳዒባኣያታቴ ዓይፆይዳ ዓቴ ማኣሬሎ ዛጋ ዓሳ ቢያ ዒዛ ቦሃንዳኔ፤

30 «ሃኣዛጉዎቴ፤ ሃይ ዓሣ፡ ማኣሪ ማዡኒ ዓርቁፆ ጋፒሳኒ ዳንዳዒባኣሴ» ጌዒ ጌዒ ሃሣ ዒዛ ፓሳንዳኔ።

31 «ሃሣ ገንሣ ታጶ ሺያ ፖኦሊሴ ዓኣ፡ ፔቴ ዓጪኮ ካኣቲ ሜሌ ላማታሚ ሺያ ፖኦሊሴ ዔኪ ያላኒ ሙካ ካኣቲና ዎላ ያልታኒ ኮዔቶ ቤርታዲ ፔኤኮ ሞርኮ ባሻኒ ዳንዳዓያ ማዔቶ ዔራኒ ዴዒ ዘርታኔ።

32 ዳንዳዑዎያ ማዔቶ ጋዓንቴ ዒዛ ያላኒ ሙካ ካኣታሣ ሃጌ ሃኬ ዓኣንቴ፡ ዩይ ካኣታሣ ጪማቶ ዓሲ ዳካኔ።

33 ዩያጉዲ ዒንሣዳፓ ፔኤኮ ዓኣ ባኮ ቢያ ሃሺባኣ፡ ዓይጎ ዓሲታቶዎ ታ ዓሲ ማዓኒ ዳንዳዒንዲዎሴ» ጌዔኔ።

ማኣዲዎ ሶኦጌ
(ማቴ. 5:13፤ ማር. 9:50)

34 ዩካፓ ሃሣ ዩሱሴ፡- «ሶኦጌ ኮሺኬ፤ ሶኦጌ ሶኦጌ ማዒባኣያታቶ ዓይጎና ገንሣ ሶኦጌ ማሂንታንዳይ?

35 ዩኖጉዴ ሶኦጌላ ጎሽኪንታ ዓጮም ማዔቶዎ ሃሣ ጎሺ ማሊሳኒያ ላኣሊንቱዎ ቡኡራጉዲ ማዔሣረ ጉሪ ከኬኤሪንታንዳኔ፤ ዓካሪ ዎይዛ ዎይዚ ዓኣሣ ዎይዘንጎ!» ጌዔኔ።

15

ባይቁ ማራይ ኮኦኪንሣ
(ማቴ. 18:12-14)

14:26 ማቴ. 10:37። 14:27 ማቴ. 10:38፤ 16:24፤ ማር. 8:34፤ ሉቃ. 9:23።

1 ኮርሞ ዓሳይዳፓ ሚኢሾ ቡኩሳ ዓሳና ጎሞ ዓሳና ቢያ ዩሱሴ ዔርዛ ዔርዛያ ዋይዛኒ ቡኩንቲ ዒዛ ኮራ ሙኬኔ።

2 ፔርሴ ዓሳና ሙሴ ዔርዜ ዋጎ ዔርዛ ዓሳና ጋዓንቴ ዬያ ዛጋዎ፡- «ሃይ ሃይሾ ጎሞ ዓሳ ናሽኪ ዔኪ፥ ዔያቶና ዎላ ሙዓኔ» ጌዒ ጌዒ ዩሱሴ ደንኪሢ ዓርቄ።

3 ዬያሮ ዩሱሴ ሃያ ኮኦኪንሦ ዔያቶሞ ሂዚ ጌዒ ኬኤዚሢ ዓርቄ።

4 «ዒንሢዳፓ ጃኤታ ማራይ ዓኣ ዓሲ ፔቴ ማራይ ባይቁቶ ዎይታንደያ ዒንሢሞ ማላይ? ታዘጲታሚ ታዘጸ ማራቶ ካያ ሃሺ፥ ዬያ ባይቁ ማራዒሢ ዴንቃኒ ኮዓኒ ዴንዳዳ?

5 ዬካፓ ዒዛ ዴንቃዎ ኮሺ ዎዛዲ፥ ጌኤታ ኬዲ ማሂ ዔኪ ሙከ።

6 ማኦሪ ሄሌሰካፓ ፔኤኮ ላጎና ዓሺኖና ፔቴይዳ ዔኤሊ፡- ታኦኮ ባይቁ ማራዒሢ ታ ዴንቁሢሮ ታ ዎዛዲ፤ ታኦና ዎዛዲ ዎቴ!። ዔያቶሞ ጋዓንዳ።

7 ጎሜ ቡኡዲ ማዓኒ ኮይሱዎ፥ ታዘጲታሚ ታዘጸ ጌኤኮ ዓሳይዳፓ ባሺ ጎሞ ቡኡዲ ጌኤሽካ ፔቴ ጎሜ ዓሲ ዛላና ያኦሲ ካኦቴሞይዳ ዎዛ ማዓኔ ታ ዒንሢሞ ጋዓኔ» ጌዔ።

ባይቁ ሚኢሾ ኮኦኪንሦ

8 ሄሊሳዎ ዩሱሴ፡- «ታጰ ቢራ ዓኣ ላኣሊኮ ፔቴ ቢራ ባይቁቶ ዒዛ ዎዳንዳያ ዒንሢሞ ማላይ? ፖዒ ፖዒሲ ጋርዎ ፔዲ ዴንቃንዳያ ሄላንዳኣና ዓኣሽንቴ ቤዘ ቢያ ኮዓዓዳ?

9 ዬካፓ ዒዛ ዴንቃዎ ዒዘኮ ላጎና ዓሺኖና ፔቴይዳ ዔኤሊ ታኦኮ ባይቁ ቢሬሎ ዴንቁ ታ ዎዛዲሢሮ፥ ታኦና ዎላ ዎዛዲ ዎቴ!። ዔያቶሞ ዒዛ ጋዓንዳ።

10 ጎሜ ቡኡዲ ጌኤሽካ ፔቴ ጎሜ ዓሲ ዛላና ጫሪንጮይዳ ኪኢታንቻ ዬያጉዲ ዎዛዲ፥ ታ ዒንሢሞ ጋዓኔ።»

ባይቁ ጰጰ ናዓሢ ኮኦኪንሦ

11 ሃሣ ዩሱሴ፡- «ፔቴ ዓሲኮ ላምዎ ናይ ዓኣኔ፤

12 ጌኤዛሢ ዓዳሢ ኮራ <ዓዴ! ኔኤኮ ዓኣ ባካፓ ፓቁ፥ ታና ሄላዘንሢ ሃሣ ታኦም ዒንጌ ጌዔሢሮ፥ ዳዳሢ ዓኣ ባኮ ላምዎ ናኣቶም ጊሽኬ።።

13 ዳካ ኬሊኮ ጊንፃፓ ጌኤዛሢ ፔኤኮ ፓቁ ዔኬ ባኮ ሻንቺያ ሻንቺ ሃሣ ላኣሚያ ላኣሚ ዔካዎ ሃኬ ዓጪ ዴንዴ፤ ዒኢካ ዒ ዓኣዴ ቤዘ ፔኤኮ ሚኢሾ ቢያ ጉሪ ላኣሊ ባይዜ።።

14 መኪሸ ዲ ፔኤኮ ቢያ ጋፒሴሰካፓ ዬኖ ዓጩሎይዳ ሚርጌ ናይዚ ከሰከሚር ሜቶይዳ ዲ ኬዳኔ።

15 ዬያ ሜታሢዳፓ ዔቁያና ዬኖ ዓጩይዳ ዓኣ ፔቴ ዓሲሰከያ ኮይላ ናንጋኒ ጌላዛ፣ ዬይ ዓሢ ፔኤኮ ቆሎ ጉዲንፃ ሄንቁሴኔ።

16 ናያ ዶዴሢር ናዓሢ ጉዲንፃ ሙዓ ሃኣኮ ዲልቦ ሙዒ ሚሸካኒ ዓፃዴቶዋ ዬያ ዒዛም ዒንጋ ዓሲ ባይቄኔ፤

17 ዒማና ናዓሢ ፔኤኮ ዳቢንቶ ዔሪጋፓ ታ ዓዶ ማኣሮይዳ ማዶ ማዳኒ ጌላ ዓሳ ካሦ ሙዒ ሚሸከም ዓዓታንቴ፣ ታኣኒ ሃይካ ናኖና ሃይቃኔ፤

18 ዓካሪ ታ ዔቁ ታ ዓዶ ኮይላ ዓኣዲጋፓ፡- <ዓዴ! ፆኦሲና ኔኤናና ቤርታ ታ ዳቤኔ፤

19 ሃካፓ ሴካ ኔ ናይ ታ ጌይንታኒ ታኣም ኮይሱዋሴ፤ ጋዓንቴ ኔኤኒ ማዳሻ፣ ዓይሎይዳፓ ፔቴሢ ታና ማሄ ታ ጋዓንዳኔ፣ ጌዒ ማሌኔ።

20 ዬያ ጋዓፃ ዔቁ ዓዶ ባንሢ ዓኣዴኔ።

«ዬካፓ ዓዴ ሃጊ ሃኬ ዓኣንቴ ናዓሢ ዴንቃ፣ ሚጨንገቴ ዒዛ ባንሢ ዳሽኪ ኮንቁ ዒዛ ሄርቄኔ።

21 ናዓሢያ፡- <ዓዴ! ፆኦሲና ኔኤናና ቤርታ ታ ዳቤኔ፤ ሃይፓ ሴካ ኔኤኮ ናይ ጌይንታኒ ታና ኮይሱዋሴ፣ ጌዔኔ።

22 ዓዴ ጋዓንቴ ማዳ ዓሶ ዔኤላ፣- <ዑካዲ ቃራ ማኣፃ ዔኪ ሙኪ ማይሱዋቴ፤ ከኤሎይዳ ዢኢር፣ ቶኮይዳኣ ዲርሲ ዓኣሠዋቴ፤

23 ሃሣ ቃራ ማሊ ቡዋ ዔኪ ሙኪ ሹኩዋቴ፣ ሙዒ ኑ ዋዛደም፤

24 ዓይጎር ጌዔቶ ሃይ ናዓሢ ታኣኮ ሃይቄኔ ታ ጌዔንቴ፣ ሃይሾ ሃሢ ሹምፖና ዓኣፃ ማዔኔ፤ ባይቄያታፃ ጴዴኔ፣ ጋዓ፣ ዋዛዲሢ ዓርቄኔ።»

25 «ዬማና ቶይዳሢ ማዶር ቦኣሎ ዓኣዴፃ ማዒ ሙኪ ማኣሮኮ ዑኬ ዋዶና ኮሢ ኮርጎንቴ ዋይዜኔ፤

26 ዬካፓ ዒዚ ዓይሎይዳፓ ፔቴሰከያ ዔኤላፃ <ሃይ ዓይጎዳይ?> ጌዒ ፆኦጩኔ።

27 ዓይላሢ ማሃፃ <ኔ ጌኤዚ ማዒ ሙኬኔ፤ ኔ ዓዴ ዒ ኮሺ ዓኣንቴ ዒዛ ዴንቁሢር ማሌ ቡዋሢ ዒዛም ሹኬኔ፣ ጌዔኔ።

28 «ዬያር ቶይዳሢ ሚርጌና ዳጋዳ፡- <ማኣሪ ታ ጌላዓ፣ ጋዓዛ፣ ዓዴ ካሮ ከሰከ ጌላንዳጉዲ ዒዛ ሸኢቄኔ።

29 ናዓሢ ጋዓንቴ ዓዶም ሃኣዛጌ፣ ሃያጉዴ ሌዔ ታ ኔኤም ማዴኔ፤ ኔ ዓይሢ ባኣዚያ ዒዳ ታ ቤቁባኣሴ፤ ዓካሪ ታኣኒ ታ ላጎንሢና ዋላ ዋዛዳንዳጉዲ ፔቴ ዋናይታፃ ታኣም ኔ ዒንጊ ቤቁባኣሴ።

30 ሃይ ኔኤኮ ናዓሢ ጋዓንቴ ኔጊዳፓ ፓቁ ዔኬ ባኮ ዘኣዞ ላኣሎና ዋላ ኮርሲ ማዔ ዋዶና ማሌ ቡዋሢ ኔ ዒዛም ሹኬኔ፣ ጌዒ ማሄኔ።

31 ዓዳሢ ማሃያ፡- ታ ናዓሢዮ! ኔኤኒ ቢያ ኬሊ ታኣና ዋላኬ፤ ታኣሲ ጉቤ ኔኤርኬ።

32 ሃይ ኔ ጌኤዚ ሃይቄኔ ታ ጌዔጎቴ፡ ሃሢ ሾምፖና ዓኣያ ማዔኔ፤ ባይቄያታ? ሃሢ ጴዳኔ፤ ዬያር ሚርጌ ኑ ዋዛዳንዳያ ኑና ኮይሴኔ » ጌዔኔ።

16

ዔሪ ሙኡዛ ዓሲ

1 ሃሢ ዬሱሱ ፔኤኮ ጊጎጾ ሃንታዞንሢም፡- «ፔቴ ያርጎቺ ዓሲሰኬያኮ ማኣርይዳ ዒናና ማሊ ዔሪ ሙኡዚ ዋይሢ ፔቴ ዓሲ ዓኣኔ፤ ዓሳ ሃይ ኔኤኮ ዓሶ ዋይሢ ዓሢ ኔኤኮ ዓኣ ባኮ ላኣሊ ባይዛኔ ጌዒ ያርጎጫሢም ኬኤዜኔ።

2 ዬካፓ ያርጎጫሢ ዬያ ፔኤኮ ማዳ ዓሢ ዔኤሊሳዖ ሃይ ታ ኔኤኮ ዋይዛ ባካ ዓይጌንዴዳይ? ዓካሪ ሃይፓ ሴካ ታኣኮ ኔ ማኣር ዓሶ ሙኡዛ ዓሲ ማዓኒ ዳንዳዑዋሴ፤ ኔ ዋንዴ ዬኖ ማዶ ማዳኣና ዓኣ ሚኢሾና ዓኣ ባኮና ቢያ ታኣም ሸኢሹ» ጌዔኔ።

3 ዬይ ማዶ ዓሢ ፔ ዒኖና ለማይ ሃይፓ ሴካ፡ ታ ጎዳሢ ታኣኮ ዋንዴ ዓሶ ሙኡዚያ ማዶይዳፓ ታና ኬሳኒኬ፤ ዓካሪ ታ ዋዴቶ ኮሸካንዳይ? ጎሽካኒ ታ ዳንዳዑዋሴ፡ ሸኢቃኒያ ታና ቦርሳኔ፤

4 ጫክ፡ ታ ማዳንዳ ባኣዚ ዔሪኔ፤ ታ ዒዛኮ ማኣራ ዓሶ ሙኡዚያ ማዳፓ ኬሰኬ ዋዶና ዒዛኮ ማኣርይዳ ታና ናሽካ፡ ታኣኮ ላጌ ማዔ ዓሲ ጴዳንዳጉዲ ታ ማዳንዳኔ» ሂዚ ጌዒ ማሌኔ።

5 «ዬካፓ ዒዛ ጎዳኮ ጋሌና ዓኣ ዓሶ ቢያ ፔቴ ፔቴ ዔኤላዖ፡ ቤርታኣሲ ኮራ ታ ጎዳሢም ኔ ጨጋንዳ ጋሌ ዓኣፒኒ ኔ ዑፃ ዓኣይ?» ጌይ ዒዛ ያኦጩኔ፤

6 ዒዚ ማሃያ ጳኤታ ያቲ ኩሙሢ፡ ዛይቴ ታ ጨጋንዳያ ዓኣኔ ጋዛ፡ ሙኡዛሢ ሃሶ ፃኣፒ ዓርቆ ባኮ፡ ዑኬና ዴዒፓፓ ዶንጊታሚ ያቲ ዛይቴ ጌዒ ፃኣፔ» ጌዔኔ።

7 ለምዓሳሢያ ዔኤላዖ ኔ ዑፃ ዓኣፒኒ ጋሌ ዓኣይ?» ጋዛ፡ ዒዚ ማሃያ ጳኤታ ሃሪ ጫኣና ማዓ ዛርጌ ጋሌ ዓኣኔ» ጌዔኔ፤ ሙኡዛሢያ ሃኣዛጌ ፃኣፒ ዓርቆ ባኮ! ሳሊታሚ ሃሪ ጫኣና ጌዒ ፃኣፔ» ጌዔኔ።

8 ዬይ ያርጎጮ ዓሢ ጉሙርቁጎቲባኣ፡ ፔ ማኣራ ሙኡዛ ዓሢ ጨንጨምና ዒ ማዶ ማዶ ሄርሼኔ፤ ዬይ ያኣሲ ዓሶይዳፓ ባሹ፡ ሃያ ዓጮ ዓሳ ሳዖይዳ ዔያታ ናንጋ ናንጎኮ ጨንጫ ማዔሢ ዔርዛኔ» ጌዔኔ።

ሚኢሹና ኮይሳ ባኣዚ ማዳንዳያ ኮይሳሢ

9 ሃሣ ሄሊሳዎ ዩሱሴ፡- «ዬያሮ ሃያ ዓጮ መኢሸና ዒንሢኮ ለጌ ዓርቁዋቱ፣ ታዒንሢኮም ጋዓኔ፤ ዬያ ዒንሢ መዳያታቶ ዒንሢኮ መኢሸ ጋፔም ኩቹ ጉሪ ዒንሢ መዓ ዎደና ዒንሢኮ ለሳንሢ፣ ናንጊና ናንሳ መኣሮይዳ ሸኦቹንሢ ዒንሢ ዔካንዳኔ።

10 ዳካ ባኣዚና ጉሙርቁንታ ዓሲ ዴኤፒ ባኣዚና ጉሙርቁንታያ መዓንዳኔ፤ ዳካ ባኣዚና ጉሙርቁንቱዋ ዓሲ ጋዓንቴ ዴኤፒ ባኣዚናኣ ጉሙርቁንታዓኔ።

11 ዬያሮ ሃያ ዓጮ ቆሎ ዎይሢያና ዒንሢ ጉሙርቁንቱዋያ መዓቶ ጎኔ ቆሎ ያኦኒ ዒንሢ ጉሙርቁ ዒንጋንዳይ?

12 ሃሣ ሜሌ ዓሲ ባኣዚና ጉሙርቁንቱዋያ ዒንሢ መዓቶ፣ ዒንሢኮም መዓ ባኣዚ ያኦኒ ዒንሢኮም ዒንጋንዳይ?

13 «ፔቴ ዓሲ ፔቴና ለምዎ ዎይሢ ዓሲም ዎርቃኒ ዳንዳዑዋሴ፤ ያዲ መዓያታቶ ፔቴሢ ዒደ ባጋሢ ናሸካንዳኔ፤ ሃሣ ፔቴሢ ሶንቹ ባጋሢ ሶሃንዳኔ፤ ዬያጉዲ መኢሸም ዎርቃ ዓሲ ያኦሲም መዳያ መዓኒ ፔቴታዎ ዳንዳዑዋሴ» ጌዔኔ።

14 ፔርሴ ዓሳ መኢሸ ናሸካያ መዓሢሮ ዩሱሴ ዬያ ጌዔ ባኮ ቢያ ዎይዚ ዒዛኮ ጌኤዞ ሶሃኔ።

15 «ዒዚ ጋዓንቴ ዒንሢ ዒንሢ ቶኦኮ ዓሲ ቤርቲዳ ጌኤሺ መሊሳኔ፤ ያኦሲ ጋዓንቴ ዒንሢኮ ዒኖ ዔራኔ፤ ዓይጎሮ ጌዔቶ ዓሲ ቤርቲዳ ሶንቹንታያ መሊ ዳዲሢ ቢያ፣ ያኦሲ ቤርቲዳ ሶሃንቴያኔ» ጌዔኔ።

ሙሴ ዔርዜ ዎጎና ዔፒና ዛላ
(ማቴ. 11:12-13፤ 5:31-32፤ ማር. 10:11-12)

16 ዩሱሴ ቃሲ ኬኤዛዎ፡- «ሙሴ ዔርዜ ዎጎና ያኦሲ መሊያ ኬኤዛ ዓሶኮ መፃኣፓ ሙሲ መሰካ ዮሃኒሴ ዎደ ሄላንዳኣና ኬኤዚ ኬኤዚ ዳዔኔ፤ ሃሢ ዬካፓ ሃንጋ ኬኤዛሢ ያኦሲ ካኣቱም ኮፑ ሃይሶኬ፤ ፔቴ ፔቴ ዓሳ ዬኖ ካኣቱሜሎይዳ ጌላኒ ኮሺ ሜታዳኔ።

17 መዓቶዎ ዎጎይዳፓ ፔቴ ባኣዚ ባይቃሰካፓ ጫሪንጮና ሳዎና ዓኣዳኒ ሸሌዔ መዓንዳኔ።

18 «መቶ ፔኤኮ ዓንጂ ሜሌ ላኣሊ ዔካሢ ቢያ ዘኣሰካ ኮኣመያ መዓኔ፤ ዬያጉዲ ሃሣ ፔ ዓኒፓ ዓንጂንቴ ላኣሌሎ ዔካሢያ ፔና ዒኢሳኔ» ጌዔኔ።

ዎርጎጮ ዓሢና መንቆ ዓላዓዜሪና

16:13 ማቴ. 6:24። 16:16 ማቴ. 11:12-13። 16:17 ማቴ. 5:18።
16:18 ማቴ. 5:32፤ 1ቆር. 7:10-11።

19 ሃሣ ዩሱሴ፡- «ዲንኪ ዘቄ ማኣዖና ሃሣ ሻኣዣ፣ ሚዛጲ ዓፒላ ማይንታ ፔቲ ዖርጎቹ ዓሲ ዓኣኔ፤ ዒዚ ቢያ ከሌሊና ሚርጌ ዋዛና፣ ሚታ ባኣያ ናንጋኔ።

20 ዒማና ዒዛ ካራ ዑፃ ቢያ ከሢ ሌሊ ማዔ ዓላዓዜሬ ጌይንታ ፔቲ ማንቆ ዓሲ ላሂ ናንጋኔ፤

21 ዬይ ማንቆ ዓሢ ዖርጎጫሢ ሙዖይዳፓ ዲኢናሢ ሙይ ሚሸካኒ ኮዓኔ፤ ዬያ ዖርጎጫሢኮ ካናታኣ ሙኪ ሙኪ ማንቃሢኮ ኪያ ላዓኔ።

22 «ዩካፓ ዬይ ማንቆ ዓሢ ሃይቄም፣ ዖኦሲ ከኢታንቻ ሎ ዓብራሃሜ ኮራ ዒዛ ዔኪ ዓኣጳኔ፤ ዬያጉዲ ሃሣ ዖርጎጮ ዓሢያ ሃይቄ ዲኡቲኔ።

23 ዬኖና ጋፒንፃ ጴዲዋ ዔቶ ሜታሢ ቤዘይዳ ዒ ሜታዲቤቃ ዴጊ ጌዒ ዓብራሃሜና ኮይሎይዳ ዓኣ ዓላዓዜሬያ ሃኼና ዴንቄኔ።

24 ዩካፓ ዒዚ ዑኡዞ ዴጊዲ ታ ዓዳሢዮ ዓብራሃሜ! ሃዳራ ታኣም ማሌቲሬ፤ ሃይካ ታኣኒ ታሚዳ ሚርጌና ሜታዳሢር ፔኤኮ ከኤሎ ቤርቶ ዋኣሢዳ ዳኪ ታኣኮ ዒንዲርዘ ሸሚሳንዳጉዲ ዓላዓዜሬ ታኣም ዳከ» ጌዔኔ።

25 «ዓብራሃሜ ጋዓንቲ ታ ናዓሢዮ! ኔኤኒ ኔኤኮ ሳዖ ናንጎ ዋይይዳ ሚርጌ ኮሺ ባኣዚ ዴንቄ ዋዛዴሢ ማሊ ጳቂሁዋይ? ዓላዓዜሬ ጋዓንቲ ዬኖ ዋይና ሜቶይዳ ዓኣኔ፤ ዬያር ሃሢ ዒዚ ሃይካ ዋዛዳኔ፤ ኔኤኒ ጋዓንቲ ሜታዳኔ።

26 ዬይያ ዓኣንቲ ኦኡና ዒንሢና ባኣኮይዳ ፑኡፒ ማጊ ዓኣኔ፤ ዬያር ኦ ኮይላፓ ዒንሢ ባንሢ፣ ዒንሢ ኮይላፓ ኦ ባንሢ ፒንቃኒ ዳንዳዒንቲዋሴ» ጌዔኔ።

27 ዩካፓ ዖርጎጮ ዓሢ ታ ዓዳሢዮ! ያዲ ማዔቶ ሃዳራ ዓላዓዜሬ ሊካ ታ ዓዶ ማኣሪ ዳከ፤

28 ዒኢካ ሉ ታኣኮ ዶንጎ ጌርሲንሢ ዓኣሢር ዔያታ ሃሣ ሃያ ፑርቶ ሜታሢ ቤዘ ሙኩዋጉዲ ዒዚ ዔያቶም ላቲ ከኤዘንጎ» ጌዔኔ።

29 «ዓብራሃሜ ጋዓንቲ ሐሙሴና ዖኦሲ ማሊያ ከኤዛ ዓሶናኮ ማፃኣፓ ዔያቶ ኮራ ዓኣኔ፤ ዬያቶይዳፓ ዔያታ ዋይዘንጎ» ጋዓዛ፣

30 ዖርጎጮ ዓሢ ታ ዓዳሢዮ፣ ዓብራሃሜ! ዬይ ጊዳያቲዋሴ፤ ጋዓንቲ ፔቲ ዓሲ ሃይቢዳፓ ዔቄ ዴንዲ ዔያቶም ከኤዜቶ፣ ዳቢንቶ ፔኤኮ ዔሪ ጎማፓ ማዓንዳኔ» ጌዔኔ።

31 ዓብራሃሜ ማሃዖ ሐሙሴና ዖኦሲ ማሊያ ከኤዛ ዓሶ ማፃኣፓ ዔያቶም ጋዓሢ ዔያታ ዋይዘባኣያታቶ፣ ፔቲ ዓሲ ሃይቢዳፓ ዔቄ ዔያቶም ከኤዜቶዋ ዒዛሲ ጉሙርቄ ጎናሲ ዔያታ ዔካዓከ» » ጌዔኔ።

17

ዓሲ ደቢሳ ባአዚና ጎሜ ቡኡዲሂና ሃሣ ጉሙርቁሂ ዘላ
(ማቴ. 18:6-7፤21-22፤ ማር. 9:42)

1 ዩሱሴ ፔኤኮ ጊንጾ ሃንታ ናኣቶም፡- «ዓሲ ደቢሲ ጎሜይዳ ጌልዛ ባአዚ ሙኩዎጾ ፔቲታጾ ዓታዓኬ፤ ጋዓንቴ ጎሜ ማዒ ደቢሳ ባአዚ ዔኪ ሙካ ዓሂም ባዴዔ!»

2 ጾናታቲያ ሃንሂ ደኮ ናኣቶንሂዳፓ ፔቲ ደቢሲ ጎሜ ማደሳያይዳፓ ዎንሂ ሹቹ ባቃና ቱኪ ዋኣጾ ባዘይዳ ጌሌቴ ኮሺኬ።

3 ዩያር ዒንሂ ዒንሂና ዔሩዎቲ።

«ኔ ዒሻሂ ኔኤም ፑርቲሲ ደቤቶ ዘሪ ጎሬ፤ ዒዚ ፔ ደቢንቶ ዔሪ ታ ደቤኔ» ጌዔቶ ዓቶም ጌዔ፤

4 ሃናኣ ዓቢዳ ሌሊ ለንካይ ማይንቲ ኔኤም ፑርቲሲ፡ ደቢ፤ ሃሣ ለንካይ ማይንቲ ሙኪ ሙኪ ታ ደቢንቶ ታ ዔሬኔ» ጌዔቶ ዓቶንጎ ዒዘም ጌዔ» ጌዔ።።

5 ዳኪንቴዘንሂያ ዩሱሴ ኮራ፡- «ሃዳራ ኑም ጉሙርቁሂ ቃሴ» ጌዔ።።

6 ጎዳ ዩሱሴ ማሃያ፡- «ሴናፒጩ ጎጾ ባኬሎኮ ዓኣፓ ደኮማ ጉዴያ ማዓ፡ ጉሙርቁሂ ዒንሂኮ ዓኣቶ ሃያ ሻኣሶ ሃይካፓ ቱጊንቲ ባዛ ኬዴ» ዒንሂ ጌዔቶ ዒንሂም ዓይሂንታንዳ።» ጌዔ።።

ማደ ዓሲ ማደኒ ኮይሳ ባአዚ

7 ዩካፓ ሃሣ ዩሱሴ፡- «ዒንሂኮ ፔቲ ጎሺ ጎሽካይ ሃሣ ጊንሣ ማራይ ሄንቃ ዓሲ ዓኣቶ ዩይ ማደ ዓሂ ማደፓ ማዔ ዎዶና ቤዘና ሃኒ ሙኪ ካዎ ሙዔ» ዒዘም ጋዓ?

8 ዩያፓ <ዓካሪ ታኣም ካዎ ጊኢጊሼ፡ ታ ሙዒ ዑሽካንዳኣና ታና ሙኡዘያ ማዔ፤ ዩካፓ ኔኤኒ ሙዓንዳ።» ጋዓያቱዎዳዳ?

9 ያደ፤ ማዔቶዎ ዩይ ማደሂ ዩያ ዓሂ ባኮ ኩንሄሂር ዒዘኮ ጎዳሂ ዒዘ ጋላታያ ዒንሂም ማለ?

10 ዒንሂያ ዩያጉዲ ዒንሂ ዓይሃና ባኮ ቢያ ኩንሄሂኮ ጊንጾ ሉኡኒ ፓሁዎ ማደ ዓሶንሂኬ፤ ኑ ኩንሄሂያ ኑኡኒ ማደንዳጉዲ ኑም ኮይሳ ባኮንሂ ሌሊኬ» ጎዑዎቲ» ጌዔ።።

ዩሱሴ ዑይይዳ ኬሰካ ዶርዓሂና ዓኣ ታጰ ዓሶንሂ ፓሄሂ

11 ዩሱሴ ዩሩሳላሜ ባንሂ ዴንዳጾ ሳማሪያና ጌሊላ ዓጮናኮ ሳዘና ዓኣዴኔ፤

17:3 ማቴ. 18:15።

12 ጥቅ ትርዳሰኪኖ ዲ ገላዛ ዑፃ ኬሰካ ዶርዓሢና ዳዲንቴ ታጾ ዓሲ ዓዛ ኮይላ ሙኪ ሃኬ ዔቃዖ።

13 ዑኡዞ ፔኤሲ ደጊዲ፡- «ዩሱሴ! ዔርዛሢኖ! ሃዳራ ኑም ማሌቴራ» ጌዒ ጌዒ ዒላቴኔ።

14 ዩሱሴ ዔያቶ ዛጋዖ፡- «ዴንዲዋቴ! ዒንሢኮ ዑፃዎ ቁኤሶም ደውዋቴ» ዔያቶም ጋዓዛ፣ ዔያታ ዓኣዳ ጎይሣ ዓኣንቴ ዔያቶኮ ዑፃ ኬሰካ ዶርዓሢ ባይቁም ዔያታ ጌኤሽኬኔ።

15 ዔያቶይዳገ ፔቴሢ ዩያ ዶርዓሢዳገ ጌኤሽኬሢሢ ዛጌ ዎዶና ደጊ ጌዔ ዑኡሲና ፆኦሲ ጋላቴ ጋላቴ ጊንሣ ማዔኔ።

16 ዩይ ዓሢ ዩሱሴያ ጋላቴ ጋላቴ ዒዛኮ ቶኮ ዴማ ባሊቴና ሎኦሜኔ፤ ዒዚ ዩይ ዓሢ ጎማራ ዓጪ ዓሲኬ።

17 ዩሱሴ፡- «ዑፃ ኬሰኬ ዶርዓሢዳገ ደቁ፣ ጌኤሽኬ ዓሳ ታጾቱዋዳ? ሂዳዖ ታዞጸንሢ ዓንኮ ጌሌይ?»

18 ፆኦዛሢ ጋላጋኒ ማዒ ሙኬሢ ሃያ ማሌ ዜርፃሢዳገ ዓታዛ ማሌ ባኣዓዳ?» ጌዔኔ።

19 ዩካገ ዩሱሴ ዩያ ዓሢ ኮራ፡- «ዔቁ፣ ዴንዴ፤ ኔ ጉሙርቁፃ ኔና ደቁሼኔ» ጌዔኔ።

ፆኦሲ ካኣቱሞኮ ሙኪዖ
(ማቴ. 24:23-28፤37-41)

20 ፔርሴ ዓሳ ዩሱሴ ኮራ፡- «ፆኦሲ ካኣቱማ ዓይዴ ሙካንዳይ?» ጌዒ ፆኦጫዛ፣ ዒዚ ዔያቶም፡- «ፆኦሲ ካኣቱማ ሙካንዳሢ ዓሳ ዛጊ ካገ ጎይፆናቱዋሴ፤

21 ዩያጉዲ ሃሣ ሃይሾ ሃካኬ ሃሣ ሴኬያኬ» ጌይንታያቱዋሴ፤ ዓይጎር ጌዔቶ ፆኦሲ ካኣቱማ ሃሢ ዒንሢኮ ባኣካ ማዔሢሮኬ» ጌዒ ማሄኔ።

22 ሄለሳዖ ዩሱሴ ፔኤኮ ጊንፆ ሃንታ ናኣቶም፡- «ዓሲ ናዓሢኮ ኬሎይዳገ ፔቴማታዖ ሕና ዓይጌ ዛጊ ጎንዳይ?» ዒንሢ ጋዓንዳ ኬሊ ሙካንዳኔ፤ ጋዓንቴ ዒንሢ ዛጋዓኬ።

23 ዓሳ ሃይሾ ከሪሰቶሴ ሃካኬ! ሃሣ ሴኬያኬ!» ዒንሢም ጋዓንዳኣኬ፤ ጋዓንቴ ዔያታ ዒንሢም ጋዓ ባኮ ጉሙርቁ ዔያቶ ጊንፆ ዓኣዲፖቴ።

24 ዜኤሊንሢ ጫሪንቲዳ ዜኤሊንሢዎ፣ ካራገ ካር ሄላንዳኣና ፖዓሢጉዲ ዓሲ ናዓሢ ሙካ ኬሎናኣ ያዲ ማዓንዳኔ፤

25 ጋዓንቴ ዓሲ ናዓሢ ሴርታዲ ሚርጌ ሜቶ ዔካንዳሢና ሃሮ ዎዶ ዓሰና ቦሂንታንዳሢ ዓቱዋያኬ።

17:14 ሉቂ. ዓኬ 14:1-32።

26 ኖሄ ዋደና ማዕረግጉዲ፤ ዓሲ ናዓሢ ሙኩ ዋደናኣ ያዲ ማዓንዳኔ።

27 ኖሄ ዋኣፆ ካኣሚሎይዳ ጌላንዳያ ሄላንዳኣና ዓሳ ሙዒያ ሙዒ ዑሽኪያ ዑሽኪ ዔፒያ ዔካንቴ፤ ዬኖ ዋደና ባይሲንቶ ዋኣፆ ሙኪ ቢያሢ ዔኤዲ ባይዜኔ።

28 ዬያጉዲ ሎኦፆ ዋደና ማዕረግጉዲያ ማዓንዳኔ፤ ዬኖ ዋደና ዓሳ ሙዒ ዑሽካንቴ፤ ሻንቺያ ሻንቺ ሃሃ ሻንቂያ ሻንቃንቴ፤ ሙዖ ሚሢያ ቱኪ ቱኪ ማኣሪያ ማኸንቴኬ።

29 ጋዓንቴ ሎኦፆ ሰደሚይዳፓ ኬሰኬ ኬሎና ታሚና ታሚኮ ዪኢሊና ጫሪንጮይዳፓ ዋርቂ ቢያሢ ሙዒ ባይዜኔ።

30 ዓሲኮ ናዓሢ ሙካ ዋደናኣ ያዲ ማዓንዳኔ።»

31 «ዬኖ ኬሎና ማኣሪ ቶኦኮይዳ ዓኣ ዓሢ፤ ማኣሪይዳ ዓኣ ሚሆ ዔካኒ ኬደፓ፤ ጎኩይዳ ዓኣ ዓሢ ሃንጋ ማኣሪ ባንሢ ማዖፓ።

32 ሎኦፆ ማቾ ጳቂሢ ማሉዋቴ!

33 ፔ ሼምፓሢ ዳቂሻኒ ኮዓሢ ቢያ ባይዛንዳኔ፤ ሼምፓሢ ፔኤኮ ዓኣሢ ዒንጋሢ ቢያ ዳቂሻንዳኔ።

34 ዬኖ ዋንቴሎ ላምዖ ዓሲ ፔቴ ሻኣላይዳ ላሃንዳኔ፤ ዔያቶይዳፓ ፔቴማ ዔኪንታዛ፤ ባጋሢ ዓታንዳኔ፤ ታ ዒንሢም ጋዓኣኬ።

35 ላምዖ ላኣሊ ሃሃ ፔቴ ቤሲዳ ዋላ ዋንሢ ዋዳንዳኔ፤ ፔቴዛ ዔውታንዳኔ፤ ባጌላ ዓታንዳኔ።

36 ላምዖ ዓሲ ፔቴ ጎሺዳ ዋላ ማዳንዳኔ፤ ፔቴሢ ዔውታንዳኔ፤ ባጋሢ ዓታንዳኔ» ጌዔ። *

37 ዒዛኮ ጊንፆ ሃንታ ናኣታ ዬሱሴ ኮራ፡- «ጎዳሢዮ! ዔያታ ዓንኮ ዔኪ ዓኣዲንታይ?» ጌይ ዒዛ ፆኦጮ።

ዒዚ ማሃዖ፡- «ሃይቂ ባኣዚ ዓኣ ቤሰካ ሃምፑራ ቡካኔ» ጌዔ።

18

ቤልፃዲዋዖ ሺኢቂ ፔ ሱኡጋሢ ሜታሴ ላኣሊሰኬኖ

1 ዬካፓ ቤልፃዲዋዖ ቢያ ኬሊ ሺኢቃንዳያ ኮይሳሢ ዔርዛኒ ዬሱሴ ኮኣኪንሢ ሂዚ ጌዒ ዔያቶም ኬኤዜኔ፡-

17:26 ማኸ. ማፃ 6:5-8። 17:27 ማኸ. ማፃ 7:6-24። 17:29 ማኸ. ማፃ 18:20—19:25። 17:31 ማቲ. 24:17-18፤ ማር. 13:15-16። 17:32 ማኸ. ማፃ 19:26። 17:33 ማቲ. 10:39፤ 16:25፤ ማር. 8:35፤ ሉቃ. 9:24፤ ዮሃ. 12:25።

* 17:36 ፔቴ ፔቴ ሚናኣ ማፃኣፓ ፓይ 36 ጌዳ ቃሳኔ፤ ዬና ቃኣላ ማቲ. 24:40 ጌዳ ዓኣዛ ማላኔ።

2 «ፔቴ ካታማይዳ ያኦሲ ዒጊጨዋያ ሃሣ ታና ዓሲ ዋዚ ጋዓንዳይ» ጎፀ-ዋ ፔቴ ዋጌ ዋጋሰኬይ ዓኣኔ።

3 ዒማና ፔቴ ዓኒ ሃይቄ ላኣሊሰኬና ዬኖ ካታማሎይዳ ናንጋኔ፤ ዒዛ ዬያ ዋጎ ዋጋሣ ከይሎይዳ ሙኪ ሙኪ ታኣና ዋላ ሞኦቶ ሞኦቲንታ ዓሲ ዓኣሣረ ታኣም ዋጌ» ዒዛ ኮራ ጋዓኔ።

4 ዒዚ ዒዛም ዋጉዋዎ ሚርጌ ኬሊ ዴዔሰካፓ ጋዓንቴ፡- ዋዚ ታ ያኦሲ ዒጊጨዋቴያ ሃሣ ሳሲ ታና ዋዚ ጋዓንዳይ ጎፀ-ዋቴያ።

5 ሃና ዓኒ ሃይቄ ላኣሊላ ታና ሜታሳሣረ ሌሊ ታ ዒዛም ዋጋንዳኔ፤ ሃንጎ ቢያ ዋዴ ዒዘኮ ሙኪዓ ታኣኮ ጎጳ ያይዳኔ» ጌዒ ማሌኔ።

6 ሄሊሳዎ ጎዳ ዬሱሴ፡- «ሚጨንቴዋ፣ ፑርቶ ዋጋሣ ጌዔ ባኮ ሂንዳ ማሉዋቴ፤

7 ያኦሲ ዓካሪ ርኦሪና ዋንቴና ዒላቲ ዒላቲ ሺኢቃ ፔ ዴርም ዋጋዓዳ? ቻዓ» ጌይ ዔያቶም ዒንጎንደ ባኮ ቃዚ ኔጊሳንዳ?

8 ኔጉዋዎ ሩኦሪና ዔያቶም ዋጋንዳኔ፤ ታ ዒንሣም ጋዓኔ። ጋዓንቴ ዓሲኮ ናዓሣ ሙካ ዋደና ሳያይዳ ጉሙርቂሣ ዴንቃንዳ ናንዳኖ?» ጌዔኔ።

ፔርሴ ዓሲሰኬያና ሚኢሾ ቡኩሳ ዓሲሰኬያና ዛላ

9 ዩካፓ ሃሣ ዬሱሴ ኦኡኒ ጌኤሺኬ ጌዒ ጌዒ ሄርሺንቴ፡ ሃንጎ ዓሶ ሶሃ ዓሶም ሃያ ኮኦኪንሣ ኬኤዜኔ፡-

10 «ላምዎ ዓሲ ሺኢቃኒ ጌኤኸ ማኣሪ ዴንዴኔ፤ ዔያቶይዳፓ ፔቴሣ ፔርሴ ዓሲ ማዓዛ፣ ባጋሣ ኮርም ዓሶፓ ሚኢሾ ቡኩሳ ዓሲኬ።

11 «ፔርሴ ዓሣ ሺኢቆሮ ዔቂጋፓ ዒኖና ቶኦሲዮ! ታኣኒ ሃንጎ ዓሶጉዲ ቡሩዋያ፣ ፑርታ ዓይሣንቴዋያ ሃሣ ማቾ ማዒባኣ ላኣሊና ላሃያ ማዒባኣሣረ ታኔና ጋላታኔ፤ ሃሣ ባሼ ሃያ ሚኢሾ ቡኩሳሣጉዲ ታ ማዒባኣሣረዋ ኔና ጋላታኔ።

12 ታኣኒ ቃልሾ ከሎ ጋርይዳ ላምዎ ከሊ ሙኡዚ ሃሺ ሺኢቆ ሺኢጲዎ ሺኢቃኔ፤ ታ ዴንቃ ባኮይዳፓ ቢያ ታጳሣዳፓ ፔቴማ ኬሲ ኬሲ ኔኤም ዒንጋኔ» ጌዒ ሺኢቄኔ።

13 «ዬይ ሚኢሾ ቡኩሳሣ ጋዓንቴ ሃኬ ዔቃዎ፡ ዴግ ጌዒ ለካ ጫሪንጮ ዛጋኒታዎ ጫርቂባኣሴ፤ ጋዓንቴ ኩጮና ፔኤኮ ዳዶ ባዒ ባዒ ታ ያኦዛሣዮ! ታና ጎሞሲ ማኣሪ» ጌዔኔ።

14 ጌኤሹዋ ዴንቂ ማኣሪ ማዔሣ ዬያ፣ ዓሶፓ ሚኢሾ ቡኩሳሣ ማዓንዳኣፓዓቴም ፔርሴ ዓሣቲዋሴ። ፔ ቶኦኮ ዴጊዳሣ ቢያ ሂርኪ

ጋዓንዳኔ፤ ፔ ቶኦኮ ሂርኪዳሢ ጋዓንቴ ጳግ ጋዓንዳኔ» ታ ዒንሢሞ ጋዓኣኬ።

ዬሱሴኮ ዳኮ ናኣቶ ዓንጂያ
(ማቴ. 19:13-15፤ ማር. 10:13-16)

15 ዬሱሴ ዔያቶ ፔ ኩጮና ካኣሚ ፒፃንዳጉዲ ዓሳ ናኣቶ ዒዛ ኮይላ ዔኪ ሙካዛ ዒዛኮ ጊንፆ ሃንታ ናኣታ ጋዓንቴ ዬያ ዛጌ ዎዶና ዓሶ ኮራ ጎሪንቴ።

16 ዬሱሴ ጋዓንቴ ናኣቶ ሃንጋ ፔ ባንሢ ዔኤላዎ፡- «የኦሲ ካኣቱማ ሃንሢጉዴዘንሢሞ ማዔሢሮ ናኣታ ሃንጋ ታ ባንሢ ሙኮንጎ፤ ዔያቶ ላኣጊፖቴ።

17 ጎጌ ታ ዒንሢሞ ጋዓኔ፤ የኦሲ ካኣቱሞ ናይጉዲ ሼሌዑሞና ዔኪባኣ ዓሲ ፔቴታዎ ጌላዓኬ» ጌዔ።

ዖርጎጮ ዓሢኮ ያኦጪያ
(ማቴ. 19:16-30፤ ማር. 10:17-31)

18 ዓይሁዶ ዓሶኮ ሱኡጎይዳፓ ፔቴሰኬይ ዬሱሴ ኮራ፡- «ኮዥ ዔርዛሢያ! ናንጊና ናንጊ ዴንቃኒ ዓይጎ ማዳንዳያ ታና ኮይሳይ!» ጌዒ ያኦጪዮ።

19 ዬሱሴ ማሃዎ፡- «ዓይጎር ኔ ታና ኮሺ ጋዓይ? ፔቴ ያኦሲዳፓ ዓታዛ ኮሺ ባኣሴ።

20 ዓይሢያንሢ ኔ ዔራኔ፤ ዬንሢያ፡- «ማቾ ሃሣ ዓኒ ማዒባኣያና ላሂፖ፣ ዓሲ ዎዲፖ፣ ዉኡቂፖ፣ ሉኡዙሞና ማርካዲፖ፣ ኔ ዓዶና ኔ ዒንዶና ቦንቼ» ጌይንቴዘንሢኬ» ጌዔ።

21 ዓሢ ማሃዎ፡- «ዬንሢ ዓይሢያንሢ ናኣቶፓ ዓርቂ ታ ካፓ።» ጌዔ።

22 ዬሱሴ ዬያ ዎይዛዎ ዓሢ ኮራ፡- «ዓካሪ ፔቴ ባኣዚ ኔ ማዳንዳያ ዓቴኔ፤ ዬይያ ኔኤኮ ዓኣ ባኮ ቢያ ሻንቹ ሚኢሽ ማንቆ ዓሶሞ ዒንጌ፤ ጫሪንጮ ካኣቱሞይዳ ያኣፒ ጌሦ ቤዘይዳፓ ኔ ዔካንዳኔ፤ ዬካፓ ሙኪ ታ ጊንፆ ሃንቴ» ጌዔ።

23 ዓሢ ጋዓንቴ ኮሺ ዖርጎቹ ማዔሢሮ ዬያ ዎይዛዎ ሚርጌና ያዩ።

24 ዬሱሴያ ዓሢ ያዬሢ ዛጋዎ፡- «ዖርጎጮ ዓሶሞ ያኦሲ ካኣቱሞይዳ ጌሊሢ ዎማጉዲ ሜታንዳይ!

25 ዖርጎቹ ዓሲ ያኦሲ ካኣቱሞይዳ ጌላንዳያይዳፓ ጋኣላ ናርፔ ዪኣናና ጌላኒ ሼሼሌዓንዳኔ» ጌዔ።

18:14 ማቴ. 23:12፤ ሉቃ. 14:11። 18:20 ኬሲ. ማፃ 20:12-16፤ ላሚ. ዎማ 5:16-20።

26 ዬያ ዋይዜ ዓሳ፡- «ዓካሪ ዬይ ያዲ ማዔቶ ያኑኒ ዲቃኒ ዲንዳዓንዳይ?» ጌዔኔ።

27 ዬሱሴ ጋዓንቴ፡- «ዓሲም ዲንዳዒንቴዋ ባኣዚ ያኑሲም ዲዲንዳዒንጎኑ» ጌዔኔ።

28 ጳዲሮሴ፡- «ሃይሾ ኑኡኒ ኑኡኮ ዓኣ ባኮ ቢያ ሃሺ ኔ ጊንዖ ሃንጎኑ» ጌዔኔ።

29 ዬሱሴ፡- «ጎኔ ታ ዒንሢም ጋዓኔ፡- ያኑሲ ካኣቱሞሮ ጌዒ ፔኤኮ ማኣሮ፣ ማቾ፣ ጌርሲንሢ፣ ሾዔ ዓሶ፣ ሃሣ ናኣቶዋ ሃሻ ዓሲ ባሼና ዴንቃንዳኔ።

30 ዬይ ሃሢ ሃያ ዓጮይዳኣ ሚርጌ ጳንጩና ዔካንዳኔ፤ ሃጊ ሙካ ዓጮይዳኣ ናንጊና ናንጊ ዴንቃንዳኔ ጌይሢኬ» ጌዔኔ።

**ዬሱሴ ፔኤኮ ሃይሶ ዛሎ ኬኤዜሢ
(ማቴ. 20:17-19፤ ማር. 10:32-34)**

31 ዬሱሴ ታጳ ላምዖንሢ ዲማሲ ዒዛ ባንሢ ሸኢሻዖ፡- «ሃይሾ ኑ ሃሢ ዬሩሳላሜ ዴንዳኔ፤ ዓሲ ናዓሢ ዛሎ ያኑሲ ማሊያ ኬኤዛ ዓሶና ያኣፒንቴሢ ቢያ ዒኢካ ኩማንዳኔ።

32 ዒዚ ዓይሁዴ ማዒባኣ ዓሶም ዓኣሢንቴ ዒንጊንጎኑንዳኔ፤ ዔያታኣ ዒዛ ዓማሊ ቦሃንዳኔ፤ ጫሽኪ፣ ዒዛይዳ ጩቲያ ጩታንዳኔ።

33 ዒዛ ዠራፓና ጳርቄሢኮ ጊንዖ ዔያታ ዎዲንዳኔ፤ ጋዓንቴ ሃይሣሳ ኬሎና ሃይባፓ ዒ ዔቃንዳኔ» ጌዔኔ።

34 ዒዛኮ ጊንዖ ሃንጎኑንሢ ዬያ ቢያ ባኮይዳፓ ፔቲታዖ ማሊ ዒና ዔኪባኣሴ፤ ዒዛ ጌኤዛኮ ዓኣሸንቴ ቡሊዖ ዔያቶም ዔርቲባኣሢሮ ዬይ ዒዛኮ ዎዚ ጌይዖታቲያ ዔያታ ዔሪባኣሴ።

**ዬሱሴ ዒያርኮይዳ ዓኣፓ ባይቄሢኮ ዓኣፓ ፖዒሴሢ
(ማቴ. 20:29-34፤ ማር. 10:46-52)**

35 ዬሱሴ ዒያርኮኮ ሙኪ ዑካዛ ፔቲ ዓኣፒ ባይቄ ዓሲሰኬይ ዒንጎ ሚኢሹ ሸኢቄ ሸኢቄ ጎይዖ ዓጫ ዴዒ ዓኣዖ፡

36 ዒዛኮ ኮይሌና ዓኣዳ ሚርጌ ዓሶ ዑኡዛ ዎይዚ፡- «ሃይ ዓይጎዳይ?» ጌዒ ያኑጩኔ።

37 ዓሳ ማሃዖ፡- «ሃይሾ ናዚሬቶ ዬሱሴ ሃይና ዴንዳኔ» ጌዒ ዒዛም ኬኤዜኔ።

38 ዬማና ዓኣፓ ባይቄሢ፡- «ዳውቲ ናዓሢዮ ዬሱሴ! ሃዳራ ታኣም ማሌ» ጌዒ ጌዒ ዒላቲኔ።

39 ዩሱሱስ ጩርታ ጩርታ ዓኣዳ ዓሳ፡- «ዚቲ ጌዔ!» ጌዔ ዒዛ ጎራዛ፡ ዒዚ ጋዓንቴ ዑኡዞ ኮሺ ደጊዲ፡- «ዳውቴ ናዓሢዮ! ሃዳራ ታኣም ማሌ!» ጌዔ።

40 ዩያሮ ዩሱሱስ ዔቃዎ፡- «ሃኒ ዒዛ ታ ባንሢ ዔኪ ባውዋቴ» ጌዔ ዒይሣዛ፡ ዓኣፖ ባይቄሢ ዒዛ ኮይላ ሙኬም፡ ዩሱሱስ ሂዚ ጌዔ ዒዛ ያኦጩኔ፡-

41 «ዒይጎ ታ ኔኤም ማዳንዳጉዲ ኔ ኮዓይ?» ጌዔ።

ዓኣፖ ባይቄሢ ማሃዎ፡- «ጎዳሢዮ! ዛጋኒ ታ ኮዓኔ» ጌዔ።

42 ዩሱሱስ ዒዛም፡- «ዛጌ! ኔኤኮ ጉሙርቁፃ ኔና ዳቂሼ» ጌዔ።

43 ዩማና ዓኣፖ ባይቄሢ ጌዘና ዛጋኒ ዳንዳዓዎ፡ ያኦሲ ጋላቲ ጋላቲ ዩሱሱስ ጊንዮ ሃንቲሢ ዓርቄ፤ ዳራ ቢያ ዩያ ዛጋዎ ያኦሲ ጋላቲ።

19

ዩሱሱስና ዜኪዮሴ ጎምሢና

1 ዩሱሱስ ጎይዎ ሃንቴ ጎይሣ ዒያርኮ ካታም ጌላዎ፡ ካታምኮ ሳዘና ቲቂ ዳንዳ።

2 ዒኢካ ዜኪዮሴ ጎዎ ዓሲ ዓኣኔ፤ ዒዚ ኮርሞ ዓሶፓ ሚኢሾ ቡኩሳ ዓሶኮ ሱኡጌ ሃሣ ያርጎቹ ዓሲኩ።

3 ዒዚ ዩሱሱስ ዋያታቲያ ዛጋኒ ኮዓያታንቴ፡ ዔጳ ዒዛኮ ቃሚሢ ማዔሢሮ ዳሮ ሚርጉሞፓ ዔቁያና ዒዚ ዩሱሱስ ዛጋኒ ዳንዳዒባኣሴ።

4 ዩሱሱስ ዒ ዓኣ ጌዘና ዓኣዳሢሮ ዜኪዮሴ ዩሱሱስ ዛጋኒ ጌዔ ዳሮኮ ጩርታ ዓኣዳዎ ፔቴ ቦኦቢ ጊዔ።

5 ዩሱሱስ ዩኖ ቦኦቢ ዳሞ ሄላዎ ሌካ ዳግ ጌዔ ዛጌሰካፓ ዜኪዮሴ ኮራ፡- «ዜኪዮሴ! ሃና ታ ኔ ማኣራ ፔኤቃንዳያ ኮይሳሢሮ፡ ዑኬና ሚፃፓ ኬዴ» ጌዔ።

6 ዜኪዮሴ ዑኬና ኬዳዎ ዎዘና ዩሱሱስ ፔ ማኣራ ሾኦቹንሢ ዔኬ።

7 ዩያ ዛጌ ዓሳ ቢያ፡- «ሃይ ዓሢ ጎሞ ዓሶ ማኣራ ሾኦቹንቃኒ ጌሌኔ!» ጌዔ ዩሱሱስ ደንኬ።

8 ዜኪዮሴ ጋዓንቴ ዔቃዎ ጎዳ ዩሱሱስ ኮራ፡- «ጎዳሢዮ! ሃሢ ታኣኮ ዓኣ ባኮይዳፓ ቢያ ሄካሢ ማንቆ ዓሶም ታ ዒንጋንዳኔ፤ ጌሺ ዓሲዳፓ ታ ዔኬ ሚኢሾ ዓኣቲያ፡ ዔኬሢፓ ያይዶ ዳንጩ ማሃ ታ ማሃንዳኔ» ጌዔ።

9 ዩሱሱስ ማሃዎ፡- «ሃይ ዓሢ ሃሢ ዓብራሃሜ ዜርፃፓኬ፤ ሃና ዳቂንታ ሃያ ማኣሮም ማዔ።

10 ዓይጎር ጌዔቶ ዓሲኮ ናዓሢ ባይቄሢ ኮዓኒና ዳቂሻኒ ሙኬኔ»
ጌዔኔ።

ማደ ማዳ ታጾ ዓሲስኬንሢ ኮኦኪንሢ
(ማቴ. 25:14-30)

11 ዓሳ ዬያ ዋይዚያይዳ ዓኣንቴ ዬሱሴ ሃሣ ፔቴ ኮኦኪንሢ ዔያቶም ኬኤዜኔ፤ ዓይጎር ጌዔቶ ዒዚ ዬሩሳላሜ ባንሢ ዑኬሢር ዓሶም ያኦሲኮ ካኣቱማ ሃሢ ዒማ ዋደና ፔጋዲ ጴዳያ ማለኔ።

12 ዬያር ዬሱሴ፡- «ካኣቱም ቢታንቶ ዔኪ ማዓኒ ሃኬ ዓጪ ዴንዴ ፔቴ ዳኤፕ ዓሲስኬይ ዓኣኔ፤

13 ዒዚ ዴንዴንዳሢኮ ቤርታ ዒዛኮ ማዳ ዓሶይዳፓ ታጾ ዓሲ ዔኤሊ ፔቴ ፔቴሢም ታጾ ታጾ ሹቺ ቢራ ዒንጋዖ ታ ማዒ ሙካንዳኣና ሃያ ቢርና ኮርሙዋቴ ዔያቶም ጌዔኔ።

14 ዒዛኮ ዓጮ ዓሳ ጋዓንቴ ዬያ ዓሢ ዒፃያታሢር፡- «ዬይ ዓሢ ኑ ዑፃ ካኣታዳንዳጉዲ ኑ ኮዑዋሴ» ጌዒ ዒዚ ዴንዴሢኮ ጊንፃ ኪኢታ ዓሲ ጊንፃ ዳኬኔ።

15 «ዬይ ዓሢ ካኣቲ ማዒ ሙኬ ዋደና ዔያቶም ዒንጊንቴ ሚኢሾና ዋዚጉዲ ኮርሚ ጊዳ ጌልዜቶዋ ዔራኒ ፔኤኮ ማዳ ዓሶንሢ ዔኤሊሴኔ።

16 ቤርታ ሙኬ ማዳ ዓሢ ሙካዖ፡- «ሳዳሢዮ! ኔ ታኣም ዒንጌ ሚኢሾ ኮርሚ፣ ሃይሾ ታ ታጾ ሹቺ ቢራ ጊዳ ጌልዜኔ» ጋዓዛ።

17 ዒዛኮ ጎዳሢያ «ኤኤኒ ጉሙርቂንታ፣ ማዳሢዮ! ቃራ ኔ ማዴኔ! ዳካ ባኣዚና ኔ ጉሙርቂንቴሢር ታ ሃሢ ኔና ታጾ ካታማ ኔ ዋይሣንዳጉዲ ቢታንቶ ዒንጌኔ» ጌዔኔ።

18 ለምዓሳሢ ሙካዖ ሳዳሢዮ! ኔ ታኣም ዒንጌ ሚኢሾና ታ ኮርሚ ደንጎ ሹቺ ቢራ ጊዳ ጌልዜኔ» ጋዓዛ።

19 ጎዳሢያ ዬያም «ኤኤማኣ ሃሣ ታኣኒ ደንጎ ካታማ ኔ ዋይሣንዳጉዲ ቢታንቶ ዒንጌኔ» ጌዔኔ።

20 «ዓቲ ማዳ ዓሢ ሙካዖ ታ ጎዳሢዮ! ኔ ታኣም ዒንጌ ሚኢሾ ሃኣዛጌ፤ ቱርጫና ታ ቱኪ ጌሢኔ።

21 ዓይጎር ጌዔቶ ኔኤኒ ጌሢ ባኣያና ኔኤር ማዒ ባኣያታንቴ ዔካፃ፣ ኔ ጎሽኪ ባኣያ ሃኣኮ ቡኩሳፃ፣ ሚርጌ ፑርታ ዓሲ ኔ ማዔሢ ዔሪ ታ ኔና ዒጊጮሢርኬ» ጋዓዛ።

22 ጎዳሢ ማሃዖ «ሃይ ኔ ፓሡዋኣሢ ሃይ! ኔ ጌዔ ባኮና ታ ኔ ዑፃ ዋጋኔ፤ ታኣኒ ታኣም ማዒ ባኣሢ ዔካፃና ጎሽኪ ባኣያ ቡኩሳፃ ሃሣ ፑርታ ዓሲታሢ ታ ኔና ዔራኔ ኔ ጌዒባይ?»

23 ያዲ ማዕቴ ሚኒሾ ታኣኮ ጊዳ ቃሲንታንዳጉዲ ኮርሚንታ ቤሰካ ኔ ዓይሳር ጊሽከባኣይ? ታኣኒ ማዕ ሙካዎ ጊዳ ቃሲንቲያና ዎላ ዔካንዳያታንቲኩ» ጌዔኔ።

24 «ዩካፓ ዒዛኮ ጎዳሢ ዒኢካ ዔቂ ዓኣዞንሢ ኮራ <ሃያ ዓሢኮ ሚኒሾ ዔኪጋፓ ታጾ ጊዳ ቃሴ፣ ማዳ ዓሢሞ ዒንጉዎቱ» ጌዔኔ።

25 ዔያታ ማሃዎ ሳዳሢዮ! ዒዛኮ ዒ ጊዳ ጌልዜ ታጾ ሹቺ ቢራ ዓኣንቲሞ» ጌዔኔ።

26 ጎዳሢ ጋዓንቲ <ዓኣሢሞ ቢያ ዑሣ ዓኣሢ ዒንጊንታኔ፤ ባኣሢዳፓ ጋዓንቲ ዩማ ዓኣማታዎ ዔዔኪንታኔ ታ ዒንሢሞ ጋዓኣኔ።

27 ታ ካኣታዳንዳጉዲ ኮዒባኣ ዩንሢ ታኣኮ ሞርኮንሢ ጋዓንቲ ሃይካ ዔኪ ሙኪ ታ ቤርታ ዎዲዎቱ» ጌዔኔ።

28 ዩሱሴ ዩያ ኮኦኪንሣ ኬኤዜሰካፓ ዩሩሳላሜ ባንሢ ዒዛኮ ጊንዎ ሃንታዞንሢኮ ቤርታ ቤርታ ዳንዳኔ።

ዩሱሴኮ ዳኤፖ ቦንቾና ዩሩሳላሜ ጌሊዎ
(ማቲ. 21:1-11፤ ማር. 11:1-11፤ ዮሃ. 12:12-19)

29 ዩሱሴ ዛይቶ ሪሚቶ ዲኮ ኮይሎይዳ ዓኣ ቤቴፓጌና ቢታኒያ ጌይንታ ካታሞንሢ ሙካዎ ዒዛኮ ጊንዎ ሃንታዞንሢዳፓ ላምዎንሢ ሂዚ ጌዒ ዳኬኔ።

30 «ሃኖ ሴኮ ቤርታ ዓኣ ጉርዴሎ ዳንዲዎቲ፤ ዒኢካ ዒንሢ ሄለዎ ዓይሳ ዓሲያ ቶጊ ቤቂባኣ ሃሬ ናይ ቱኡቲ ዓኣንቲ ዒንሢ ዳንቃንዳኔ፤ ዒማ ቡሊ ዔኪ ታኣም ባውዎቲ።

31 ዎኦኒያ <ዓይሳር ዒንሢ ቡላይ?» ጌይ ዒንሢ ዎኦጩቶ ሳዳም ኮይሳሢሮኬ» ጌይ ዒዛም ማሁዎቲ።»

32 ኪኢቶና ዳኪንቲዞንሢያ ዳንዳዎ ቢያ ባካ ዩሱሴ ዔያቶም ጌዔሢጉዲ ማዔንቲ ዛጌኔ።

33 ዒማ ሃር ናዎማ ዔያታ ቡላኣና ሃር ናዎኮ ዓዶንሢ፡- «ዓይሳር ዒንሢ ቡላይ» ጌዔኔ።

34 ዔያታ ማሃዎ፡- «ጎዳም ኮይሳሢሮኬ» ጌዔኔ።

35 ሃር ናዎዎ ዩሱሴ ኮራ ዔኪ ሙካዎ ዔያታ ፔኤኮ ዓፒሎ ሃር ናዎ ዙላ ጌሢ ዩሱሴ ቶጊሴኔ።

36 ዩሱሴ ዓኣዳ ጎይሣ ዓኣንቲ ዓሳ ፔኤኮ ዓፒሎ ጎይዎ ዒዛ ቤርታ ሂኢሣኔ።

37 ዩሱሴ ዩሩሳላሜ ሄላኒ ዑካዎ ዛይቶ ሪሚቶ ዲኮና ሊካ ኬዳንቲ ዒዛኮ ጊንዎ ሙካ ዓሳ ቢያ ዔያታ ዛጌ፣ ዎኦሲ ዎልቄና

ማደጎቱ ዓኮ ባኮ ዛሎና ሚርጌ ዋዛዳሂር ዑኡዞ ፔኤኮ ፊጊዲ ያኦሲ ጋላቲሂ ዓርቄኔ።

38 «ያኦሲ ሱንሂና ሙካ ካኣቲ ዓንጂንቴያኬ! ኮሹዋ ጫሪንቸዳ፣ ቦንቸ ያኦሲም ፊጌ ቤዘይዳ ማዖንጎ!» ዔያታ ጋዓኔ።

39 ዴሮኮ ባኣኮይዳ ዓኣ፣ ፔርሴ ዓሳ ጋዓንቴ ዩሱሴ ኮራ፡- «ዔርዛሂዮ! ኔኤኮ ጊንዖ ሃንታ ናኣቶ ጎሪ ዚቲዴ» ጌዔኔ።

40 ዩሱሴ ማሃዖ፡- «ዔያታ ዚቲ ጌዔቴያ ሹጫ ሃይ ዒላታንዳኔ፣ ታ ዒንሂም ጋዓኔ» ጌዔኔ።

ዩሱሴ ዩሩሳላሜ ካታዋ ዛሎሮ ዩኤኬሂ

41 ዩሱሴ ዩሩሳላሜ ካታዋኮ ዑከ ካታሜሎ ዛጋዖ፡-

42 «ኔኤም ኮሹዋ ማዓንዳ ባኮ ሃኖ ኔ ዔሪያታቶ ዓይጎ ጎዖንዶይ! ሃሂ ጋዓንቴ ዩይ ባካ ኔ ዓኣፓፓ ዓኣሺንቴኔ፤

43 ኔኤኮ ሞርካ ኔኤኮ ዙላ ቲኣሂ ዲርቄ ሃሃ ኔና ማንጊ፣ ሃንጌና ሶንጌና ሜታሳንዳ ዋዴ ሙካንዳኔ።

44 ኔናንታ ኔ ጊዳ ዓኣ ኔኤኮ ናኣቶንታ ዔያታ ባይዛንዳኔ፤ ዔያታ ዶይሱዋዖ፣ ፔቴ ሹቸታዖ ኔኤም ሃሻዓኬ፤ ዓይጎር ጌዔቶ ያኦሲ ኔና ዛጋኒና ዳቂሻኒ ሙካ ዋዶ ኔ ዔሪባኣሂርኬ» ጌዒ ዩኤኬኔ።

ዩሱሴ ጌኤዢ ማኣርይዳ ኮርማ ዓሶ ኬሴሂ

(ማቲ. 21:12-17፤ ማር. 11:15-19፤ ዮሃ. 2:13-22)

45 ዩሱሴ ጌኤዢ ማኣሪ ጌሊ ዒኢካ ኮርሞ ኮርማ ዓሶ፡-

46 « <ማኣራ ታኣኮ ሺኢጲሂ ማኣሪ ማዓንዳኔ> ጌይንቲ ፃኣፒንቴኔ፤ ዒንሂ ጋዓንቴ ዉሲ ፑና ቤሲ ማሄኔ» ጌዒ ዳውሲሂ ዓርቄኔ።

47 ዩካፓ ዩሱሴ ቢያ ኬሊና ጌኤዢ ማኣራ ዔርዘኔ፤ ዩኖ ዋዶና ቄኤሶኮ ሱኡጎና ሙሴ ዔርዘ ዋጎ ዔርዘ ዓሶና ሃሃ ሜሌ ዴሮኮዋ ሱኡጎ ማዔዘንሂ ዩሱሴ ዋዳኒ ኮዔኔ።

48 ጋዓንቴ ዓሳ ቢያ ዩሱሴ ጋዓ ባኮ ዋይዛኒ ሚርጌና ናሽካሂር፣ ዔያቶም ዋኦቶንዶ ጎይፃ ባይቄኔ።

20

ዩሱሴኮ ቢታንቶ ዛሎ ያኦጪንቴ ያኦጪሂ

(ማቲ. 21:23-27፤ ማር. 11:27-33)

1 ፔቴ ከሊ ዩሱሴ ጌኤዠ ማኣራ ጴዲ ዳር ዔርዚ ዔርዚ ሃሣ ኮኸ ሃይሶዎ ከኤዛንቴ ቄኤሶኮ ሱኡጎና ሙሴ ዔርዚ ዎጎ ዔርዚ ዓሰና ሃሣ ጨሞና ዒዛ ኮይላ ሙካዎ፡-

2 «ሂንዳ ኑም ከኤዜ! ሃያ ባኮ ኔ ማዳሢ ዓይጎ ቢታንቶናዳይ? ሃሣ ገንሣ ሃያ ኔ ማዳንዳጉዲ ቢታንቶ ኔኤም ዒንገሢ ያናዳይ?» ጌዒ ዒዛ ያኦጩኔ።

3 ዩሱሴ ማሃዎ፡- «ታ ዒንሢ ፔቴ ባኣዚ ያኦጩንዳ፤ ሂንዳ ዒንሢ ታኣም ማሁዋቴ፤

4 የሃሂሴኮ ዋኣዎና ማሰኪዎ ያኦሲዳገሞ ዓሲዳገዳይ?» ጌዔኔ።

5 ዔያታ ዎሊ ኮይላ፡- « <ያኦሲዳገኬ> ኑ ጌዔቶ፣ <ሂዳዎ ዒንሢ ዓይጎር ጉሙርቂ ጎናሲ ዔኪባኣይ?> ዒ ጋዓንዳ።

6 <ዓሲዳገኬ> ኑ ጌዔቶ ሃሣ ዓሳ ኑና ሹቻ ዲዓንዳ፤ ዓይጎር ጌዔቶ ቢዔቶ የሃሂሴ ያኦሲ ማሊሢ ከኤዛያ ማዔሢ ጉሙርቃሢርከ» ጌዔኔ።

7 ዩያር፡- «ዓንካገ ማዔቴያ ኑ ዔሩዋሴ» ጌይ ዒዛም ዔያታ ማሄኔ።

8 ዩሱሴያ፡- «ሂዳቶ ታኣኒያ ዓይጎ ቢታንቶና ሃያ ባኮ ማዳቶ ዒንሢም ከኤዛዓኬ» ጌዔኔ።

ዎይ ነፃ ባኤሎ ቱካ ዓሶንሢ ኮኣኪንሃ
(ማቴ. 21:33-46፤ ማር. 12:1-12)

9 ዩካገ ዩሱሴ ሃያ ኮኣኪንሃ ዳርም ከኤዜኔ፡- «ፔቴ ዓሲ ዎይኔ ጌይንታ ባኣዚ ቱካዎ ጎሽካ ዓሲም ጎሽኪ ጎሽኪ ካገንዳጉዲ ዒንገ፤ ሜሌ ሃኬ ዓጨ ዳንዲ ማዑዎፃ ሚርጌ ዎዴ ዴዔኔ።

10 ዩና ካፃዛ ዎይኔሎኮ ዓዳሢ ዓኣፖይዳገ ዒዛ ሄላዘንሢ ዔካንዳጉዲ ፔቴ ማዳሰኬያ ጎዠ ጎሽካዘንሢ ኮይላ ዳኬኔ፤ ጎዠ ጎሽካዘንሢ ጋዓንቴ ማዳ ዓሢ ጳርቂ ኩቺ ጉሪ ማሂ ዳኬኔ።

11 ዩያጉዲ ሜሌ ማዳሰኬያ ዳካዛ ዩያኣ ሃሣ ዔያታ ጳርቂ፣ ቦርሲሲ ኩቺ ጉሪ ማሂ ዳኬኔ፤

12 ሃሣ ሃይሣጎ ማዳ ዓሲ ዳካዛ ዩያ ሃሣ ጳርቂ ዑዎ ኪፃሴሰካገ ጎዠኮ ቲኢዎ ዙላ ከኤሬኔ።

13 ዩካገ ዎይኔሎኮ ዓዳሢ <ዓካሪ ታ ዎዳንዳይ? ታኣኮ ታ ናሽካ ናዓሢ ዳካንዳ፤! ዒዛ ጎዎንቴ ዔያታ ቦንቻንዳያ ናንዳ፤ ጌዔኔ።

14 ጋዓንቴ ጎሽካዘንሢ ዒዛኮ ናዓሢ ዛጌ ዎድና ዎሊ ኮይላ <ሃይ ዒዛ ዳካላንዳሢኬ፤ ሃሂ ሙኩዋቴ ኑ ዒዛ ዎደም፤ ቤዛኣ ኑም ማዓንዳ፤ ጌዔኔ።

15 ዩያር ናዓሢ ዔያታ ዎይኖ ቱኮና ቤዘኮ ቲኢዎ ዙላ ከሲ ዎዴኔ።

«ዓካሪ ያዲ ማዕቶ ዋይኔሎኮ ዓዳሢ ዩንሢ ጎሽካዞንሢ ዋዳንዳያ ዒንሢሞ ማለይ?

16 ዬኖ ዋይኔሎኮ ዓዳሢ ፔኤሮ ዩዓንዳኔ፤ ጎሽካዞንሢያ ዋዳንዳኔ፤ ዬኖ ዋይኖ ሜሌ ጎሽካ ዓሲሞ ዒንጋንዳኔ» ጌዔኔ።

ዓሳ ዬያ ዋይዛያ፡- «ዬያጉዴ ባኣዚ ማሊ ማያፓ!» ጌዔኔ።

17 ዬሱሴ ጋዓንቴ ዔያቶ ባንሢ ዛጋያ፡- «ዓካሪ ማኣሮ ማዞ ዓሳ ቦሢ ሃሼ ሹጫሢ

ማኣሮኮ ሄላሢ ማዔኔ»

ጌይንቴ ፃኣፒንቴሢ ዓይጎ ዔርዛይ?

18 ዬያ ሹጫሢዳ ሎኦማሢ ቢያ ሜቃንዳኔ፤ ሃሣ ዒዚ ዑፃ ኬዳሢያ ቢያ ዳኣዲንጎንዳኔ» ጌዔኔ።

ጊኢራ ጨጊሢ ዛላ ያኦጨንቴ ያኦጨሢ
(ማቴ. 22:15-22፤ ማር. 12:13-17)

19 ሙሴ ዔርዜ ዋጎ ዔርዛ ዓሶና ቄኤሶኮ ሱኡጎና ዬያ ኮኣኪንሣ ዔያቶይዳ ዒ ኬኤዜሢ ዔራዖ ዬማና ዒዛ ዓርቃኒ ማሌኔ፤ ጋዓንቴ ዴሮ ዔያታ ዒጊጨኔ።

20 ዬያሮ ዬሱሴ ዔያታ ዓርቃኒ ዔያቶሞ ጊኢጋ ኬሊ ካፔኔ። ዓጮ ዋይሣሢ ቢታንቶና ዒዛይዳ ዋጋንዳጉዲ ዓኣሢ ዒዛ ዒንጊሳኒ ዳንዳዓ ፑርታ ባኣዚ ዒዛይዳፓ ዴንቃኒ ኮዓዖ ፒዜ ዓሲ ማሊ ዒ ጌሱታ ጌኤዞና ዒዛ ቡኡዲ ዓርቃንዳ፤ ሙሪ ዓሲ ዒዛ ኮይላ ዳኬኔ።

21 ዬንሢ ዓሶንሢ ዬሱሴ ኮራ ሙኪ፡- «ዔርዛሢያ! ኔኤኒ ኬኤዛሢና ዔርዛሢ ጎኑሞ ማዔሢ ኑ ዔራኔ፤ ያኦሲ ጎይሢ ጎኔና ኔ ዔርዛፓዓቴሞ ያኦማኣ ኔ ሉኡዙሞና ዲማሲ ማኣዲ ጌሰቱሞ።

22 ሂንዳ ኑሞ ኬኤዜ! ኑኡኮ ዋጎ ጎይያና ሮሜ ዓጮ ካኣቲሞ ጊኢራ ጨጋኒ ዓይሢንቴሞ ዓይሢንቴባኣይ?» ጌዒ ዒዛ ያኦጨኔ።

23 ዬሱሴ ጋዓንቴ ዔያቶኮ ጌኖ ማሊያ ዔራዖ፡-

24 «ሂንዳ ታና ሚኢሾ ዳውዋቴ፤ ሃኖ ሚኢሾይዳ ዓኣ ዓውካሮና ፃኣፒንቴ ሱንያና ያኦሮዳይ?» ጋዓዛ፤ ዔያታ፡- «ሮሜ ካኣቲሲኬ» ጌዔኔ።

25 ዬሱሴ ማሃያ፡- «ያዲ ማዕቶ ካኣቲሲ ካኣቲሞ፤ ያኦሲሲ ያኦሲሞ ዒንጉዋቴ» ጌዔኔ።

26 ዔያታ ዴሮ ቤርቶይዳ ጌኤዞና ዒዛ ፒሪ ዓርቃኒ ዳንዳዒባኣሴ፤ ዬያሮ ዒ ማሄ ማሄያና ዲቃቲ ሄርሻዖ ዚቲኖ ጌዔኔ።

ሃይቄ ዓሲ ዔቃ ዛላ ያኦጨንቴ ያኦጨሢ
(ማቴ. 22:23-33፤ ማር. 12:18-27)

27 «ሃይቄ ዓሲ ዔቁንዲዋሴ» ጋዓ ሳዶቄ ዓሳ ዩሱሴ ኮራ ሙካዖ:-

28 «ዔርዛሢዮ! ሙሴ <ፔቴ ዓሲ ናይ ሾውዋዖ ማቾይዳፓ ሃይቢና ዲማዴቶ ጌኤዛሢ ላኣሌሎ ዔኪ፥ ናይ ሾይ ሃይቄሢም ዜርሢ ጌሦንጎ፥ ጌዒ ፃኣፔ።

29 ዓካሪ ላንካይ ዋሊኮ ጌርሲንሢ ማዓይ ዓኣንቴ፥ ቢያሢኮ ቶይዳሢ ላኣሊ ዔኪ ናይ ሾውዋዖ ሃይቄ።

30 ዒዛ ሄሊሴ ጌኤዛሢ ዩኖ ላኣሌሎ ዔኬኔ፤

31 ሃሣ ሃይሣሳሢ ዔኬኔ፤ ዩያይዴ ጎይሣ ላንኮንሢ ቢያ ዒዛ ዔካዖ ናይ ሾውዋዖ ሃይቄ።

32 ቢያሢኮ ጊንፃ ዩኖ ላኣሌላ ሃይቄ።

33 ዓካሪ ላንካዎንሢ ቢያ ፔ ዎዶና ዎዶና ቢያ ዒዛ ዔኬኔታሢ፣ ሃይቄ ዓሳ ዔቃ ዎዶና ዎያኮ ዒዛ ማቾ ማዓንዳይ?» ጌዒ ዒዛ ዖኦጩ።

34 ዩሱሴ:- «ሃያ ዓጮ ዓሳ ዔካኔ፥ ሎዓኔ፤

35 ሃይቢዳፓ ዔቄ፥ ሙካ ዓጮይዳ ናንጋኒ ኮይሳ ዓሳ ጋዓንቴ ዔኩዋሴ፥ ሎዑዋሴ።

36 ዓይጎር ጌዔቶ ዖኦሲ ከኢታንቾጉዲ ማዓንዳሢር ሃይቄዋሴ፤ ሃይቢዳፓ ዔቃታ ዔቄሢር ዖኦሲ ናይኬ።

37 ሃይቢዳፓ ዔቃንዳ ዓሶ ዛሎ ጋዓንቴ ሙሴ ካዮ ባኣኮይዳ ዔኤቴ ታሞ ዛሎ ኬኤዜ ሃይሶይዳ ፔጋሲ ዩያ ኬኤዜ፤ ዩኖ ሃይሶይዳ ሙሴ ዖኦሲ:- <ዓብራሃሜ ዖኦሲ፥ ዪሳኣቄ ዖኦሲ፥ ያይቆኦኬ ዖኦሲኬ» ጌዒ ኬኤዜ።

38 ዖኦሲ ሸምፖና ናንጊና ናንጋ ዓሶ ዖኦሲ፥ ሃይቄቶዋ ናንጊና ናንጋ ዓሶ ዖኦሲኬ፤ ዩያር ቢያሢ ዒዛም ሸምፔና ናንጋ።» ጌዒ ዔያቶም ማሄ።

39 ሙሴ ዔርዜ ዎጎ ዔርዛዘንሢዳፓ ፔቴ ፔቴዘንሢ:- «ዔርዛሢዮ! ኮሺ ባኣዚ ኔ ኬኤዜ!» ጌዔ።

40 ዩካፓ ማይ ዩሱሴ ጫርቄ ዖኦጩ ዓሲያ ባኣኤ።

ዩሱሴ ፔ ዛሎ ዖኦጩ ዖኦጪሢ
(ማቴ. 22:41-46፤ ማር. 12:35-37)

41 ዩካፓ ዩሱሴ:- «ዎይቲ ሜሲሄ ዳውቴ ናይኬ ዔቃታ ጋዓይ?

42-43 ዳውቴ ፔ ቶኣኪና ዓይኑም ማፃኣፖይዳ:-

•ዖኦሲ ታ ጎዳሢም (ሜሲሄም)
ኔኤኮ ሞርኮ ኔ ቢታንቶ ዴማ ታ ማሃንዳያ ሄላንዳኣና

ታኣኮ ሚዛቆ ዛላ ዴዔ ዒዛም ጌዔ። ጋዓ።
 44 ዓካሪ ዳውቴ ፔ ቶኦኪና ጎዳ ጌዒ ዒዛ ዔኤሌቶ
 ሚሲሃ ዳውቴኮ ዋይቲ ናይ ማዓኒ ዳንዳዓይ?»
 ዔያቶም ጌዔ።

ዩሱሴ ሙሴ ዔርዜ ዋጎ ዔርዛ ዓሶ ዛሎ ኬኤዜህ
 (ማቲ. 23:1-36፤ ማር. 12:38-40)

45 ዴራ ቢያ ዒዛሲ ዋይዛ ጎይህ ዓኣንቴ ዩሱሴ ጊንፆ ሃንታዞንህ
 ኮራ፡-

46 «ዖደሲ ማኣፆ ማኣዒ ሴካ ሃንጋ ጌዒ ሃንታኒ፣ ቦኣካ ቤሲዳ
 ቦንቾ ዔኤሊህ ዔኤሊንታኒ፣ ዓይሁዶ ዓሶኮ ቡኪንቶ ቤዛ ቦንቹንታ
 ዖይታ፤ ሙኤዚ ሙፆ ቤሰካ ቦንቹንታ ቤሲዳ ዴዓኒ ኮዓ ሙሴ ዔርዜ
 ዋጎ ዔርዛዞንህ ዳፓ ዒንህና ካቸዋቴ።

47 ዔያታ ዓሲ ቤርቲዳ ጴዳኒ ዖደሲ ሸኢቆ ሸኢጲህና ጌሺ ጌሺ
 ዓኒንህ ሃይቄ ላኣሎኮ ማኣር ማንቁሳ፤ ዩያር ዔያቶደዳ ዑህ
 ዓኣጴ ቸርታ ዋጌ ዋጊንታንዳ።» ጌዔ።

21

ዜኤሪንደሰኬና ዖኦሲም ዒንጌ ዒንጊህ
 (ማር. 12:41-44)

1 ዩሱሴ ዴግ ጌዒ ዛጋንቴ ዖርጎጮ ዓሳ ዖኦሲም ዒንጎ ባኮ፣
 ሳኣፂኖ ጋራ ዓጋንቴ ዴንቄ።

2 ዩያጉዲ ሃህ ፔቴ ዜኤሪንደሰኬና ዩኖ ዋዶ ሚኢሾና ላምፆ
 ሲኪና ማዓያ ሳኣፂኖ ጋራ ዓጋንቴ ዒ ዴንቄ።

3 ዒማና ዩሱሴ፡- «ጎኔ ታ ዒንህም ጋዓ፤ ሃና፣ ዜኤርይንዶ
 ማንቁላ ቢያፓ ዑህ ዓኣጴ ባሽ ዒንጌ።»

4 ዓይጎር ጌዔቶ ዔያታ ዒንጌህ ዔያቶኮ ዓኣ ባካፓ ዲቢ ዑህ
 ዓኣጴሂኬ፤ ዒዛ ጋዓንቴ ማንቆታፆ ፔቴታፆ ዒዞም ዓይሱዋፆ ዒዞኮ
 ዓኣ ባኮማ ጋፒ ዒንጌ።» ጌዔ።

ጌኤዠ ማኣርኮ ሻሂንቶ ዛሎ ዩሱሴ ሎንህህ
 (ማቲ. 24:1-2፤ ማር. 13:1-2)

5 ፔቴ ፔቴ ዓሳ፡- «ሃይ ጌኤዠ ማኣራ ሚዛጲ ሹቹና ሃህ ዖኦሲም
 ዒንጊንቴ ዒንጊፆና ሚዛጲሲ ኮሾናያኬ» ጌዒ ጌዒ ዋላ ጌሰታንቴ።

6 ዩሱሱ፡- «ሃይ ዒንሢ ዛጋሢ ሲያ፣ ሹጫ ሹጫይዳ ከልቁንቲ ባቲንዲዋ ዋዴ ሙካንዳኔ፤ ሃይ ሹጫ ሲያ ፔቲ ዓቢና ደዓንዳኔ» ጌዔኔ።

7 ዔያታኣ፡- «ዔርዛሢዮ! ዩይ ማዓንዳሢ ዓይዲዳይ? ዩይ ያዲ ማዓንዳ ዋዳ ዑኩሢ ኑ ዔራንዳ ማላታ ዓይገንዴዳይ?» ጌይ ዒዛ ያኦጩኔ።

ዩሱሱ ሜቶና ዳውሲሢና ሙካንዳሢ ከኤዜሢ
(ማቴ. 24:3-14፤ ማር. 13:3-13)

8 ዩሱሱ፡- «ዒንሢ ዳቢንቱዋጉዲ ዒንሢና ዔሩዋቲ፤ ሚርጌሢ ታኣኒ ኪሪሰቶሱከ! ሃይሾ ዋዳ ዑኩኔ!» ጌዒ ጌዒ ታ ሱንፆና ሙካንዳኔ፤ ዔያቶ ገንፆ ዓኣዲፖቲ።

9 ያልዚና ዴሬኮ ዋይዚ ዒዲሢና ዛላ ዒንሢ ዋይዜ ዋደና ዲቃቲፖቲ፤ ቤርታዲ ዩይ ሲያ ያዲ ማዓንዳያ ኮይሳኔ፤ ማዔቶዋ ጋፒንፆ ዑኩ ማዓዓከ» ጌዒ ዔያቶም ማሄኔ።

10 ዩካፓ ሃሃ ዩሱሱ፡- «ዴራ ዴሮ፣ ካኣታ ካኣቶ ያላንዳኔ።

11 ዲማ ዲማ ቤሲዳ ደዲ፣ ዒጊቻ ሳዓ ዓጊዲሢና ሉማና ሃሃ ደርዓኣ ከሰካንዳኔ። ሃሃ ዒጊቻ ባኣዚና ዴኤፒ ዴኤፒ ማላታ ጫሪንጮይዳ ዴዳንዳኔ።

12 ጋዓንቲ ዩይ ሲያ ማዓንዳሢኮ ቤርታ ሳሳ ዒንሢ ዓርቃንዳኔ፤ ዒዲ ሃሃ ዒንሢ ዳውሶንዳኔ፤ ዓይሁደ ዓሶኮ ቡኪንቶ ቤዘና ቱኡዘ ማኣሮናም ዓኣሢ ዒንሢ ዒንጎንዳኔ፤ ታ ሱንፆሮ ጌዒ ካኣቶ ቤርቶ ሃሃ ዋይሢ ሳሶ ቤርቶ ዔኪ ዒንሢ ዓኣዳንዳኔ።

13 ዩይያ ታ ሱንፆ ዛሎ ዒንሢ ማርካታኒ ዒንሢም ኮሺ ዋዴ ማዓንዳኔ።

14 ዩያሮ ዒንሢ ፑርቲሴ ዓሲጉዲ ያኦጩንታ ባኮኮ ዒንሢ ማሃንዳ ባኮሮ ሜታዳንዳያ ኮይሱዋኣሢ ቤርታዲ ዔሩዋቲ።

15 ዓይጎሮ ጌዔቶ ዒንሢኮ ሞርኮይዳፓ ያኣኒያ ዒንሢ ባሻኒና ማካኒ ዳንዳዑዋ ጌሰቶንዳ ጌኤሲና ዔራቶና ታ ዒንሢም ዒንጋንዳኔ።

16 ዒንሢኮ ሸዔ ዓሶና ጌርሲንሢና ዒንሢኮ ዒጊሮና ላጎና ዓቲዋዎ ዓኣሢ ዒንሢ ዩያ ባኮም ዒንጋንዳኔ፤ ዒንሢዳፓ ፔቲ ፔቲሢ ሃይቁያ ሃይቃንዳኔ።

17 ታ ሱንፆሮ ጌዒ ዓሲ ሲያና ዒዲንቲያ ዒንሢ ማዓንዳኔ።

18 ጋዓንቲ ዒንሢኮ ቶኣኮ ጋፓናፓ ፔቲታዎ ባይቃዓከ።

19 ዒንሢ ገቢ ዳንዳዒ ሹምፓሢ ዒንሢኮ ዒንሢ ዓውሳንዳኔ» ጌዔኔ።

ዩሱስ ዩሩሳሌምን ባይቂያ ዛሎ ኬኤዜህ
(ማቴ. 24:15-21፤ ማር. 13:14-19)

20 ዩካፓ ሃሣ ዩሱስ፡- «ዒዞ ሞርኮኮ ያለ ዓሰና ዩሩሳሌም ማንገንቲ ዓኣንቲ ዒንሢ ዛጌ ዎደና ባይቃኒ ዒዛ ዑኬሢ ዔሩዋቲ፤

21 ዒማና ዪሁዳ ዓጮይዳ ዓኣዞንሢ ለካ ዲኮ ባንሢ ዓኣሺንቶንጎ፤ ካታማ ዓኣዞንሢ ዩካፓ ኬሰኮንጎ፤ ካታሞኮ ዙላ ዓኣዞንሢያ ሃንጋ ካታሞ ጌሎፓ።

22 ዓይጎሮ ጌዔቶ ዩኖ ባይሰንቲሎ ዛሎ ፃኣፒንቲ ሎንሣ ኩማንዳጉዲ፡ ዩና ኮሚ ዔከሢና ሜቶ ዒንገሢ ዎደ ማዓንዳ።

23 ዩኖ ዎደና ጎጆይንዶና ናኣቶ ዓኣሎ ዲንሢሣዞንሢ ሞ ባደዔ! ዓይጎሮ ጌዔቶ ዩኖ ዓጮሎይዳ ዴኤፒ ሜቶ ዎደ ማዓንዳ። ዴር ዑያይዳኣ ያኦሲ ጎሪንቲ ሙካንዳ።

24 ዔያቶይዳፓ ሚርጌሢ ያልዚና ሃይቃንዳ፤ ዓቲ ዓሳ ዲዒንቲ ዲማ ዲማ ዓጪ ዔኪ ዓኣዲንታንዳ፤ ሜሌ ዴራ ዑፃ ማዒ ዎይሣ ዎዳ ጋፓንዳያ ሄላንዳኣና ዩሩሳሌም ካታሞ ዔያታ ሄርቂ ዎይሣያ ማዓንዳ።» ጌዔ።

ኪሪሰቶስኮ ለሚ ሙኪያ ዛሎ
(ማቴ. 24:29-31፤ ማር. 13:24-27)

25 ሄሊሳዎ ዩሱስ፡- «ዓቦና ዓገኖናይዳ ሃሣ ዠኣጋሢዳ ዲቃሣ ማላታ ጴዳንዳ፤ ሳይይዳ ዓኣ ዴራ ቢያ ባዞና ባዞይዳ ዔቃ ዲቃሣ ጉዳሢ ዠባሮ ዑኡዞፓ ዔቁያና ዒጊጪ ሜታዳንዳ።

26 ሳይይዳ ሙካ ባኮ ካፒሢና ዓሳ ዒጊቹሞና ሄርጊ ሜታዳንዳ፤ ዓይጎሮ ጌዔቶ ዩኖ ዎደና ጫሪንጫ ዎልቁና ዓኣ ባካ ዓገፃንዳ፤

27 ዩካፓ ዓሲኮ ናዓሢ ዴኤፒ ዎልቁና ሃሣ ቦንቹንቲ ሻኣሮ ዑፃ ማዒ ሙኪ ጴዳንዳ።

28 ዩይ ቢያ ማዒያ ዓርቂ ዎደና ዒንሢኮ ዳቂንታ ዑኬሢሮ ዴግ ጌዒ ለካ ዛጉዋቲ» ጌዔ።

ቤሌሴ ጌይንታ ሚሢ ኮኣኪንሢ
(ማቴ. 24:32-35፤ ማር. 13:28-31)

29 ዩካፓ ዩሱስ ሂዚ ጌዒ ኮኣኪንሢ ዔያቶሞ ኬኤዜ፡- «ቤሌሶ ሚያንታ ሃንጎ ሚያዎ ኮሺ ዒና ዔኪ ዛጉዋቲ፤

30 ዔያቶኮ ዒላኻ ፃላንቲ ዒንሢ ዛጌ ዎደና ያጎሢ ዑኬሢ ዒንሢ ዔራ።»

21:22 ሆሴ. 9:7። 21:25 ዒሲ. 13:10፤ ሂዚ. 32:7፤ ዒዱ. 2:31፤ ዮሃ. ያፔዳ 6:12-13። 21:27 ዳኣኔ. 7:13፤ ዮሃ. ያፔዳ 1:7።

31 ዬያ ጎይያ ዬይ ቢያ ባካ ማዒያ ዓርቃሢ ዒንሢ ዛጌ ዎድና ጾኦ ላክቱማ ሙካኒ ዑኩሢ ዔሩዎቱ።

32 «ጎጌ ታ ዒንሢሞ ጋዓኔ፤ ዬይ ቢያ ኩማንዳያ ሄላንዳኣና ሃይ ሸይንታ ዓኣዳዓኬ።

33 ጫሪንጮና ሳዖና ዓኣዳንዳኔ፤ ታኣኮ ቃኣላ ጋዓንቴ ናንገና ዶዲ ናንጋንዳኔ» ጌዔኔ።

ዶዲ ጴጫ ካፒሢ ዛላ

34 ሄሊሳዖ ዬሱሴ፡- «ሚርጌ ሙኡዚና ዑሺና ዛላ ማሊ ማሊ ዎድ ዒንሢኮ ጉሪ ኩርሲፖቱ፤ ሃሃ ሃያ ሳዖ ናንጎ ባኮ ዛሎ ሜታዲሢና ዒኖ ዒንሢኮ ዶጪሲፖቱ፤ ያዲ ዒንሢ ማዔቱ ዬና ኬሌላ ፒርጉዲ ዔሩዎንቴ ዒንሢ ዓርቃንዳሢ ዔሩዎቱ።

35 ዬና ኬላ ሳዖይዳ ዓኣ ዓሶ ቢያ ዔሩዎንቴ ዓርቃንዳኔ።

36 ዬያሮ ሙካ ፑርቶ ባኮይዳፓ ቢያ ቶላ፤ ዎልቄያ ዳንቃኒና ዓሲ ናዓሢኮ ቤርታ ዒንሢ ዔቃኒ ዳንዳዓንዳጉዲ ሺኣቂ ሺኣቂ ቢያ ዎዳና ዶዲዎቱ» ጌዔኔ።

37 ዒማና ዬሱሴ ቢያ ኬሊ ጌኤዡ ማኣሮይዳ ዔርዛኔ፤ ሳዓ ዓማኣና ጋዓንቴ ዛይቱ ሪሚቲ ዲካ ጌይንታ ዲኮ ኬሰኪ ኬሰኪ ዎርቃኔ።

38 ዓሳ ቢያ ዬሱሴ ኮራፓ ዎይዛኒ ጉቱ ዓማ ጌኤዡ ማኣሪ ዒዛ ባንሢ ዓኣዳኔ።

22

**ኪሪሰቶሴ ዎዳኒ ዓሶኮ ዎላ ዘርቲያ
(ማቲ. 26:1-5፤ ማር. 14:1-2፤ ዮሃ. 11:45-53)**

1 ዑሣ ዓኣዲያ ቦንቾ ኬሎ ጌይንታ ላኣዶ ሙዒ ቦንቾ ኬላ ዑካዛ፤

2 ቂኤሶኮ ሱኡጎና ሙሴ ዔርዜ ዎጎ ዔርዛ ዓሳ ዳሮ ዒጊጨሢሢር ዬሱሴ ዓርቂ ዎዶንዶ ጎይሢ ዳሜና ኮዓኔ።

**ጸሁዳኮ ዬሱሴ ዓኣሢ ዒንጎሮ ዓሶና ዎላ ጊኣጊያ
(ማቲ. 26:14-16፤ ማር. 14:10-11)**

3 ዬማና ታጾ ላዎዖንሢዳፓ ፔቱሢ ማዔ፥ ዓሰቆሮንቶ ዓጮ ዓሢ፥ ጸሁዳይዳ ፃላሄ ጌሌኔ።

21:37 ሉቃ. 19:47። 22:1 ከሲ. ማ፻ 12:1-27።

4 ይኛ ጸሁፊ ቄሌሶኮ ሱኡጎና ጌኤዠ ማእሮ ካፓ ዓሶ ዓይሣዘንሣ ኮይላ ዴንዲ ዩሱሴ ዎዲ ዓአሣ ዔያቶም ዒንጋንዳቲ ዔያቶና ዎላ ጌሰቲኔ።

5 ዔያታ ዒ ከኤዜ ባኮና ዎዛዲ ሚኢሼ ዒዛም ዒንጋኒ ዎላ ጌሰቲ ጌኢጌኔ።

6 ዔያታ ጌሰቲ ጌኢጌሰካፓ፣ ዴራ ዔሩዎንጌ ዒዚ ዩሱሴ ዓአሣ ዒንጋኒ ጌኢጋ ዎዴ ኮዓኔ።

ዩሱሴ ዑሣ ዓአዲያ ቦንቾ ከሎ ካዎ ሙዓኒ ጌኢጌሣ
(ማቲ. 26:17-25፤ ማር. 14:12-21፤ ዮሃ. 13:21-30)

7 ዩካፓ ዑሣ ዓአዲያ ቦንቾ ማራቶ ሹኪ፣ ላአዶዎ ሙዒ ቦንቾ ከላ ሄሌኔ።

8 ዩሱሴ፡- «ዑሣ ዓአዲያ ቦንቾ ከሎ ካዎሣ ኑ ሙዓንዳጉዲ ዴንዲ ኑም ጌኢጌሹዎቲ» ጌዒ ጳዒሮሴና ዮሃኒሴና ቤርታ ዳከኔ።

9 ዔያታ ማሃያ፡- «ዑሣ ዓአዲያ ቦንቾ ከሎ ካዎ ዎካ ኑ ጌኢጌሻንዳጉዲ ኔ ኮዓይ?» ጌይ ዒዛ ያኦጩኔ።

10 ዒዚያ ዔያቶም፡- «ዴንዲ ካታም ዒንሣ ጌላኣና ዒኢካ ዎአሣ ጉሲ ከዴ ዓሲ ዒንሣና ካአማንዳኔ፤ ዒዛ ጌንያ ዓአዲ፣ ዒ ጌላ ማእሮ ጌሉዎቲ።

11 ማእሮ ዓዶ ኮራ ኑና ዔርዛሣ ሓኣኮ ጌንያ ሃንታዘንሣና ዎላ ዑሣ ዓአዲያ ቦንቾ ከሎ ካዎ ታ ዴዒ ሙዓንዳ ቤዛ ዎካዳይ? ኔና ጋዓኔ ጎውዎቲ።

12 ዒዚያ ኩቦ ጋራ ዓአ ሃኢሣንጌ ጌኢጌ፣ ዳልጎ ቤዘ ዒንሣ ዳውዎንዳኔ፤ ዒኢካ ጌኢጌሹዎቲ» ጌዔኔ።

13 ለምዓዒዘኮ ጌንያ ሃንታዘንሣ ዴንዲ ቢያ ባካ ዩሱሴ ዔያቶም ጌዔሣጉዲ ማዔም ዴንቃያ ዑሣ ዓአዲያ ቦንቾ ከሎ ካዎ ዒኢካ ጌኢጌኔ።

ጎዳ ማዶ ካዎሣ
(ማቲ. 26:26-30፤ ማር. 14:22-26፤ 1ቆር. 11:23-25)

14 ዒማና ካዎ ሙያ ዎዳ ሄላዛ ዩሱሴ ዳኪንጉዘንሣና ዎላ ሙዓኒ ዴዓያ፡-

15 «ታኢ ሜታሣ ዔካንዳሣኮ ቤርታ ዒንሣና ዎላ ሃያ ዑሣ ዓአዲያ ቦንቾ ከሎ ካዎሣ ሙዓኒ ሚርጌና ኮዔኔ፤

16 ሃያ ባኮኮ ዓአሺንጌ ጎኑማ ያኦሲ ካኣቲሞይዳ ጌኤሸኪ ዔርታንዳያ ሄላንዳኣና ሃይካፓ ሴካ ሃሮ ዑሣ ዓአዲያ ቦንቾ ከሎ ካዎ ፔቲታያ ታ ሙዒንዲዎያታሣ ዒንሣም ታ ከኤዛኔ» ዔያቶም ጌዔኔ።

17 ዩካፓ ዩሱሴ ዑሽኮ ባኮ ዔኪ ጋላታ ሺኢጲሢሢ ሺኢቃዮ፡- «ሃቦቴ፣ ሃያ ዋሊ ሄሊሱዋቴ፤

18 ጎኔ ታ ዒንሢሢ ጋዓኔ፤ ሃይማፓ ዓርቃዮ ያኦሲ ካኣቱማ ሙካንዳያ ሄላንዳኣና ሃያ ዋይኖ ዓኣፖ ዑዣፓ ታ ዑሽካዓኬ» ጌዔኔ።

19 ሄሊሳዮ ዩሱሴ ካሃ ዔኪ ጋላታ ሺኢጲሢሢ ሺኢቁ፣ ቡንፃዮ ጊንፆ ሃንታዘንሢሢ፡- «ሃቦቴ፣ ሃይ ዒንሢሢ ሚንጊንታሢ ታናኬ፤ ሃያ ዒንሢሢ ታና ማሊ ጸቂሢ ባኣዚ ማሁዋቴ» ጌዒ ዔያቶም ዒንጌኔ።

20 ዩያጉዲ ካሃ ሙዔስካፓ ዑሽኮ ባኮ ዔኪ ዒንጋዮ፡- «ሃይ ዑሽኮ ባካ ዒንሢሢ ላኣሊንታንዳ፣ ታ ሱጎዮና ኩማንዳ ዓኮ ጫኣቃሢኬ።

21 «ጋዓንቴ ታና ዓኣሢ ዒንጋሢ ሃሢ ታኣና ዋላ ጎንጋፓ ካሃ ዔኪ ሙዓኔ።

22 ዓሲኮ ናዓሢ ዒዛ ዛሎ ቤርታዲ ማሊንቴ ጎይዮና ሃይቁዋዮ ዓታዓኬ፤ ጋዓንቴ ዓሲኮ ናዓሢ ዓኣሢ ዒንጋ ዩያ ዓሢሞ ባዴዔ!» ጌዔኔ።

23 ዒዛኮ ጊንፆ ሃንታ ናኣታ፡- «ኑ ባኣካፓ ዩያ ማዳንዳሢ ያናዳይ?» ጌይሢና ዋሊ ሴካና ሃንጋና ያኦጩኔ።

ቢያፓ ባሼሢ ያናታቴያ ኬኤዚንቴሢ

24 ሄሊሳዮ ዔያታ፡- «ኑጊዳፓ ቢያ ባሼሢ ያናዳይ?» ጌዒ ዋላ ማርሞ ዓርቁኔ።

25 ዩሱሴ ጋዓንቴ፡- «ሃያ ዓጮ ካኣቶኮ ዳር ዑፃ ቢታንቶ ዓኣኔ፤ ሃሢ ዋይሢ ዓሳኣ ዳርሞ ኮዥ ማዳ ዓሶ ጌይንታኔ፤

26 ዒንሢሢ ጋዓንቴ ዔያቶጉዲ ማዓንዳያ ኮይሱዋሴ፤ ዩያይዳፓ ዒንሢሢ ባኣካ ቶይዲ ማዓሢ ጌኤዚጉዲ ማዮንጎ፤ ዓይሢ ማዲሻያ ማዔሢያ ማዳሢጉዲ ማዮንጎ።

27 ሙዮ ዳዒ ሙዓሢና ዔቂ ሙኡዛሢናይዳፓ ዋያዳይ ዳኤፓሢ? ዳኤፒ ጌይንታሢ ዳይ ሙዓሢቱዋዓዳ? ታኣኒ ጋዓንቴ ዒንሢሢኮ ባኣካ ዓይሢንቲ ማዳሢ ጉዳያኬ።

28 «ዒንሢሢ ታኣኮ ሜታሢ ዋዶና ቢያ ታኣና ዋላ ዶዲ ዳዔኔ።

29 ዩያር ታ ዓዴ ታ ማዶም ቢታንቶ ታኣም ዒንጌሢጉዲ ታኣኒያ ዒንሢሢ ሙዓሢ ዒንጋንዳኔ።

22:20 ዔር. 31:31-34። 22:21 ዓይኑ. 41:9። 22:24 ማቲ. 18:1፤ ማር. 9:34፤ ሉቃ. 9:46። 22:25 ማቲ. 25:27፤ ማር. 10:42-44። 22:26 ማቲ. 23:11፤ ማር. 9:35። 22:27 ዮሃ. 13:12-15።

30 ታኣና ዋላ ታ ካኣቱሞይዳ ሙዖ ቤዛ ዒንሢ ዴዒ ሙይ ዑሽካንዳኔ፤ ዋጎ ዋጎ ቤዘይዳኣ ዴዒ፣ ታጾ ላምዖ ዒሰራዔኤሌኮ ሃጾ ዑፃ ቢታንቶ ዔኪ ዒንሢ ዋጋንዳኔ» ጌዔኔ።

ጳዲሮሴ ዒዛ ዔሩዋሴ ጋዓንዳሢ ቤርታሲ ዩሱሴ ኬኤዘሢ (ማቲ. 26:31-35፤ ማር. 14:27-31፤ ዮሃ. 13:36-38)

31 ሄሊሳዖ ዩሱሴ፡- «ሲሞኦኔ! ሃኣዛጌ፤ ጎሽካ ዓሢ ዛርጋሢ ዓኣፖ ዲልባፓ ሶኦሪ፣ ጌኤሺ ዲማሳሢጉዲ ፃላሄ ዒንሢ ሶኦሪ ዛጋኒ ዒናፓ ሱኡካዲ ማሌኔ።

32 ጋዓንቴ ኔኤኮ ጉሙርቁፃ ባይቁዋጉዲ ታ ዓዶ ታ ሺኦቁኔ፤ ኔኤኒያ ኔ ዳቢንቶ ዔሪ ታ ባንሢ ማዔ ዋዶና ኔ ዒሺንሢ ዶዲሼ» ጌዔኔ።

33 ጳዲሮሴ ማሃዖ፡- «ጎዳሢዮ! ቱኡሲም ማዔቶዋ ሃሃ ሃይቢም ታኣኒ ኔኤና ዋላ ዓኣዲኒ ገኢገንቴያኬ!» ጌዔኔ።

34 ዩሱሴ ጋዓንቴ ዒዛም፡- «ጳዲሮሴ፣ ሃሮ ኮይዳ ቁኦቁዋንቴ ሃይሢ ማይንቴ ታ ዒዛ ዔሩዋሴ» ኔ ጋዓንዳኔ፤ ታ ኔኤም ጋዓኣኬ» ጌዔኔ።

35 ዩካፓ ዩሱሴ ፔኤኮ ገንዖ ሃንታ ናኣቶ ኮራ፡- «ሚኢሼ ዓርቆ ቡራሻ፣ ጋላ ዔኮ ሉካ፣ ዲርሲያ ዒንሢ ዔኩዋንቴ ታ ዒንሢ ዳኬ ዋዶና ዒንሢም ፓጩ ባኣዚ ዓኣ?» ጌዔኔ።

ዔያታኣ ማሃዖ፡- «ዓይጌያ ፓጩ ባኣዚ ኑም ባኣኬ» ጌዔኔ።

36 ዩሱሴ ዔያቶም፡- «ሃሢ ዓካሪ ሚኢሼ ዓርቆ ቡራሻ ማዔቴያ፣ ጋላ ዓርቆ ሉካ ዓኣሢ ዩያ ፔኤኮ ዔኮንጎ፤ ጩንቻ ዓፓሮ ባኣሢያ ማኣዓሢ ፔኤኮ ሻንቺ ጩንቻ ዓፓሮ ሻንቆንጎ።

37 ፕርቶ ዓሶና ዋላ ፓይዲንቴኔ!፤ ጋዓ ማፃኣፖ ቃኣላ ታ ገዲ ኩማንዳያ ኮይሳኔ፤ ታ ዒንሢም ጋዓኣኬ፤ ዓይጎሮ ጌዔቶ ታ ዛሎ ቤርታዲ ፃኣፒንቴሢ ቢያ ኩማኒ ኮይሳሢሮኬ» ጌዔኔ።

38 ዒዛኮ ገንዖ ሃንታ ናኣታ፡- «ጎዳሢዮ! ሃይሽ ሃይካ ላምዖ ጩንቻ ዓፓሮ ዓኣኔ!» ዒዛም ጋዓዛ፣ ዒዚ «ገዳንዳኔ» ዔያቶም ጌዔኔ።

ዩሱሴኮ ዛይቶ ሪሚቶ ዲኮይዳ ሺኢጲዖ (ማቲ. 26:36-46፤ ማር. 14:32-42)

39 ዩሱሴ ካታሞይዳፓ ኬሰኪ ቤርታ ማዲሢጉዲ ዛይቶ ሪሚቶ ዲኮ ዴንዴኔ፤ ዒዛኮ ገንዖ ሃንታ ናኣታኣ ዒዛና ዋላ ዓኣዴኔ።

22:30 ማቲ. 19:28። 22:35 ማቲ. 10:9-10፤ ማር. 6:8-9፤ ሉቃ. 9:3፤ 10:4።
22:37 ዒ.ሲ. 53:12።

40 ዒኢካ ዔያታ ሄላዛ ዩሱሴ፡- «ደቢሻ ገሽሢሂዳ ዒንሢ ገሉዋጉዲ ሸኢቁዋቴ» ጌዔ።

41 ዩካፓ ሹቺ ዲዔም ሄላንዳጉዴ ቤሲዳ ዔያቶይዳፓ ሃኪ ዴንዳፖ ጉምዓቲ፡-

42 «ዒዳሢየ! ኔ ማሊሢ ማዔቶ ሃያ ማታሢ ታ ገዳፓ ሃኪሴ፤ ጋዓንቴ ታ ማሊፖጉዲቱዋንቴ ኔ ማሊፖ ኩሞንጎ» ጌዒ ሸኢቁ።

43 ዒማና ዒዛ ደዲሻ ከኢታንቻሢ ጫሪንጮይዳፓ ሙኪ ዒዛም ጴዴ።

44 ዒና ዒዛኮ ሚርጌና ማታዳም፡ ኮሺ ደዲ ሸኢጲሢ ዒ ሸኢቃ፤ ዩማና ጮጋጫ ዒዛኮ ሱጉሢ ማሊ ሳዓ ፆዳ።

45 ሸኢጲፆይዳፓ ዒ ዔቁ ጊንፆ ሃንታዞንሢ ባንሢ ሙካንቴ ዔያታ ሚርጌና ፆይይዳፓ ዔቁያና ላቢ ጊንዒ ዓኣንቴ ዛጋፆ፡-

46 «ዓይጎር ዒንሢ ጊንዒይ? ዩይይዳፓ ደቢሻ ገሽሢሂዳ ዒንሢ ገሉዋጉዲ ዔቁ ሸኢቁዋቴ» ዔያቶም ጌዔ።

ዩሱሴኮ ሞርኮ ኩጫ ዓዲንቲፆ
(ማቴ. 26:47-56፤ ማር. 14:43-50፤ ዮሃ. 18:3-11)

47 ዩሱሴ ዩያ ከኤዛ ጎይሢ ዓኣንቴ ዒማና ሚርጌ ዓሲ ሙኬ፤ ዩያ ዓሶ ዔኪ ሙኬሢ ታጰ ላምፆንሢዳፓ ፔቴሢ ማዔ፡ ዩሁዳኬ፤ ዒዚያ ዩሱሴ ሄርቃኒ ዩሱሴ ባንሢ ደጩ።

48 ዩሱሴ ጋዓንቴ፡- «ዔዞ፡ ዩሁዳ! ዓሲኮናዓሢ ሄርቁሢና ዓኣሢ ኔ ዒንጋ?» ጌዔ።

49 ዩሱሴና ዋላ ዓኣ ጊንፆ ሃንታዞንሢ ዩያ ዛጋፆ፡- «ጎዳ! ዓፓሮና ኑ ዔያቶ ቆፆንዶ?» ጌዔ።

50 ዔያቶይዳፓ ፔቴስኬይ ቁኤሶ ቢያኮ ሱኡጋሢም ዓይሢንቴ ማዳሢኮ ሚዛቆ ዋዮ ዓፓሮና ቆፂ ቲቁ።

51 ዩሱሴ ጋዓንቴ፡- «ማይ ገዴ፤ ሃሹ!» ጋዓፆ፡ ዓሢኮ ዋዮ ኩቻ ዓርቁ ካንሢ ፓሢ።

52 ዩካፓ ዩሱሴ ዒዛ ዓርቃኒ ሙኬዞንሢና ቁኤሶኮ ሱኡጎና ሃሢ ገኤዢ ማኣሮኮ ዓይሢዞንሢና ዴሮኮ ጨሞና ኮራ፡- «ታና ዒንሢ ሱላጉዲ ዓርቃኒ ጩንቻ ዓፓሮና ኮኡሎና ዔኪ ሙኪያ?»

53 ቢያ ከሊ ገኤዢ ማኣሮይዳ ዒንሢና ዋላ ታ ዓኣንቴ ዒንሢ ታና ዓርቁባኣሴ፤ ሃሢ ጋዓንቴ ዒንሢና ዲማሢናኮ ቢታንቶ ዋዶኬ» ጌዔ።

ጳጳሮችን የሱሴ ዔሩዋሴ ጌይያ
(ማቴ. 26:57-58፤69-75፤ ማር. 14:53-54፤66-72፤ ዮሀ. 18:12-18፤25-27)

54 ይካገሩ ሳላ የሱሴ ዔኪ ቁኤሶ ቢያኮ ሱኡጋሢ ማእሪ ዳንዴኔ፤
ሲማና ጳጳሮች ዳካ ሲዘይዳገ ሃኬ ሃኬ ገንጾ ዓኣዳኔ።

55 ሳላ ይያ ዓሢኮ ዲሮ ጋራ ታሚ ዔኤሢ ፔቴይዳ ዳዒ ካሸታገጥቴ
ጳጳሮች ሙኪ ዔያቶና ዋላ ዳዔኔ።

56 ጳጳሮች ታሞ ዳጫ ዳዒ ዓኣገጥቴ ፔቴ ወዲሮ ናይሰከና ሲዛ
ዳንቂ ኮሺ ሲዛ ዛጋዎ፡- «ሃይያ የሱሴና ዋላ ዓኣያኬ!» ጌዔኔ።

57 ጳጳሮች ጋዓገጥቴ፡- «ሃና ዓሴላ! ታኣኒ ሲዛ ዔሩዋሴ» ጌዔኔ።

58 ዳካ ናጌሰካገ ፔቴ ዓሲ ሃሃ ጳጳሮች ዛጋዎ፡- «ኔኤኒያ
ዔያቶይዳገ ፔቴሢኬ!» ጋዓዛ፡ ጳጳሮች ጋዓገጥቴ፡- «ሃይ ዓሢ ኔ!
ታ ዔያቶና ዋላ ዓኣያቱዋሴ!» ጌዔኔ።

59 ፔቴ ሳኣቴጉዳያ ሃሃ ኔጋዎ ፔቴ ሜሌ ዓሲ፡- «ሃይ ዓሢ ጌሊላ
ዓሲኬ፤ ጎኔ ሲዛና ዋላ ዓኣያኬ» ጌዒ ኮሺ ደዲሺ ኬኤዜኔ።

60 ጳጳሮች ጋዓገጥቴ፡- «ሃይ ዓሢ ኔ! ኔ ጋዓ ዓሢ ታ ዔሩዋሴ!»
ጌዔኔ።

61 ይኖሩ ጋዓ ጎይሃ ዓኣገጥቴ ኮይዳ ቁኣቁኔ።

62 ይማና ጎዳ የሱሴ ሺሪ ጳጳሮች ዛጋዛ፡ ጳጳሮች፡- «ሃና
ኮይዳ ቁኣቁግገጥቴ ሃይሢ ማይገጥቴ ታ ሲዛ ዔሩዋሴ» ኔ ታና
ጋዓገጥቴ» ጌይ ጎዳ የሱሴ ቤርታ ሲዛም ኬኤዜሢ ጳቃዛ፡

63 ካሮ ኬሰካዎ ኮሺ ሲናገገ ያዩ ሲዚ ዩኤኬኔ።

64 ሲማና የሱሴ ዓርቁ ዓሳ ሲዛ ቦሂ ቦሂ ጳርቁያ ጳርቃኔ።

65 ዓኣገገ ካሮዋ ሲዛኮ ካንቁ ካንቁ፡- «ዎናዳይ ኔና ባዔሢ? ሂንዳ
ኔ ያኦሲ ማለሢ ኬኤዛያታቴ ዔሬ» ጋዓኔ።

66 ይያጉዲ ሃሃ ሚርጌ ባኣዚ ጌዒ ጌዒ ሲዛ ጫሽካኔ።

የሱሴኮ ዋጎ ዓሶ ቤርቶ ሺኢኪያ
(ማቴ. 26:59-66፤ ማር. 14:55-64፤ ዮሀ. 18:19-24)

67 ሳዓ ካራዛ ዳሮኮ ጨሞና ቁኤሶኮ ሱኡጎና ሙሴ ዔርዜ ዋጎ
ዔርዛ ዓሶና ፔቴይዳ ቡኪገጥቴ፤ የሱሴያ ዔያታ ቡኪገጥጥ ቤዞ ዔኪ
ሙካዎ፡

68 ሲዛ ኮራ፡- «ሂንዳ ኑሞ ኬኤዜ! ኔኤኒ ሜሲሃዳ?» ጋዓዛ፡
ዔዚ ጋዓገጥቴ ዔያቶም፡- «ታ ሲገሢም ኬኤዛዛ ሲገሢ ጎኔኬ
ጎውዋሴ፤

69 ሃሃ ታ ሲገሢ ያኦጫዛኣ ታኣም ሲገሢ ማሂ ኬኤዙዋሴ፤

70 ጋዓገጥቴ ሃይማገ ዓርቃዎ ዓሲኮ ናዓሢ ዴኤፖ ያኣዛሢኮ ሚዛቆ
ዛላ ቦንቸገጥቴ ዳዓገጥቴ» ጌዔኔ።

70 ዩዳይ ሲሆን ፔቱሞና፡- «ሂዳቶ ኔ ያኑሲ ናይኬ ጌይሂዳ?» ጌይ ዒዛ ያኑጫዛ፣ ዒዚ፡- «ሂዮ፤ ዒንሂ ታና ጋዓሂጉዴያኬ» ዒያቶም ጌዔ።

71 ዒያታ ማሃዮ፡- «ዓካሪ ማይ ዓይጎ ማርካ ኑም ኮይሳይ? ሃይሾ ዒ ጌዔ ባኮ ኑ ኑ ቶኦኪና ዋይዜኔ!» ጌዔ።

23

ዩሱሴኮ ጲላዖሴ ቤርቶ ሺኢኪዖ

(ማቴ. 27:1-2፤ 11-14፤ ማር. 15:1-5፤ ዮሃ. 18:28-38)

1 ዎጎሮ ቡኪንቴ ዓሳ ቢያ ዔቂ ዩሱሴ ጲላዖሴ ቤርቶ ዔኪ ዓኣዳ።

2 ሂዚ ጌዒያ ዒዛ ዒያታ ዎጎና ዓይሂሳኒ ከኤዚሂ ዓርቄ፡- «ሃይ ዓሂ፣ ኑኡኮ ዴሮ ዳቢሻንቴ ኑ ዴንቄ፤ ሮሜ ካኣቲም ጊኢራ ጊኢራንቴዎጉዴያ ላኦጋ፤ ሃሃ ታኣኒ ካኣቲ ማዔ፣ ሜሲሄኬ» ጌዒ ጌዒ ከኤዛ።»

3 ጲላዖሴያ፡- «ኔኤኒ ዓይሁዴ ካኣቲዳ?» ጌይ ዩሱሴ ያኑጫዛ፣ ዩሱሴ ማሃዮ፡- «ሂዮ፣ ኔ ታና ጌዔሂጉዴያኬ» ዒዛም ጌዔ።

4 ዩማና ጲላዖሴ ቄኤሶኮ ሱኡጎና ዴሮናም፡- «ሃያ ዓሂ ዑፃ ዓይጎ ዳቢንቲያ ታ ዴንቄባኣሴ!» ጌዔ።

5 ዓሳ ጋዓንቴ፡- «ሃይ ዓሂ ጌለላይዳፓ ዓርቃዮ ሃይካ ሃላንዳኣና ዪሁዳ ዓጫ ቢያ ዔርዚ ዔርዚ ዴሮ ፑርቱሞም ዔቂሳ፤» ጌዒ ጌዒ ኮሺ ዶዲሺ ከኤዜ።

ዩሱሴ ሄሮዲሴ ቤርታ

6 ጲላዖሴ ጌለላ ጌይንቴ ዑኡዞ ዎይዛዮ፡- «ሃይ ጌለላ ዓጪ ዓሲዳ?» ጌዒ ያኑጫ።

7 ዩሱሴ ሙኬሂ ሄሮዲሴ ዎይሃ ዓጫፓ ማዔሂ ጲላዖሴ ዔሪ ማሂ ጊንሃ ሄሮዲሴ ባንሂ ዳኬ፤ ሄሮዲሴ ዩማና ዩሩሳላሜይዳኬ።

8 ሄሮዲሴ ዩሱሴ ዛጋዖ ሚርጌ ዎዛዳ፤ ዓይጎሮ ጌዔቶ ዩሱሴ ዛሎ ቤርታ ዒ ዎይዜሂሮ ዛጋኒ ሚርጌ ዎዴ ዒዛ ኮዓ፤ ዩያጉዲ ሃሃ ዩሱሴ ያኑሲ ዎልቄና ዓኪ ባኣዚ ማዴም ዛጋኒ ማለሂያ ጌሃ።

9 ዩያሮ ሄሮዲሴ ዩሱሴ ሚርጌ ያኑጫሂ ያኑጫ፤ ዩሱሴ ጋዓንቴ ዓይጎዎ ዒዛም ማሂባኣሴ።

10 ቄኤሶኮ ሱኡጎና ሙሴ ዔርዜ ዎጎ ዔርዛ ዓሳ ዒኣካ ዔቂ ሚርጌና ዒ ፑርቲሴያ ማሊሲ ከኤዛ።

11 ሄሮዲሴ ፖኡሊሶና ዎላ ማዒ ዒዛ ቦሂ ዓማላዮ፣ ሚዛጲ ዓፒላ ማይሲ ጊንሃ ጲላዖሴ ባንሂ ማሂ ዳኬ።

12 ዬሮ ከሎና ሄሮዲሴና ጲላጎሴና ዋላ ዲጊንቴኔ፤ ዬያኮ ቤርታ ጋዓንቴ ዔያታ ዋላ ዱጲሢኬ።

ዬሱሴ ሃይቃንዳጉዲ ዋጊንቴሢ
(ማቴ. 27:15-26፤ ማር. 15:6-15፤ ዮሃ. 18:39-40፤ 19:1-

16)

13 ዬካፓ ጲላጎሴ ቄኤሶኮ ሱኡጎና ሃሣ ዴሮይዳፓ ዔርቴ ዓሶና ዴሮና ቢያ ዔኤላያ፡-

14 « ጴሮ ዲ ፑርቱሞም ዔቁሳኔ! » ጌዲ ዲንሢ ሃያ ዓሢ ታ ኮይላ ዔኪ ሙኩኔ፤ ታኣኒ ጋዓንቴ ዲንሢኮ ቤርታ ዲ ዘ ጎኦጤ፤ ዲንሢ ጌዲ ከኤዛ ባኮይዳፓ ቢያ ሃያ ዓሢ ዑፃ ዓይጎ ዳቢንቴ ታ ዴንቁባኣሴ።

15 ዬያጉዲ ሃሣ ሄሮዲሴያ ዲ ዛይዳ ዓይጎ ዳቢንቴ ዴንቁባኣሢሮ ሃንጋ ኑ ባንሢ ማሂ ዳኬኔ፤ ዓካሪ ሃይ ዓሢ ዲ ዛ ሃይቢም ሄሊሳ ባኣዚ ዓይጎ ዳቢንቴ ማዲባኣሴ።

16 ዬያሮ ታ ጳዲና ኩንሢ ሃሻንዳኔ » ጌዔኔ። [

17 ሌዓ ሌዓ ዑሣ ዓኣዲያ ቦንቾ ከሎና ጲላጎሴ ፔቴ ቱኡሲ ዓሲ ዴሮም ቡላያኬ።]*

18 ዬያሮ ዴራ ቢያ፡- « ሃያ ዓሢ ባይዜ! ባርባኔ ጋዓንቴ ኑም ቡሉ! » ጌዲ ጌዲ ዲላቴኔ።

19 ባርባኔ ጎሮሢ ካታሞይዳ ዑራ ዔቁሲ ዓሲ ዋዴ ዛላና ቱኡቴ ዓኣ ዓሲኬ።

20 ጲላጎሴ ዬሱሴ ቡሊ ሃሻኒ ኮዓያ ላሚ ዴሮም ከኤዜኔ።

21 ዴራ ጋዓንቴ፡- « ሱፃ፣ ሱሱፃ! » ጌዲ ጌዲ ዲላቴኔ።

22 ጲላጎሴ ሃይሢ፡- « ሃይ ዓሢ ዳቤ ዳቢንቴ ዓይጌንዴዳይ? ታኣኒ ዲ ዛ ሃይቢም ሄሊሳንዳ ዓይጎ ባኣዚያ ዴንቁባኣሢሮ ጳዲና ታ ኩንሢ ሃሻንዳኔ » ዔያቶም ጌዔኔ።

23 ዔያታ ጋዓንቴ ዑኡዛ ፔኤኮ ዴጊዲ፡- « ሱሱፃ! » ጌዲ ጌዲ ዲላቴኔ፤ ዲላታኣ ዔያቶኮ ኮሺ ዲቤኔ።

24 ዬያ ዛሎሮ ዔያታ ጎኦጤሢ ዔያቶም ማዲንታንዳጉዲ ጲላጎሴ ዋጊኔ።

25 ዑራ ዔቁሲ፣ ዓሲ ዋዴ ቱኡቴ ዓኣ ባርባኔ ጎሮሢ ዔያታ ጎኦጤ ጎይያና ቡላያ፣ ዬሱሴ ጋዓንቴ ዔያታ ኮዔሢጉዲ ዓኣሢ ዔያቶም ዲንጌኔ።

ዬሱሴኮ ሱፃንቴያ
(ማቴ. 27:32-44፤ ማር. 15:21-32፤ ዮሃ. 19:17-27)

* 23:17 ፔቴ ፔቴ ሚናኣ ማፃኣፓ ፓይ. 17 ጊዳ ቃሳኔ፤ ዬሮ ቃኣላ ማር. 15:6 ጊዳ ዓኣዛ ማላኔ።

26 ዩሮ ዩሱስ ዔያታ ዔኪ ዳንዲያይዳ ዓአዖ፡ ፔቲ ቁሬና ጌይንታ ዓጪ ዓሲ ማዔ ሲሞኦኔ ጎያሢ ካታሞኮ ዙላፓ ካታሞ ጌላንቲ ዒዛ ዔኪ ዩሱስ ሱያንዶ ፑርቲሴ ዓሶ ሱያ ማያ ኬዲሲ ዩሱስ ጊንያ ዓአዳንዳጉዲ ማሄኔ።

27 ማርጌ ዓሲ ዩሱስ ጊንያ ዓአዳኔ፤ ዔያቶ ባአኮይዳፓ ማርጌና ዒዛ ጋይቲ ያዪ ዩኤካ ላአሊ ዓአኔ፤

28 ዩሱስ ጋዓንቲ ዔያቶ ባንሢ ሸሬጋፓ፡- «ዒንሢ ዩሩሳሌሜ ላአላ! ዒንሢ ቶኦኮና ዒንሢ ናኦቶናሞ ዩኤኮሞቲ! ታ ጋይቲ ዩኤኪፖቲ!

29 ዓይጎር ጌዔቶ <ዘአካሢ ማዔ ላአሎና ሸይባአ ጎጾና ዳንሥሢባአ ላአሎና ሞዚ ባሊቲና ዓአያዳይ?> ጌይንታንዳ ኬሊ ሙካንዳኔ።

30 ዩኖና ዓሳ ደኮ ሱ ዑፃ ዶዔ!> ሃሃ ጌሜር ሱና ዓአቹሞቲ!> ጌይሢ ዓርቃንዳኔ።

31 ዓካሪ ዩይ ቢያ ባካ ዓአዔ ማሢዳ ሃአዲ ማዓያ ማዔቶ ማሎ ማያይዳ ሞይታንዳያ ናንዳይ?» ጌዔኔ።

32 ዩያጉዲ ሃሃ ዩሱስና ሞላ ሞዳኒ ላሞፃ ፑርታ ማዳ ዓሲ ሰኬንሢያ ዔኪ ዔያታ ዳንዳኔ።

33 ዩካፓ ዔያታ ቶኦኪ ማጌሢ ጌይንታ ቤዘ ሄላያ ዒኢካ ዩሱስ ሱፃኔ፤ ሃሃ ላሞፃ ፑርቶ ማዳዘንሢያ ዩሱስኮ ሻውሎና ማዛቆ ዘሎናይዳ ሱፃኔ።

34 ዩካፓ ዩሱስ፡- «ዓዳሢዮ! ዔያታ ማዳ ባኮ ዔሩሞአሢር ዓቶንጎ ዔያቶሞ ጌዔ!» ጌዔኔ።

ፖኦሊሳ ዲማሲ ዔራኒ ዓጎ ባአዚ ዓገ ዩሱስኮ ዓፒሎ ጊሸቲኔ።

35 ዳራ ዔቁ ዘጋንቲ ዓይሁዶኮ ሱኡጋ፡- «ሜሌ ዓሶ ዒ ዳቂሸኔ፤ ዓካሪ ዒዛ ያኦሲ ዶኦሬያ፡ ማሲሄ ማዔቶ ሂንዳ ፔና ዳቂሸንጎ!» ጌዒ ጌዒ ዒዛ ቦሄኔ።

36 ፖኦሊሳ ሃሃ ዩያጉዲ ዒዛ ቦሄኔ፤ ፑርቲ ሶልኬ ዑሺያ ዒዛሞ ዒንጋያ፡

37 «ኔኤኒ ዓይሁዳ ካአቲታቶ ሂንዳ ኔና ዳቂሸ» ጌዔኔ።

38 «ሃይ ዓይሁዳ ካአቲኬ!» ጌዒ ፃአፖናያ ዩሱስኮ ቶኦኮ ኬዳ ማያ ዑፃ ጌሄኔ።

ዩሱስና ሞላ ሱፃንቲ ላሞፃ ፑርቶ ማዳ ዓሶንሢ
(ማቲ. 27:38-44፤ ማር. 15:27-32)

23:30 ሆሴ. 10:8፤ ዮሃ. ያፔዳ 6:16። 23:34 ዓይኡ. 22:18። 23:35 ዓይኡ. 22:7። 23:36 ዓይኡ. 69:21።

39 ዩሱሴና ዋላ ሱጾና ፑርቶ ማዴዞንሢዳፓ ፔቴሢ ዩሱሴ ኮራ:- «ኔኔኒ ሜሲሃቱዋዳዳ? ሂንዳ ኔና ዳቂሺ ኑና ዳቂሺ!» ጌሲ ጌሲ ጫሽኬኔ።

40 ባጋሢ ጋዓንቴ:- «ኔኔኒ ሃሢ ሃይቢም ዋጊንቴ ዓኣዖ ያኦሲ ዲጊጩዋዳዳ?

41 ኑኔኒ ኑ ማዴ ዳቢንቶ ዛሎና ኑም ዲንጎና ዋጋ ኮይሳያኬ፤ ሃይ ዓሢ ጋዓንቴ ፔቴታዖ ፑርታ ባኣዚ ማዲባኣሴ» ጌሲ ዲዛ ጎሬኔ።

42 ዩካፓ ዩሱሴ ኮራ:- «ጎዳሢዮ! ኔ ካኣቱሞይዳ ኔ ጌላ ዋዶና ታና ጳቆሳዎ!» ጌሴ።

43 ዩሱሴ ማሃዖ:- «ጎኔ ታ ኔኤም ጋዓኔ፤ ሃኖ ኔ ታኣና ዋላ ጌኔቴይዳ ማዓንዳኔ!» ዲዛም ጌሴ።

ዩሱሴኮ ሃይቦ

(ማቴ. 27:45-56፤ ማር. 15:33-41፤ ዮሃ. 19:28-30)

44 ዓካሪ ዩይ ያዲ ማዔሢ ዓባ ሳዛ ማዓኣናኬ፤ ዩካፓ ዓርቃዖ ዴንዲ ማሢ ደምቦልሳ ዋዴ ሄላንዳኣና ዓቦኮ ፖዓ ዓርቁንቴ ሳዓ ጉቤ ዲሜኔ።

45 ዩማና ጌኤኾ ማኣሮይዳ ዴማሲዖሮ ጎኦቦና ዓፒላ ሳዛፓ ሄኮ ዳርዒ ላምዖ ፓቂንቴ።

46 ዩሱሴ ዑኡዞ ጴጊዲ:- «ዓዳሢዮ! ሃይሾ ታኣኮ ሹምፓሢ ኔኤም ታ ዲጎጋኔ!» ጌሴ። ዩያ ጌዔሰካፓ ሹምፓሢ ዲዛኮ ዴጴኔ።

47 ዲኢካ ዓኣ፣ ጭቶ ፖኦሊሶኮ ሱኡጋሢ ዩያ ማዔ ባኮ ዛጋዖ:- «ጎኔና ሃይ ዓሢ ጂሎታዖኬ!» ጌሲ ያኦሲ ቦንቹኔ።

48 ዩያ ባኮ ዛጋኒ ዲኢካ ቡኪንቴ ዓኣ ዓሳ ቢያ ማዔ ባኮ ዛጊ ዖዱና ዳዶ ፔኤኮ ኩቻ ባዒ ባዒ ፔ ማኣሪ ማዒ ዴንዴኔ።

49 ዩሱሴ ኮሺ ዔራ ዓሶ ቢያሢና ጌሊላይዳፓ ዓርቃዖ ዲዛኮ ጊንዖ ሃንታ ላኣሎና ሃኬ ዔቂ ዩያ ባኮ ዛጋኔ።

ዩሱሴኮ ዴኡኪንቴዖ

(ማቴ. 27:57-61፤ ማር. 15:42-47፤ ዮሃ. 19:38-42)

50 ዓይሁዴ ዓጪ ካታማ ማዔ፣ ዓርማቴያሴ ጌይንታዞይዳ ናንጋ ዮሱፔ ጌይንታ ፔቴ ዓሲ ዓኣኔ፤ ዲዚ ጂሎ ሃሃ ኮሺ ዓሲኬ፤ ሃሃ ጊንሣ ዒ ዓይሁዴ ዓሶኮ ዋጎሮ ቡካ ዓሶይዳፓ ፔቴሢኬ።

51 ማዔቶዋ ዓይሁዴ ዓሳ ዩሱሴ ባይዛኒ ዞርታ ዞርቲያና ጌኤዞናይዳ ዒ ጌሊባኣያኬ፤ ያኦሲ ካኣቱሞዋ ሃጊ ማዓንዳ ዋዛ ጌሢ ካፓ ዓሲኬ።

52 ዬይ ዓሢ ጲላግሴ ኮይላ ዴንዲ ዩሱሴኮ ሌዞ ዒዛም
ዒንጋንዳጉዲ ያኑጩኑ።

53 ሌዞዋ ዒዛኮ ሚግጋ ኬይሲ ሻኣዝ፣ ቦኦ ሚዛጲ ዓፒላና
ሱኡዲ ያኣኒያ ዲኡቲባኣ ላሌ ቆኦቂ ኮሾና ዲኡፒ ዔቴይዳ
ዲኡኬኑ።

54 ዬያ ዒ ማዳሢ ሳዓ ዲሚም ዓይሁደኮ ሃውሾ ኬሎ ቦንቻ
ዓርቃኒ ዑካንቴኬ፤ ዬና ኬሌላ ሃውሾ ኬሎም ገኢገንቴ ገኢገንቶ
ኬሊኩ።

55 ጌሊላ ዓጮይዳጋ ዩሱሴ ገንጾ ሙኬ ላኣላ ዮሴፔና ዋላ
ዓኣዲ ዩሱሴኮ ዲኡጉ ዛጌ፤ ሃሃ ዋዲ ዒዛ ዲኡኮናቴያ ዛጌ።

56 ዬካጋ ዔያታ ፔኤኮ ማኣሪ ማዒ ዴንዳጾ ሌዞም ማዓ ዴኤሻና
ሳውቃ ቲሺና ገኢገሸሸካጋ ሙሴ ዔርዜ ዋኅ ጎይያና ሃውሾ ኬሎ
ዔያታ ሃውሺ ፔኤቄ።

24

ዩሱሴኮ ሃይባጋ ዔቂጾ

(ማቴ. 28:1-10፤ ማር. 16:1-8፤ ዮሃ. 20:1-10)

1 ላኣሎንሢ ገኢገሺ፣ ሳውቃ ቲኩ ዔኪ ቃልሾ ኬሎኮ ቤርታሳ
ዓቦ ጉቲ ዓሚ ዲኡጉ ቤዞ ዴንዳኑ፤

2 ዒማና ዲኡጉ ካር ዋዶና ሹጫሢ ዲኡጉ ካራጋ ኮላዲ ዓኣንቴ
ዔያታ ዴንቄ።

3 ዔያታ ዲኡጉ ዔቶ ጋር ጌሌ ዋዶና ጋዓንቴ ጎዳ ዩሱሴኮ ሌዞ
ዴንቄባኣሴ።

4 ዬያ ባኮና ኮሺ ዔያታ ዲቃቲ ዓኣንቴ ዓኣፒዳ ዲካ፣ ጌኤሺ
ቦኦ ዓፒላ ማይንቴ ላምጾ ዓሲ ዔያታ ዔሩዋንቴ ሙኪ ዔያቶ ኮይላ
ዔቄ።

5 ላኣሎንሢ ሚርጌና ዒገጫጾ ሊካ ሳዓ ዛገ ዓኣንቴ፡- «ሹምፔና
ዓኣ፣ ዩሱሴ ሃይቄ ዓሶ ባኣካ ዓይጋ ዒንሢ ኮዓይ?

6 ዒዚ ሃይካ ባኣሲ፤ ዔቄ፤ ቤርታ ዋንዴ ጌሊላይዳ ዓኣ ዋዶና
ዒንሢም ኬኤዜሢ ማሉዋቴ።

7 ዬይያ፡- «ዓሲኮ ናዓሢ ጎሞ ዓሶም ዓኣሢ ዒንገንታኒ ሃሃ
ሱጻንታኒ፣ ሃይሃሳ ኬሎና ሃይባጋ ዔቃኒ ኮይሳኑ» ዒንሢም
ጌዔሢ።

8 ላኣሎንሢ ዩሱሴኮ ቃኣሎ ማሊ ጳቂሴ፤

23:56 ኬሲ. ማፃ 20:10፤ ላሚ. ዋማ 5:14። 24:7 ማቴ. 16:21፤ 17:22-23፤
20:18-19፤ ማር. 8:31፤ 9:31፤ 10:33-34፤ ሉቃ. 9:22፤ 18:31-33።

9 ዲኡፖ ቤዛፓ ማዒ ዬያ ቢያ ታጾ ፔቴዞንሢና ዓቴዞንሢናም ኬኤዜኔ፤

10 ዬያ ዳኪንቴዞንሢናም ኬኤዜዞንሢና ማግዴላ ዓጮ ማይራማ፣ ዮሃና፣ ያይቆኦቤኮ ዒንዶ ማይራሞንታ ዬያጉዲ ሃሃ ሜሌ ለኣሊያ ዓኣኔ።

11 ዳኪንቴዞንሢና ጋዓንቴ ዬይ ባካ ዔያቶም ዓውቲ ማሌሢር ጎኔኬ ጌይባኣሴ።

12 ጋዓንቴ ጳጳሮሴ ዔቂ ዲኡፖ ቤዞ ጳሽኬኔ፤ ዒኢካ ዒ ሄሊ ሂርኪ ጌዒ ዛጋዖ ሌዞ ሱኡዶና ሻኣዦ ሚዛጳ ዓፒሎ ሌሊ ዴንቁሰካፓ ማዔ ባኮ ዲቃቲ ሄርሺ ሄርሺ ማኣሪ ማዔኔ።

ዩሱሴ ላምዖ ዒዛኮ ጊንዖ ሃንታ ናኣቶንሢናም ጴጫሢ
(ማር. 16:12-13)

13 ዬኖ ኬሎና ዩሱሴኮ ጊንዖ ሃንታዞንሢናፓ ላምዖንሢና ዔማዎሴ ጌይንታ ጉርዳሰኬኖ ዴንዳኔ፤ ዔማዎሴ ዓኣሢ ዬሩሳላሜይዳፓ ኮሺ ሃኩዋ * ቤሰካኬ።

14 ዔያታ ዬያ ማዔ ባኮ ቢያ ዛሎ ዎላ ጌሰቲ ጌሰቲ ዓኣዳኔ፤

15 ዬያ ዔያታ ኬኤዚ ጌሰታ ዎዶና ዩሱሴ ፔ ቶኦኪና ሙኪ ዔያቶና ዎላ ዓኣዳኔ።

16 ጋዓንቴ ዔያታ ፔ ዓኣፖና ዒዛ ዛጋያታዖ ያና ማዔቶዎ ዔራኒ ዳንዳዒባኣሴ።

17 ዒዚ፡- «ዒንሢ ሃይ ጌሰቲ ጌሰቲ ዓኣዳሢ፣ ዬይ ዓይጎ ባኣዚዳይ?» ዔያቶ ኮራ ጌዔኔ።

ዔያታ ዒማና ኮሺ ዖያዖ ዓኣ ቤዛ ዔቂኔ።

18 ዔያቶይዳፓ ፔቴ ቁሌዮጳ ጌይንታሢ፡- «ኔኤኒ ዩሩሳላሜ ካታሞይዳ ዓኣዖ ሃሢ ቢሪ ማዳንቴ ባኮ ቢያ ዔሩዋዖ ሾኦቹ ማዒ ዓቴሢ ኔና ሌሊዳ?» ጌዔኔ።

19 ዩሱሴ ማሃዖ፡- «ዬይ ዓይጌንዴዳይ?» ጋዓዛ፣ ዔያታ «ናዚሬቶ ዓጮ ዓሢ፣ ዩሱሴ ዑፃ ማዔ ባኮሾ! ዒዚያ ዖኦሲና ዓሲና ቢያ ቤርታ ኬኤዛ ባኮና ማዶና ደዲ ማዔ ዖኦሲ ማሊሢ ኬኤዛያኬ።

20 ቁኤሶኮ ሱኡጎና ኑና ዎይሃ ዔርቴ ዓሳ ሃይቃንዳጉዲ ዒዛይዳ ዎጌሰካፓ ዒዛ ሱቂኔ።

21 ኦኡኒ ጋዓንቴ «ዒሰራዔኤሌ ዓሶ ዳቁሻንዳይ ዒዛኬ» ጌዒ ሚርጌና ሃጊ ማዓንዳ ዎዛ ጌሢያታንቴ፣ ዬይ ቢያ ባካ ማዔሰካፓ ሃኖ ሃይሃሳ ኬሊኬ።

* 24:13 ኮሺ ሃኩዋ፡- ጋዓዛ ጋኣሎ ሙኡጮና ታጾ ላምዖ ኪሎ ሜኤቲሬ ጋዓኔ።

22 ሃሣ ኑ ባአኮይዳ ዓአ ፔቴ ፔቴ ላአላ ማርጌና ኑና ዲቃሣ ማሊሼኔ፤ ዔያታ ሃኖ ጉቴ ዱኡፖ ቤዘ ዴንዳዎ፡

23 ዒዛኮ ሌዘ ዴንቁባአሴ፤ «ዒዚ ሃይባፓ ዔቄኔ» ጋዓ ኪኢታጎቾ ዓውቲጉዳያና ዛጌኔ ጌዒ ዔያታ ማዒ ሙኬኔ፡፡

24 ሃሣ ኑጊዳፓ ፔቴ ፔቴዘንሣ ዱኡፖ ቤዘ ዴንዳዎ ላአላ ጌዒሣጉዲ ማዒ ሙከን፤ ዩሱሴ ጋዓንቴ ዔያታ ዴንቁባአሴ» ዒዛም ጌዒኔ፡፡

25 ዩሱሴ ዔያቶም ማሃ፡- «ዒንሣ ማሊ ጰቂሡዋያ ሃሣ ያኑሲ ማሊያ ኬኤዛዘንሣ ኬኤዘሣ ቢያ ጎኔኬ ጎፀ-ዋያ ዒና ደጩሴ ዓሳ!

26 ሜሲሄ ዩያ ቢያ ሜታሣ ዔካንዳያና ቦንቸንታኒያ ኮይሳያቱዋዳዳ?» ጌዒኔ፡፡

27 ዩካፓ ሙሴና ያኑሲ ማሊያ ኬኤዛ ዓሳና ማፃአፖይዳፓ ዓርቃዎ ጌኤዠ ማፃአፖይዳ ቢያ ዒዛ ዛሎ ኬኤዘንቴ ባኮ ፓይዲ ፓይዲ ዔያቶም ኬኤዘኔ፡፡

28 ዔያታ ዴንዳ ጉርዴሎኮ ፀካዛ ዩሱሴ ዔያቶ ኮራ ዋርቁዋዎ ዴንዳያ ማላሣር፡

29 ዔያታ፡- «ሳዓ ዓሜኔ፣ ዓባአ ጌሌኔ፤ ዩያር ኑኡና ዋላ ሃካ ዋርቁ» ጌይ ዒዛ ኮሺ ዶዲሺ ሺኢቁሣር ዔያቶና ዋላ ዋርቃኒ ማአሪ ጌሌኔ፡፡

30 ዩካፓ ዔያቶና ዋላ ሙዒኒ ዴዓዎ፡ ካሣ ዔኪ ጋላታ ሺኢጲሣ ሺኢቁሣኮ ጊንፃ ቡንፃ ዔያቶም ዒንጌኔ፡፡

31 ዩማና ዓአፓ ዔያቶኮ ቡሊንታዛ ዩሱሴ ማዒሣ ዔያታ ዔሬኔ፤ ዒዚ ጋዓንቴ ቤዘማና ዔያቶኮ ዓአፓፓ ዓአሺንቴኔ፡፡

32 ዔያታ ዋሊ ኮይላ፡- «ዋንዴ ጎይፃ ኑ ዓአንቴ ኑም ዒ ኬኤዛአና፣ ጌኤዠ ማፃአፓፓ ፓይዲ ፓይዲ ኑም ዔርዛአና ዋዛና ኑኡኮ ዒና ታሚጉዲ ዔኤቲባይ?» ጌዒኔ፡፡

33 ዔያታ ዩማና ዔቃዎ ዩራሳላሜ ማዒ ዴንዴኔ፤ ዒኢካ ታጰ ፔቴዘንሣ፤ ዔያቶኮ ላጎንሣና ዋላ ፔቴይዳ ቡከንቴ ዓአንቴ ዴንቁኔ፡፡

34 ዒማና ታጰ ፔቴዘንሣ፡- «ጎዳ ዩሱሴ ጎኔ ሃይባፓ ዔቄኔ! ሲሞአኔማ ጴዴኔ!» ጋዓኔ፡፡

35 ላምዎ ጊንፃ ሃንታዘንሣ ሃሣ ፔ ዛሎና ዔያቶ ኮይላ ጎይፃ ማዒ ባኮና ጎዳ ዩሱሴ ካሣ ዔያቶም ቡንፃ ዒንጌ ዎዶና ዎይቲ ዒዛ ዔያታ ዔሬቶዋ ኬኤዘኔ፡፡

ዩሱሴ ዒዛኮ ጊንፃ ሃንታ ናአቶም ጴዴሣ
(ማቲ. 28:16-20፤ ማር. 16:14-18፤ ዮሃ. 20:19-23፤ ዳኪ. ማዶ 1:6-8)

36 ዔያታ ዬያ ጋዓ ጎይሣ ዓኣንቴ ዬሱሴ ፔ ቶኦኪና ዔያቶ ባኣካ ሙኪ ዔቃቶ፡- «ዒንሣ ዋዚ ዓኣይ?» ጌዔኔ።

37 ዔያታ ጋዓንቴ ዔኤዜ ዛጋያ ዔያቶም ማለዛ፣ ዲቃቲ ሚርጌና ዒጊጩኔ።

38 ዬሱሴ ጋዓንቴ፡- «ዓይጎሮ ዒንሣ ዲቃታይ? ሃሣ ዓይጎሮ ዒንሣ ሃይ ጎኔ ባኣዚዳ?» ጌዒ ማለይ?

39 ታኣኮ ኩጮና ቶኮና ዛጊጋፓ ታና ማዔሣ ዔሩዋቱ፤ ሃሣ ዑዖዋ ታኣኮ ዓርቂ ዛጉዋቱ፤ ታና ዒንሣ ዛጋሣጉዲኬ፤ ዔኤዜኹ ጋዓንቴ ዓሽኪንታ ማጌሣንታ ባኣሴ» ጌዔኔ።

40 ዬያ ጌዒጋፓ ፔኤኮ ኩጮና ቶኮና ዔያቶ ዳዌኔ፤

41 ዔያታ ኮሺ ዋዛዲ፣ ሃሣ ዲቃቲ ሄርሺያይዳፓ ዔቆያና ዬያ ጎኔኬ ጌዒባኣሴ። ዬሱሴ ማሃቶ፡- «ዔኤቢ፣ ሙዖ ባኣዚ ዒንሣኪኮ ዓኣ?» ጌይ ዔያቶ ምጫዛ።

42 ዔያታ ሚቸንቴ ሞሎ ዓሽኪ ዳካ ዒዛም ዒንጌኔ።

43 ዒዚያ ዔኪ ዔያቶኮ ቤርታ ሙዓቶ፡-

44 «ቤርታ ዒንሣና ዋላ ታ ዓኣ ዋዶና ሙሴ ዔርዜ ዋጎይዳ፣ ምኡሲ ማሊ ዬኤዛ ዓሶና ዓይኑም ማፃኣፖናይዳ ታ ዛሎ ፃኣፒንቴሣ ቢያ ኩማንዳያ ኮይሳኔ ጌዒ ታ ዒንሣም ኬኤዜ ቃኣላ ሃያኬ» ዔያቶም ጌዔኔ።

45 ዬካፓ ጌኤኮ ማፃኣፖ ማሊ ዔያታ ጳቂሣንዳጉዲ ዒኖ ዔያቶኮ ቡሌኔ።

46 ዒዚ ዔያቶም፡- «ሜሲሄ ሜቶ ዔካንዳሢና ሃይሣሳ ኬሎና ሃይቢዳፓ ዔቃንዳሣ ቤርታዲ ፃኣፒንቴኔ፤

47 ዬያጉዲ ሃሣ ዒዛኮ ሱንፆና ጎሜ ቡኡዒ ጌኤሽኪሣ ዛላኮ ኮሺ ሃይሴ ዬሩሳላሜይዳፓ ዓርቃቶ ቢያ ዓጮይዳ ዓኣ ዳርም ኬኤዚንታንዳጉዲ ጌይንቴኔ።

48 ዒንሣያ ዬያ ባኮኮ ቢያ ማርኮንሣኬ፤

49 ዓካሪ ታኣኒ ታ ዓዳሣኮ ሃጊ ማዓንዳ ዋዛ ዒንጊፆ ዒንሣም ዳካንዳኔ፤ ዒንሣያ ዋለቂ ዒንሣም ሎፓ ዒንጊንታንዳያ ሄላንዳኣና ዬሩሳላሜ ካታሞይዳ ዳዑዋቱ» ዔያቶም ጌዔኔ።

ዬሱሴኮ ለካ ጨሪንጮ ዔውቲፆ
(ማር. 16:19-20፤ ዳኪ. ማዶ 1:9-11)

50 ዬካፓ ዬሱሴ ዔያቶ ዬሩሳላሜ ካታማፓ ኬሲ፣ ቢታኒያ ጌይንታ ቤዞ ሄላንዳኣና ዔኪ ዳንዳፆ ዒኣኪ ኩጮ ዒዛኮ ዔያቶ ዑፆ ፒሺ ዔያቶ ዓንጃኔ።

51 ዲኢካ ዔይቶ ዲ ዓንጃ ጎይሣ ዓኣዖ ዔይቶይዳፓ ዲማዲ ሌካ ጫሪንጮ ዔውጥኑ።

52 ዔይታኣ ዲዛሞ ዚጋዖ፡ ደኤፒ ዋዛና ገንሣ ዩሩሳሌሜ ማዒ ዓኣዲ።

53 ሃሣ ዖኣሲ ጋላቲ ጋላቲ ቢያ ኩሊና ጌኤዡ ማኣራፓኣ ዔይታ ዲማዲባኣሴ።

ጌሌዢ ማጻሕፍት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929